

Оноре де Бальзак

САГРИ ТЕРИ ТИЛСИМИ

РОМАН

Мирзиёд Мирзоидов ва Маҳкам Махмудов таржималари

ТОШКЕНТ
ҒАФУР ҒУЛОМ НОМИДАГИ АДАБИЁТ ВА САНЪАТ НАШРИЁТИ
1981



Стерн. «Тристрам Шенди», СССХП боб

ТИЛСИМ

Ўтган йилги октябрь ойининг охирлари эди. Қиморхоналар эндигина очилган. Шу пайтда бир ёш йигит Пале-Роялга кириб келди. Бу қиморхоналар, давлатга солиқ тўлаб туришар, ўз моҳиятига кўра улар ишқибозликларни муҳофаза этувчи қонун ҳимоятида эдилар. Йигит ҳеч иккиланмай, пешонасига 36 рақами ёзилган қиморхона зиналаридан юқори қўтарилди.

—Марҳамат қилиб, шляпаларини қолдирсалар,— кескин оҳангда қичқирди рангпар бир қария. Тўсиқ ортида панаалаб турган бу одамнинг совуқ турқи бирданига пайдо бўлиб қолди.

Қиморхонага киришингиз биланоқ қонун дарров шляпнгизни тортиб олади. Эҳтимол бу ўзига хос инжил ояти, тангри таолонинг огоҳлантиришидир? Ёки, янада тўғрироғи, бандалардан қандайдир гаров талаб этувчи жаҳаннам шартномасидир? Эҳтимол, бор-йўғингизни шилиб оловчиларни ҳурматлаш учун шундай қилиш керакдир? Эҳтимол, барча ёриқ-тешикларга кира оловчи полиция шляпадўз устангиз кимлигини, ёки (агар астарига исмингизни ёзиб қўйган бўлсангиз) ўзингизнинг кимлигингизни билиб олишни хоҳлар? Ниҳоят, эҳтимол, шляпангиздан бош чаноғингиз ҳажмини ўлчашиб, қиморбозларнинг ақлий қобилиятларини кўрсатувчи ибратли статистика жадвалларини тузишар? Қиморхона маъмурияти бу масала борасида лом-мим демайди. Аммо, сиз шуни билиб қўйингки, қиморхонадаги яшил мовутли стол томон биринчи қадамни босишингиз билан шляпангиздан айриласиз. Худди шунинг каби,— ўйин чангалига тушганингиздан кейин,— бор бисотингиз; шляпангиз, ҳас-сачангиз, плашингиз ҳам ўзингизники бўлмай қолади, ҳатто ўзингиз ҳам.

Ўйиндан чиқаётганингизда эса қиморхона сақлашга берган буюмингизни қайтаради — ўзингизга ҳам бирон буюмингиз қолганини ҳақоратомуз ашёвий далил билан кўрсатиб,

ўлгудай калака қиласи. Мабодо бош кийимингиз янги бўлса, қиморбоз алоҳида либос кийиши лозим, деган ўгитнинг сиз учун бир чақалик аҳамияти қолмайди.

Йигит кўп тутилганидан соябони сал яғирлашган шляпасини бёриб рақам олаётганида юзида ажабланиш ифодаси пайдо бўлди. Бу унинг тажрибасизлигини кўрсатарди; афтидан, жуда ёшлигиданоқ ишқибозликнинг қайноқ лаззатлари ботқоfiga ботган чол йигитга нурсиз, бефарқ нигоҳ билан қаради. Файласуф бу нигоҳдан касалхоналар қашшоқлигини, хонумони куйганларнинг дарбадарлигини, сувга чўкканларнинг сафларини, бир умрли каторгани, Гусакоалько сургуналарини ўқиб олиши мумкин эди. Чолнинг ҳозир фақат *Дарсенинг ёвғон шўрвасига* куни қолганлигидан далолат берувчи, ғажиб ташлангандай, қонсиз юзи ниҳоятда тубан ишқибозликнинг рангпар тимсоли эди. Манглайдаги чуқур ажинлар унинг доимий изтироблардан боши чиқмаслигини кўрсатарди: ўзгина маошининг ҳаммасини олган куниёқ ютқиса керак. У ҳар қандай қамчи ўтмайдиган қирчангиларга ўҳшаб қолганди. Ҳар қандай вазиятда пинагини бузмас, қимордачув тушган баҳтсизларнинг бўғиқ фарёдлари, сассиз қарғиш, лаънатлари, овсарларча маъносиз боқишлиари бу кишини заррача ҳаяжонга солмас эди. Бу одам қимор тимсоли бўлиб қолганди. Агар йигитча бу тунд «пойлоқчи ит»га яхшироқ разм солганида, эҳтимол, юрагида қимордан бошқа ҳеч вақо йўқ, деган фикрга келар эди. Аммо йигит тангрининг ўз томонидан қўйилган, ҳар қанақа ишратхонанинг дарвозахонасини хунук қилиб турадиган бу ибрат тимсолининг овозига қулоқ осмади.

Йигит дадил қадамлар билан залга ўтди, бу ерда очкўзлик домига тушган дилларни олтин жарангни сеҳрлаб, кўр қилиб қўйган эди. Чамаси, йигит бу ерга *Жан-Жак* Руссонинг энг мантиқли ҳикматларидан бирига амал қилиб келганди: «Ҳа, одам қиморхонага бориши мүмкинлигини тасаввур қиласман, аммо у ерга одам фақат ҳаёт-мамотини ҳал қилувчи охирги экюси¹ қолгандагина боради», деган эди буюк мутафаккир.

Оқшомлари қиморхоналар тароватсиз бўлади. Аммо қонли фожиалар тунда авж олгандай, қиморхоналар ҳам шу пайтлардә жонланади. Заллар қиморбозлар ва томошабинларга тўлади; ҳеч вақси қолмаган, исингани келган қарияларга, жон талвасаси шароб билан бошланиб, Сена дарёсида чўкиш билан тугайдиган ҳаяжонли башараларга тўлади. Бу ерда эҳтирослар тўлиб-тошади, аммо «актёрлар»— ўйинчиларнинг кўплиги қимор иблисининг юзини аниқ кўришга халал беради. Кечқурунлари роса катта томоша бўлади, бунинг устига бу ерда «артистлар»нинг ҳаммаси бақириб-чақи-

¹ Экю — беш франк.

ради, оркестрдаги ҳар бир чолғу ўзича садо чиқаради. Сиз өу ерда кўпгина мұхтарам зотларни кўраеиз, улар бу ерга кўнгил очишига келишади. Бирорлар томоша ёки ширин тасм учун пул тўлайди; бирорлар арzon-гаровга бирор ҳужрачада бир кечи фоҳиша билан яллашгани учун кейин уч ой алам-афсус чекиб қарзини узади. Бу ердаги томошалар бирорвга қиммат, бирорвга арzon тушади. Аммо, ишратхона қачон очиляркин, деб тоқати тоқ бўладиган одамнинг қанчалар эҳтиросга фарқ бўлишини тушунармикансиз? Кечқурунги қиморбоз билан эрталабки қиморбоз ўртасидаги фарқ худди бегам эр билан севгилисини дераза олдида интизор кутаётган ошиқ ўртасидаги фарқقا ўхшайди. Фақат эрталабгина қиморхонада қалтираб-қақшайдиган, эҳтиросли ва даҳшатли мұхтожликни учратасиз. Фақат эрталабгина ҳақиқий қиморбозни кўрасиз. Емай, ичмай, ухламай, яшамай, ўйламай, ҳар доим икки баравар ошириб пул тикиб ютқизиш балосидан шафқатсиз зарба еявериб, ахир қачон «трант-э-карант» чиқаркин, деб кўзлари тўрт бўлиб кутавериб, жони ҳалак бўлган қиморбозларни томоша қила оласиз. Мана шу машъум лаҳзаларда осойишталиги сизни даҳшатга солувчи кўзларни, сизни сеҳрлаб қўювчи чеҳраларни, гёё қарталарни кўтариб, еб қўяман, дейдиган нигоҳларни сезасиз.

Хуллас, қиморхоналар фақат ўйин бошланғандан кейин қизиқ бўлади. Испанияда буқалар жанг бор. Римда гладиаторлар бор эди. Париж ўзининг Пале-Рояли билан мағурланади. Пале-Роялда рулетка сизни қиздириб, юрагингизни шувиллатишидан лаззатланасиз. Бу манзарарада ҳам дарёдарё қон оқади-ю, аммо партерда ўтирган томошабинларнинг оёқларини ҳўл қилмайди. Шу саҳнага бир нигоҳ ташлашга уриниб кўринг, ичкари кириңг... Бошдан-оёқ ғарифликни кўрасиз! Деворларга қоқилган, ёғ босган гулқоғозлар заррача бўлса ҳам қўнглингизни очмайди. Одам бошини уриб ўзини ўлдириш учун мих ҳам топилмайди. Паркет пол сийқаланиб, ифлосланиб кетган. Залнинг ўртасида чўзинчоқ доира стол. Унинг мовути олтин тангалардан сийқаланиб кетган. Стол атрофидаги стуллар тирбанд. Тўқима похол ўриндиқли жуда оддий стуллар бу ерга фалокат босиб, бойлиқ ва дабдаба деб келган одамларнинг дабдабага ҳайратомуз бефарқлигини кўрсатади. Одам дилига ёқмайдиган иш қилган вақтларда ҳамиша шундай зиддиятлар пайдо бўлаверади. Ошиқ ўз маъшуқасини ипак либосларга, Шарқнинг майин атлас-шойиларига буркашни хоҳлайди, аммо кўпинчә унга оддий тўشاқда етишади. Олий мартабаларни орзу қилувчи амалпараст кўпинча қулларча хушомад ботқоғида судралиб юради. Савдогарнинг заҳ ва димиққан дўконида не ҳасратлар билан пул топиб соглан данғиллама уйлари, ўроқда йўқ-машоқда йўқ, хирмонда тайёр меросхўр ўғилга қолади. Ўғил ҳам акаси билан судлашиб, енгилгач, уйдан

ҳайдаб чиқарилади. Ниҳоят, ишратхоналардай кўнгилсиз жой борми дунёда? Одам ўзи билан ўзи олишиб, фалокатлар ёғилиб келганда келажакдан умидини узади, яна келажакка умид билан фалокатлардан ўзини ҳимоя қиласди, ҳамма қилмиш-қидирмишларида одамга хос саботсизлигини ва заифлигини ошкора қилиб қўяверади. Бу дунёда баҳтсизликдан бошқа ҳеч нарса тўла-тўкис бўлмайди.

Йигит қиморхонага кирганида бу ерда аллақачон ўйин бошлиган эди. Яшил мовутли стол атрофида тепакал учта чол стул суюнчиғига ўхаш ҳиссиз, девордай юзлари ҳаётдан тўйган одамлар эканлигидан далолат берарди. Буларнинг юраклари аллақачон ҳаяжонланиш нималигини билмай қолган, улар ҳатто хотинларининг ота-бобосидан қолган ер-сувлари қартага тикилганида ҳам заррacha ҳаяжонланмайдилар. Зайтунранг юзли, ёш, қорасоч итальян йигит ўзининг пинҳоний сезгиларига, «Бор!» ёки «Йўқ!» деган маъшум садо берувчи сезгиларига қулоқ согланича, стол қиррасига тирсаги билан суюниб, хотиржам ўтирарди. Жанублик бу йигитнинг юзи олтин ва олов рангида эди. Етти-саккиз томошабин галеркада ўтиргандай саф тортишиб, тақдир хоҳиши, ўйинчиларнинг юзлари, пул ва куракчаларнинг ҳаракати қандай томоша кўрсатишини кутишар эдилар. Бу такасалтанг одамлар Гре майдонида жаллод аллақайси бечоранинг бошини узишини томоша қилишга тўпланган оломондай, овоз чиқармай, миқ этмай, бутун диққатини ўйинга қаратишган эди. Яғири чиққан фрак кийган, бир қўлида ёғ босган дафтар, бошқа қўлида тўғнағич ушлаган баланд бўйли жаноб неча марта қизил ва неча марта қора қарта очилишини белгиламоқчи бўларди. Асрининг лаззатларидан ўзини четга тортган замона Танталларидан бири бўлган бу одам тасаввурнида пул тикиб ўйнайдиган хасислар тоифасидан эди. Черковда ёш руҳоний эрталабки ибодат вақтида одамларнинг қилган гуноҳларини кечиришини ва хавф-хатарларни даф этишини олло таолодан сўраб дуо қиласди. Баъзи ваҳимачи телбалар ҳам шунга ўхаш ўзларини хом хаёллар билан овутадилар. Бояги жаноб ҳам шундайлардан эди. Қиморбоз йигитнинг қаршисидан қамоқлар билан ҳам қўрқитиб бўлмайдиган, ўйндаги барча имкониятларни билувчи, пиҳини ёрган каторгачи-жиноятчиларга ўхаш ўткинчилар жой олган эдилар. Булар кези келса, уч марта пул тикиб, ютуқ чиқиши билан қиморхонадан чиқиб кетишни мўлжаллаган одамлар эдилар. Уларнинг бор бисоти манә шу сўнгги ютуқда эди. Иккита қари қарол қўлларини кўкрагига чалкаштирганича у ёқдан-бу ёқقا бориб келишар, гоҳо деразадан боғ томонга қараб, ялпоқ юзларини эълондай кўрсатиб қўйишар эди. Кассир ва банк очувчи қиморбозларга азроилдай тунд қараб, бўғиқ овоз билан эндиғина «тикинглар!» деб турган-

да эшик очилиб, бояги йигит кириб келди. Сукунат яна ҳам чуқурлашди, ҳамманинг нигоҳи қизиқиши билан янги келган одамга қаратилди. Фаройиботни қаранг! Номаълум одам пайдо бўлиши билан тўнка бўлиб қолган чоллар, тошга айланган қароллар, томошибинлар, ҳатто мутаассиб итальян йигит — ҳамма-ҳаммаси қандайdir даҳшатни кўргандай қотиб қолишиди. Одатда бу залда ҳамиша ғам-андуҳ ичга ютилади, бироннинг кулфатига ҳамма кулади, дод-фарёд оддий нарса ҳисобланади. Бу ерда бироннинг шафқатига сазовор бўлиш учун ўтакетган баҳтсиз, бироннинг меҳрини қозониш учун жуда заиф, бироннинг кўнглини эритиш учун жуда ғариб киши бўлиш керак. Йигит кириб келганида мана шу тўйгуларнинг ҳаммасини ифодаловчи янги қайфият одамларнинг муз юракларини ларзага келтирди. Ахир баъзан жаллодлар ҳам революция буйруғи билан кесилган қизларнинг жажжи бошлари устида кўз ёшлари тўкишган-ку!

Ўйинчилар бир қараашдаёқ янги келган одамнинг юзидағи даҳшатли бир сирни уқиб олишди; унинг нозик вужудидан чексиз ҳасрат, мунг ёғилар, ёшгина чехрасида беҳуда уринишларнинг, пучга чиққан минглаб умидларнинг излари бор эди!

Унинг рангсиз, қони қочган манглайида ўзини ўлдиришга тоғланган қотилнинг даҳшатли хотиржамлиги, мийигида енгил ва дардли табассум, унинг бутун чехрасида шундай бир тушкунлик бор эдики, одам қараашга қўрқарди. Чамаси, чексиз лаззат изтиробларидан ҳоригац, туманлашган бу кўзларнинг туб-тубида яширин бир даҳо-заковат ярқиради. Эҳтимол, бу фариштали чехрадан илгари нур ёғилиб турган, энди эса бебошлик ифлос тамғасини босгандир? Чехрасидаги қизил доғларни ва қовоқлари салқиганини кўрган докторлар бу йигитнинг юрак санчиғи ёки кўкрак сили бор, деб ўйлаши мумкин. Шоирлар эса фанга ўзини бағищлаган одам ишчироқ ёруғида уйқусиз кечаларни ўтказганда шундай аломатлар бўлади, деб ўйлашарди. Аммо, янада даҳшатлироқ эҳтирос, ақлий меҳнатдан ва заковатдан кўра шафқатсизроқ дард-касаллик бу ёш чехрани сўлдириб, хунуклаштириб, серғирант мушакларини шаллайтириб қўйган, эндинга фарёдлар, меҳнат ва касаллик ёпишган юрагини ҳолдан тойдирган эди: Каторгада машҳур жиноятчи пайдо бўлганида маҳбуслар уни иззат-хурмат билан кутиб олишади. Шунга ўхшаб, қиморхонада тўплланган, кўп жабру жафолар чекиб пишиб кетган, одам қиёфасидаги бу иблислар ҳам янги пайдо бўлган нотаниши одамнинг юзидағи мислсиз қайғу, чуқур дард-ҳасратдан, лабларидаги сассиз киноядан, камбағалникига ўхшамаган башанг кийимидан ўзларининг подшоҳларидан бири келганлитини сезиб қолишиди. Йигитнинг эгнида қўмматбаҳо фрак бор эди, аммо галстуги жилетининг ёқасига шу қадар ёпишиб турардики, унинг ичидаги кўйлаги

бор-йўқлиги билинмас эди. Аёлларнидай нозик қўлларини жуда ҳам тоза дейиш қийин эди,— ахир у икки кун қўлқопсиз юрганди. Банк очувчи ва ҳатто лакейларнинг сесканиб кетганининг боиси шуки, йигитнинг нозик ва келишган жуссасида, қўнғир ва сийрак, табнатан жингалак соchlарида ҳамон бегуноҳлик, поклик жозибаси бор эди. Чеҳрасидан йигитнинг йигирма беш ёшларда эканлиги, бузуқлик йўлига тасодифан кириб қолгани сезиларди. Ёшлик яшноқлиги ҳали қонмаган лаззатпастликнинг вайронгарчилигига қаршилик кўрсатарди. Унинг бутун вужудида зулмат ва нур, ажал ва ҳаёт курашар, эҳтимол, худди шунинг учун йигит қандайдир мафтункор ва даҳшатли таассурот қолдиради. Ёш йигит бу ерга худди ҳақ йўлдан тойган ва нури сўнган фариштадай кириб келди. Тишлари тўкилган кампир бузуқлик йўлига кираётган гўзал қизга раҳми келиб, «Бу ердан кетинг!» дегандай, мана шу гуноҳ ишлар ва шармандали эҳтирослар борасида хизмат кўрсатган «устозлар» ҳам кетинг, деб қичқиришга тайёр эдилар.

Йигит тўғри қимор столи олдига ўтиб тўхтади ва ўйлаб ўтирмай олтин тангасини мовутга ташлади; танга мовутнинг кора томонига думалаб кетди, йигит зиқна одамларга хос иккиланишдан нафраланадиган барча кучли одамлардай, банк очувчига тик ва хотиржам боқди. Уйиннинг бундай бориши шу қадар қизиқиши туғдирдики, чоллар пул тикмадилар; аммо, итальян йигит мутаассибларча эҳтирос билан, хаёлига келган фикрга амал қилиб, ўзининг ҳамма олтинларини нотаниш йигитга қарши тикди. Кассир одатдаги сўзларини айтишни, «Тикинг!», «Тикканынгиз ҳисоб!», «Бошқа тикманглар!» деб хириллашни ҳам унүтди. Банкчи картани очди. Мана шу даҳшатли қўнгилхушликни уюштирган, ютганга ҳам, ютқизганга ҳам бефарқ қарайдиган, шу автомат киши ҳам янги келган одамга омад тилар эди. Ҳамма бирдай бу олтин танга фожиаси, покиза ҳаётнинг охирги саҳнаси нима билан тугашини билишга қизиқиб, нигоҳларини машъум қартага қадаган эдилар. Аммо, улар гоҳ йигитдан, гоҳ қарталардан кўзларини узмасалар-да, йигитнинг совуқ ва итоаткор юзида заррача ҳаяжон аломатини сеза олмадилар.

— Қизил ютди, қора ютқазди,— расмий оҳангда эълон қилди банкчи.

Кассир мовутга бир даста буқлогли пулларни ташлаётганини кўрган итальян йигитнинг кўксидан хирқиашга ўхшаш бир садо отилиб чиқди. Ёш йигит эса куракча сўнгги олтин наполеондорига узатилганини кўрганидан сўнггина ўзининг тамом бўлганини сезди. Фил суюги тангага енгил урилиши билан олтин танга ўқ тезлигида кассир олдида турган олтинлар тўпига думалаб кетди. Нотаниш йигит аста кўзларини юмди, лабининг қони қочди, аммо у шу заҳоти

кўзини очди; лаблари ҳақиқдай қизариб кетди. Шу тобда у дунёдаги ҳамма сирларнинг тагига етган совуққон инглизга ўхшаб қолди. Йигит томошибинларга умидлари чилпарчин бўлган одамнинг сўнгги фарёдли нигоҳини ташлашни ва бу билан ўзига хайриҳоҳлик тилашни истамай, шу заҳоти гойиб бўлди. Биргина дақиқа ичида қанча воқеалар бўлиб ўтади, куракчанинг биргина зарби қандай улкан маънолар англатади!

— Бу, албатта, унинг сўнгги бисоти эди,— деди кулимсираб крупье (ўйинбоши) ва бир лаҳза сукутдан сўнг олтин тангани икки бармоғи билан ушлаб, одамларга кўрсатди.

— Ақли жойидами! Жиннилик қилиб яна ўзини дарё-парёга ташламаса,— деди қиморхонанинг доимий ўйинчила-ридан бири ўтирганларга қараб. Улар ҳаммаси бир-бирига таниш эди.

— Бўлмаган гап!— хитоб қилди қарол бир чимдим та-макини бурнига тутар экан.

— Мана бу жанобга ўхшаб иш қилганимизда қандай соз бўларди!— деди чоллардан бири улфатларига итальян йигитни кўрсатиб.

Ҳамманинг нигоҳи қогоғ пулларни қўллари қалтираб са-наётган баҳтиёр қиморбозга қаратилди.

— Кўнглим сезиб турганди,— деди итальян йигит,— «бу одам умидсизликка тушиб турибди, ўйлаб ўйнасан ютаман», деган фикр хаёлимга келаверди.

— Шуям қиморбоз бўлдими,— сўз қотди кассир,— қимор-боз пулларини учга бўлиб тикарди, шунда ютиш имкони кўпаяди.

Ютқизган нотаниш йигит қиморхонадан чиқаётганида шляпасини олишни унутди. Аммо бу ернинг «тозиси» йигит-нинг бир аҳволда чиқаётганини кўриб, индамай унга жул-дур матоҳини узатди: ёш йигит беихтиёр рақамчани қайта-риб берди ва «*Di tanti paplitti*»¹ деган мафтункор куй оҳангига ўзи ҳам эшифтайдиган даражада аста ҳуштак ча-либ, зинадан туша бошлади.

Кўп ўтмай, йигит Пале — Рояль гумбазлари остидан чиқди, у ердан Сент-ОНоре кўчасига ўтиб, *Тюильри* боғига бу-рилди ва журъатсизлик билан боғни кесиб ўтди. У саҳрода кетаётгандай эди, қаршидан келаётган одамларга уриниб-туртинса ҳам, ҳеч кимни кўрмасди. Кўча шовқини орасида унга фақат бир сас — ўлим овози эшитиларди. У Адлия қас-ридан Гре майдонига, 1793 йилдан буён тўкилаётган қонлар-дан қизариб кетган эшафотга олиб борилаётган жиноятчи-лардай, ўйга гарқ бўлганича муз қотган эди.

¹ Россинининг «Танкред» операсидан. «Нечун бу ҳаяжон?..»

Уз жонига қасд қилишда қандайдир буюклик ва даҳшат бор. Болалар пастроқ жойдан йиқилганда ҳеч қаери лат емайди, кўпчилик одамларнинг қулаши шундай, қўрқинчли эмас. Буюк одам эса жуда катта баландликдан, самога кўтарилиган ва ҳеч кимга насиб қилмайдиган жаннатни кўрган жойидан қулайди ва пачоқланиб кетади. Одамни тўппонча оғзидан ором тилашга мажбур қилган довуллар нақадар шафқатсиз бўлиши керак. Зерикканидан паشا қўрийдиган, олтин-кумушлар чарчатган оломон олдида мансардага — диққинафас ҳужраларга қамалиб, миллионлаб жонли вужудлар орасида ғарқ бўлиб кетган қанчадан-қанча ёш искеъдодлар сўлади ва ҳалок бўлади: негаки буларнинг яқинида қўллайдиган бирор дўсти, кўнглига тасалли берадиган бирор аёл бўлмайди! Шу ҳақда ўйлаб қўришимиз билан кўз ўнгимизда ўз жонига қасд қилишнинг буюк маъноси пайдо бўлади. Ёш йигит ҳаётбахш орзу-умидлар оғушида, қанчадан-қанча ижодий ниятлар билан, қанчадан-қанча шеър ёзман, деб Парижга келади. Аммо оқибатда йигит тушкунликка тушади, ҳавас-ҳайратлари бўғилади, уринишлари смарасиз қолади, дурдона асарлари чала туғилади. Охири ўлимига рози бўлади. Бу ишларнинг ҳаммаси ёлғиз худога аён. Ҳар қандай ихтиёрий ўлим — тушкунликнинг юксак достони. Қўйидаги газета хабарига эътибор беринг:

«Кеча кундузи соат тўртда ёш аёл Санъатлар кўприги устидан Сенага ўзини ташлади».

Адабиёт уммонида кўнгилни ларзага солиш қуввати жиҳатдан мана шу газета хабарига тенг келадиган, у билан рақобат қила оладиган бирор асар топилармикан?

Бундай Парижча лўндалиқ олдида драмалар, романлар, ҳатто йўқолиб кетган ва фақат ягона парчаси сақланиб қолган қадимий китобнинг «Уз фарзандлари томонидан чоҳга ташланган шавкатли Карнава қиролининг фарёди» деган сарлавҳаси ҳам ҳеч нима бўлмай қолади. Хотини ва болаларини ташлаб кетган Стерн ҳам бу китоб устида кўз ёши тўккан эди.

Жанг пайтида тилка-пора бўлган байроқлар ҳилпирагандай, нотаниш йигитнинг бошида ҳам шунга ўхшаш узуқ-юлуқ фикрлар ғужғон ўйнарди. У майсалар орасида шамол эпкини енгил чайқалтираётган гуллар олдида тўхтаб бир зум ўй-хаёллар ва хотиралар юкини улоқтириди; сўнг ўлимни ўйлаб қийналлаётганини, ҳаётга талпинаётганилигини сезиб, осмонга боқди, бироқ муаллақ, сурранг булатлар, шамолнинг эзилиб увиллаши ва суяқ-суякка ўтаетган заҳ куз ҳавоси унинг ўлимга иштиёқини яна кучайтириди. У ўзидан аввал ўтган, ўзини ўлдирган ўтмишдошларининг сўнгги истакларини ўйлаб, Қирол кўприги олдига яқинлашди. Лорд Каслриф ўзини бўғизлаш олдидан заҳар ушатганилигини, академик Оже ўлимга кетаётib, тамакидонини излаганини

жилмайди. Бундай ғалати қилиқларнинг маъносини ўйлаб кетаётib, бирдан ўзи ҳам бозорчи ҳаммолга йўл бераман, деб кўпrik раҳига суюнганида фракини енгига юқиб қолган оҳакка ўхшаш нарсани астойдил қоқаётганини сезиб қолди.

— Одам чўқадиган ҳаво бўлмаялти,— масхараомуз кулиди жулдуровоқи бир кампир.— Сена ҳозир ҳам ифлос, ҳам совуқ!..

Йигит кампирга сидқидилдан жилмайиб қўйди. Бу жилмайишда мажнуналарча қатъият бор эди. Аммо, шу заҳоти Тюильри соҳилида улкан ҳарфлар билан ёзилган «ЧЎҚАЁТ-ГАНЛАРНИ ҚУТҚАРИШ» деган ёзувни кўриб, юраги шув этиб кетди. Дарров хаёлига «одампарварлиги» билан машҳур бўлган жаноб Деше келди. Деше ҳалоскор эшкакларини зўр бериб ишга солар, шўринг қурғур чўкаётган одамнинг сувдан боши чиқиб қолса уриб пачоқлар эди. Йигит кўпинча жаноб Дешенинг бекорчиларни атрофига тўплаб, доктор қидиришини, ўликни ёқишига ҳозирланишини кўрган эди. Жаноб Деше қизгин базмда ўтириб, шўх раққоса билан учрашиб, шу орада журналистларнинг таъзияномаларини ўқирди. Йигит ўзининг ўлиги учун полиция префекти санаб берадиган олтин экюларнинг жарангини эшишгандай бўлди. Унинг ўлиги эллик франк туради, аммо тирик бўлса-чи — ёмғирдан сақланиш учун бошпанаси ҳам, ёр-дўстлари ҳам, похол тўшаги ҳам бўлмаган истеъоддли одам холос, тириклигига у жамият учун икки пулга қиммат, давлатга кераксиз; давлат ҳам унинг заррача ғамини емайди. Куппа-кундузи ўлиш унга жуда хунук туюлди, у кечаси чўкишига қарор қилди. У буюк руҳини тан олмаган жамиятга ўлигини ҳамраво кўрмади. Шунинг учун у вақтини қандай ўтказишни билмай, тентираб юрган бегам одам қиёфасида бу ердан нарироққа, Вольтер соҳилига қараб юрди. У кўпrik охиридаги зиналардан тушаётганида соҳилнинг муйилишида кўпrik раҳига териб қўйилган эски китобларга кўзи тушди ва саҳҳоф билан баҳолашиб га сал қолди. Сўнг ўз устидан кулиб, файласуфларча икки қўлини жилетининг чўнтакларига тикиди ва яна бегамларча юришда давом этди. Бу юришда ҳамма нарсага совуқон нафрат бор эди. Аммо, шу заҳоти чўнтагига мўъжизадай туюлган тәнгаларнинг жарангини эшитиб қолди. Умид табассуми унинг юзини ёриштириб юборди, бу табассум-аввал лабларига, сўнг бутун юзига, манглайига ёйилди, кўзларида, қорайган ёноқларида шодлик олови ёнди. Бу баҳтиёрлик шуъласи худди ёниб адо бўлган қофознинг охирги чўғланишига ўхшарди; аммо, тез қўлларини чўнтакдан олиб, икки сулиқ учта тангани кўрганда унинг юзи яна тақдирнинг тунд рангини олди — юзига яна қайғу чўқди.

— Саховат қилинг, жаноб, 1a carita! La carita! Catarina!¹
Ақалли нонга бир су беринг!

Жулдур кийимли, юз-кўзлари қорайиб кетган мўри тозаловчи бола бу одамнинг сўнгги чақаларини сўраб, қўлини чўзди.

Кичик савоярдан икки қадам нарида жулдур кийимли, журъатсиз, касалманд, дард чеккан қари тиланчи қўпол ва ҳирқироқ товуш билан илтижо қиласди:

— Жаноби олийлари, берганингизча беринг, худо сизни ўз паноҳида сақласин...

Аммо йигит чолга қараси билан у индамай қолди, у энди ҳеч нарса сўрамас, йигитнинг ўлим соя ташлаган юзида ўзиникидан ҳам кўра зўрроқ муҳтоҷликни сезган эди.

— La carita! La carita!

Нотаниш йигит болага ва чолга бор тангларини ташлади, соҳил сўқмоғидан тушиб, Сенанинг даҳшатли турқини кўрмаслик учун уйлар оралаб кетди.

— Худо сиҳат-саломатлик берсин!— деб қолишидди иккала тиланчи ҳам.

Бу чалажон одам эстамплар магазинига яқинлашганида ҳашаматли файтундан ёшина аёл тушди. Йигит оппоқ чехрасини ҳашамли шляпа устидан ўралган атлас дурра безаб турган бу гўзалга завқ билан боқди. Қизнинг келишган қомати, нозик-нафис ҳаракатлари йигитни мафтун қилди. Файтун зинасидан тушаётгандан қиз кўйлагининг этагини хиёл кўтарганида оппоқ пайпоги таранг тортилиб турган оёғи кўриниб кетди. Жувон магазинга кириб, альбомлар ва тош босма суратлар коллекцияларини харид қила бошлиди; у бир неча олтин танга тўлади, танглар ғаладонга тушаётганида ялтираб, жаранглаб кетди. Йигит магазиндан чиқаверишдаги гравюраларни томоша қилган бўлиб, нотаниш гўзалга ўткир нигоҳ ташлади. Эҳтиросга тўла нигоҳ эди бу. Аммо бунга жавобан ёш гўзал ўткинчиларга қарагандай бепарвогина қараб қўйди. Йигит учун бу — муҳаббат билан, аёл зоти билан сўнгги хайрлашув эди! Аммо бу сўнгги, эҳтиросли даъватни тушунишмади, енгилтак гўзалнинг қалби заррача ҳаяжонланмади, бу нигоҳдан аёлнинг юзига қизиллик югурмади, кўзлари ерга қадалмади. Бу йигит ким бўлипти унинг учун? Бу қиз учун одатдаги яна бир ҳайратли нигоҳ, ўзи уйғотган яна бир эҳтирос холос. Қиз уйига борганида кечқурун ўзидан кўнгли тўлиб: «Бугун жуда очилиб кетибман», деб қўя қолади. Йигит нариги ойна томонга ўтди ва нотаниш гўзал файтунга ўтираётгандан қарамади ҳам. Отлар жойидан жилишди, шу билан фаровонлик ва гўзалликнинг сўнгги манзараси ҳам сўнди; йигитнинг умри ҳам шундай сўнади.

¹ Хайр қилинг! Хайр қилинг! Муқаддас Екатерина ҳаққига!

Йигит ланж қадамлар билан магазинларни айланишда давом этди, у витриналардаги молларнинг намуналарини ҳеч бир қизиқишиз кўздан кечиради. Дўконлар тугаганида у *Луврни*, Академияни, *Биби Марям ибодатхонаси* минораларини, Адлия қасри минораларини, Санъатлар кўпригини томоша қила бошлади. Осмоннинг сўниқ рангларини, булутлар орасидан тушиб турган хира ёруғликни акс эттирган бу иншоотларнинг ҳаммаси тунд, совуқ кўринар, ғалати бир инжиқлик билан гоҳ хунук, гоҳ гўзал бўлиб турувчи чиройли хотинга ўхшаган Парижга қандайдир дарғазаб тус берарди. Асаб толаларимиз бўйлаб физиллайдиган флюидлардан иборат чиритувчи кучлар домига тушган йигитнинг бутун вужуди сув бўлиб оқиб кетаётганга ўхшарди. Бу талваса азоблари туфайли унга бутун борлиқ чайқалаётгандай кўринарди. Одамлар, иморатлар туман орасида қалтираб кўринарди. У моддий оламнинг ғашга тегувчи таъсиридан қутилишни истарди. Туйғуларига озиқ бериш ёки ақалли қоронғи тушгунча санъат асарларини баҳолашиб вақтни ўтказиш мақсадида қадимий буюмлар дўконига йўл олди. Одатда дор остига бораётган жиноятчи, ўз кучига ишонмай ўзини ўнглаб олиш учун қувват берувчи бирор ичимлик сўрайди. Аммо, у ўлим яқинлашганлигини сезиб, иккита хуштори бўлган герцог хонимдай дадиллашди. У қадимий буюмлар дўконига мағрур, маст табассум билан кирип борди. Дарвоҷе, у ҳаётдан маст ёки ўлими яқинлашиб қолганидан маст эмасмикин? Кўп ўтмай йигитнинг яна бешинч айланана бошлади, бирдан ҳаммаёқ ғалати рангларга бўялиб, жонланиб, енгил чайқалиб кўрина бошлади. Шубҳасиз, бу йигитнинг вужудида қон айланishi бузилганидан, томирларида гоҳ шаршарарадай айқириб, гоҳ илиқ-милиқ сувдай оҳиста сизилаётганидан эди. У, залларни айланаб дидига ўтирадиган бирор ноёб нарса қидирмоқчи эканлигини айтди. Денгиз мушуги терисидан картуз кийган, икки бети қип-қизил гумашта дўконини деҳқон кампирга, урғочи *Калибанга* қолдирди. Бу қўрқинчли, хунук кампир *Бернар Палиси* даҳоси яратган, чинакам санъат мўъжизаси бўлган кошинкор ўчоқни тозалаши билан банд эди. Гумашта номаълум йигитга бетакаллуф гапирди:

— Қараб кўринг, жаноб, қараб кўринг! Пастда фақат жўн нарсалар бор, аммо юқорига чиқсангиз Қоҳирадан келган ғоят гўзал мўмиёларни, кўзни қамаштирувчи вазаларни, нақшли қора оғочларни—чинакам Ренессанс буюмларини кўрсатаман, ҳаммаси яқинда келтирилган, ҳаммаси аъло навли буюмлар.

Нотаниш йигитнинг аҳволи жуда оғирлашди, бу чичероненинг тинимсиз лақиллаши, чайқовчилардай бидирлаши ғашини келтирди. Одамлар мана шунга ўхшаш бачканагаплар билан безовта қилавериб, даҳони ҳам гўрга тиқишиади.

Аммо йигит азобларга охиригача чидашга аҳд қилиб, ўзини йўл бошловчининг гапларини тинглаётгандай қилиб кўрсатар, гаплариға ишора билан, «ҳа» ёки «йўқ» каби сўзлар билан жавоб қиласр эди. Охири у жимликка эриши ва қўрқмай яна ўзининг даҳшатли ўйларига фарқ бўлди. У шоир эди ва қалби тасодифан ўзига озиқ топиб олди: ҳали тирик бўла туриб, йигирма оламнинг гардини кўра оларди энди.

Бир қарашда магазин заллари тартибсиз манзарани эслатар, бу манзарада худо ва инсон бунёд этган барча мавжудэтлар айқаш-уйқаш бўлиб ётарди. Мумиёланган тимсоҳ, илон ва маймунлар ойнадаги черков суратларига тиржайиб боқишарди, гўё мармар баданларни тищлаб олиш учун ҳамла қилаётгандаи, локланган буюмлар кетидан қувламоқчидай, қандилларга осилиб чиқмоқчидай қиёфада эдилар. Жакото хоним мўйқалами билан Наполеон сурати туширилган Севр вазаси Сезострисга аталган сфинкс ёнида турарди. Кўхна замонларда ва кечагина юз берган воқеалар бу ерда гаройиб ҳолатда аралашиб кетган эди. Ошхонада турадиган кабоб сихи муқаддас хок сақланадиган идиш устида, республикачилар қиличи ўрта аср пилта милтиги олдида турарди. Латур мойбўёғида ишланган, бошида юлдуз чарақлаб, атрофини булутлар қоплаган яланғоч Дюбарри хоним ташна бир қизиқиши билан ҳинд чилимининг илондай кулча бўлиб ётган ҳалқаларининг нега кераклигини билишга уринарди. Ажал қуроллари: ханжарлар, гаройиб тўппончалар, яширин тепкили милтиқ рўзгор буюмларига: чинни косалар, Саксония тарелкалари, шаффоф хитойи пиёлалар, қадимий туздонлар, шириналлик солинадиган ўрта аср қутичалари билан аралашиб кетган эди. Фил сугидан ясалган, барча елканлари кўтарилиган кема ҳаракатсиз тошбақанинг устида «сузар» эди. Ҳаво кучи билан ишлайдиган — пневматик асбоб шохона салобат тўкиб турган император Августнинг кўзларига кириб кетай дерди. Француз савдогарларининг бир неча оқсоқоллари ва голланд бургомистрлари мана шу қиёмат-қойимга тириклик пайтларидаги каби ҳиссиэлик билан тунд, совуқ назар ташлаб туришарди. Гўё барча мамлакатлар бу ерга ўз билимларининг парча-пурчаларини, ўз санъатларининг науналарини олиб келишган эди. Бу фалсафий ахлатхонада ҳамма нарса — ёввойиларнинг Тинчлик чилими ҳам, сеरаль — ҳарамхонадан келиб қолган яшил тилла шиппак ҳам, араб кескир қиличи ҳам, нўйойнинг санами ҳам топиларди. Бу ерда аскарнинг носхалтасидан тортиб, черков инъомдоригача, бир вақтлар қайсиdir тахтнинг маҳфилини безаган шойигача — ҳамма нарса бор эди. Турли рангларнинг аралаш товланишлари, нур ва соянинг жимирлаши туфайли бу даҳшатли манзарани минглаб хилма-хил жилолар жонлантиради. Гўё узуқ-юлуқ қичқириқлар қулоққа чалинار, чала қолган фожеалар идрок этилар, ҳали ўчмаган чўғлар кўзга

кўринарди. Устига-устак, бу нарсаларнинг ҳаммасига абадиятнинг гард-ғубори чойшабдай ёпилган, шу туфайли уларнинг қирралари ғаройиб манзара ҳосил қилган эди.

Цивилизациялар ва динларнинг парчалари, тангрилар, санъат дурдоналари, ўтмиш салтанатлари, кайфу сафолар, маърифат ва жаҳолат ёдгорликлари тўлиб-тошган уч зални нотаниш йигит кўп қиррали кўзгуга ўхшатди, бу кўзгунинг қирралари бутун оламни акс эттиришарди. Ана шундай умумий, туманли таассурот олган йигит бирор ёқимли нарсани кўриб диққатини чалғитиш учун теварак-атрофига қарди, аммо ўйларга, орзуларга ғарқ бўлиб, эҳтимол, ич-этини еяётган очликдан бўлса керак, безгак тутгандай қалтирай бошлади. Ўз қўли билан бунёд этган нарсаларида мангу из қолдирган, аммо ўзлари йўқолиб кетган бутун-бутун халқлар, айрим шахслар тақдири ҳақидаги ўйлар йигитни ҳушсиз бир мудроқликка ғарқ этди. Бу дўконга келишдан мақсадтилаги амалга ошди; у реал ҳаётдан ташқарига чиқадиган эшикни топди ва зинама-зина олий руҳий оламга кўтарилиб, сеҳрли жозиба қасрларига етди. Авлиё Иоанн Патмосда кўз олдидан ёниб ўтаётган келажакни кўргандай, у ҳам бу ерда бутун оламнинг парчалари ва шуълаларини кўрди.

Жафокащ, улуғвор, даҳшатли, қоронғу ва нурли, узоқ ва якин қиёфалар тўда-тўда, лак-лак, авлод-авлод бўлиб кўз олдидан ўта бошлади. Қум тепаларда суюкка айланган қора кафанларга ўралган мўмиё қиёфасида сирли Миср найдо бўлди; кейин ўзларига қабр қуриш учун бутун-бутун халқларни қабрга тиққан фиръавнлар, Мусо, ибрийлар саҳроси — қадимий ва улуғвор дунё кўзига кўринди. Үрама устундаги ёшгина ва мафтункор мармар баданли гўзал унга Греция ва Иониянинг лаззатбахш афсоналаридан сўз очди. Нозик ишланган Этриск вазасининг қизил сополида тангри *Priap* ҳузурида рақс тушиб, уни шодон олқишилаётган ёшгина қорамағиз қизни кўрганида ким бўлсаям кулиб юборган бўларди. Унинг ёнида эса Латин маликаси даҳшатли махлуқни меҳр билан силаб-сийпалар эди. Бу ерда Рим императорлигининг барча ғаройиботлари кўринар, ўзининг *Tibullini* кутаётган шўх, хаёлпараст *Юлия* чўмиладиган ванна, ётадиган шохтўшаги, киядиган ҳарир либослари тасаввурда гавдаланаарди. Арабий тилсимлар қудратини билувчи Цицероннинг боши озод Римни эсга туширап ва йигит хаёлида Тит Ливий саҳифалари жонланарди. У „Senaſus populiſusque Romanus¹“ ни томоша қиласар, консуллар, ликторлар, алвон ҳошияли ридолар, форумдаги кураш, ғазабланган халқ — ҳаммаси тушдагидай фира-шира кўринарди. Ниҳоят, бу қиёфалар ўрнини христианлик замонидаги Рим эгаллади. Мусаввирилик

¹ Рим сенати ва халқи [латинча].

осмонни ёритиб юборди. Йигит олтин булутларда фаришталар орасида парвоз этаётган, нури билан қүёш ёруғлигини ҳам сўндираётган Биби Марямнинг жамолини кўрди. Қайта туғилган бу Момо Ҳаво бечораларнинг арзларини тинглаб, уларга майин жилмайиб боқарди. Йигит Везувий ва Этна ловаларининг парчаларидан ясалган мазойиқани кўриши билан руҳи жазирама ва нурафшон Италиягэ парвоз қилди. У *Боржиса* тасвирлаган шовқин-суронли базмларда қатнашди, Абрюцио тоғларида санқиди, итальян қизларининг муҳаббатига ташна бўлди, оқ юэли қийиқ қоракўз қизларни соғиниб қолди. Нафис каштадай нақшин ханжарнинг қон изидан занг билан қопланганини кўрганида у тунги можаро (эрнинг совуқ тиғ санчиши билан) чала қолганлигини сезиб, уни титроқ босди. Зарбоф ва шойилар кийган, қийшиқ тўртбурчаклардан иборат, қўнғироқчалар тақилган бош кийимдаги Будда санамида Хиндистон ва унинг динлари акс этарди. Бу кичик мабуднинг ёнида ҳануз сандал дараҳти ҳиди анқиб турган бўйра бўлиб, у бир вақтлар устида ўтирган қиздай чиройли эди. Қўзлари бақрайган, оғзи қийшиқ, танаси нотабний эгри-буғри хитойча маҳлуқ, ҳамиша бир хил гўзалликдан зерикиб хунуқликинг ранг-баранглигидан мислсиз лаззат оладиган ҳалқнинг фантастик — хаёлий уйдирмалари томошабин қалбини ҳаяжонга соларди. *Бенвенуто Челлини* устахонасида ясалган туздонни кўрганда унинг хаёли машҳур Ренессанс даврига кўчди. Бу даврда санъат ва хирс гуллабяшнаган, подшолар одамларни қийнаб лаззатланган, черков бошлиқлари ўзлари гўзал нозанинлар қучогида ётиб, оддий руҳонийлари покликка чақириб буйруқлар чиқаришган. Камея унга Искандарнинг ғалабаларини эслатди, пиликли аркебуза — камалак *Писарро* қирғинини, дубулғанинг учи эса мажнунларча, қайноқ, шафқатсиз диний урушларни эслатди. Қойиллатиб ишланган ялтироқ миланча совутларга қараганда рицарлик замонидаги шодон қиёфалар талатўп бўлиб жонланди; пўлат дубулға тешикларидан баҳодирнинг қўзлари ҳамон чақнаётганига ўхшарди.

Атрофидаги буюмлар, уйдирмалар, модалар, санъат асарлари, ҳаробаларнинг бутун бир уммони унга достон айтиётгандай эди. Шакллар, бўёқлар, фикрлар ҳаммаси жонланар, аммо дилга тугал бир мақсад бермасди. Гўё буюк рассом улкан мўйқаламини тайёрлаб, begam бир хотамтойлик билан инсоният ҳаётининг сон-саноқсиз тасодифларини аралаш-куралаш чизиб ташлагандай эди. Шоир буюк рассомнинг бу чала асарини охирига етказиши керак эди. Мамлакатлар, асрлар, салтанатларни томошча қилиб, бутун дунёни эгалланган йигитнинг ҳаёли янга якка инсонларга қайтди. У маҳобати билан бизни эзиз юборадиган миллатлар ҳаётидан ўзини ажратиб, ҳар бир инсон қиёфасига кириб кўрди.

Анави ерда *Руйш* музейида сақланиб қолган, мумдан

ясалган бола мудраб ётарди. Бу ширин вужуд унга шодон болалик чоғларини эслатди. Қандайдир тайтилик қизнинг пешбандини кўрганида, унинг қайноқ тасаввурода оддий, табиий ҳаёт, ялангоч баданларнинг ҳақиқий ифрати, одамзодга гоҳо ярашадиган ялқовлик лаззати, одамларни ўзининг ширин аталаси билан текинга боқадиган банаң дараҳти соясида, салқин ва ўйчан жилға бўйида кечадиган осуда ҳаёт манзаралари жонланди. Аммо, сон-саноқсиз чифаноқларнинг феруза ранг товланишларидан илҳомланиб, ҳали денгиз ўт-ўланлари ва Атлантика бўронларининг нафаси келиб турган юлдузсимон марваридларнинг гўзаллигидан руҳланиб, бирдан корсарга,— денгиз қароқчисига айланди ва *Лара* тимсолидаги шиддатли поэзияга шўнғиди. Сўнг қимматбаҳо қадимий қўлёзма китобининг нозик-нағис тасвиirlарини, шафақранг ва зарҳал нақшларини кўриб ҳайратланди ва бўронларни унуди. У сокин ўйларнинг аллалашига фарқ бўлиб, ақлий меҳнатга, илмий ишларга қайтишга интилди; роҳибларнинг қайғусиз ва шодликсиз тўқ турмушини орзу қилди; хаёлида ибодатхона ҳужрасида уйқуга ётиб гумбазли деразадан ибодатхона ўтлоқларини, ўрмонзор ва токзорларини томоша қилди. *Тенирс* ишлаган катта сурат олдида у хаёлан аскар чакмонини ёки ишчининг жулдур кийими ни елкасига ташлади; у ёғ босган ва тамаки ҳиди келиб турдиган фламандларнинг қалпоғини кийгиси келди, пиводан маст бўлди ва деҳқонлар билан қарта ўйнади, юзи қизарган оқбадан деҳқон қизига жилмайиб боқди. У *Мъерис* картинасида ёғаётган қорни кўриб совуқдан қалтиради; *Сальватор Роза* тасвиirlаган уруш саҳнасини кўриб, жанг қилди. Иллинойс ҳиндуларнинг томогавк-болтасини кўриб, гўё ирокез ҳиндуси скальпини шилиб олаётгандай ҳис қилди ўзини. Ажойиб созни кўриб, уни қаср маликасига тақдим қилди; гўзлнинг тиниқ, лаззатли овозини эшитиб, роҳатланди; Гота услубидаги камин олдида ўтириб, нозанин хонимга севги изҳор қилди; оқшом қоронғилиги гўзлнинг севги тўла кўзларини яширди.

У барча шодликларни, барча қайғу-ҳасратларни бошдан кечирди, борлиқнинг барча жумбоқларини еди, ўз умрини ва туйғуларини сахийлик билан табиатнинг мана шу арвоҳларига, мана шу хаёлий қиёфаларга бағишлади. Ҳатто кўнглида ўзининг қадамлари товуши ўзга, олис дунёдан келаётгандай эшитиларди. Биби Марям ибодатхонаси минораларида *Парижнинг шовқин-сурони* худди шундай эшитилади.

Бу зиналардан иккинчи қаватга кўтарилар экан, ҳар бир пиллапоя деворида қилич-қалқон, совет-дубулғалар, милтиқ, тўппончалар, назр-ниёз сақланадиган, ҳайкаллар билан беатилилган идишлар, ёғоч тасвиirlар борлигини сезди. Ўлим ва ҳаёт чегарасида турган одам кўз олдида пайдо бўлган ёнг ғалати шакллар, ажойиб-ғаройиб мавжудотлар таъқиб

қилар, у орзу-хаёллар сеҳрига кўмилган эди. Ниҳоят, у ўзининг ўзи эканлигига ҳам ишонмай мана шу чалажон ва чала ўлиқ гаройиб нарсалардан бирига айланиб қолди кўнглида. У янги залларга кирганида қоронғу туша бошлаганди, аммо бу ерда уюм-уюм бўлиб йифилган олтин ва кумуш хазиналар олдида ёруғликнинг ҳам кераги йўқдай эди. Инсон телбаликларининг мана шу улкан бозорида миллионлаб пулларини исроғ қилиб тутатиб, ўзлари муҳтоҷликда ўлган кишиларнинг энг қимматбаҳо гаройиботлари бор эди. Эгасига юз минг франкка тушган, аммо кейинчалик юз суга сотилган сиёҳдон олдида сирли қулф бор эди. Бир вақтлар бу қулфнинг баҳоси-қиролни асирликдан кутқариш учун етарди. Қора дараҳтдан ясалган, Жан Гужон суратларига қараб безалган, санъаткор таъзим қиласа арзидиган, устанинг неча йиллар меҳнати сарфланган стол, эҳтимол энди бир саржин ўтин нархига сотилгандир? Парилар қўли билан ясалган қимматбаҳо қутичалар, нақшин ёғоч жиҳозлар — ҳаммаси айқашуїқаш бўлиб ётарди. Ўтган асрларнинг рассомлари устунларини зарҳал нақш ва ҳайкалчалар билан безаган узун залнинг охирига етганида йигит ҳайрат билан:

— Бу ерда миллионлар бор экан-ку! — деб қичқирди.

— Миллиардлар деяверинг! — жавоб қилди антиқа гумашта.— Аммо ҳали булар ҳеч гапмас, тўртинчи қаватга чиқсангиз кўрасиэ!

Нотаниш йигит йўл кўрсатувчининг орқасидан тўртинчи галереяга етганида унинг ҳорғин нигоҳи олдидан бирин-кетин *Пуссен* картиналари, *Микеланжелонинг ҳайратомуз ҳайкали*, Клод Лорреннинг аломат пейзажлари, *Герард Доунинг Стерн* саҳифаларига ўҳшайдиган картинаси, *Рембрандт*, *Мурильо*, *Веласкесларнинг Байрон* поэмаларига ўҳшаш ваҳшатли ва ёрқин, нодир асарлари; нарироқда кўҳна дунё ганч нақшлари, ақиқ пиёлалар, гаройиб ҳақиқлар... биринкетин ўта бошладилар. Хуллас, булар шундай асарлар эдик, уларни кўрган одам меҳнат қилишни хоҳламай қоларди, бундай дурдона асарлар қалашиб ётганини кўрган одам санъатлардан нафратланиб, ҳеч нарсага файрати қолмас эди. *Рафаэлнинг «Қиз»ига назари* тушди, аммо Рафаэль унинг жонига тегди. *Коррежо* мўйқаламига мансуб, эътибор тилаб турган аёл боши эътиборга сазовор бўлмади. Қайсиdir *Коринна* учун шодлик келтириши мумкин бўлган, нақшлари ажойиб-гаройиб *Рим приапеясини* акс эттирган, порфирдан ясалган бебаҳо антиқа ваза йигитда бир лаҳзали табассумдан бошқа ҳеч қандай туйғу уйготмади. У йўқолиб кетган эллик асрнинг вайроналари остида қолиб бўғилар, бу инсоний ўйларнинг ҳаммасидан ўзини касал ҳис қиласи эди. Бу дабдаба, ҳашамат ва санъатлар юрагини тилка-пора қиласи, қайта тирилган бу бадиий шакллар уни босиб эзар, чунки буларнинг ҳаммаси ёвуз даҳонинг иродаси билан оёқлари.

остида аллақандай махлуқлар қиёфасида пайдо бўлиб, уни . битмас-туганмас олишувга, жангга чорлар эди.

Замонавий кимё барча мавжуд нарсаларни газга айлантиргандай, инсон руҳи ҳам кўнглида барча шодликлар, ғоялар ва куч-қудратларни бир лаҳзада тўплаганида даҳшатли заҳарлар ҳосил қиласмикин? Жуда кўп одамлар ўзига хос руҳий кислоталардан бутун вужуди бирданига заҳарланиб ўлмаганмикин?

— Манави сандиқда нима бор? — сўради йигит кенг хонага — жанговар шон-шуҳрат, инсон уринишлари, жинниллари, бойликларнинг сўнгги дафинасига кириб, қизил оғочдан ясалган, кумуш занжирга осилган катта сандиқни кўрсатиб.

— О, бу хазинанинг калити хўжайнад! — деди сирли оҳангда семиз гумашта. — Агар бу суратни кўргингиз келса хўжайнини безовта қилишга журъат этаман.

— Журъат этасиз? — ажабланди йигит. — Наҳотки хўжайининг қандайдир князь бўлса?

— Тўғриси, унчалик билмайман, — жавоб қилди гумашта.

Иккаласи ажабланиб, бир-бирларига тикилиб қолишиди. Сўнг, нотаниш одамнинг жим қолганлигини ризолик деб билб, гумашта уни ёлғиз қолдириб чиқиб кетди.

Қачонлардир Қювъенинг геологияга доир асарларини ўқиб макон ва замон чексизлигига саёҳат қиласмилисиз? Үнинг даҳоси шамолида тубсиз жарликлар устида сеҳграр қўли ёрдамида парвоз қиласмилисиз? Ернинг турли кесмалари ва турли қатламларида, Монмартр тош конларида ва Урал сланецида тўфондан аввалги даврларга тааллуқли қазилма чиқиб қолса юрагингиз орқага тортиб кетади, чунки олдимиздаги қазилма миллиард йиллар, миллионлаб халқларнинг гувоҳи бўлади. Бу халқлар инсониятнинг заиф хотирасидан ўчиб кетгани етмагандай, ҳатто илоҳий афсоналарда ҳам сақланиб қолмаган. Фақат ер куррасининг юзига тўпланиб қолган ўтмиш замонлар гарди икки газ қалинликда тупроқ ҳосил қилиб, бизга нон ва гуллар етказиб беради. Ахир Қювье асримизнинг энг буюк шоири эмасми? Лорд Байрон сўз билан руҳларни ҳаяжонга солди. Бизнинг ўлмас табиатшуносимиз эса замонлар оқартириб юборган сүяклар ёрдамида оламларни қайтадан яратди. У, Кадм сингари тишлар экиб, шаҳарлар қурди, у бир неча бўлак тош-кўмир ёрдамида минглаб ўрмонларни қайтадан зоологиянинг барча махлуқотига тўлдириди. Мамонтнинг фақат бир оёғига қараб гигант ҳайвонлар авлодини қайтадан вужудга келтириди. Қиёфалар ўрнидан туриб, ўсиб, жуда катта ҳажмларига мувофиқ барча соҳалардаги турларни ўзгартириб юборишиди. У рақамлари билан шоир, у бирнинг ёнига еттита ноль қўя олиши билан улуғвор. Сунъий, сеҳрли сўзларни ишлатмаёқ у йўқни бор қилади; у оҳактош парчасини ковлаб топиб, «Қа-

ранглар!» дейди. Мармар бирданига ҳайвонга, ўлим — ҳаётга айланади, бутун бир олам очилади! Жуда катта маҳлуқларнинг сон-саноқсиз сулолаларидан кейин, балиқларнинг қабилалари ва моллюскаларнинг тўдаларидан кейин, алл сиймоларнинг, эҳтимол, худодан мағлубиятга учраган улуғ Инсоннинг майдалашиб кетган боласи — одамзод пайдо бўлган. Кечагина туғилган бу аянчли одамлар ўтмишни тирилтирган олимнинг тафаккуридан руҳланиб, оламнинг бошлинишини кўриб, чексиз мадҳиялар ўқиб, ўтмиш дунё тақдирларини ўзлаштириб олади. Худди қиёмат тескари томондан кўринганга ўхшайди. Яккаю ягона одам даъвати билан юз берган маҳшар кунини кўриб, ҳамма соҳаларни қамраб, номсиз чексизлик орасидан бизга ажратиб берилган, Замон деб аталган умр дақиқаси нақадар аянчли эканлигини ҳис этамиз. Модомики, биз беҳисоб оламларнинг харобалари остига кўмилиб, келажакда сезилмас нуқтага айланар эканмиз, ҳаёт юкларини устимизга олиб нима қиласмиз; бизнинг шоншуҳратимиз, нафратимиз, муҳаббатимизнинг кимга кераги бор?— деб ўз-ўзимиздан сўраймиз. Шу зайлда замонамиз тупроғидан илдизимиз суғирилиб, ломаконга кетаётганимизда лакей кириб «Граф хоним сизни кутятилар», деб қолади.

Файласуф номаълум дунёни ўрганаётганида руҳи қаттиқ чарчаганидай, маълум дунёning ажойиботларини кўравериб йигитнинг ҳам руҳи чарчади. Қўнглида ўлиш истаги ҳар қачонгидан кўра ҳам кучайди. Рафаэль креслога ўзини ташлаб, ўтмишнинг бу босириқ тушдагидай манзараларига қараб ўтираверди. Тасвирлар ёришиб кетди. Қизларнинг бошлари унга қараб жилмайиши, ҳайкаллар жонланиб, ранглар товланиб, кўзни алдай бошлади. Унинг касал миясидаги ваҳима туфайли бу асарлар туннинг қоронги чойшаби остида жонланиб, қимирлаб, ҷарх уриб айланиб рақсга туша бошлашди; ҳар бир чинни маҳлуқ уни қалака қилиб, башарасини буриштирап, суратларда тасвирланган одамлар кўзларига дам бериш учун киприкларини юмишар эди. Ўзларининг хулқи, хусусиятларига қараб кимdir вазмин, кимdir енгил, кимdir назокат, кимdir қўпоплик билан ўринларидан туриб, сакраб, тебрана бошлашди. Бу манзара доктор Фауст Брокенда кўрган сирли шарнага ўхшаш жинлар базмини эсластарди. Аммо ҷарчашдан, қаттиқ тикилишдан ёки оқшом пайтининг гаройиблигидан пайдо бўлган кўзни алдовчи бу ҳодисалар нотаниш йигитни қўрқитолмасди. Ўлим даҳшатларига қўнишиб қолган одамга ҳаёт даҳшатлари ҳеч нарса қилолмасди. Бу ахлоқий гальванизмнинг тушуниксиз ажойиботларига ҳатто у кулиб қаарди. Мана шу гальванизм ажойиботлари нотаниш йигитнинг тириклик нишонасини билдирувчи сўнгги ўйлар билан қўшилиб кетган эди. Орага шундай чуқур сукунат чўккан эдики, у тезда яна лаззатли орзуларига берилди. Бу хаёлий вужудларнинг қиёфалари қош қорайиши

билин аста-секин сўниб бораарди. Ёруғлик осмонни тарқ этар экан, тун билан курашда сўнгги қизғиши шуъласини жангга солди; йигит бошини кўтарган эди, гира-шира ёришиб турган скелетга кўзи тушди, у бош чаноғини шубҳали чайқаб, «Ўликлар ҳали сени кутишаётгани йўқ», деяётганга ўхшарди. Йигит уйқусини қочириш учун қўлини пешонасига олиб борганида қандайдир совуқ шабада эпкинини аниқ ҳис қилди, ёноғига қандайдир патли нарса тегиб кетганидан сеска-ниб тушди. Дераза ойналарининг элас-элас жаранглашидан қабр сирларининг ҳиди келиб турган бу совуқ эркалаш кўршапалакдан чиқсан, деб ўлади. У кунботарнинг эриб бораётган шафағида яна бир лаҳза атрофидаги қиёфаларни кўрди. Сўнг бу натюрмортнинг барчасини қуюқ қоронғилик ютиб юборди. У ажалини кутган тун соати сездирмай кириб қолди. Шундан сўнг бир неча лаҳза у чуқур ўйга чўмгани-данми, чарчаб мудраганиданми, ё қалбини тирновчи ўлар ғужғониданми, тириклик нишонасини кўрсатмади. Бирдан уни кимдир даҳшатли овоз билан чақираётгандай туйилди ва у иситмада алаҳсиб ётганида жарга ташлаб юборилгандай юраги шувиллаб кетди. Кўзини чирт юмди — порлаган чироқ нури кўзини қамаштирган эди. Унга аллақайда қоронғилик ичиди қизғиши доира ва ўртасида чироқ кўтариб турган қандайдир кичкина чол кўринди. Чолнинг қандай кириб қолгани номаълум эди, у индамас ва қимир этмасди. Чолнинг тўсатдан пайдо бўлишида қандайдир жоду бор эди. Ёнидаги тош тобутдан чиқиб қолгандай туйилган чолни ҳатто тушида кўрган довюрак одам ҳам қўрқиб кетар эди. Бу арвоҳифат чолнинг тик қараган кўзлари ёш йигитларни-дай чақнаб туришидан унинг жодуга алоқаси йўқлиги сезилиб турарди. Шундай бўлса ҳам, хаёлий ҳаёт билан чинакам ҳаёт ўртасидаги кичик бир лаҳзада йигит Декарт айтгандай, фалсафий шубҳа ичда қолди. У, беихтиёр тушуниксиз, галлюцинациялар таъсирига тушиб қолди. Бу галлюцинацияларни ё ўзимиз фурур билан рад этамиз, ё кучсиз фанимиз уларни ўрганишга бехуда уринади.

Қора барқут халат кийган, йўғон ипак белбоғ боғлаган, қурумсоққина, озғингина пакана чолни тасаввур қилиб кўринг. Бошида ҳам қора барқут қалпоқ. Қалпоғи остидан иккни томонидан узун оқ сочлари осилиб тушган. Қалпоқ чолнинг манглайида текис из қолдириб, бош чаноғига ёпишиб турибди. Халати кенг-мўл кафанга ўхшар — фақат узунчоқ, рангсиз юзи кўриниб турарди. Агар газламага ўралган, узун таёққа ўхшаган, чироқнинг бутун ёруғини йигитга тўғрилаб турган озғин қўли бўлмаса, унинг юзи ҳавода осилиб турганга ўхшарди. Оқ оралаган чўққи соқоли бу ғалати вужуднинг иягини ёпиб турар, шу соқоли туфайли унинг боши рассомлар Мусо пайғамбарни тасвирламоқчи бўлганида фойдаланаидиган яҳудий кишиларининг бошига ўхшарди. Лабларни

шунчалик рангсиз ва юпқа әдики, оппоқ юзида оғзи аранг кўринарди. Унинг ажин босган дўнг пешонасини, сўлғин, ичига чўқкан ёноқларини, қошу киприксиз кичкина яшилранг кўзларидаги омонсиз қатъиятни кўрган одам уни Герард Доу яратган портрет ҳошиясидан чиқиб келган олтин тортувчи деб ўйлар эди. Ёноқларини «шудгорлаган» ва кўзлари остида нурдай тарқалган ажинлар унинг инквизитордай маккорлигини ва ҳаётни чуқур билишини кўрсатарди. Энг пухта, ичимдагини топ дейдиганларнинг ҳам ўйларини билиб оладиган бу одами алдаш мумкин эмасдай кўринарди. Дўконидаги чанг босган заллар бутун дунё асарлари билан тўлибтошганидай, чолнинг совуқ бағрида ҳам ер куррасидаги барча халқларнинг урф-одатлари ҳақидаги билимлар ва уларнинг донишмандлиги йиғилган эди. Унинг юзида ҳар нарсани кўрувчи қодир эгамнинг ёхуд дунёда ҳамма нарсани кўрган-билган одамнинг мағрур қудратини сезиш мумкин. Мусаввир мўйқалами билан бир-икки бўёқ берилса, Одам Атонинг гўзал қиёфаси ёки Мефистофелнинг масхараомуз ниқоби пайдо бўлиши мумкин эди. Чунки унинг манглайида олий қудрат, лабларида эса ёвуз истеҳзо бор эди. Ўзининг қудрати билан барча инсоний азобларни гардга айлантирган бу одам, чамаси, ҳаёт лаззатларини ҳам қурилган эди. Ўлаётган йигит бу қари даҳонинг армонлари битгани учун қувонмай, лаззатларни билмай қўйгани учун қайфурмай, бегона оламларда ёлғиз яшаётганлигини сезиб қўрқиб кетди. Чол зулмат ўртасидаги юлдуздай қимир этмай, қатъий турарди. Бу сирли хонада унинг чироги қандай нур сочайтган бўлса, муғамбирана боқиб турган яшил кўзлари гўё одамнинг руҳий оламини ёритаётгандай эди.

Улим ҳақидаги ўйлар ва ажойиб-ғаройиб тасвиirlар билан руҳи аллаланиб ўтирган йигит кўзини очиши билан худди шу манзарани кўрди. Изтиробли ўйлар, қийналган асаблар ҳозиргина кўкнори кайфига ўхшаш лаззатли изтироб бергани, шафқатсиз фожеий манзаралар ҳаёти ва ақлига қора чойшаб ёпгани учун, гўдак энагасининг эртакларига ишонгандай, у ҳам бояги чолнинг арвоҳ эканлигига ўйламай-нетмай ишонди. Бу арвоҳ унга Парижда, Вольтер соҳилида, XIX асрда — сеҳр-жоду мумкин бўлмаган жойда ва мумкин бўлмаган вақтда кўринган эди. *Француз даҳрийларининг пири* қазо қилган уйнинг ёнгинасида туриб, *Гей-Люссак* ва *Араголарнинг* шогирди бўлган, ҳокимият бошида турган одамларнинг барча найранглари — кўзбўямачиликларидан хабардор бўлган йигит шоирона хаёлот сеҳрига берилди шекилли. Биз ҳам кўпинча, жонга азоб берувчи аччиқ ҳақиқатларни кўрмаслик учун, қудратга қарши бориш учун поэзия таъсирига бериламиз, ахир. Хуллас, қандайдир ғаройиб кучни фира-шира ҳис этганидан ҳаяжонланган йигит бу ёруғликни, бу чолнинг қиёфасини кўриб, қўрқиб кетди. Биз

ҳаммамиз Наполеон олдида, умуман, порлоқ даҳолар, шоншуҳратга бурканган улуғ одамлар олдида қандай ҳаяжонлансанак, йигит ҳам ҳозир худди шундай ҳаяжонланган эди.

— Рафаэль мўйқаламига мансуб Ҳазрати Исо тасвирини кўриш истаклари борми?— тавозе билан сўради чол. Унинг дона-дона чертиб гапириш оҳангидага қандайдир темир жарангি бор эди.

У чироқни нақшин устун парчасига шундай қўйдики, қора сандиқнинг ҳар томонига ёруғ тушиб турарди.

Савдогар Ҳазрати Исо ва Рафаэлнинг муқаддас номларини тилга олиши биланоқ, йигитнинг бутун вужудида беихтиёр қизиқиш уйғонди. Чол, шубҳасиз, шуни кутгани учун тез пружина тутмасини босди. Сўнг қизилороч сандиқнинг эшиги аста сурилди ва йигитнинг ҳайратли кўзлари олдида Исо сурати пайдо бўлди. Бу ўлмас асарни кўрганида йигит дўконнинг барча ажойиботларини, барча инжиқ тушларини унуптиб, яна одамлигига қайтди ва чолнинг ҳеч қандай ҳаёлий вужуд эмаслигига, чинакам жонли одам эканлигига ишонди; яна чинакам дунёда яшай бошлади. Нуроний чехранинг илоҳий майнинлиги, тиниқ, сокинлиги дарров унга таъсир қилди. Самодан худонинг раҳмати ёғилиб, йигитни миясин ва суяқ-суягигача қовураётган дўзах азоблари тутундай тарқалиб кетди. Халоскорнинг боши зулмат ичидаги кўринарди. Соchlарининг атрофида нурлар чамбари ярақлар, бу ёруғлик унинг бошидан чиқаётганга ўхшарди; унинг манглайи, чеҳрасидаги ҳар бир нуқтадан фоят ифодали ишонч-эътиқод тўлқинлари ёғиларди. Алвон лабларидан ҳозиргина жон каломи учгандай; томошабин бу сўзнинг акс-садоларини ҳаводан излар, унинг муқаддас маъносига тушунишга интилиб, сукунатга қулоқ солар, уни келажакдан сўроқлар, уни ўтмиш сабоқларидан топар эди. Бу илоҳий кўзларнинг содда сокинлигидан жони қийналгандар нажот топар эдилар. Хуллас, бу ёввош ва гўзал табассумда бутун католик динининг «Бир-бирингизни севинг!» деган ҳикматдан иборат моҳияти акс этар эди. Сурат дуо-илтижога, ибодатга руҳлантирап, афв этишини ўргатар, худбинликни, такаббурликни сўндирап, мудраб ётган барча фазилатларни юзага чиқарар эди. Рафаэлнинг мусиқадай фусункор қудратга эга бўлган бу сурати сизни хотираларга фарқ қиласи ва тўла маҳв этар эди. Расомни унутардингиз. Нурнинг мафтункорлиги бу мўъжизани янада кучайтиарди, гоҳи лаҳзаларда инсоннинг боши олиса, булутлар орасида қимирлаётгандай туюларди.

— Мен бу суратга бўйи баравар олтин берганман,— соvuққонлик билан деди савдогар.

— Майли, демак — ўлиш керак!— хитоб қилди йигит орзулар мудроғидан уйғониб. Чолнинг сўзлари уни яна даҳшатли қуръага қайтарди. У изоҳлаш мушкул бўлган хулоса-

лар йўли билан, аранг турган сўнгги умид юксаклигидан пастга тушди.

— Аҳа! Шубҳали кўринганинг бежиз эмас экан-да!— шошиб деди чол йигитнинг иккала қўлини омбурдай қисиб, бир қўли билан унинг билагини ушлаб олганча.

Нотаниш йигит бу англашилмовчиликдан дардли жилмайди ва ювош оҳангда:

— Қўрқманг, гап менинг ўлимим ҳақида боряпти, сизнинг эмас,— деди.— Беозор алдамчилигимни бўйнимга олганим яхши,— давом этди у безовталанган чолга қараб.— Оломоннинг диққатини жалб қимласлик учун тунда ўзимни сувга ташлайман деб, унгача вақт ўтказиш учун сизнинг бойликларингизни томоша қилишга киргандим. Олим ва шоирнинг бу сўнгги тилагини ким ҳам кечирмайди, дейсиз?

Сохта харидорнинг гапларига ишонқирамай, чол йигитнинг хафақон юзига синчков назар ташлади. Йигитнинг ҳасратли гапларининг самимий оҳангини, эҳтимол, унинг сўлиб бораётган қиёфасида қисматининг (сал аввалроқ қиморхонадагиларни титратган) машъум аломатларини сезиб, чол унинг қўлларини қўйиб юборди. Аммо, камида юз йиллик турмуш тажрибасидан келиб чиқсан шубҳакорлиги бутунлай йўқолмади, у гёё суюнмоқчи бўлгандай токчага қўлини чўзив, у ердан мўъжазгина ханжар олди ва деди:

— Сиз хазинадорликда уч йилдан бери штатдан ташқари ишлаб, ҳалигача маош олмаган бўлсангиз керак, тўғрими?

Нотаниш йигит жилмайишдан ўзини тиёлмади ва йўқ дея бош чайқади.

— Отангиз «нега дунёга келдинг?» деб жуда қўпол таъна қилворгандир? Ёки ор-номусни бой бергандирсиз?

— Агар ор-номуссиз бўлиб қолсам ҳаёт билан видолашармидим?

— Сизни Фюнамбюль театридан ҳуштакбозлик билан ҳайдаб чиқаришгандир? Севгилингизни дафн этишга пул тополмай, байт тўқишига мажбур бўлгандирсиз? Балки олтинга хирс қўйиш балосидан қийналлаётгандирсиз? Ёки зерикиб, ҳаётдан тўйгандирсиз? Хўш, сизни ўлишга нима мажбур қилияпти?

— Нега ўлмоқчи бўлганимнинг сабабини одатдаги сабаблар ичидан қидирманг. Сўз билан тушунтириш мушкул бўлган мислсиз қийноқларни гапириб беришни эп кўрмайман.Faқат шуни айтишим мумкин — мен хор-зорлик, муҳтоҗлик чангалига тушиб қолдим. Ҳеч қимдан юпанч тилаб, ёрдам сўраб ялинмоқчимасман,— деди у ҳозиргина айтган сўзларига зид келувчи жангари бир фурур билан.

— Ҳэ-ҳэ,— жавоб ўрнига чолнинг оғзидан чиқсан бу исетҳзо тартарак товушини эслатди.— Мен сизни ялинтирмайман, юзингизни қизартирмайман. Сизга француз сантиминиям, Левант паратиниям, Сицилия тарениниям, немис гелле-

риниям, рус чақасиниям, шодланд фартингиниям, қадимги лунёнинг сестерцийи ва оболиниям, янги замон пиастриниям бермайман, ҳеч қандай олтин, кумуш, мис чақа, қоғоз пул ёки билет ҳам бермайман, лекин сизни ҳар қандай конституцион монархдан бойроқ, құдратлироқ ва таъсирлироқ одамга айлантиришим мүмкін.

Йигит чолнинг бу гапларини болаларча алжирашга йўйди: ажабланиб, нима дейишни билмай қолди.

— Қаранг,— деди савдогар бирдан чироқни қўлига олиб, ёруғини расмнинг қаршисидаги деворга тутар экан.— Мана бу сағри териға қаранг.

Йигит сакраб туриб кетди ва ўзи ўтирган креслонинг тепасидаги деворга осилган, тулки терисидай келадиган бир парча сағрини кўриб ажабланди; дарров тушуниш қийин бўлган сабабларга кўра дўкондаги чуқур зулмат қўйнида бу тери шундай ёруғ нур чиқарардики, уни кичкина думли юлдузга ўхшатиш мүмкін эди. Йигитча баҳтсизликлардан асрорчи тилсим деб таклиф этилган бу нарсага ишончсизлик билан яқинлашди ва ичидаги кулиб қўйди. Аммо, табий қизиқиши билан сағрини ҳар томондан кўздан кечирад экан, унга астойдил сайқал берилганлигини, ҳар бир бўртиғи аноннинг доналарида ниҳоятда тоза ва тиниқлигини, бу шарқона териининг ҳар бир туки табий равиша таратаётганини сезди. Бу ҳодисанинг сабабини математик аниқлик билан изоҳлаб берганида чол жавоб ўрнига қувлик билан жилмайди. Ўзини устун ҳисоблаган одамнинг бу кулгисидан олим қандайдир найрангбоз қўлига тушгандай ҳис этди. У ортиқча топишмоқни гўрига орқалаб кетишини истамагани учун, ўзининг янги ўйинчоги сирини топишга шошилган боладай, терини тез айлантириди.

— Аҳа!— хитоб қилди у.— Мана бу ерида муҳр изи бор экан, буни Шарқда Сулаймон муҳри дейдилар.

— Сиз буни биласизми?— сўради савдогар ҳансираф, бу ҳансираши билан у ҳар қандай чиройли гаплардан кўра маънолироқ фикр англатаётган эди.

— Бу найрангга қайси аҳмоқ ишонади?— ҳайқирди йигит чолнинг сўзсиз, аммо истеҳзоли кулгисидан жаҳли чиқиб.— Фақат Шарқнинг хурофотчиларигина бу аломатнинг илоҳий қудратига, муқаддаслигига ишонади, шуни билмайсизми ахир? Мени лақма деб ўйламанг. Афсонавий сфинкс ва грифлар десангиз бошқа гап эди.

— Модомики шарқшунос экансиз,— давом этди чол,— балки мана бу ҳикматли сўзларни ўқиёларсиз?

Чол чироқни йигит ушлаб турган терининг орқа томонига яқинлаштириди. Терининг ҳужайра тўқималарига (бир вақтлар бу ажойиб терининг эгаси бўлган) ҳайвоннинг наслдорлигини кўрсатувчи қандайдир белгилар белгиларга жалб этди. Чол йигитнинг дикқатини шу белгиларга жалб этди.

— Очиғини айтсам,— деди нотаниш йигит,— онагр тери-
сига бу ҳарфларни шу қадар чуқур ўйиб битишганлигига
сира ақлим етмаяпти.

Шундай деб у шошиб, нодир буюмлар уйилиб ётган
столдан кўзи билан ниманидир қидира бошлади.

— Сизга нима керак?— сўради чол.

— Бу ҳарфлар босилганми ёки ёпиштирилганми, шуни
билиш учун сағрини қийиб кўрмоқчиман, бирор асбоб борми?

Чол йигитга ханжарни узатди, у терининг ҳарф босилган
жойидан кесиб кўришга урунди. Аммо, у терининг юпқа
қаватини кесиб олиши билан ўрнига яна ўша ҳарфлар ав-
валгидай аниқ пайдо бўлиб қолаверди, гўё уларнинг юқори
қисми кесиб олинмагандай эди.

— Левант усталарининг фақат ўзлари биладиган сирла-
ри бор,— деди йигит қандайдир ташвиш билан, шарқ ҳикма-
ти ёзувларига боқар экан.

— Ҳа,— жавоб қилди чол,— ҳар ҳолда ҳамма нарсани
худога эмас, одамларга тўнкаган яхшироқ.

Сирли сўзлар мана бундай тартибда жойлаштирилган
эди.

لو ملکتني ملکت الکل
و لكن عمرك ملکي
واراد الله هکذا
اطلب و ستنال مطابيك
ولكن قس مطابيك على عمرك
فيكل مرادك استنزل ایامك
وهي ها هنا
اتريد في وخذ
الله مجبيك
آمين

Уларнинг маъноси бу эди:

Менинг эгам ҳамма нарсага эга бўлади,
аммо унинг жонига мен эга бўламан. Тангри иродаси шу.
Истаганингни тила, ижобат бўлғай. Лекин тилагингни
ҳаётинггà мосла. Жонинг — менда. Ҳар бир тилагингдан
умринг кунлари камайгани сингари мен ҳам камаяман.

Менга эга бўлишни истайсанми? Ол. Сенга тангри ёр
бўлғай. Омин!

— Санскрит¹ тилида тез ўқир эқансиз,— деди чол.— Чамаси,
Эронда ёки Бенгалияда бўлгандирсиз?

¹ Бальзак янглишиб, араб ёзувини санскрит — қадимги ҳинд ёзуви
дейди. — М.М.

— Йўқ,— жавоб берди йигит, бу рамзий ва жуда ғалати кўнни қизиқиб чимдид бўйар әкан. Кўн сира эгилмас, худди металл пластинкага ўхшарди.

Кекса антиквар чироқни яна устунга қўйди ва йигитга «Мана энди ўлишни хаёлигаям келтирмаяпти», дегандай ис-теҳзоли назар ташлади.

— Бу ҳазилми? Еки сирми?— сўради нотаниш йигит.

Чол бош чайқади ва жиддий оҳангда гапириди:

— Нима деб жавоб қилишним билмайман. Бу машъум қудратни сиздан кўра ғайратлироқ одамларгаям таклиф қилиб кўрганман. Аммо улар тақдирларига даҳшатли таъсир қилувчи бу нарсадан кулишган холос. Аммо ҳеч ким номаълум куч ҳада қиласидиган ҳокимият билан шартнома тузишга журъат этолмади. Улар тўғри қилишди шекилли — шундан кейин шубҳаланиб, ҳафсалам пир бўлиб...

— Синаб ҳам кўрмадингизми?— чолнинг гапини бўлди йигит.

— Синаб кўриш дейсизми?— қичқирди чол.— Агар сиз Вандом устуни устида турганингизда ўзингизни паства ташлаб синаб кўрармидингиз? Ҳаёт оқимини тўхтатиб бўладими? Одамнинг қайта-қайта ўлганини кўрганмисиз? Бу хонага киришдан олдин ўзингизни ўлдиришга аҳд қилган эдингиз, энди бўлса бу сирга қизиқиб, ўлиш ҳақида ўйламай ҳам қўйдингиз. Бўтам! Сизнинг ҳар бир кунингизда бундан ҳам қизиқроқ сирлар учрайди! Эшитинг бўлмаса. Мен ноибининг саройидаги бузуқликларни кўрганман. Худди сизга ўхшаб, ўшанда мен ҳам муҳтоҷ, зор эдим, тиланчилик қилардим, шунга қарамай, мен бир юз икки ёшга етдим, миллионер бўлиб кетдим; баҳтсизликлар менга бойлик келтирди, билимсизликдан мен яшашни ўргандим. Сизга ҳозир икки оғиз сўз билан инсон ҳаётининг буюк сирини айтиб бераман. Ўйламай иш қиласвериб одам ўзининг тинкасини қуритади. Ўлимнинг барча сабаблари икки хилга бўлинади ва иккита сўзга — *тилак* ва *имкон* деган сўзларга бориб тақалади. Одамзод ҳаётининг мана шу иккала чегараси ўртасида учинчи бир ақида борки, буни фақат доноларгина билишади. Мана шу ақида менга баҳт ва узоқ умр берди. *Тилак* бизни куйдиради, *имкон* — вайрон қиласиди, *билиш* эса бизнинг заиф вужудимизни абадий сокинликка олиб келади. Демак, *тилак*, истакни менинг фикрларим ўлдириб юборган, мен вужудимнинг эҳтиёжларига қараб иш қиласадим, чунки кўнгил одамни хароб қиласиди. Ҳиссиётларимга ишониб ҳам яшамадим, чунки ҳиссиётлар ўтмаслашиб, ўлиб кетади. Мен ақлимга қараб яшадим. Ақл эса ҳеч қачон эскирмайди, ҳаммадан узоқ яшайди. Исрофгарчиликни қалбим ҳам, вужудим ҳам кўтармаган. Шунга қарамай, мен бутун дунёни кўрганман. Осиё ва Американинг баланд тоғларига ҳам қа-

дамим етган. Мен ҳамма одамларнинг тилларини ўргандим. Мен ҳар қанақа ҳукуматларни кўрдим. Хитойликка пул қарз берганман, гаровига отасининг ўлигини олганман. Мен арабнинг лафзига ишониб, унинг чодирида тунаганман; Европадаги барча пойтахтларда шартномаларга қўл қўйганман ва олтинларимни кўрқмасдан ёввойиларнинг чайласига қўйиб кетганман. Хуллас, ҳамма нарсага эришдим, чунки ҳамма нарсани писанд қилмадим. Дунё кўриш — менинг асосий орзум, кўриш ахир билиш эмасми? Билиш эса кўнгил учун лаззат эмасми? Ҳаётнинг туб моҳиятини кашф этиш, унга чуқур кириб бориш лаззат эмасми? Моддий нарсаларни тўплашдан нима қолади? Фақат — ғоя қолади. Ўйлаб кўринг, тафаккурида бутун борлиқни акс эттира оладиган ва баҳт манбаларини ўз қалбига кўчира оладиган, уларни турмушнинг ифлосликларидан тозалаб, олам-олам лаззат ола биладиган одамнинг ҳаёти нақадар гўзал бўлади! Тафаккур — барча хазиналарнинг калити, у хасис одамнинг барча ташвишларини қолдириб, бизга барча лаззатларини беради.

Хуллас, мен арши аълода юрадим, барча лаззатларим руҳий шодликлардан эди. Менинг орзум — денгизларни, эл-юртларни, ўрмонларни, тоғларни томоша қилиш эди. Мен ҳамма нарсани сокин, осуда томоша қилардим, чарчамасдим; мен ҳеч нарсани тиламасдим, фақат кузатардим. Олами ўз боғимда юргандай сайр қилардим. Одамлар қайғу-ҳасрат, муҳаббат, иззат-нафс, кулфат, хафагарчиликлар деб атовчи нарсаларни мен фақат ўйларимда кўрардим, булар фақат хаёлимда эди холос. Мен бундай нарсаларни ҳис этмайман, фақат ифодалайман, шарҳлайман холос. Бу нарсалар умримни қисқартиришига йўл бермайман, бунинг ўрнига, уларни хаёлимда кескинлаштираман, ривожлантираман, худди роман ўқигандай, улардан завқ оламан. Мен ҳеч қачон вужудимни толиқтирмайман, шунинг учун ҳозиргacha сор-саломатлигим аъло даражада. Менинг руҳимда барча сарфламаган кучларим йиғилиб қолганлиги учун бошим хазинахоналармидан ҳам бойроқ. Мана бу ерда — деди чол пешонасига уриб, — бу ерда чинакам миллионлар бор! Мен кунларимни жуда ажойиб ўтказаман; кўзларим ўтмишни кўра олади: мен турли мамлакатларни, турли жойларнинг манзараларини, тарихнинг ажойиб лавҳаларини жонлантира оламан. Ҳаёлимдаги ишратхонада менга насиб этмаган барча аёллардан лаззат оламан. Кўпинча сизларнинг урушларингизни, революцияларингизни хаёлимда қайтадан курман ва улар тўғрисида мулоҳаза юритаман. Озми-кўпми дуркун бўлган гўзалнинг баданига, озми-кўпми думалоқ сийналарга бир лаҳза, қалтираб-қақшаб мафтун бўласизлар, барча алдамчи умидларингиз чиппакка чиқади. Шундан кўра кўнгилда олам яратадай юксак қобилият; вақт ва маконнинг толиқтирувчи кишанларисиз ҳаракат қилиб чексиз лаззатла-

шунинг; борлиқни қамраб олиш, борлиқни кўриш, дунёнинг энг чеккасидан пастга әгилиб, бошқа оламларни кўриш, худонинг овозини эшитиш афзал эмасми? Бу ерда,— бўкирди чол сагри терини кўрсатиб,— тилак ва имкон бирлаштирилган! Мана, сизларнинг ижтимоий ғояларингиз, ҳою ҳавасларингиз, очкӯзлигингиз, сизларни адо қилувчи шодликларингиз, юрак ҳовучлаб яшашга мажбур этувчи қайфу-ҳасратларингиз. Ахир оғриқ, дард энг зўр лаззат-ку сизлар учун, шундай эмасми? Лаззат қаерда дардга айланади-ю, дард қаерда лаззатлигича қолади, чегарасини ким билади дейсиз? Жисмоний дунёнинг қиттай хафагарчилиги ҳам одамни тинимсиз жароҳатлайди, хаёлдаги дунёнинг равshan нурлари эса роҳат-фарогат бағишлайди. Донолик билимдан келади ахир! Тентаклик эса тилакларнинг ёки куч-қудратнинг тийиқсизлигидан келиб чиқади!

— Шунинг учун мен тийиқсиз яшагим келади!— деди нотаниш йигит сағри терига чангаль солиб.

— Эҳтиёт бўлинг, йигит!— ўзига ярашмаган қизиққонлик билан хитоб қилди чол.

— Умримни илм-фанга, ақлий ишларга бағишиладим, лекин сира косам оқармади,— жавоб берди нотаниш йигит.— Энди менга Сведенборгчасига панд-насиҳатлар ҳам, шарқнинг туморлари ҳам, мени бу дунёда ушлаб қолишга интилиб, шафқат кўрсатишингиз ҳам керак эмас. Мен бундай ҳаётдан тўйиб кетдим. Шунинг учун,— давом эттириди йигит тилсимни телбаларча қаттиқ чангальлаб, чолга қарап экан,— шоҳона, дабдабали ҳаёт кечиришни, замонага муносиб, одамлар айтгандай кайф-сафо билан айш-ишратда яшашни истайман! Даврамдагилар ёшгина, ўткир зеҳни бўлсин; қонун-қоидаларга, расмиятга ёпишиб олмаган бўлсин; телбаларча хушчақчақ бўлсин! Бир-биридан ўткир, учқун сочиб турган винолар кетма-кет қўйилсин; улардан уч кунгача маст бўлайлик! Қайноқ, эҳтиросли қиз-жуvonлар кечанинг безаги бўлсин! Тийиқсиз айш-ишрат бизни тўрт от қўшилган учқур аробада дунёнинг чеккасига, номаълум соҳилларга олиб бориб ташласин! Рұҳларимиз арши-аълога парвоз қилсин ёки ботқоқларга ботсин, билмадим, рұҳларимиз самога учадими, ё ер қаърига қулайдими, менга барибир. Шундай қилиб, мен бу даҳшатли кучга бутун дунё роҳатларини келтиришни буюраман. Ҳа, оний ва илоҳий лаззатларнинг ҳаммасини сўнгги марта тотиб кўрсам; кейин ўлсан армоним йўқ. Базмдан, маст-аластликдан сўнг муҳаббат тангриси паноҳида лаззатли қовушишлар бўлсин; ўликларни ҳам тирилтирадиган қўшиқлар бўлсин! Бўсалар, ўшишишлар шундай узоқ, бениҳоя узоқ бўлсинки, уларнинг олови ёнгиндей, бутун Парижни ўраб олсин, эр-хотинларни уйғотиб, уларни бир-бирининг қучоғига отсин! Ҳаммага, ҳатто етмиш ёшлиларга ҳам ёшлик эҳтиросларини қайтарсан!

Шу пайт телба йигитнинг қулоқларини чолнинг дўзах гулдуросидай кулгиси батангга келтириди ва гапи шартта бўлингач, у беихтиёр индамай қолди.

— Сиз ҳозирнинг ўзида пол ёрилиб, нариги дунёдан шоҳона дастурхон ясатилган столлар чиқади, деб ўйлаётгандирсиз? Йўқ, йўқ, йигитча. Сиз шартнома туздингиз, шунинг ўзи етарли. Энди барча тилак-истакларингиз аниқ, аммо сизнинг умрингиз ҳисобига амалга ошади. Мана шу терига чизилган умрингиз кунлари доираси тилакларингизнинг кучи ва миқдорига қараб тораяверади, тилакларингиз хоҳ кичик, хоҳ жуда катта бўлсин, барibir. Менга бу тилсимни ҳадя этган бараҳмон айтишича, тилсим эгасининг тилаклари билан тақдиди ўртасида яширин боғланиш бор экан. Сизнинг биринчи тилагингиз тубан тилак, уни менинг ўзим ўринлатишим мумкин эди, аммо бу ишларни энди сизнинг янги ҳәettingизга ҳавола қиласман. Ахир, сиз ўлмоқчи эдингиз, шундай эмасми? Майли, фақат ўлимингиз муддати сал чўзилади холос.

Бу ғалати чолнинг сўнгги сўzlарида киноя аниқ сезилиб турганидан, ҳамон масхаралаётганидан ажабланган йигит хитоб қилди:

— Кўрамиз, дарё соҳилидан нариги ёққа ўтгунимча менинг тақдирим ўзгарармикин, йўқми? Агар мендай баҳтсиз одам устидан кулаётган бўлсангиз, бу гуноҳингиз учун илоҳим раққосани севиб қолинг! Кайф-сафо мазасини ўшандагина тушунасиз, эҳтимол, емай-ичмай тўплаган бойликларигизни кўкка совурасиз.

У, чолнинг оғир хўрсинганини ҳам эшитмай, бақалоқ юз гумашта орқасидан юриб барча заллардан ўтди. Гумашта унинг йўлини ёритишга беҳуда ҳаракат қиласарди: нотаниш йигит ўғирлик устида қўлга тушган жиноятчидай жон ҳолатда югуради. Довдираф, алаҳсираб қолган йигит ғалати терининг момиқдай майнингини жон-жаҳди билан муштидағижимлаб, беихтиёр фракининг чўнтағига солиб қўйганини ҳам сезмади.

Кўчага югуриб чиқиши билан у қўл ушлашиб келаётган уч йигитга учради.

— Хайвон!

— Галварс!

Улар шундай «ширин» саломлашишди.

— О, бу Рафаэль-ку!

— Салом! Қайси гўрда қолдинг?

— Ие, ўзлари-ку!

Шамолда чайқалаётган фонуснинг ёруғи ажабланган йигитларнинг юзига тушиши билан сўқинишдан сўнг мана шу дўстона хитоблар эшитилди.

— Оғайнин,— деди боя Рафаэлни қоронғида туртиб, йиқитаётган йигит,— ҳозир биз билан юрасан.

— Қаёққа, нима учун?

— Юравер, йўлда гапириб берамиз.

Рафаэль қанча тихирлик қилиб, боришига кўнмаса ҳам дўстлари уни ўраб олиб, қўлларини маҳкам ушлаб, ўзларининг шўх даврасига қўшиб, Санъатлар кўпригига етаклаб кетишиди.

— Оғайни,— давом этди дўсти Эмиль,— сени бир ҳафтадан бери излаймиз. Жан Жак Руссо давридан бери эълоннинг қизил, қора бўёқлари ўчмай турган мўътабар «Сен-Кантен» мусофиринасига бордик. Сен ўша ерда тураг экансан. Леонарданг сени, шаҳардан ташқарига чиқиб кетган, леди. Тўғриси, биз пул иши билан келган терговчиларга, судхўрларга, жосусларга ўҳшамасдик. Ана шунаقا! Растињяк бўлса сени кеча кечқурун Италиян операсида кўрганилигини айтди. Бу хабардан дадилланиб, сенинг қаерларда юрганингни зудлик билан аниқлашга киришдик. Сени Елисей майдонидаги бирор дараҳтнинг устида ухлаб қолганмикин, ёки гадойхонада икки су тўлаб, арқонга суюниб ухлаётганмикинсан, ёки бўлмаса баҳтинг чопиб бирор хонимнинг оромгоҳида bemalol ялпайиб ётганмикинсан, деб ўйладик. Сени Сент-Пелажи турмасининг маҳбуслари рўйхатидан ҳам, Ла-Форс аристонлари орасидан ҳам топмадик! Министрликларни, Операни, фоҳишаҳоналарни, қаҳваҳоналарни, кутубхоналарни, префектурани, журналистлар бюросини, ресторонларни, театр фойеларини — хуллас Париждаги яхши-ёмон ҳамма жойларни «илмий асосда» текшириб чиқдик, аммо тополмадик. Шундан сўнг подшо саройига ёки турмага жойлашиш учун етарли даражада қобилиятли бўлган одамдан айрилиб қолдик, деб қайғурдик. Сени Июль революцияси қаҳрамони сифатида абадийлаштиришни келишиб ҳам қўйган эдик. Хуллас, ростданам сен учун афсусландик.

Ўртоқларининг сўзларига қулоқ солмай, Санъатлар кўп-ригидан бораётган Рафаэль мавжли тўлқинларида Париж чироқлари акс этаётган Сенага боқарди. Боягина у ўзини шу дарёга ташламоқчи эди, энди эса чолнинг башорати юзага чиқди, унинг ўлим соатлари кечиктирилди.

— Биз ростданам сенга ачиндик,— давом этди Рафаэлнинг ўртоғи.— Гап шундаки, биз бир найрангга сени ара-лаштиromoқчийдик. Бу ишда сенга ўхшаш, ҳеч нарсадан тап тортмайдиган буюк одам керак бўлиб қолди. Қиролнинг конституция ёнғоги билан қўрсатаётган қўзбўямачилиги ҳозир роса авжига чиққан. Халқ қаҳрамонлиги туфайли ағдариб ташланган шармандали монархия — хулқи бузуқ аёл эди, у билан ҳазиллашиш ҳам, базм қилиш ҳам мумкин эди. Халқнинг Ватан деб аталувчи хотини эса лақма, аммо саҳоватли, истасанг-истамасанг унинг, вазмин эркаликларини кўтарасан. Биласан-ку, ҳокимият Тюильридан журналистлар қўлига ўтган. Маблағлар ҳам Сен-Жермен даҳасидац Шос-

се-д Антенга кўчган. Лекин сен бир нарсани билмасанг керак. Бир вақтлар руҳонийлар подшоларни ётқизиб-турғизишарди. Ҳозир эса ватанинн ётқизиб-турғизадиган аслзода банкирлар ва адвокатлар, (яъни ҳокимият) барча фалсафий мактаблардан ва барча замонларнинг олғирларидан намуна олиб, оққўнгил француз халқини аҳмоқ қилгиси кеп қопти. Хуллас, гап шундаки, бу ҳокимият ҳам шоҳнинг, ҳам миллатнинг қарашларини халққа сингдирмоқчи. Бу сафсатабозларнинг айтишича, бир миллиард икки юз миллиону ўттиз уч сантим пулни қиролга тўлашдан кўра бир миллиард икки юз миллиону ўттиз уч сантим пулни ватанинг вакиллари бўлган фалон-пистон жанобларга тўласа халқ баҳтиёр бўлар эмиш. Негаки қирол «биз» ўрнига «мен» дейди. Хуллас, фуқаро-қирол ҳокимиятига унчалик зарар келтирмайдиган даражада норози одамларни рози қилиш учун оппозиция¹ ташкил этиш мақсадида газета таъсис этиляпти. Газетанинг яхшигина маблағи бўлади. Икки юз-уч юз минг франк. Демак, биз озодликни ҳам, зулм-истибодни ҳам масхара қилувчилар, динни ҳам, даҳрийликни ҳам масхара қилувчилармиз: биз учун ватан — пойтахт; бу ерда гоялар алмаштирилади ва ҳар сатри фалон судан сотилади; ҳар куни мазали таомлар ва сон-саноқсиз томошалар бўлиб туради; бу ерда фоҳишалар ачиб ётибди; кечки таомлар ионуштага уланиб кетади; муҳаббат файтунга ўхшаб ижарага берилади. Париж — барча ватанлар ичida энг мафтункори, шодлик, озодлик, ақл-идрок, нозанинлар, муттаҳамлар, ўткир винолар ватани. Бу ерда ҳоқимият таёғи унчалик қаттиқ сезилмайди, чунки биз таёқ кўтарғанларнинг яқинидамиз, биз тангри Мефистофелнинг ҳақиқий муҳиблари... жамоатчилик фикрини бўяб кўрсатиш, актёrlарни истаганча кийинтириш, ҳукумат қўйғирчоқхонасига янги тахталар қоқиш, қоидабозларнинг қўлтиғига сув пуркаш, эски республикачиларни афдариш, бонапартчиларни янгилаш, марказни озиқ-овқат билан таъминлаш вазифаларини зиммамизга олганмиз. Шу шарт билан олганмизки, бизга қироллар ва халқлар устидан астагина кулишга, оқшомлари тонгдаги фикримизни ўзгартиришга, Панургчасига хушчақчақ яшашга ёки таге orientali² парқу ястиқларга ёнбошлишга рухсат берилса бўлди. Мана шу мошкичири қозон-товори ва масхарабозларча салтанат раҳбарлигининг жиловини сенга бермоқчимиз. Бояги газетанинг асосчиси, бебилиска олтинларини қаерга қўйишни билмай, ўткир сўзларга алмашибини хоҳлаган банкир зиёфат беряпти. Шунинг учун ҳозир сени тўппа-тўғри шу зиёфатга олиб боряпмиз. Сени у ердагилар ўз одамидай кутиб олишади. Биз

¹ Оппозиция — ҳокимиятдан (бу ерда Конституцион монархиядан) норози гурух. [Тарж].

² Шарқона услубда (лотинча).

сени ҳеч нарсадан қўрқмайдиган ва узоқни кўрувчи, Австрия, Англия ёки Россиянинг қандай ниятлари борлигини (Россия, Англия ёки Австриянинг ҳеч қандай нияти бўлмаса ҳам) сезиб оладиган ҳур фикрлиларнинг подшоси деб эълон қиласмиш! Биз сени дунёга ҳар қанақа *Мира* боларни, Талейранларни, Питтларни, Меттернихларни етказиб берадиган, хуллас, оддий одамлардай бир рюмка вино тикиб эмас, бутун-бутун давлатларнинг тақдирларини тикиб қимор ўйнайдиган барча олғир *Кристинларни* етказиб берадиган ақлий кучларнинг бош ҳукмдори қилиб тайинлаймиз. Бошбошдоқлик деган ғаройиб аждаҳони энг дадил одамлар яккама-якка жангга чақиришни орзу қиласидар. Биз сени ана шу аждаҳоға қарши жанг бошлиётган курашчиларнинг энг довюраги деб таърифлаганмиз. Ҳатто бошбошдоқлик аждаҳоси сени ҳозиргача енга олмаганини ҳам айтганимиз. Ишонаманки, юзимизни ерга қаратмайсан. Бизнинг *амфитрионимиз* бўлган Тайфер замонавий жажжи *Лукулларимизнинг* аянчли *сатурнацияларини* орқада қолдиришга ваъда берган. Унинг етарли бойлиги бор, майда нарсаларга улуувор, гуноҳларга — гўзал ва мафтункор тус бера олади. Эшитдингми, Рафаэль?— ўзининг нутқини бўлиб, сўради нотиқ.

— Ҳа,— деди йигит истакларининг амалга ошаётганидан кўра, воқеаларнинг бундай табиий тус олганидан ажабланниб.

У сеҳр-жодуга ишонмасди, амма инсон тақдиридаги тасодифлардан ажабланарди.

— Аммо шундай фамгинлик билан «ҳа» деяпсанки, худди бувангнинг ўлимини ўйлаётгандайсан,— деди яна бир ўртоғи.

— Эҳ!— Рафаэль шундай сoddадиллик билан хўрсиндики, Франциянинг келажаги, умиди бўлган бу ёш ёзувчилар кулиб юбориши.— Дўстлар, нимани ўйлаётганимни айтами?— деди Рафаэль.— Биз катта найрангбозлар бўлиш арафасида турибмиз! Шу вақтгача биз қонунга зид ишлар қилдик, бир мастилик билан иккинчи мастилик ўртасида ноҳақ ишлар қилдик, ҳаёт ҳақида маст-аласт фикр юритдик, одамлару воқеаларга тушлик ҳазми таом вақтида баҳо бердик. Аслида гуноҳсиз бўлсак ҳам, оғизда жуда дадил эдик. Энди бўлса танамизга сиёсатнинг чўғли тамғаси босилганидан кейин буюк сургунга йўл оламиш ва у ерда орзуларимиздан айриламиз. Ахир фақат шайтонга куни қолган одам ҳам бегубор ёшликтарнинг жаннат боғларидан қувилганига кўз ёши қиласиди-ку. Бегуноҳ чоғларимизда биз оққўнгил руҳоний қаҷон бизга муқаддас Исонинг жамолини кўрсатаркин, деб оғзимизни очиб кутиб турардик. Эҳ, азиз дўстларим, аввали гуноҳларимиз шунинг учун лаззатли әдикни, у вақтларда бизда виждан азоби бор эди. Шунинг учун ўша пайт гуноҳларимиз ҳам ўзимизга ширин туйиларди. Энди-чи...

- О, энди биз учун... — гапини бўлди биринчи суҳбатдоши.
- Нима қолди? — сўради бошқаси.
- Жиноят...
- Мана, дордай юксак ва Сена дарёсидай теран сўз,— деди Рафаэль.

— Йўқ! Сен гапимга тушумадинг!. Мен сиёсий жиноятлар ҳақида гапиряпман. Бугун аzonда мен фитначиларга ҳасад қила бошладим. Бу хаёлим эртагача умр кўрармикин, билмадим, аммо цивилизациядан, рангсиз-туссиз темирийўл изларидаид бир хил ҳётдан кўнглим айнийдиган бўлиб қолди. Французларнинг Москвадаин чекинишига, «Қизил Қароқчи» ташвишларига ўхшаш, контрабандачиларнинг ҳаётида учрайдиган фалокатлар сингари нарсаларни кўнглим тусаяпти. Модомики, эндиликда Францияда картезичи роҳиблар йўқ экан, ҳеч бўлмаса, Ботанибэйга — кичкина лорд Байронларнинг касалхонасига тушсан ҳам майли эди. Бу жажжи лордлар ўз умрларини тушлик таомдан сўнгги қофоз рўмолчадай ғижимлаб ташлаб, қарашсаки, ўз мамлакатида ёнғин чиқариш, ўзининг пешонасидан ўқ қўйиш, республикачилар фитнасига қўшилиш ёки уруш оловини ёқишдан бошқа қиладиган ишлари қолмапти...

— Эмиль, — эҳтиросли гап бошлади Рафаэлнинг иккинчи дўсти, — ростини айтсан, Июль революцияси бўлмаганида бирор чекка қишлоқда руҳоний бўлиб яшардим...

- Ва ҳар куни инжил ўқирдингми?
- Тўғри.
- Мақтанчоқ!
- Ахир газета ҳам ўқиймиз-ку!
- Журналист учун чакки эмас! Аммо, оғзингни юм, атрофимиздаги оломон — бизнинг обуначиларимиз-ку. Кўрдингми, журналистика ҳозирги замон жамиятининг дини бўлиб қолди бу соҳада тараққиёт бор.
- Қанақасига?
- Бош руҳонийлар динга ишониши шарт эмас, дарвоҷе, ҳалқ ҳам шундай...

„De viris illustribus¹ китобини аллақачон ўқиб туширишган оқкўнгил йигитлардай чақчақлашиб, улар Жубер кўчасидаги дангиллама иморат олдига келиб қолишли.

Эмиль журналист эди, бошқалар иши юришиб шуҳрат топса, у ҳеч иш қилмай юриши билан шуҳрат қозонган эди. Ўтқир зеҳнли ва тили аччиқ, дадил танқидчи Эмилнинг барча фазилатлари ҳам, барча иллатлари ҳам ўзига ярасарди. Пичингчи ва оқкўнгил бу йигит дўстининг юзига қараб минглаб эпиграммалар² тўқиб ташлар, аммо орқасидан уни дадил ва мардлик билан ҳимоя қиласарди. У ҳаммани, ҳатто ўз келажа-

¹ «Гобсек»нинг бағишловига қаралсин.— Ред.

² Масхараловчи шеърлар.

гини ҳам масхара қиласарди. Доим пулсизликдан қийналар, анча-мунча қобилиятли йигитлардай, ялқовликдан боши чиқ-мас, ора-сирада бирор гап айтиб қўяр, аммо ана шу биттагина гапи бутун бир китобга арзирди; шунинг учун бутун бир китобида биттагина жонли гапи бўлмаган баъзи жаноблар-нинг ҳасадини келтиради. У сахийлик билан ваъдалар бераверар, аммо ҳеч қачон бирортасини бажармасди. У ўзининг баҳти чопганидан ва топган шуҳратидан парқу ястиқ қилиб олиб, гулчамбарларига ўралиб бегам-бепарво ётарди, қариганида бирор худойхонага тушиш хавфи доимо бошидан кетмасди. Боз устига у дўсти учун жонини аямай, дорга ҳам борар, ўзининг виждонсизлиги билан мақтанар, аммо, ёш боладай оққўнгил эди. Фақат илҳоми келганида ёки нон то-полмай қолганида ишларди.

— Мэтр¹ Алькофрибаснинг сўзлари билан айтганда бу ерда зиёфат дастурхонидан бизга ҳам қоладиган ушоқлар бор²,— деди у Рафаэлга зиналарнинг икки четидаги ёғоч ту-вакларда гуллаб-яшнаб, муаттар ҳид сочиб турган гулларни кўрсатиб.

— Даҳлиз яхши иситилган ва гиламлар тўшалган бўлса яхши кўраман,— сўз қотди Рафаэль.— Францияда бундай жойлар кам. Бу ерда онадан қайта туғилгандай бўляпман.

— У ёқда, юқорида роса ичиб, чақчақлашамиз, шўрлик Рафаэлим. Кўрасан ҳали! — давом эттириди сўзини Эмиль.— Ўйлайманки, биз бу қовоқбошларнинг ҳаммасидан ғолиб чиқамиз!

У ранго-ранг чироқлар ва тилла жиҳозлар ярқираб турган залга киар экан, меҳмонларни кўрсатди; шу заҳоти янги келгандарни Парижда энг машҳур бўлган ёшлилар ўраб олиши-ди. Булардан бири янги чиққан талант — биринчи тасвири биланоқ Империя замонидаги энг яхши рассомлар қаторига қўшилган эди. Бошқаси яқиндагина ажойиб асарини эълон қилишга журъат этган; ҳозирги адабиётни менсимай ёзилган бу китоб янги адабий мактаб учун кенг йўллар очгани эди. Қархли юзидан жасур даҳо эканлиги шундоқ кўриниб турган ҳайкалтарош йигит шароитга қараб ҳеч кимни менсимайдиган ёки ҳаммага таъзим қиласидиган ёш ва турқи совуқ майна-бозлардан бири билан гаплашиб ўтиради. Энг ўткир ҳажвичи рассомларимиздан бири, қув кўзли, тили аччиқ мусаввир суҳбатдаги қочириқларни «териб», олиб, шоша-пиша қофозга туширади. Сиёсий ғояларнинг моҳиятини ҳаммадан кўра нозикроқ тушунадиган, ҳазиллашиб туриб, икки-уч сўз билан қандайдир сермаҳсул адабининг кимлигини айта оладиган ёш

¹ Мэтр — устоз, муаллим.

² «Гомер достонлари шундай тўкин дастурхонки, менинг асрларим шу дастурхондан тўкилган ушоқлардир» деган иборани Софокл айтган. (Тарж.)

ва дадил ёзувчи истеъдодсиз шоир билан гаплашиб ўтиради. Мабодо бу шоирнинг истеъдоди рақибларига нафратидай кучли бўлгацида барча замондошларини орқада қолдирган бўлар эди. Иккаласи рост гапни ҳам, ёлғонни ҳам гапирмасликка интилиб, ўзаро силлиқ, хуш ёқадиган гаплар айтиб ўтиришарди. Машҳур мусиқачи бемоль оҳангидга, ёнидаги сұхбатдошини масҳаралаб юпатар эди. Сұхбатдоши, ёш сиёсий арбоб яқинда баланд мансабдан қулаб тушган, аммо ҳеч қаери лат емаган эди. Услуби бўлмаган ёш ёзувчилар эътиқоди бўлмаган ёш ёзувчилар билан, нафосатга ўч прозаиклар нафосатсиз шеър ёзадиган шоирлар билан ёнма-ён ўтиришарди. Уз таълимотига ишонадиган даражада содда бўлган бечора сен-симончи шафқат юзасидан бу осий бандаларни яраштирас, чамаси, улардан ўз мазҳабига сомелар етиштиришни истарди. Ниҳоят, бу ерда яна сұхбатнинг обҳавосини азот қўшиб суюлтириш учун келгандай икки-уч олим, истаган вақтларида ялтироқ сўз айтиб ўзини кўрсатадиган, олмосдан чиққан учқунга ўхшайдиган сўзлари ҳеч қаерни иситмайдиган ва ёритмайдиган бир неча водевилчилар¹ бор эди. Бир неча зиддиятчилар ўзларининг нафратаңгиз ёки ҳайратангиз фикрларига қўшилган одамлар устидан киши билмас кулишиб қалтис, тифдор сиёсатларини бошлиб юборган эдилар. Шундай сиёсат ёрдамида ўзлари бирор тузум томонига ўтмай туриб, барча тузумларга қарши фитна уюштирас эдилар. Ҳеч нарсага ҳайрон қолмайдиган, Итальян операсида каватина айтилаётганида эснаб ўтирадиган, биринчи бўлиб «Қойил!» деб қичқирадиган, ўзидан олдин фикр айтган ҳамма одамларга эътироҳ билдирадиган билимдон ҳам шу ерда эди; у бирорлардан эшитиб олган ўткир сўзларни ўзиники қилиб такрорлар эди. Бу ерга йиғилган меҳмонлардан бештасининг келажаги бор эди; ўнтачаси бир амаллаб тириклигида шуҳрат қозонган: қолганлари эса Людовик XVIII нинг машҳур «бирлашиш ва гиналарни унутиш» деган ёлғон шиорини қайтаришлари мумкин бўлган ўртамиёна одамлар эдилар. Амфитрион зиёфатга икки минг экию сарфлаган одамга хос ташвишини билдирамай, хушчақчақ бўлишга уринарди. У сабрсизлик билан тез-тез зал эшикларига қараб қўяр, кечиккан меҳмонларни чақираётгандай эди. Кўп ўтмай бақалоқ одам — шу бугун янги газета нашр этиш юзасидан шартнома тузган нотариус пайдо бўлди — уни меҳмонлар шодон қийқириқлар билан кутиб олдилар. Қора кийинган лакей кенг ошхона эшикларини ланг очиб юборди. Ҳамма ясоғлиқ катта стол атрофидан ўзларига яраша жой топиб ўтириш учун гур этиб ичкари киришди. Меҳмонхонадан чиқиб кетаётib, Рафаэль яна бир марта атрофга қаради. Унинг тилаги чиндан ҳам аниқ амалга ошаётган эди. Қаёққа

¹ Енгил, қувноқ саҳна асари ёзувчилар.

қараса олтин, қаёққа қараса атлас-шойи. Сон-саноқсиз шамтар ўрнатилган қимматбаҳо қандил ёруғида хонадаги олтин нақшларнинг жимжималари равшан кўринар, туж қандакорлиги ва ёточ жиҳозларнинг ҳашаматли бўёқлари товланарди.

Бамбук — қамишдан ясалган нақшин токчалардаги ноёб туллар ширин, лаззатли бўй таратарди. Бу ерда деворни беъзаб турган нозик-нафис матоларгача, ҳамма нарса фусункор, нафосатли, камбағаллар учун ҳайратланарли эди.

— Юз минг ливр даромад ҳар қандай жойни жаннатга айлантиради, бу пуллар билан ахлоқ қоидаларига қойиллашиб амал қилиш мумкин! — деб хўрсинди Рафаэль. — Дарбоқе, мен энди пиёда юришга номус қиласман! Менинг учун болахона, жулдур кийим, қишида эски шляпа кийиш ва швейцар-дорбондан қарз олиш гуноҳ саналади... Эҳ, мана бундай дабдаба билан бир йил, ҳатто ярим йил яшаб, кейин ўл самам майлийди! Ҳар ҳолда ҳаёт жомини тотиб кўрардим, охиригача ичардим, минглаб одамларнинг умрини кечирарам.

— Э, сен биржа ходимининг файтунини баҳт деяпсанми? — эътироz билдири қулоқ солиб турган Эмиль. — Бойлик тез кўнглингга уради, ишон: бойлик сени буюк одам бўлиш имкониятидан маҳрум қиласди. Санъаткор бирор вақт камбағалнинг бойлигини бойларнинг камбағаллигига алмашганми сира! Сен билан бизга ўҳшаш одамлар учун абадий курашиш керак-ку! Ҳозир эса иштаҳангни очиб тур, қарагин, — шундай деб Эмиль омадли корчалоннинг емакхонасига ишора қилди, у ердан улуғвор, жаннатмонанд, оромгоҳ манзара кўзга ташланарди. — Ростини айтсам, Амфитрионимиз фақат биз учун қийналиб пул тўплаганга ўҳшайди. Ахир у қозон ювгичининг бир турига ўҳшамайдими? Табиатшунослар адашиб, уни сўргичзулуқлар қаторига қўшиб юборишган. Мана шу елинга қўл чўзгунларича ўзимиз қойилмақом соғиб олишимиз керак. Қара, девордаги барельефлар¹ нақадар чиройли ишланган! Қандиллар ва суратлар-чи? Бай-бай-бай! Дидни қара! Агар ҳасадгўйларнинг гаплари, турмуш сирларини ипидан-игнасигача биламан деб даъво қилувчиларнинг гаплари рост бўлса Тайфер қандайдир бир немисни, яна икки кишини ўлдирган экан. Энг яқин дўстини ҳамда энг яқин дўстининг онасини ўлдирган, дейишади. Сочлари оқарган муҳтарам Тайфернинг жиноятчи эканлигини фош этиб кўрчи. Ҳолингга маймунлар йиглайди. Кўринишидан жуда очиқ-феъл. Қумуш соchlарининг ялтирашини қара... Мана шу кумуш идишларнинг ярқираши хўжасининг қалбига пичноқ бўлиб санчилади, деб ўйлайсизми? Беҳуда гап. Кофир Муҳаммад дининга ишонса ишонадики, бу гапга ишонмайди. Агар

¹ Ганчдан ишланган бўртиқ тасвир.

халойиқ түғри гапирса, қалби ва истеъоди бўлган ўттиз киши бу ерга бутун бошли бир оиланинг ичак-чавоқларини еб, қонини ичиш учун тўпланган... Сен билан менга ўхаш покиза ва соддадил йигитлар эса жиноятга шерик бўлиб ўтирамиз! Мен банкиримиздан сўраб кўрай-чи, виждони бор-микин?...

— Ҳозир эмас!— хитоб қилди Рафаэль.— Ўлгудай маст бўлишини кутамиз. Аввал таом, бад-аз калом...

Икки дўст кулишганча ўтиришди. Аввало ҳар бир меҳмон сўзлашдан олдин узун столга ясалган дастурхондаги ноз-неъматларга қойил қолганлигини нигоҳи билан билдириди. Ҳозир ёққан қордай оппоқ дастурхон кўзни қамаштиради; устига қип-қизил бўлиб пишган кулчалар қўйилган, тоза дазмолланган қўй сочиқлар чиройли қилиб териб қўйилган; биллур қадаҳлар юлдузлардай, камалакнинг барча рангарида товланарди; шамларнинг шуълалари чексиз жилвала-нарди; кумуш қопқоқчалар остидаги таомлар зўр иштаҳа уйғотарди. Ҳамма жимиб қолди. Қўшнилар бир-бирларига қа-раб қўйишарди. Лакейлар мадера қўйишарди. Сўнг биринчи кўриниш тугаб, дабдаба билан иккинчиси бошланди. Бу кўри-ниш Камбасерсенинг порлоқ хотирасини улуғлаши мумкин эди, бу саҳнани Брийа-Саварен улуғлаши мумкин эди. Бордо ва Бургундия винолари, оқу қизил мусалласлар ҳотамтойлик билан тортилди. Ҳамма жиҳатлардан базмнинг биринчи қис-мини классик фожеанинг муқаддимаси дейиш мумкин эди. Томошанинг иккинчи кўринишида одамларнинг жағи очилди. Меҳмонларнинг ҳаммаси виноларни кўнгли тусаганча алмаштириб, ўлгудай ичиши. Ажойиб таомларнинг қолган-қутганлари олиб кетилгач, шиддатли баҳслар бошланди. Баъзиларнинг рангиар манглайлари аллақачон қизариб кетган, баъ-зиларнинг бурунлари шолғомдай қизариб кетган; ёноқлар ял-ял ёнар, кўзлар чақнар эди. Шу вақтгача, маст-аластликнинг бошланишида ҳеч кимнинг оғзидан беибо сўз чиқмаган эди; аммо энди ҳамма алжираб, аста-секин ҳазил-мутойиба ва қочириқ гаплар чиқа бошлади; сўнг ғийбат секингина илондай бошчасини кўтарди ва асалдай ширин товушда сай-рай бошлади; ичимдан топ дейдиганлар ақл-ҳушини йўқот-маслик учун сұхбатга диққат билан қулоқ солишарди. Ик-кинчи танаффусдан сўнг ҳамманинг боши қизиб кетди. Ҳам-ма овқат ер ва гапирав, ҳамма гапирав ва овқат ер, ичкиликлар дарё-дарё қуйилаётганига парво ҳам қилишмасди — винолар шу қадар ҳұшбўй ва ширин эди, чиллаки чиллакини кў-риб чумак уради. Меҳмонларни янада гижгижлаш учун Тайфер дастурхонга ниҳоятда ўткир бўлган Рене виноларни, роса қиздирадиган Токай виноларини, узоқ сақланган, дарров башга урадиган русильонларни тортишни буюрди.

Интизорлик билан кутилган, аммо кейин тўкин-сочин қу-йилган шампан виноларидан қизиб кетган меҳмонлар ўз ақл-

ларининг отларини, бекатдан чиқиб чопқиллаган почта арамалари дай, мулоҳазалар саҳросига қўйиб юбориши. Аммо ҳеч кимнинг фикрига ҳеч ким эътибор бермасди. Бирор айта бошлаган ҳикояни ҳеч ким тингламас, юзинчи марта берилган саволлар жавобсиз қолар эди. Фақат кўплаб тушуниңиз бақириқ-чақириқлардан иборат, Россияни крещендорсайдай борлан сари авжга чиқаётган шовқин-суронгина бир ўзи ҳамманинг овозини босиб кетар эди. Сўнг кинояли алёрлар, мақтансоқлик, шаддодлик бошланди. Ҳамма ақлий қобилияти билан эмас, балки ким неча хуму неча кўза, неча челяк ича олиши билан мақтанишга тушиб кетди. Гўё ҳар бирининг иккитадан овози бор эди. Ҳамма жаноблар бараварига гапидиган, хизматкорлар эса кулиб турадиган вақт келди. Жанг вақтида замбарак ўқлари, якка ва қаторасига узилган ўқлар бир-бирига тўқнашгандай, бу ерда ҳам шубҳанинг ялтироқ пардасига ўралган зиддиятлар, масхараbosозлик либосига буркангэн ҳақиқатлар, бақириқ-чақириқлар орасидан, суднинг жуззий таърифлари ва ажримлари орасидан, ҳар қанақа алжирашлар орасидан ўзига йўл олиб, бир-бири билан тўқнашардилар. Шубҳасиз, бу гап-сўзлар аталаси ичиди баён қилинган ғалати фикрлар файласуфни, гаройиб ижтимоий тузумлар сиёсий арбобни ҳайратга содиши мумкин эди. Турли мintaқалardagi turlicha falсафий taъlimotlar, dinnlar, aҳloқiy tushunchalarni, ҳukumatlar — xullas, инсоният ақл-идроқининг барча буюк муваффақиятлари бу ерда Вақт ўроғига ўхшаган ўроқ билан ўриб ташланастган эди. Ҳар ҳолда ҳозир ана шу буюк ўроқ маст бўлиб қолган дононоларнинг қўлидами ёки доно бўлиб қолган мастларнинг қўлидами — билиш қийин эди. Бу доно ақллар бўрон вақтида тўлқинлар қояларга урилиб, уни емиргандай, барча қонунларнинг қояларини зил кеткизишга тайёр эдилар. Бу қонунларнинг орасида эса катта-катта цивилизация замонлари «сузиб» юради.

Шундай қилиб шаддод ёшлар ўзлари билмаганлари ҳолда, ер юзида ээгулик ва ёвузликка ўрин бериб, уларнинг тинимсиз кураши сирларини ёпиқ қолдирган тангри иродасини амалга ошираётгандай эдилар. Шафқатсиз масхараbosозларча бу баҳс чинакам жинлар базмига ўхшарди. Ун олтинчи аср билан ўн тўққизинчи аср ўртасида қандай катта тафовут бўлса, Гаргантюа туғилаётган пайтдаги қувноқ мастларнинг мулоҳазалари билан ҳозир Революция фарзандлари ҳазил-мутойибалари ўртасида ҳам шундай катта жарлик бор эди. Ун олтинчи аср қаҳқаҳа билан ҳаммаёқни вайрон бўлиш арафасига олиб келиб қўйган эди: бизнинг аср эса вайроналар орасида қаҳқаҳа уради.

— Ҳов анави йигитнинг исм-шарифи нима экан? — сўради нотариус Рафаэлни кўрсатиб. — Уни Валантен дейишгандай бўлувди.

— Сиз уни шунчаки Валантен деб ўйлайсизми? — ҳазиломуз хитоб қилди Эмиль, — йўғе, кечирасиз, у Рафаэль де Валентен бўлади. Бизнинг гербимиз — қора майдонда кумуш тож кийган, тирноқлари ва тумшуғи қизил бургут, унинг остига «*Non cecidit animus!*¹»¹ деган шиор ёзилган. Биз — аллақандай етимча эмасмиз, биз — барча Валантенуа наслининг асосчиси, Француз Валансаси ва испан Валенсиясининг барпо этувчи император Валент авлодиданмиз, биз Шарқий империянинг қонуний ворисимиз. Модомики, биз Маҳмудга Константинополда подшолик қилишга рухсат берган эканмиз, бу бизнинг саховатли иродамиздан, шунингдек, пулимиз ва аскарларимиз етишмаганидандир.

Эмиль вилка билан Рафаэлнинг боши узра ҳавода тожни тасвирилади. Нотариус бир лаҳза ўйланиб қолди, сўнг Валенсияни, Валансани, Константинополни, Маҳмудни, император Валентин ва Валентинуа наслини ўзининг чўққатлари қаторига қўшиш ихтиёрида эмаслигини билдиргандай ишора қилиб, яна ичишини бошлиди.

— Ўткинчи бир дев оёғи остида Бобил, Тир, Карфаген ёки Венеция каби буюк шаҳарлар ҳам чумоли уясидай янчиб ташланган экан, шунинг ўзи илоҳий қудратнинг одамзодни масхаралashi эмасми? — деди Клод Виньон, Боссюэга тақлид қилиб, ҳар қаторига ўн су оладиган бетамиз қул.

— *Muso, Сулла, Людовик ўн тўртинчи, Ришелье, Робеспьер ва Наполеон* балки ҳаммаси турли цивилизациялар орасидаги думли юлдуздай пайдо бўлувчи бир одам эмасмикин? — деб жавоб қилди қайсиdir бланшчи.

— Тангри-таоло иродасини синаб кўришнинг нима кераги бор? — сўз қотди балладалар тайёрлаб берувчи Қаналис.

— Тангри-таоло иродаси эмасдир-ов! — унинг гапини бўлиб қичқирди *Билимдон*. — Дунёда бундан умумий сўзни тошиш қийин.

— Аммо Людовик ўн тўртинчи де Ментенон хонимга сув қувури ўтказиб бериш вақтида жуда кўп одамларнинг ёстиғини қуритган, ҳатто Конвент ҳам солиқларни адолатли тақсим қилиш вақтида, ҳамма учун адолатли қонун ўрнатиш вақтида, меросларни миллат мулкига айлантириш ва тенг бўлиш вақтида ҳам шунчалиқ кўп одамларнинг ёстиғини қуритмаган эди, — сафсата сотди Массоль деган йигит. У фаяқат ўзининг фамилияси олдида бир бўғинли қўшимча ўйқилиги учунгина республикачи бўлиб олган эди.

— Одам қони сизлар учун винодан ҳам арzon,— эътиroz билдириди Моро деган киши, Уаза дарёси соҳилларининг йирик мулкдори.— Айтинг-чи, ақалли шу сафар одамларнинг боши ўз жойида қоладими?

¹ «Рӯҳ ҳали заифлашмаган!» [лотинча].

— Нима учун? Ахир ижтимоий тузум асосланганида бир неча қурбонга йўл қўйилмайдими?

— Бисиу! Эшитдингми? Манови жаноб республикачининг айтишича, анови мулкдорнинг боши кетар эмиш,— деди бояни йигит қўшнисига.

— Одамлар, воқеалар — ҳеч нима,— ҳиқиқоқ тутганига карамай, ўз назариясини ривожлантиришни давом эттириди республикачи,— фақат сиёсатда ва фалсафадагина ғоялар ва эътиқодлар бўлади.

— Қандай даҳшат! Демак, «ҳа» деган биргина сўз учун лўстларимизни афсусланмай ўлдираверар экансиз-да?..

— Э, виждон азобини биладиган одам ҳақиқий жиноятчи бўлади-да. Чунки шундай одамнингни номуси бўлади. Буюк Пётр ёки герцог Альба деганда тузумларни тушунамиз, денгиз қароқчиси Монбар деганда эса — ташкилотни.

— Жамият «тузум»ларингизсиз ва «ташкилот»ларингизсиз яшаёлмайдими?— сўради Каналис.

— О, албатта!— қичқириди республикачи.

— Аҳмоқона республикангиздан кўнглим айнииди! Бирорта хўрозданиям бемалол сўйиб бўлмайди, албатта ичидан аграр қонун чиқади.

— Эътиқодларинг жуда ажойиб, азизим Брут, ичига қийма тиқилган дўстим! Аммо, сен менинг лакейимга ўхшайсан, ўша аҳмоқ озодалик касалига учраган, қўйиб берсанг кийимларингни шундай тозалаб, ялтиратиб ташлайдики, кўчада яланғоч юришга мажбур бўласан киши.

— Ҳаммангиз ҳайвонсиз! Сизлар миллатни тиш чўткаси билан тозаламоқчи бўласиз,— деди республикага берилган жаноб.— Сизнингча, адолат қонунлари ўғрилардан кўра хавфлироқ экан-да.

— Ҳай, ҳай,— жавоб қилди адвокат Дерош.

— Сиёсатвозлигингиз меъдага урди!— деди нотариус Кардо.— Эшикни ёлинг. Ҳамма билимларингизу ҳамма фазилатларингиз бир томчи қонга арзимайди. Агар ҳақиқат омборларини текшириб кўрсак, у ерда ҳеч вақо қолмаганини кўрамиз.

— Албатта, жанжалнинг яхисидан кўра тинчликнинг ёмони тузук, ҳам арzon тушади. Шунинг учун минбарлардан қирқ йилдан бери айтилаётган гапларни битта лақабалиқ-қа, Перро эртагига ёки Шарленинг хомаки расмига алиштирадим.

— Сиз бутунлай ҳақсиз!.. Анови қиймани бу ёққа олворинг... Нега дессангиз, оқибатда озодлик бебошдоқликни вужудга келтиради, бебошдоқлик эса зулмни олиб келади, зулм эса яна озодликни қайтаради. Мана шу тузумларнинг бирортасига эришолмай миллионлаб жонлар ўлиб кетди. Ахир, бу маънавий олам абадий айланаверадиган нопок доира эмасми? Одам кўнглида бирор нарсани мукаммаллаш-

тирдим, дейди. Аслида эса фақат ўрнини алмаштирган бўлади.

— О-ҳо!— қичқирди водевилчи Қюрси.— Ундей бўлса, жаноблар, озодликнинг отаси Карл Ўнинчи учун қадаҳ кўтараман!

— Ахир тўғри айтяпти!— деди Эмиль.— Қонунларда кишану хулқ-атворда эркинлик ёки аксинча... Шундай бўлганидан сўнг, тўғри-да!

— Демак, бизга аҳмоқлар устидан кулиш ҳуқуқини берган аҳмоқлар ҳокимияти учун ичамиз!— деди банкир.

— Йўқ, азизим, Наполеон бизга ҳар ҳолда шон-шуҳрат келтирди!— қичқирди Брестдан нарига сузмаган денгиз офицери.

— Оҳ, шон-шуҳрат яхши мол эмас. Қимматга тушади, узоқ сақлаб бўлмайди. Аҳмоқлар худбин бўлгани учун баҳтили, буюк одамлар шон-шуҳратга ўч бўлгани учун худбин эмасми?

— Ундей бўлса, жуда баҳтили бўлсангиз керак...

— Ўз мулкларини биринчи марта четан девор билан тўсган одам касалманд бўлса керак, чунки жамиятдан фақат касалманд одамларга фойда келади. Маънавий оламнинг икки қутбига турувчи ёввойи одам билан мутафаккир бирдай мулкдан қўрқса керак.

— Қойил!— қичқирди Кардо.— Агар мулк бўлмаса нотариал ҳужжатларни қандай тузар эдик?

— Бай-бай, мана бу нўхат бирам мазали бўптики!

— Эртасига руҳонийнинг ўлигини топишибди...

— Ким ўлим тўғрисида гапирияпти? Ўлим билан ҳазиллашманглар! Менинг амаким...

— Сиз, албатта, унинг ўлимига рози бўлгансиз, тўғрими?

— Ҳа-да...

— Жаноблар, эшитинглар!.. ЎЗ АМАҚИСИНИ ОСОНГИНА ҮЛДИРИШНИНГ ЙУЛИ! ЖИМ-М! (Эшитинглар, эшитинглар!) Аввало, хўппасемиз ва ёли бир амакини оласиз, етмиш яшари бўлса яна яхши — чунки шундайлари аъло навли амаки бўлади. (Умумий жонланиш). Қандайдир баҳона топиб, унга гоз жигаридан қилинган қўйма едирасиз...

— Ахир, мени амаким дароз, қотма, зиқна ва қилтомоқ.

— О, бундай амакини аждаҳо деяверинг, улар худо берган умрни суиистеъмол қилишади.

— Шу тариқа,— давом эттириди амаки ҳақида сўз бошлиган хотиқ,— у киши овқатини ҳазм қилиб ўтирганида банкири — синганлигини эълон қиласиз.

— Бу кулфатга дош берса-чи?

— Унга дўндиққина қизчани топиб бериш керак.

— Агар у киши?— деб, эплолмаса-чи, деган ишорани қилди бошқа бирор.

Ундаи бўлса у амаки эмас экан-да... Амаки — аслида
нишбўлади.

— Малибран овозидан икки нота йўқолиб қолипти.

— Нотўри!

— Тўғри!

— А-ха, а-ха! Ҳам тўғри, ҳам нотўғри — ҳамма диний, сиёсий ва адабий мавзулар мана шу икки сўзга бориб тақалмайдими? Инсон жарлик ёқасида ўйинга тушаётган масхарбозда.

— Галингизни тинглаганим учун аҳмоқ эканман-да?

— Аксинча, тингламаганингиз учун аҳмоқсиз...

— Маърифат — аҳмоқлик! Жаноб Гейнфеттермахнинг нашр этилган миллиард том китоби бор: одам бўлса умри бўйи юз эллик мингдан ошиқ китоб ўқиёлмайди. Шундай экан, маърифат деган сўзнинг маъносини менга тушунириб беринг-чи. Бировлар македониялик Искандар тулпорининг исмини билиб олса, ёки жаноб Дезаккорнинг дод или Беросилло деб аталганлигини билиб олса, ўзини маърифатли ҳисоблайди. Аммо улар дунёда биринчи марта ким ёғочни дарёда оқизганлигини ёки биринчи марта фосфорни ким топганлигини билиши шарт эмас. Бошқалар учун ўлаётган одамнинг васиятномасини ўғирлаб, жамият орасида ҳалол, севимли ва ҳурматли бўлиб юриш ҳам — маърифат. Булар учун биронвинг соатини сув қилиш (яна бир мартамас, айбни оғирлаштирувчи беш ҳолатдаям), сўнгра ҳамманинг кўзи олдида Гре майдонига дор остига бориш маърифат эмас.

— Натан жойида қоладими?

— Э, унинг ходимлари аҳмоқ эмас.

— Каналис-чи?

— Жуда буюк одам, қўйинг, у ҳақда ғапирмайлик.

— Сиз мастсиз!

— Ақлларни заинфлаштириш — Конституциянинг биринчи қиладиган иши. Санъатлар, фанлар, ҳайкаллар — ҳаммасини худбинлик қуртдай кемиряпти, худбинлик — замонамизнинг моков касаллиги. Уч юзта бойваччангиз палата курсисига ўтирголиб, фақат терак экишдан бошқасини ўйлашмайди. Истибод қонунга бўйсунмайди, аммо буюк ишлар қиласди: озодлик эса қонунга амал қиласди, зигирча фойда бермайди.

— Сизнинг таълим-тарбиянгиз қиммати юз су бўлган икки оёқли пуллар тайёрлайди,— гапга қўшилди истибод тарафдори.— Таълим-тарбия билан сийқалашган ҳалқ орасида шахслар қолмайди.

— Аммо, жамиятнинг мақсади ҳар бир одамга фаровонлик келтириш эмасми?— сўради сенсимончи.

— Эллик минг ливр даромадингиз бўлганида ҳалқ тўғрисида ўйлаб ўтирасдингиз. Агар ҳалқа ёрдам бераман деган олижаноб нияtingиз бўлса, Мадагаскарга боринг: у ер-

да сийқалашмаган кичкина бир халқ бор. Үшани сенсимон-лаштириңг, тасниф этинг, тувакка кўчириб экинг. Бизда эса пичноқнинг қинидай, ҳар бир одамнинг ўз уяси бор. Бизда швейцарлар — швейцар, аҳмоқлар — аҳмоқ, бу ун-вонларни олиш учун руҳоний отахонларнинг мажлис чақиришига ҳожат йўқ.

— Сиз — карлчимисиз?

— Бўлсан нима қипти? Мен истибодни яхши кўраман. Истибод ҳар қалай одамларга кучини кўрсатади. Мен қироллардан нафратланмайман. Ахир улар шундай кулгилики! Қуёшдан ўттис миллион миль олисдаги палатада подшолик қилиш — ҳар ҳолда ҳазил гапмас.

— Цивилизация босқичларига умумий холоса ясаймиз,— деди олим парво қилмаётган ҳайкалтарошга гап уқтиришга уриниб: у инсоният жамияти тараққиёти ва ибтидоий қабилалар ҳақидаги мулоҳазаларини баён этишга тушди:— Элатлар вужудга келган даврда ҳукмронлик маълум даражада моддий, ягона ва қўпол ҳукмронлик эди; кейинчалик, йирик уюшмалар ташкил топгач, ҳукуматлар пайдо бўлди. Улар илк ҳокимиятни озми-кўпми чақонлик билан емира бошлидилар. Демак, жуда қадим замонларда куч руҳонийлар қўлида эди: коҳин ҳам, қилич ҳам исириқ билан кун кўрарди. Кейин эса икки олий шахс пайдо бўлдий: руҳонийлар пири ва подшо. Ҳозирги замонда, цивилизациянинг сўнгги муваффақияти бўлган бизнинг жамиятимиз ҳокимиятни барча унсурларга бўлиб берди. Демак, бизда ҳозир сəноат, фан, маблағ, адабиёт деган кучлар бор. Шу тариқа, бутунлигини йўқотган ҳокимият жамиятни ҳам емира бошлайти. Жамиятнинг емирилишига қарши фақат бир тўсиқ бор, бу манфаат тўсиғи. Шундай қилиб, биз динга ҳам, моддий кучларга ҳам эмас, балки ақл-идрокка таяниб иш тутишимиз керак. Аммо, китоб-қиличга, фикр — ҳаракатга бас кела оладими? Гап мана шунда.

— Ақл-идрок ҳамма нарсанӣ ҳароб қилди! — қичқирди карлчи.

— Мутлоқ озодлик туфайли миллат ўзини-ўзи ўлдиради. Озодлик тарафдорлари ғалабага эришгач, қандайдир инглиз миллионерига ўхшаб зерика бошлайди.

— Үзингиздан қандай янги гап чиқади? Бугун ҳокимиятнинг ҳамма турларини масхара қилдингиз; бу эса худони инкор этишдай разил нарса! Энди ҳеч нарсага ишонч-имонингиз йўқ. Шунинг учун асримиз бузуқлик йўлига кирган қари сultonга ўхшаб қолди! Сизнинг лорд Байронингиз шеърий оҳ-фарёдларини тутатиб, жиноятларни куйлай бошлади.

— Мен сизга айтсам, — деб гап бошлади мутлақо маст Бъяншон,— фосфорнинг кўплиги ёки озлиги туфайли одам доҳий ёки ёвуз, ақлли ёки аҳмоқ, виждонли ёки жиноятчи бўлади.

— Виждон ҳақида шундай деб бўладими? — хитоб қилди то Кюрси. — Барча театр пьесаларининг мавзуи, барча драмаларнинг ечими, барча суд муассасаларининг асоси бўлган виждон ҳақида шундай деб бўладими?!

— Жим бўл, елим! Сенинг виждонинг — товонсиз Ахилл¹, — деди Бисиу.

— Ичамиз!

— Гаров ўйнаймизми, бир шиша шампанни бир нафасда ичаман?

— Нафасинг қурсин-е, — қичқирди Бисиу.

— Ҳаммаси молдай ичиб фирт маст бўлиб қолишибди, — деди бир йигит жиддий тусда жилетининг чўнтағига вино қуяр экан.

— Ҳа, бизнинг давримизда ҳокимларнинг маҳорати ҳамма раҳбарликни жамоатчилик фикрига ташлаб қўйишда.

— Жамоатчилик фикрига, дейсизми? Ахир фоҳишаларнинг энг бузуғи шу-ку! Сизга ўхшаган насиҳатчилар ва сиёсатдонларнинг галига кирсанак, табиятдан кўра сизларнинг қонунларингизни, виждондан кўра жамоатчилик фикрини устун қўйишимиз керак экан-да. Аҳмоқона гап! Ҳамма нарса ҳақиқий, ҳамма нарса — ёлғон! Жамият бизга парёстиқлар билан бирга бод касаллигини ҳам қўшиб берди. Адолат қонунлари билан суд ишлари бир-бирини тенглаштириб турди, кашмирий шойилар одамни тумов қиласди...

— Агар католик дини минг тангрини бир қопга солса. Республика ҳамиша бирорта Наполеон билан тугаса, қирол ҳокимиятининг чегараси Генрих Тўртингчининг ўлдирилиши билан Людовик ўн олтинчининг қатл этилиши ўртасида бўлса, либераллар охири Лафайетдай хоин бўлиб чиқса менинг гуноҳим нима?

— Сиз Лафайет билан июлда апоқ-чапоқ эмасмидингиз?

— Йўқ.

— Ундаи бўлса гапирманг, эътиқодсиз экансиз.

— Эътиқодсизлар — энг виждонли одамлар.

— Улар виждонсиз бўлишади.

— Нима деяпсиз? Уларнинг камида иккитадан виждони бор.

— Осмондан ҳам пул ундириш — мана буни чинакам савдогарлик деса бўлади! Қадимги динлар жисмоний лаззатларни гуллатар эди: биз осий бандалар эса, руҳни ва умидни ўстирдик — тараққиётимиз мана шунда.

— Эҳ, дўстларим, сиёсатга тўйиб кетган асрдан нимани ҳам кутасиз? — деди Натан. — «Богемия қироли ва унинг етти қасри»дай ажойиб қиссанинг тақдири нима бўлди-ю!

— Нима? — столнинг нариги четидан қичқирди Билим-дон. — Ахир бу асар зўрма-зўраки жумлалар йигиндиси-ку, жиннихона учун ёзилган-ку?

¹ «Виждони зирҳга ўралган, заиф жойи йўқ» маъносида — М.М.

- Аҳмоқ!
- Овсар!
- О-ҳо!
- А-ҳа!
- Улар ҳозир урушишади.
- Йўқ.
- Эртагача, муҳтарам афандим..
- Ҳозир ҳам тайёрман,— деди Натан.
- Қўйсанглар-чи! Иккалантгиз ботир экансиз.
- Лекин, сиз ботир эмассиз,— деди жанжал бошловчи.
- Аммо, иккаласиям оёқда туролмайди.
- Эҳ, ростдан ҳам оёқда туролмайдиганга ўхшайман!— деди уришқоқ Натан, варракка ўхшаб, шоҳ ташлар экан.

У дастурхон атрофидагиларга маъносиз боқди, сўнг туришга уринди-ю, бўлмади, стулга шилқ этиб тушиб, жимиб қолди.

- Мен бу китобни ҳеч қачон ўқимаганман, ҳатто юзини кўрмаганман. Шуни деб урушсам роса қизиқ бўларди-да!— деди *Билимдон* ўз қўшнисига қараб.
- Эмил, фракинг ифлос бўлмасин, ёнингдаги одам тайёр бўп қолди,— деди Бисиу.

— Кантми? У ҳаво тўлатилган ва аҳмоқларга эрмак учун осмонга учирилган пуфаклардан биттаси холос! Материализм ва спиритуализм. Мана шу аломат ўйинда руҳонийлик ридосини кийган масҳарабозлар халқни бор отангга, бор онангга, деб бир-бирларига улоқтиришади. Спинозанинг айтишича, бутун борлиқда худо бор, авлиё Павелнинг айтишича, худода бутун борлиқ бор. Тентаклик! Эшикни очиш билан эшикни ёпиш ўртасида қандай фарқ бор — иккаласи бир эмасми? Тухум товуқдан пайдо бўлганми ёки товуқ тухумдан пайдо бўлганми? (Анови ўрдакни бу ёққа олворинг!) Бор фанлар шуни текширади.

- Тентак!— қичқириди унга олім.— Сен айтган масала далил билан ҳал қилинган.
- Қандай далил билан?

— Ахир профессорлик кафедралари фалсафа учун чиқарилганми? Аксинча, фалсафа профессорлик кафедралари учун чиқарилган-ку! Кўзойнак тақиб ол-да, бюджет билан танишиб чиқ.

 - Ўғрилар!
 - Аҳмоқлар!
 - Тулкилар!
 - Овсарлар!

- Париждан бошқа қаерда бундай тез фикр алмашувни топа оласиз?— хитоб қилди Бисиу бирдан овозини кўтариб.
- Қани, Бисиу, бирорта антиқа томоша кўрсатиб бер-чи! Бирорта найрангми? Илтимос!

Ўн тўққизинчи асрни кўрсатайми?

Эшитинглар!

Жим!

Овозингни ўчир!

— Жим бўласанми-йўқми, қарға!

— Вино беринглар, боланинг овози ўчиб қолади!

— Қани, Бисиу, бошла!

Рассом қора фракининг тугмаларини ечди, сариқ қўлқопларини кийиб, бир кўзини қисиб, афтини буриштириб «Ревью де Дё Монд» журналини тасвирлади; аммо шовқинсурон унинг овозини босиб кетди, масҳараబозларча нутқидан бирорта сўзни уқиб бўлмади. Ўн тўққизинчи асрни бўлмасям, Бисиу журнални тасвирлай олди. Ҳеч ким ўз овозини ўзи эшитмасди.

Ширин ичимликлар худди сеҳрли эртакдагидай тортилди. Томир устахонасидан чиққан, олтин суви юргутирилган бронза идиш-оёқлар бутун дастурхонни эгаллаган эди. Рассом идиш-оёқларни Европада энг гўзал деб тан олинган баланд бўйли йигит-қизларнинг қоматлари шаклида ишлаган эди. Улар ўз елкаларида тоғ-тоғ қулупнайлар, қовунлар, янги узилган хурмолар, каҳрабодай узумлар, шафтолилар, Сетубалдан кемада келтирилган апельсинилар, Хитойдан келтирилган анорлар ва бошқа мева-чеваларни, хуллас, дабдабали ҳаётнинг ҳар қандай ғаройиботларини, қандолатчилик санъатининг ажойиботларини, энг лаззатли, иштаҳа очувчи, оғизнинг сувини келтирадиган тансиқ таомларни кўтариб туришарди. Бу гастрономия манзараларининг ранго-ранглиги чинни идишларнинг ялтирашидан, зарҳал ҳошияларнинг учқунланишидан, вазаларнинг мулоҳим-майин эгилишидан янада равшанлашган эди. Пуссеннинг табиат манзаралари тасвирланган чинни йдишларини океан тўлқинларининг кўпигидай ям-яшил ва енгил, майин майсалар безаб туришарди. Бундай дабдабали базмга етказиш учун бутун бошли немис князлигининг хазинаси ҳам етмас эди. Турли хил кумуш, феруза, олтин, биллур идишлар янга ва янга пайдо бўлар, аммо қалтираб-қақшаб, бир-бирига гап уқтираётган меҳмонларнинг хиралашган нигоҳлари бундай афсонавий сеҳр-жодуларни пайқамасди. Енгил винолар хушбўйлиги ва чўғи билан, қаттиқ ҳаяжонга солувчи шарбатлари ва сеҳрловчи буғи билан бир сароб ҳосил қилас, ўтирганларнинг қўл-оёқларини қудратли кишанлари билан ўраб-чирмаб, оғирлаштирап эди. Мева-чевалар хирмони талон-торож қилинар, овозлар янада дағаллашар, шовқин-сурон тагин ҳам кучаяр эди. Сўзларни тушуниш қийинлашар, қадаҳлар чил-чил синар, вахшиёна қаҳқаҳа мушакдай сочилар эди. Қюрси девордан бургини олиб, жанг чақиригини чалди. Худди иблиснинг ўзи фармон бергандай бўлди. Оломон ақлдан озиб чинқирап, қийқирап, куйлар, ҳуштак чалар, бақирап ва бўкирап эди.

Табиатан шұх бүлган одамлар бирдан Кребильон пъесаларининг хотимасидаги каби тундлашиб ёки файтунда саёчат қилаётган денгизчилардай ўйчан бўлиб қолганлигини кўрган киши ўзини кулгидан тиёлмасди. Айрлар ўз сирларини қизиқувчан одамларга валдираб айтишар, аммо улар ҳам қулоқ солмай қўйишган эдилар. Хафақон одамлар ҳам раққоса чир айланиб бўлиб жилмайиб қўйгандай, илжаяр эдилар. Клод Виньон қафасдаги айиқдай ўртада лапанглаб турарди. Энг яқин дўстлар ҳам бир-бири билан муштлашишга тайёр ўтиришарди. Физиолог олимлар одамларнинг ҳайвонбашара эканлигини қизиқарли мисоллар билан изоҳлаган эдилар. Ана шу ўхшашлик ҳозир меҳмонларнинг ҳаракатлари ва ҳолатларида равshan кўрина бошлади. Хотиржам ва ҳушёр бирорта Биша бу ерга кириб қолганида тайёр китобни кўрар эди. Уй әгаси ўзининг мастилигини сезиб, ўрнидан туришга журъят этмас, чиройли ва оқкўнгил қиёфасини сақлашга уриниб, меҳмонларнинг қилиқларини афтини буриштирганича маъқуллаб ўтиради. Унинг товоқ юзи қип-қизарив, деярли алвон ранг, қўрқинчли тус олган, бир ёғи қийшайиб кетаётган юк аравадай, боши гавдасига мос чайқалар эди.

— Сиз уларни ўлдирдингизми? — сўради Эмиль.

— Айтишларича, Июль революцияси шарафига ўлим жазоси бекор қилинар экан,— жавоб берди Тайфер ҳам айёрона, ҳам аҳмоқона бир қиёфада қошларини учирив.

— Улар тушингизга кирмайдими? — эзмаланиб сўради яна Эмиль.

— Муддати эскириб кетди,— деди олтинларга кўмилган қотил.

— Яна бу кишининг мақбараси устига тоштарош «Ўткинчи, бу қабр ёнида кўз ёш тўкиб кет» деб ёзиб ҳам қўяди,— қочириқ қилди Эмиль.— О! — деди у яна,— алжабр тенгламалари ёрдамида дўзахнинг борлигини исботлаб берган математикачига юз су тўлаган бўлар эдим.

Шундан сўнг у тангани баландга отиб:

— Ўнги билан тушса — худо бор! — деб қичқирди.

— Қараманглар! — деди Рафаэль тангани ушлаб олиб.— Ким билади. Тасодифга ишониб бўладими?

— Ҳайҳот! — давом этди Эмиль ҳазилакам қайғули оҳангда,— қаерга қадаминг етса ё даҳрийнинг геометриясига, ёки Рим отасининг «Эй, падари бузруквор!» деган оятига дуч келасан! Дарвоқе, ичайлик! «Пантагрюэль» охиридаги илоҳий шиша айтган кароматгўй сўзлар ҳам менимча «ичайлик!» деган маънони билдиради!

— «Эй, падари бузруквор!» ояти бўлмаганида бизнинг санъатларимиз, ёдгорликларимиз, эҳтимол, фанларимиз қаёқда эди? Энг азиз неъматимиз бўлмиш ҳозирги ҳокимият-

¹ Рабленинг «Баргантюа ва Пантагрюэль» асарига ишора — Ред.

таримиз қаёқда эди? Бу ҳокимиятларимизда беш юз калла қойиллатиб, жуда кенг-мўл, ҳосил берувчи жамиятнинг вакиллари бўлиб жойлашиб олишган. Дарвоҷе, ана шу ҳокимиятимизда қарама-қарши кучлар бир-бирининг пайини қирқади. Бутун ҳокимият ЦИВИЛИЗАЦИЯГА, қиролнинг ўрнини олган мана шу улкан маликага бериб қўйилган. Ана шу беш юз калла сохта пайғамбарлик даъво қилган кўҳна, хунук қирол ўрнини босади. Одамзод ўзи билан само ўртасида қиролни даллол қилиб олган. Бу қадар муваффақиятлар олдида даҳрийлик пуштсиз, ҳеч нарса туғолмайдиган қуруқ устихон бўлиб қолади. Сен бунга нима дейсан?

— Мен католицизм тўккан дарё-дарё қонларни ўйлаяпман,— совуқина деди Эмиль.— Бу дин томирларимизга, юракларимизга оқиб кирган — худди бутун олам тўфонидай! Нима ҳам қилардик! Фикрловчи ҳар қандай одам Исонинг ялови остида бориши керак.Faқатгина Исо руҳни моддийлик устидан ғолиб қилди, фақат угина худо билан ўзимизнинг ўртамизда воситачи бўлган оламнинг нафосатини кўзимизга кўрсатиб берди.

— Сен шундай деб ўйлайсанми? — сўради Рафаэль мастиликни ва яна қандайдир ноаниқ маънони билдирувчи табасум билан.— Майли, ўзимизни фош қилиб қўймаслик учун машҳур алёрни айтамиз:

Dirs ignotis!¹

Шундай деб, улар бирварақайига фан, шеърият ва куфрлик заҳри анқиб турган жомларни сипқоришди.

— Мехмонхонага марҳамат, қаҳва тортилди,— эълон қилди эшик оғаси.

Бу вақт ҳамма меҳмонларнинг ақли сўниб, вужудлари ўз золимидан қутулиб, эркинликка чиқиб, ёвойиларча шодхуррамлика шўнғидилар. Бир хиллари ўлгудай маст бўлиб, қовоқлари осилганича, тутқич бермаётган фикрини қувлашар, гўё ўша фикрини тутишса ўзларининг борлигини ишона-дигандай эдилар: бир хиллари овқатга бўкиб ўринларидан қимирлаёлмай, бақа бўлиб қолишганди. Жасур нотиқлар ҳамон сафсата сотишар, аммо гапларининг маъносига ўзла-ри ҳам тушунмас эдилар. Аҳён-аҳёнда ёзув машинкаси ти-қирлагандай, у ер-бу ерда ҳали ҳам "хиргойи" қилиб қўшиқ айтишарди — бу ҳаёт эмас, балки ҳаётнинг ранглар сояси эди. Гоҳ ғала-ғовур кучайиб, гоҳ атроф сув сепгандай жимжит бўлиб қолиши қизиқ кўринарди. Шунга қарамай, уй хожаси ўрнига хизматкор эълон қилган қувончли хабарни эшитган меҳмонлар гур этиб залга йўналдилар. Улар бир-бирларининг қўлларидан тортиб, қўлтиқларидан олиб, баъзиларини эса ҳатто кўтариб, зал томон юришди. Аммо улар эшик олдига келганларида бир лаҳза қаршиларидаги ман-

¹ «Номаълум тангриларга!» (потинча).

зарага маҳлиё бўлиб, оғизлари очилиб қолдилар. Амфитрион меҳмонларнинг шаҳвоний ҳисларини қўзғаб, кўнгилларини очиш учун шундай бир томоша кўрсатдики, бунинг олдида зиёфатнинг бошқа ҳамма лаззатлари бир пул бўлиб қолди. Олтин қандилларда порлаб турган шамлар ёруғида зарҳал рангли кумуш идишлар билан безалган дастурхон атрофида кўзлари юлдуздай чақнаган бир тўп қиз-жувонларни кўрган меҳмонларнинг эслари оғиб қолди. Аёллар ҳашамили гўзал либосларга ўралишган, уларнинг кўзни қамаштирувчи гўзаллиги олдида бу қасрдаги барча ажойиботлар хира тортар эди. Паришав қизларнинг мафтун этувчи, эҳтиросли нигоҳлари девордаги гулларни, оппоқ мармарларни ва чиройли бронза ҳайкалларни ярқиратиб турган ёруғлик шуълаларидан ҳам ёлқинлироқ эди. Ҳар хил қиёфали, нозишвали гўзалларнинг ҳилпираган гажак ва зулфлари юракларни аланга олдириди. Меҳмонларнинг ҳайратланган нигоҳлари олдида қиз-жувонларнинг бошларидаги инжу, гавҳар ва ҳақиқ билан безалган гултожклар, уларнинг оппоқ бўйинларидаги қора марварид шодалари, маёқ алангасидай ҳилпираб оловланаётган, бўйинга ташланадиган узун ҳарир рўмоллар, манглайига мағрур қўндирилган лачаклар, ҳиссиятни қўзғатувчи енгиз ҳарир кўйлаклар намоён бўлди... Бу ҳа́рам нозанинлари ҳар қандай одамни мафтун қиласар, ҳар қандай одамга олам-олам лаззат бағишилар эди. Чир айланиб, ажиб бир ҳолатда қотиб қолган кашмирий шойи кўйлакли роҳатбадан раққоса яланғочга ўхшарди. Раққосанинг шаффоф, товланиб турган ҳарир либоси унинг сирли гўзал жойларини беркитиб, ёки бўрттириб туарди. Мулойим оёқчалар ишқдан сўз очар, яшнаган, қирмизи лаблар эса қимтиниб сукут сақлар эди. Ёш гўзаллар ўзларини шундай тортичноқ, уятчан, иффатли қизларга ўхшатиб кўрсатишар эдики, гўё уларнинг мулойим соchlаридан илоҳий поклик уфуриб турғандай, вужудлари эса бир оҳ урганда тумандай тарқалиб кетадиган нурли фаришталарга ўхшар эдилар. Нарироқда эса аслзода гўзаллар аслида ожиз, аслида ориқ, ингичка, нафис бўлсалар ҳам, такаббурона бош эгиб, гўё нега шоҳона илтифотлар кўришмаётганига қошлиарини норози чимириб ўтиришарди. Оссиан тасвирлаган булуллардан чиқиб келгандай кўринадиган оқбадан ва иффатли паричеҳра инглиз нозанини қайғу фариштасидай, жиноятдан ўзини олиб қочаётган виждон тимсолидай эди. Бу хавфли йигинда асосан нозишвалари билан гўзал, чиройли либослари ва ўткир зеҳни билан мағрур, ўзининг мулойимлиги билан қудратли, чаққон ва кучли, ўзи тошюрак, ҳиссиз булбулиги бўлса-да, эҳтиросларнинг ҳамма бойлигини, майнликнинг ҳамма товланишларини сунъий ҳосил қила оладиган Париж гўзали ҳам; ташки кўринишдан шўх ва беларво, аммо ҳеч қачон эс-хушини йўқотмайдиган итальян қизи ҳам, кўкраклари ва оёқ-

зари дуркун норманд қизлари ҳам; кўзлари шаҳло, қорасоч жануб қизлари ҳам бор эди. Гўё Лебель тўплаган, барча сехру жодуларини шай қилиб келган Версаль гўзаллари бу срда худди савдогар қичқириғи билан уйғонган, тонг отиши биланоқ бир имо билан кўздан фойиб бўладиган Шарқ чўриларига ўхшардилар. Қизлар гўё уяси олдида ғувиллашаётган асаларилардай, торгинчоқлик билан стол атрофида қисишлишиб ўтиришарди. Уларнинг иболи саросималигида ҳам гина, ҳам ноз-ишва бор эди — шуларнинг бари бир бўлиб, ё уялишга, ёхуд атайлаб мафтун қилиш истагига ўхшар эди. Эҳтимол, аёллар ҳаммадан пинҳон тутишадиган бир туйғу билан ўзгаларни янада мафтун қилиш ва ишратга қизиқтириш учун ўзларини одоб-ҳаё пардаси остига яшиromoқда эдилар. Шундай қилиб, Тайфернинг фитнаси зое кетадигандай туюларди. Тийиқсиз эркаклар бирданига ҳусндор аёлларнинг шоҳона қудрати олдида бош эгдилар; ҳайратни билдирувчи, ғоят нафис мусиқадай майин бир оҳ эшитилди. Бу кечада ҳали муҳаббатдан маст бўлишмаганди. Меҳмонлар кутилмаган зарбадан эсанкирагандай, эҳтирослари бўронига эрк бермай, улвият лаззатидан баҳра олар эдилар. Ҳамиша шеърият, нафосат овозига қулоқ солувчи рассомлар бу аёлларнинг нафис гўзалликларини энг нозик нуқталаригача завқ билан ўргана бошладилар. Файласуф ичилган шампанларнинг зардоби таъсирида сесканиб, бир вақтлар сажда қиласа арзигудек гўзалларни қандай фалокатлар бу ерга олиб келдийкин, деб ўйлай бошлади. Бу қизларнинг ҳар бири қонли фожиаларга учраган бўлиши мумкин эди. Уларнинг деярли ҳаммаси эркакларнинг беваболиги, бузилган аҳду паймонлар, муҳтожлик туфайли ушалмаган орзу-армонлар ҳақидаги хотиралар билан яшарди. Меҳмонлар тавозе билан уларга яқинлашишди; ўзларнинг хулқ-атворидай ранг-баранг, турли-туман сұҳбат-мулукотлар бошланди. Меҳмонлар давра-давра бўлиб олишиди. Гўё бу ерни ҳалол бир хонадоннинг меҳмонхонаси-ю, у ерда ёш қизлар ва хонимлар мазахўрак меҳмонларга тушлик таомдан сўнг қаҳва, қанд ва ширин-шарбат улашяпти, деб ўйлаш мумкин эди. Аммо, кўп ўтмай, у ер-бу ерда қаҳқаҳа эшитила бошлади, сұҳбатларнинг ғала-ғовури кучайди, овозлар баландлашди. Эндиғина тинган кайф-сафо шовқин-сурони яна авжга чиқди. Сокинлик ва шовқин-суроннинг тўқиашуву алланимаси билан Бетховен симфониясини эслатарди.

Иккى дўст юмшоқ диванга ўтиришлари билан уларнинг олдига баланд, қад-қомати келишган, силлиқ бўлмаса ҳам, лекин истараси иссиқ, юракни жизиллатувчи, эҳтиросга лиммо-лим, ғалатилиги билан одамнинг хаёлини олиб қочувчи бир қиз мағрут солланиб, яқинлашди. Аллақачон ишқий олишувларда бўлган қора, қалин, яшнаган соchlари енгил, роҳат-бахш ҳалқа-ҳалқа бўлиб, чиройли яланғоч елкаларига ту-

шиб турар, қараган одам кўзини узолмасди. Мармардай оппоқ бўйнига тушган узун, қол-қора зулфи нур тушганида ажаб товланиб, ажаб бир ҳуснига ўн ҳусн қўшарди. Қирмизи ёноқлари оппоқ юзини янада оқроқ кўрсатарди. Қуюқ киприкли чиройли кўзлари мағрур, шўх аланга сочар, муҳаббат учқунларини отар эди. Сўлим, хиёл қимтилган ғунча лаблари бўсага чорлайди. Қизнинг қомати тўладан келган, бироқ фақат ишқ учун яратилгандай нозик эшилиб турарди, кўкси ва елкалари ҳам Каррачи тасвирлаган гўзаллардай дуркун эди. Шунга қарамай, унинг вужуди вазмин эмас, балки чаққон, нозик-нафис кўринарди; унинг сиртлондай бақувват ва чаққон дуркун вужуди жон ўртовчи лаззат қувончларини въъда қиласарди. Бу қиз аслида кулишни, ҳазилмутойибани билса-да, нигоҳи ва жилмайишидан одам адойи тамом бўларди. У ичига шайтон кириб олган фариштага ўхшарди. Қиз кўрганини ҳайратга соларди. Чехрасида гоҳ у-гоҳ бу ифода яшин тезлигида ўзгариб турарди. Кўпни кўрган одамларни бу қиз мафтун этиши мумкин эди-ю, аммо ёш йигитчалар ундан ҳайиқишаради. У юонон ибодатхонаси қасринг пештоқидан қулаф тушган маҳобатли ҳайкалга ўхшар, узоқдан улуғвор, яқинроқдан эса қўполроқ кўринарди. Шунга қарамай, бу қизнинг ажаб ҳусн-жамоли лапашанг йигитларнинг ҳам завқини келтирас, жонон пиёладай овози карларни ҳам мафтун қиласар, ноз-ишвали нигоҳи билан шарти кетиб, парти қолган чолларнинг ҳам суюгини иллитар эди. Шунинг учун бўлса керак, Эмиль қизни Шекспир фожеасига, гаройиб нақшга ўхшатди. Бу нақшин фожеада шодлик фарёд чекар, севги эса ёввойи кўринар, нафосатга мафтунлик ва баҳт ёлқини ғазабли қонхўрликка алмашинар эди. Эмиль яна қизни гоҳ тишлиайдиган, гоҳ эркаланадиган, гоҳ иблисдай қаҳ-қаҳ уриб, гоҳ фариштадай фарёд қиладиган бир маҳлукқа ўхшатди. У қизни ғамгин оҳ чекишдан ва дилни мафтуни қилувчи қизлик ҳаёсидан ташқари барча ноз-каравшмаларни бир қучоғига сиғдира оладиган ва кўп ўтмай, қичқириб, эҳтиросидан ўзини ерга отадиган, хушторидан кечадиган, ниҳоят, жазава ичидаги ўзини-ўзи хароб қиладиган маҳлукқа ўхшатди. Қизил баҳмал кўйлакли бу қиз ҳозиргина дугоналарининг сочидан тўкилган гулларни бепарволик билан босиб мағрур бир қиёфада икки дўстига патнис тутиб турарди. Ҳуснига бино қўйган, эҳтимол, гуноҳлари билан ҳам гурурланадиган бу қиз қирмизи баҳмал орасидан ажаб кўринган оппоқ билакларини кўз-кўз қиласарди. У гўё айшишрат маликаси, инсон шод-хуррамлигининг тимсоли эди. Инсон беҳад шодланганида уч авлод тўплаган хазиналарни кўкка совуради: ўлганлар устидан кулади; аждодларини, ота-боболарини ҳақоратлайди; лаъл-гавҳарларни эритиб, тож-тахтларни ёндириб юборади: йигитларни чолларга айлантиради, ёки кўпинча чолларни йигитларга айлантиради.

Ҳокимиятдан чарчаган ёки фикрлашдан ҳориб-толган, уруш-
га бир эрмак деб қарайдиган улуғ инсонларгина шундай
кувона олади.

— Исминг нима, қизча? — сўради Рафаэль.

— Акилина...

— О! Сен «Қутқарилган Венеция» қаҳрамони экансан-
да! — хитоб қилди Эмиль.

— Тўғри, — деди қиз. — Рим отаси барча эркаклардан
устун келгани учун ўзига бошқа исм қўйгандай, мен ҳам
барча қизлардан устун бўлганим учун ўзимга бошқа от қўй-
волганман.

— Сени ҳам танти ва ғазабкор бир шаҳзода ўшандай
севадими, у ҳам сен учун ўлишга тайёрми? — қизиқиб сўради
Эмиль қизнинг суҳбатга шоирона тус берганидан завқланиб.

— Худди шундай одам севган эди, — жавоб берди қиз. —
Аммо, жаллод кундаси менга кундош бўлди. Шунинг учун,
ортиқча хурсандчиликка берилмай, деб ҳамиша чўғдай ки-
йим кийиб юраман.

— О, бу қизга *ларошеллик тўрт жасур йигит* ҳикоясини
айтиб бер, десангиз, гапи-ҳеч адобўлмайди! Бўлди, Акилина!
Ҳар бир қизнинг йиғласа арзигудек севгилиси бўлади, лекин
ҳар ким ҳам сенга ўхшаб, севгилиси жаллод болтасига
бериш баҳтига мусассар бўлмаган. Ҳар ҳолда қиз бола севги-
лисининг кундош қучоғида ётганини билишидан кўра гўрда
ётганини билиши яхшироқ-да.

Бу нафис ва қўнгироқдай овоз бошқа бир қизники эди.
Гўзаллар, айтишларича, париларнинг сеҳрли таёфи ишораси
билан тухумдан чиқар экан. Агар шу гап рост бўлса, бу қиз
ана шу сеҳрли таёқдан яралган гўзалларнинг энг гўзали,
энг жозибалиси эди. У, йигитлар ёнига товусдай солланиб
юриб келди. Дўстлар қизнинг чиройли нафис юзига, хилча
белига, мовий кўзларига, мафтун этувчи иболи нигоҳига,
силлиқ ва тиниқ манглайига қараб қолишиди. Жилғадан чиқ-
қан сув париси ҳам мана бу қизалоқдай уятчан, оппоқ ва
садда бўлмаса керак. Кўринишдан ўн олти ёшлардаги бу қи-
залоқ ҳали севги нималигини, ёмонлик нималигини билмай-
диганга, ҳаёт бўронларига учрамаганга ўхшарди. У ҳозирги-
на черковда ибодат қилиб, тангри-таоло тезроқ мени арш-
аълога чақириб олсин, деб фаришталарга илтижо қилиб қай-
тиб келганга ўхшарди. Нигоҳи мусаффо бундай паривашлар
Париждагина учрайди. Булар гулисаффардай чиройли, назо-
катли ва мусаффо чеҳра ниқоби остида ашаддий бузуқлик-
ни, энг ифлос гуноҳларни яширадилар. У, Акилина келтир-
ган сопли пиёлаларга кофе қуйиб йигитларга узатди. Қиза-
лоқнинг сокин гўзаллигига алданиб қувонган Эмиль билан
Рафаэль уни сўроққа тута бошлишиди. Гурунг шу билан ту-
гадики, иккала шоир нигоҳи олдида инсон ҳаётини акс этти-
рувчи яна бир ёвуз мажоз пайдо бўлди. Мағрур дугонаси

ғамгин ва эҳтиросли бўлса, аксинча, бу қиз совуқ, шафқат-сиз шаҳвоний лаззат тимсоли бўлиб кўринарди. Агар қўйиб берса бу қиз жиноят қилишдан тап тортмас, қиласар ишни қилиб қўйиб, ўзи хандон уриб кулишга ҳам кучи етарди. Иблисдай тошюрак бўлган бу қиз бой ва нозик қалбли кишилардан ўч оларди. Чунки улар иблисга ҳам насиб бўлмаган ишларни қилишарди-да. Евфрасия севги эрмакларини сотишига, ўз қурбони дафн этилаётганда кўз ёши тўкишга ва кечаси мархумнинг васиятини ўқиб шодланишга ҳамиша тайёр эди. Шоир одам гўзал Акилинага боқиб кўнгли очиларди, мафтункор Евфрасиянинг бағритошлигини билганлар эса орқасига қарамай қочишлари турган гап эди. Бу қизлардан бири гуноҳнинг жони бўлса, иккинчиси жони йўқ гуноҳнинг ўзи эди.

— Сен ҳеч келажагинг тўғрисида ўйлайсанми, шуни билгим келяпти,— сўради Эмиль мана шу паривашга қараб.

— Келажагинг тўғрисида, дейсизми?— тақорлади қиз кулимсираб.— Келажак деб нимани тушунасиз ўзи? Ҳали йўқ нарсани ташвишини чекиб нима қиласман? Мен келажагимниям, ўтмишимниям ўйламайман. Бугунги кунни ғамини ейиш ҳам катта гапмасми? Дарвоқе, келажагимизни яхши биламиз, келажагимиз — касалхона-да.

— Келажагинг касалхона эканлигини била туриб, наҳот бунинг олдини олишни ўйламасанг!— хитоб қилди Рафаэль.

— Касалхонанинг нимаси ёмон?— сўради шаддод Акилина.— Биз ахир бировга она бўлмасак, хотин бўлмасак; қариганда топганимиз қора пайпоқ билан пешонамиздаги ажин бўлади. Аёллик жозибаси йўқолади, дўстларимизнинг нигоҳларидаги шодлик ҳам сўнади — бизга ҳеч нарса керак бўлмай қолади. Бу ҳусну жамолимиздан фақат икки оёқда судраладиган қаримсиқ бир ахлат қолади холос. Бу совуқ, чириган ахлат узилиб тушган барглардай шитирлайди. Энг чиройли либосларимиз пол латтага айланади, ясан-тусан хонамизда анвойи бўй тарқатадиган мушк-анбардан эса ўлим атрининг ҳиди келади. Мабодо, мана шу ахлат орасида юрагимиз ҳам қолса, сизлар уни масхара қиласизлар; ахир яхши кунларни хотирлашимизга ҳам қўймайсизлар. Ўша вақтда балки бадавлат хонадонда кучук эркалатиб юрамиз, балки касалхонада латта-путта титкилаб ётармиз, бари бир эмасми? Ўша вақтда балки сочимизнинг оқини кўк-қизил катак дурра ёки нафис кашта билан яширамиз, қайнин супурги билан кўча супурармиз ёки шойи рўмолимизнинг учи билан, Тюильри қасри зиналарини супурармиз, зарҳал ўзоқ ёнида ёки қўр солинган сопол кўза олдида исинармиз, балки Гре майдонидаги можарони ёки театрда операни томоша қиласмиз — фарқ унчалик катта эмас!

— Акилина, жоним, бу тушкун кайфиятингни илгари ёқтирмасам ҳам, ҳозир жуда яхши тушуниб турибман,—

иши илиб кетди Евфрасия.— Кашир рўмолу, бели синмаги шалдириқ пуллар, атирупа-ю, олтин-кумуш, ипакли ким кечаклар, дабдабаю асьаса, ялтироқ нарсаларни ҳаммаси ёнилка ярашади. Жинниликларимиз ўтар-кетар, беш кунлик дунёда ўйнаб-кулганимиз қолади. Куляпсизлар-а? Ахир тўғри гапиряпманми? — хитоб қилди қиз икки дўстга кинояли кулиб боқар экан.— Касал бўлиб ўлгандан кўра кийф сафодан ўлган минг марта яхшимасми? Мен мангуда қолинига ишқивоз эмасман, инсон зотигаям унчалик ҳурматим йўқ,— ахир одамни худо уриб қўйипти-ку! Миллион сўм берсангиз ҳозир тугатаман, келаси йилнинг ғамини еб ўтирамайман. Давринг келганда қандингни ур-да; кўнглим шунга ҷонади. Жамиятга шу ишим маъқул — ахир у ҳамма нарсани талон-торож қилишимга шароит яратиб қўйибди. Ахир, худойимнинг ўзи кечаси нимани сарфласам ўша нарсадан даромад бериб турса. Нега ўзларингиз бизга шифохоналар қуриб берасизлар? Ахир худойим бизни яхшилик билан ёмонлик ўртасига қўйиб, истаганингни танлаб ол, деган экан, изоб-уқубатни ёки гурбатни танлармидик? Агар ўйин-кулгиги танламасам аҳмоқ бўлардим.

— Бошқалар-чи? — сўради Эмиль.

— Бошқаларми? Ўзларининг ғамини ўзлари есин. Менимча, ўз қайғунгга йиғлагандан кўра бошқаларнинг қайғусини кўриб кулган яхши. Эрқак киши менга заррача азоб беролмайди!

— Гапларингдан, бояқиши, кўп азоб чеккан экансан! — хитоб қилди Рафаэль.

— Меросни деб мени ташлаб кетишди, билдингизми! — деди Евфрасия қадди-қоматини кўз-кўз қилган бир алфозда.— Мен аҳмоқ бўлсан кечаю кундуз меҳнат қилиб ўшани боқиб юрибман! Энди мени хушомад билан ҳам, ваъдалар билан ҳам алдашиб бўпти, энди ҳар бир куним байрам бўлишини хоҳлайман.

— Ахир баҳтли бўлиш ўзимиздан эмасми? — қичқирди Рафаэль.

— Йўқ,— гапга қўшилди Акилина,— одамлар бизга ҳайрат билан қарашибади, хушомад қилишади; барча аёллардан, ҳатто энг покдомон, ор-номусли аёллардан ҳам гўзалроқ ва бадавлатроқ бўлиш ҳазилакам гапми? Бунинг устига, ҳалол, шарм-ҳаёли аёл ўн йилда кўрган нарсасини биз бир кунда кўрамиз. Билдингизми?

— Номусидан айрилган аёл даҳшатли эмасми? — деди Эмиль Рафаэлга қараб.

Евфрасия йигитларга такаббурона назар ташлаб, аччиқ киноя билан жавоб берди:

— Ор-номус! Ор-номусни қийшиқ-майшиқ, букри аёлларга ҳадя қилдик. Бечораларнинг ор-номусдан бўлак ҳеч вақолари ҳам йўқ.

— Жим бўл! — қичқирди Эмиль. — Ўзинг билмаган нарсанни гапирма!

— Нима! Мен билмас эканманми? — эътиroz билдириди Евфрасия. — Умр бўйи ёмон кўрган одамингга танангни бағишлайсан, улфайганда ташлаб кетадиган оқибатсиз болаларни тарбият қиласан, ярангга туз сепишсаем, уларга раҳмат айтасан, сизлар аёллик ор-номусини деб шуни айтасизлар. Устига-устак, севганингиз фидойилик қилганига миннатдор бўлиш ўрнига муродингизга етгунча азоб берасиз; агар севганингиз иффатини сақласа, шарманда қиласиз. Шуям ҳаёт бўлдими? Яхшиси, эркин яшайлик, хоҳлаган кишиларимизни севайлик, ёш ўлиб кетсан ҳам майли.

— Вақти келиб жазосини тортишдан қўрқмайсанми?

— Майли, — жавоб берди қиз, — айшу ишратни кулфат билан аралаштириб юбормаслик учун ҳаётимни иккига бўлганман: бири — ёшлик: шубҳасиз, шод-хуррам ўтади; иккинчи — қарилек; ўйлайманки, ғам-ғуссали бўлади, ана шунда тўйгунимча азоб чекаман...

— Бу қиз ҳеч кимни севмаган, — деди Акилина қўнфироқдай товуш билан. — У севгилисининг биргина нигоҳ ташлашидан боши осмонга етиб қувониб, сўнг рад жавоби олиш учун юз чақирим йўл босмаган; ҳеч қачон ҳаёти қил устида қолмаган: ҳеч қачон севгилиси — қалбининг ҳукмдори, жаноби, илоҳи учун бир неча одамни чопиб ташлашга ҳам тайёр бўлмаган... Унинг севгилиси — чиройли полковник.

— Ҳа, яна Ларошлдан тушди! — эътиroz билдириди Евфрасия. — Муҳаббат шамолга ўхшайди: қаёқдан эсишини билмаймиз. Бунинг устига сени ҳайвон яхши кўргандан кейин ақлли одамлардан ҳам қўрқиб қолар экансан.

— Жиноят кодекси ҳайвонларни севишимизни рад эта-ди, — ҳазил оҳангига сайдари улуғвор Акилина.

— Сени ҳарбийларга раҳмидироқсан деб ўйловдим, — қийқириб кулди Евфрасия.

— Наҳотки сизлар аҳмоқликни баҳт деб ўйласангиз?

— Баҳт дейсизми? — қайта сўради Акилина иккала йи-гитга саросимали боқар экан. — Эҳ, сизлар ўлимни ўйлаб туриб лаззатланиш нима эканлигини билмайсизлар...

Шу пайт меҳмонхонага қараган одам *Мильтоннинг Пандемониумига* ўхшаш манзарани кўрар эди. Пуншнинг кимҳаворанг алангаси ҳали ичишда давом этаётган одамларнинг ловиллаган юзларига жаҳаннамий бир тус берган эди. Одамлар ибтидоий, ваҳшиёна кучи бўшалиб кетгандай, жазавали рақс тушишар, қаҳқаҳа ва қийқириқлар мушакдай сочиларди. *Будуар* ва кичик меҳмонхона ўликлар ҳамда ўлаётганлар уйилиб ётган жанг майдонига ўхшарди. Ҳаво шароб, айш-ишрат ва гап-сўздан қизиб кетганди. Мастлик, ишқ-муҳжабат, алжираш, сархушлик дилларда ҳам, чеҳраларда ҳам, гиламларнинг нақшларида ҳам, ялпи бесаран-

жомликларда ҳам сезилиб турар; ҳамманинг кўзини енгил парда босган, шу парда ортидан ҳаво маст қилувчи буғларга тўлгандай кўринарди. Фира-шира зулмат ичидаги мураккаб шакл-шамойиллар ўйин қиласи, гаройиботлар бир бирига тўқнашар эди. У ер-бу ерда қучоқлашган гавдалар тўдалашиб, хоналарни безаган мармар ҳайкалчалар, ҳайкалтарошликтининг ажаб дурданалари билан аралашиб кетган эдилар. Иккала дўстнинг ҳали унчалик хиралашмаган фикр ва туйгуларида алдамчи бир равшанлик, ҳаётнинг сўнги титрофи, тирик-ўликлек бор эди. Аммо улар мана шу ғалати хаёлотда, толиқсан кўзлари олдида пайдо бўлган ғайритабий манзараларда қандайдир ҳақиқат борми-йўқлигини ажратишга ожиз эдилар. Орзу-армонларимизнинг бўғиқ осмони, тушибизда кўринган сиймоларни туман пардасига ўраган юракни ўртовчи бир майнлик ва кимдир жиловлаб турган ҳаракатчанлик — хуллас, тушдагидай энг гаройиб манзаралар йигитларни шу қадар маҳлиё этган эдики, улар базми жамшид эрмакларини босириқ туш гаройиботлари деб идрок этардилар: босириқ тушда ҳам худди шундай ҳаракатлар сассиз бўлиб, қичқириқлар қулоққа чалинмас эди. Шундай пайтда энг ишончли лакейларидан бири Тайферни зўр машиқатлар билан даҳлизга чақириб олди. У хўжайиннинг қулоғига энгашиб:

— Жаноб, ҳамма қўшнилар деразадан қараб, шовқин-сурондан шикоят қилишяпти,— деди.

— Агар қўшнилар шовқин-сурондан қўрқса, остоналарига похол ташлаб олишсин!— қичқирди Тайфер.

Шу орада Рафаэль тўсатдан хохолаб кўлиб юбордики, дўсти ажабланиб бу ёввойиларча қийқириқнинг сабабини суриштириди.

— Сабабини тушунишинг қийин,— жавоб берди у.— Аввал шунга иқорор бўлишим керакки, сизлар Вольтер соҳилида мени тўхтатганингизда, Сена дарёсига ўзимни ташламоқчи бўлиб турган эдим.— Сен, албатта, нега ўзингни ўлдиришга қасд қилдинг, деб сўрашинг турган гап. Лекин яна бир нарсани айтсан тушунармикинсан? Шундан сал аввалроқ худди сеҳрли эртак ичидаги юргандим, руҳий оламнинг энг нозик-нафис манзаралари, инсон донишмандлигининг рамзий манзараларни бир-бир кўз олдимдан ўтган эди. Ҳозир эса мана бу дастурхон устида ноз-неъматларни талон-торож қилиб ўтирибмиз. Мана бу икки қизга, телбаликнинг мана бу жонли ва аломат суратларига қара. Биз одамларга ва буюмларга мутлақо бепарво қараганимиз учун борлиқнинг қарама-қарши икки қутбини, руҳий ва моддий тушунчаларнинг ёрқин тимсолларини кўриб турибмиз. Агар маст бўлмаганингда бу гапларим бутун бир фалсафий рисола эканлигини тан олган бўлардинг.

— Агар шу тобда икки оёғингни момақалдириқдай хур-

рак отаётган Акилина устига чиқарыб олмаганингда мендан ҳүшёроқ эканлигингга ишонардим. Ҳозир маст бўлмаганингда қилган ишингдан уялиб қизариб кетган бўлардинг,— деди Эмиль. У ҳам ўзи нима қилаётганини сезмасдан, Евфрасиянинг соchlарини ўриб-ечиб, ўйнаётган эди. Сенинг икки қутбингни бир жумлага сиғдирса бўлади. Оддий жисмоний турмушда меҳнат ақлимизни ўтмаслаштиради ва қандайдир самарасиз донишмандликка олиб боради. Ноаниқ тушунча бўшлиғида ёки маънавий олам тубсизликларида яшаганимизда эса биз донишманд жинни бўлиб қоламиз. Хуллас, туйгуларингни ўлдириб, қаригунча яша, ёки эҳтирослар азобида қолиб ёшлигингда ўлиб кет — қисматимиз шу. Аммо, шуни ҳам айтиш керакки, нусхамизни ясаган уста, шафқатсиз ҳазилкаш бизга гайрат-шижоат берган. Мана шу гайрат-шижоатимиз туфайли бояги хулосани тан олмаймиз.

— Тентак,— дўстининг гапини бўлди Рафаэль.— Тағин шу йўл билан умрингни қисқартираверсанг — том-том асарлар ёзишинг мумкин. Агар мен шу икки ғояни таърифламоқчи бўлсам, айтар эдимки, инсон ўз ақлини чархлайвериб, бузилиб кетади; билимсизлик туфайли покланади. Бу эса жамиятга қарши айномадир! Аммо, биз донишмандлар даврасида яшасак ҳам, телбалар даврасида ўлиб кетсак ҳам, эртами-кечми бир жойга борамиз. Ҳудди шунинг учун иликни сүғурувчи буюқ мутафаккир бир вақтлар мана шу икки қутбни икки сўз билан «Бевафо дунё!» деб ифода қилган.

— Сен худойимнинг қудратига шак келтиришга мажбур қиляпсан, чунки телвалигинги илоҳийликдан ҳам ошиб тушяпти, — эҳтиroz билдири Эмиль.— Бизнинг аломат Рабле бу фалсафани «Бевафо дунё»дан ҳам қисқа қилиб, «Эҳтимол» деб ифодалаган. Бундан эса Монтэнъ: «Мен билмасм!»— деган хулоса чиқарган. Маънавият илмининг мана шу сўнгги янгилиги Пиррон хитобига бориб тақалади. Икки боғлам хашак ўртасида қолган Буридан эшагидай Пиррон ҳам яхшилик билан ёмонлик ўртасида, аросатда қолган. Абадий баҳсга чек қўяйлик. Бу баҳс ҳозиргача «ҳам ҳам йўқ» деган сўзлар билан хулосаланади. Сенага ўзингни ташлаб қандай тажриба ўтказмоқчи эдинг? Ё Нотр-Дам кўприги олдидаги гидравлик машинага ҳавас қилдингми?

— Эҳ, ҳаётимни билганингда эди!

— Оббо! — хитоб қилди Эмиль.— Сени шундай бачканадеб ўйламагандим. Ахир бу жуда сийқа гап-ку. Билмайсанми, ҳар бир одам бошқалардан кўра кўпроқ азоб чекканман, деб ўйлайди.

— Оҳ! — хўрсинди Рафаэль.

— Сенинг «Оҳ»инг масҳарабозликнинг ўзи! Қани айт-чи, ҳар куни эрталаб мушакларингни тараанг тортишга мажбур қилган нарса нима — руҳий дардми ёки жисмоний касалликми? Бир вақтлар Дамъенъ чопаётган отларни жиловидан тор-

тиб тургандай мушакларингни таранг қиласиган ва кечаси сени тўрт бўлак қилиб юборадиган нарса нима? Ёки ҳужрангда ит гўштини туэсиз еб қўйдингми? Ёки бола-чақанг «Нон! Нон!» деб қичқиряптими? Эҳтимол, хушторингнинг сочини пуллаб, қиморхонага юргургандирсан? Балки ёлғон бувинг кўрсатган ёлғон адрес бўйича сохта векселни тўлашга боргансану, кеч қолищдан қўққандирсан? Галирсанг-чи! Агар бирор аёлни деб, куйган векселни деб, ёки зерикка-нигдан ўзингни сувга ташламоқчи бўлган бўлсанг сендан дўстдан кечаман. Тўғрисини айт, ёлғон гапирма, сендан тарихий хотиралар талаб қилаётганим йўқ. Энг муҳими, гапни калта қил, мастилингинг яраша, албатта. Мен китобхондай талабчанлик қиляпман. Кечқурун ибодат вақтида аёлни уйқу босгандай, мени ҳам уйқу бояспти.

— Тентаквой! — деди Рафаэль. — Ахир ҳамиша ҳиссиётларимиз нозиклигидан азоб чекиб юрамиз-ку! Илм-фанимиз қалбларнинг табийи тарихини ёзишга, уларнинг гуруҳларини аниқлашга, уларни зотлари, турлари ва оиласлари бўйича тавсиф қилишга, қисқичбақасимонларга, ер остида яшовчиларга, қалтакесаксимонларга, энг оддийларга ва ҳоказоларга бўлишга кучи етадиган вақт келар. Ана шунда, азиз дўстим, гулдай нозик, майин юраклар борлиги исботланади. Баъзи минерал — тош юраклар сезмай ҳам қоладиган енгил шабада гулдай нозик юракларни ер билан битта қилиши мумкин...

— Худо ҳаққи, дўстим, мени дебочадан қутқаргин, — деди Эмиль ҳазил ва илтижо оҳангида Рафаэлнинг қўлидан тутиб.

II

ТОШЮРАК ҚИЗ

Рафаэль бир оз сукут сақлади, сўнг бепарво қўл силтаб ҳикоясини бошлиди:

— Вино билан пунш таъсириданми, билмадим, аммо, шу топда бутун ҳаётимни худди яхлит бир манзарадай равшан тасаввур қиляпман. Бу манзааранинг одамлари ҳам, бўёқлари ҳам, соялари, нурлари ва олачалпоқ жойлари ҳам жуда аниқ кўриниб турибди. Илгари чеккан азоб-уқубатларимни ва шод-хуррам кунларимни ҳозир қандайдир нафрат билан эслайман. Агар шундай бўлмаганда бундай шоирона тасаввур жилоларидан ажабланмас эдим. Гўё ўз ҳаётимга узоқдан низар ташлаяпман; аллақандай руҳий мўъжиза туфайли менга бутун умрим қисқарган ҳолда кўриняпти. Ўн йил ичida узоқ ва секин-аста чеккан азоб-уқубатларимни ҳозир бир неча жумла билан ифодалай оламан.

Бу жумлаларда қайгу-ҳасрат фикр тарзида, лаззат эса — фалсафий ифода тарзида кўринади. Мен туйгуларимни эмас, фикр-мулоҳазаларимни айтаман...

— Намунча зерикарли гапирмасанг, бу ерда қонунга қўшимча киритаётганинг йўқ-ку! — эътиroz қилди Эмиль.

— Эҳтимол,— мулойимгина рози бўлди Рафаэль.— Худди шу сабабдан сени зериктириб, чарчатиб қўймаслик учун умримнинг аввалги ўн етти иили тўғрисида гапириб ўтирамайман. Ўн саккиз ёшгача мен худди сенга ўхшаб, бошқа минглаб ёшларга ўхшаб мактаб ёки лицей ҳаётини кўрдим. У вақтлар бахтсизликларни ўзимиз ўйлаб топардик, шодликларимиз эса чинакам эди. Худди шу нарсалар хотиралини безаб туради. Бизга ҳар жума кунлари сабзавот беришарди. Биз энди таомларнинг сархилини ейдиган бўлсан ҳам ўша вақтдаги сабзавотларни ҳозиргача соғинамиз. Худди ўшандан бери ҳеч қанақа сабзавот тотиб кўрмаган одамдай. Ажойиб яшардик ўшанда. Ҳозир ўша вақтдаги қийинчиликларни кулимсираб эслаймиз. Аслида ана шу қийинчиликлар туфайли биз меҳнатга ўргандик...

— Ҳай, бу осуда ҳаёт манзаралари!.. Энди фожиангга ўта қолсанг-чи,— масхараомуз илтижо қилди Эмиль.

— Коллежни тутгатганимдан сўнг,— давом эттириди ҳикоясини Рафаэль, гапимни бўлма, деб ишора қилар экан,— отам мени қаттиқ интизомга ўргатди. У мени ўзининг кабинети ёнидаги хонага жойлашириди. Отамнинг талабига мувофиқ кечаси соат тўққизда ётиб аzonда бешда уйғонардим. У ҳуқуқшуносликни яхшилаб ўрганишимни хоҳларди: шу соҳадаги лекцияларга ва адвокатлар ҳузурига бориб турадим. Сайрларим ва машгулотларим вақт ҳамда макон қонунларига шу қадар бўйсундирилган, отам эса тушлик овқат вақтида мендан шу қадар жиддий ҳисоб-китоб талаб қилар эдик..

— Булар билан менинг нима ишим бор? — тоқатсизланиб, гапни бўлди Эмиль.

— Э; жин ургур, гапни бўлмасанг-чи! — жаҳли чиқди Рафаэлнинг.— Қундалик турмуш икир-чикирларини гапириб бермасам туйгуларимни тушунармидинг? Ана шу икир-чикирлар туфайли ўта одобли бўлиб ўсим, узоқ вақтгача ўсмирлик сoddадиллигидан қутуломмай юрдим. Шундай қилиб, йигирма бирга тўлгунимча, монастир низомларидаи қаттиқ тартиб қонда зулми остида яшадим. Ҳаётим нақадар машақкатли бўлганини сенга равшан тушунтириш учун отамнинг қандай одамлигини айтиб берай. Баланд бўйли, озғин, қотма, пичоқнинг қиррасидай узун юзи рангпар, қариқиздай вайсақи, амалдордай зиқна одам эди. Отамни кўрганимда эркаликларим ва шўхликларим ўз-ўзидан йўқоларди. Отамга мулойим ва нафис туйгуларимни ошкор қилмоқчи бўлсанм у ҳозир аҳмоқона гап айтадиган болага қарагандай қаарди;

кингувчиларимиэдан қўрқиб турардик, аммо улардан кўраған проқ отамдан қўрқардим; унинг олдида ўзимни саккизчилик боладай ҳис қиласдим. У ҳозир ҳам кўз олдимдан кетмайди. Арғувоний сюртук кийган, алифдай тўғри отам қўнидайдир памфлет китобчанинг қизғиши муқовасига ўралган қокбалиққа ўхшарди. Бари бир, уни яхши кўрардим, чунки у одил одам эди. Мураббийларча жиддий табиатли, покиза хулқли, бунинг устига доим яхшилик тиловчи одамнинг қаттиққўллиги бизда унчалик ғазаб уйғотмайди. Отам мени ҳеч қачон ўзидан узоқлаштирасди. Йигирма ёшимгача у менга ўн франк ҳам, лаънати ўн франкни ҳам раво кўрмаган. Эҳ, мана шу арзимас ўн франк, у вақтларда мен учун беҳисоб ҳазина эди. Бениҳоя ўйнаб-кулишга имкон берадиган мана шу ўн франкни қанчалар орзу қилсан ҳам, сира етишолмасдим. Шунга қарамай, бари бир отам гоҳида кўнглимни ёзишга ҳам уринарди. Бир неча ойгача у ваъдалар билан қўйнимни пуч ёнғоққа тўлдириб-тўлдириб юрди. Шундан сўнггина Италия театрига, концертга, балга олиб борди. Балда мен севгилимни учратишни орзу қиласдим. Севгилим! Бу тушунча мен учун мустақиллик билан тенг эди. Бироқ, тортинчоқ ва одобли бўлганим, салон тилини — қандай гаплашиб кераклигини билмаганим учун ҳар сафар базмдан қиздай покиза бўлиб қайтиб келардим, қалбимда ҳамон истаклар бўрони босилмасди.

Эртасига эса отам мени кавалерия тулпоридай жиловлаб, ина ҳуқуқшуносликни ўрганишга, адвокатга, судга юборарди. Отам чизган чизиқдан чиқсан ғазабига дучор бўлишим турган гап эди. У, «биринчи одобсизлигингни кўришим билан Антиль оролларига юнгаматрос ёрдамчиси қилиб юборам», деб дўқ уради. Гоҳида, бир-икки соатгина аллақайси қўнгилочар жойга сўроқсиз бориб қолсан ҳам оёғим куйгандай типирчилаб турардим! Узинг тасаввур қилиб кўра-а, гаройиб тасаввурларим, гаройиб мұҳаббатга лиммо-лим қалбим, гулдай нозик кўнглим, ғоят шоирона ақлим бўлса-ю, тошдай қаттиқ, дунёда энг қаттиққўл ва ҳиссиз одамнинг назоратидан бир нафас ҳам қутулмасам. Худди ёшгина қизни мурда билан никоҳлашгандай десам, аҳволимни тушунасан. Мана шу зайлдаги ҳаётимнинг энг қизиқарли лавҳаларини санаб ўтаман; уйдан қочиши, бош олиб кетиш режаларим отамни кўришим билан йўқоларди-қоларди; қайгу-ҳасратларимни ухлаганимда унтардим; истакларим юзага чиқмаганидан эзилардим, мусиқа эшитганимда ғам-андуҳларим тарқаларди. Кўпинча Бетховен билан Моцарт менга сирдош лўст бўлишарди. Ҳозир ана шу беғубор ва одобли пайтларимда виждонимни қийнаган хурофотларни эсласам куламан: ресторон остонасидан ҳатласам ўзимни исрофгар ҳисоблардим; қаҳвахоналарни бузуқлар уяси, исловатхона деб, одамлар ор-номусини йўқотадиган ва бор-йўқ мулкини қи-

морга тикадиган ўйинхона деб тасаввур қилардим: қонни қиздирувчи қимор ўйинларига эса пул керак эди. О, балки сени уйқу элитаётгандир, аммо, ҳаётимда энг расво, ваҳшийларча хурсанд бўлган кунлардан бирини сенга айтиб бермасам бўлмайди. Бундай ваҳшийларча шодлик юрагимизни шундай тилиб юборадики, гўё жиноятчининг баданига қиздирилган темир босгандай из қолдиради! Ўша куни, отамнинг қариндоши бўлган герцог де-Наваррен уйидаги базмга борган эдим. Лекин, аҳволими яхшироқ тушунишинг учун айтишим керакки, ўшанда эгнимда яфри чиққан фрак, оёғимда бачканга туфли, бўйнимда отбоқарларникидай галстук, қўлимда эскирган қўлқоп бор эди. Бурчакка тиқилиб олиб, тўйиб музқаймоқ ердим ва чиройли аёлларни томоша қиласдим. Отам кўриб қолди. Негадир у менга сақлаб тур, деб ҳамёнини ва калитини бериб қўйди — нега бундай ишонч билдирийкин, ҳалигача тушунмайман. Мендан ўн қадамги нарида меҳмонлар қарта ўйнашаётган эдилар. Олтин тангалар жарангини эшишиб турардим. Ёшим йигирмага тўлган эди, шу ёшга яраша ақалли бирор кун гуноҳ иш қилиши жуда-жуда хоҳлардим. Бу ақлий бузуқлик эди, бундай бузуқлик ҳатто куртизанкаларнинг¹ эркаликларида ҳам, қизларнинг тушларida ҳам бўлмайди. Бир йилчадан бери ўзимча орзу қилардим: башанг кийингланман, каретада гўзал аёл ёнида ўтирибман, нуфузли жаноб қилиб кўрсатяпман ўзимни. Вэри ресторанида тушлик қиласман: оқшом театрга бораман; фақат эртасига уйга қайтаман. Отамга Фигаронинг найранларидан ҳам баттар бошни гангитувчи баҳоналарни тўқиб ташлайман. У менинг тушунтиришларидан ҳеч нарсани англаёлмайди. Мўлжалимда мана шу баҳтнинг ҳаммаси эллик экюга¹ тушарди. Эҳтимол, ўша вақтда ҳамон мактабдаги, дарс қолдирган вақтларимдаги шўхликларни соғиниб қолгандирман? Шундай қилиб, будуарга кирдим, ҳеч ким йўқ, кўзларим ёнарди, қўлларим қалтираб отамнинг пулларини ҳисоблай бошладим: юз экю экан! Бу пуллар таъсирида тасаввуримда барча тақиқланган айшишрат манзаралари Макбет жодугарлари дошқозон атрофида рақс тушгандай чирпирак бўлиб айлана бошлади. Фақат бу манзаралар чиройли, мафтункор, нафис, дилбар эди. Қулоғимнинг зингифлашига, юрагим қинидан чиқиб кетгудай типирчилашига қарамай, ҳамёндан иккита йигирма франкли тангани чиқардим — ҳозир ҳам кўз олдимда турибди! Тангаларда Бонапарт тасвири қийшайиб турарди, иили сийқаланиб ўчиб кетган эди. Ҳамёни чўнтагимга солиб, қимор столовига яқинлашдим. Терлаган қўлимдаги иккита олтин танга-

¹ Куртизанкалар — жазманлар.

¹ Эллик экю — икки юз эллик франк.

ши қисимлаганимча, товуқхона устида калхат айлангандай, ўйинчилар атрофида айлана бошладим. Ўлгудай якка-ёлғизлигимни ҳис қилар эканман, ҳамма одамларга тешиб юборгудай нигоҳ билан тез кўз югуртириб чиқдим. Танишларимдан ҳеч бири мени кўрмайтганлигини сезганимдан сўнг тангаларимни паст бўйли шўхтаъб бақалоқ чолнинг тўпига қўшиб қўйдим, унинг тепасида туриб олиб, шунчалар кўп дуолар ўқидим ва онтлар ичдимки, булар уч марта денгизда бўронда қолган одам учун ҳам етар эди. Сўнг, ёшимга ярашмаган, жиноятчиларга хос ёки макиавеллизмга хос ички бир сезги билан эшик олдига келиб, анфилада — нақшин устунлар ортидан залга паришон тикилиб турдим. Фикру зикрим машъум яшил мовут атрофида эди. Шу оқшом физиология — хулқ соҳасида биринчи марта тажриба қилиб кўрдим. Шу тажриба мендаги аллақандай узоқни кўра билиш хусусияти борлигини кўрсатди. Бу эса табиатимиздаги икки хиллик сирларини билишга ёрдам берди. Столга орқа ўгириб олдим, орқамда келгуси баҳт-иқболим ҳал этилаётганди, эҳтимол жиноий иш бўлгани учун ҳам келажакдаги бутун баҳтим шу ютуққа боғлиқ эди: рақобат қилаётган икки ўйинчини одамлар девори — тўрт-беш қатор томошабинлар тўсиб турарди: одамларнинг ғовур-ғувури ва музика олтинилар жарангини эшилтирмасди. Мана шу тўқинликларнинг ҳеч бирига қарамай мен вақт ва маконни ҳам писанд қимлайдиган эҳтирос туфайли йккала қиморбознинг сўзларини аниқ эшишиб турардим, ҳар бири неча ҳол тўплаганини билардим, қиролни очган ўйинчининг мўлжалини тушунардим, худди унинг қарталарини кўриб тургандай эдим; хулас, қимор столидан ўн қадамча нарида турарканман, рангим гоҳ бўзарар, гоҳ қизарар эди. Шу пайт ёнимдан отам ўтиб қолса бўладими! Ўшанда Муқаддас оятдаги «Тангри-таоло руҳи унинг кўз олдидан ўтди» деган сўзларнинг маънисига етдим. Мен ютдим. Ўйинчиларни ўраб олган оломон орасидан туртиниб-суртиниб ўтиб, тўрнинг тешилган жойидан сирғалиб чиқсан илонбалиқдай чаққонлик билан столга яқинлашдим. Извиробларим шодиёнага айланди. Ўлимга олиб борилаётганида шафқат ҳақида буйруқни эшилган маҳбус аҳволига тушган эдим. Аммо, аксига олгандай, орден таққан қандайдир жаноб стищмайтган қирқ франкни талаб қилиб қолди. Ҳамманинг шубҳали нигоҳи менга қадалди — рангим оқариб, пешонамдан тер чиқа бошлади. Назаримда отамнинг пулини ўғирлаганим учун жазосини тортаётган эдим. Хайриятки, оққўнгил бақалоқ чол ҳақиқий фариштадай ёқимли овоз билан «Ҳамма қўйган» деди ва қирқ франк чиқариб қўйди. Мен бошимни кўтариб, ўйинчиларга ғолибона қарадим. Отамнинг ҳаменнига олган пулимни қайтариб солиб қўйдим ва ютуғимни ўша маданиятли ва ҳалол одам ихтиёрига қўйиб бердим, у эса яна ютаверди. Бир юз олтмиш франкка етганида танга-

ларимни рўмолнамага ўраб (йўлда жарангламаслиги учун) чўнтағимга солиб қўйдим ва ўйинни бас қилдим.

— Қимор столи олдида нима қилаётгандинг? — сўради отам фиакрга ўтирганимизда.

— Томоша қилдим,— жавоб бердим қалтираб.

— Умуман, орият учун анча-мунча пул тиксанг ҳам сира ажабланарли жойи йўқ эди,— деди отам сухбатни давом эттириб.— Маданиятли одамлар кўзи билан қараганда сен энди йигит бўлиб қолдинг, салпал аҳмоқчилик қилишгаям ҳақинг бор. Ҳа, Рафаэль, ҳамёнимдан фойдаланаверганингда кечирар эдим.

Индамадим. Уйда отамга қалити ва пулларини қайтариб бердим. У ўз хонасига ўтиб, ҳамёндаги пулни камин устига тўқди, ҳисоблаб кўргач, анча хайриҳоҳ оҳангда гап бошлиди. Ҳар гапидан сўнг озми-кўпми сукут сақлаб, маъноли қараб қўярди:

— Ўғлим, яқинда йигирмага тўласан. Сендан кўнглим тўқ. Энди сенга маош ажратиш керак, тежамни, турмуш икир-чикирларини ўрганасан. Сенга ойига юз франкдан бериб тураман. Уз билганингча ишлат. Мана бу сенга дастлабки уч ой учун,— отам худди санаб кўрмоқчидай бир тўп олтин танганинг устидан кафти билан силаб қўйди.

Тан олишим керак, ўша пайт отамнинг оёғига йиқилиб, мен ўғри, қароқчиман, расвоман, ундан ҳам ёмони, алдамчиман, деб қичқиргим келди! Аммо, уят мени ушлаб қолди. Отамни қучоқламоқчи бўлган эдим, у мулоиймлик билан мени четга сурди.

— Энди сен йигитсан, бўтам,— деди отам.— Мен бу ишни шунчаки адолат юзасидан қиляпман. Рафаэль, мабодо миннатдор бўлсанг,— давом этди у мулоиймлик ва ғурур билан,— ёшлик йилларингда турли фалокатлардан асраб қолганим учун миннатдор бўлишинг мумкин. Парижда жуда кўп ёшлар йўлдан озиб ўзларини хароб қилишган. Бундан буёғига иккаламиз дўст бўламиз. Бир йилдан сўнг ҳуқуқшунослик доктори бўлсан. Баъзи нарсалардан бенасиб ўсган бўлсанг ҳам, лекин етарли билим олдинг, меҳнатга ўргандинг. Ҳар қандай иш меҳнат билан битади. Қандай тушунтирасм экан, Рафаэль. Мен адвокат ҳам, нотариус ҳам эмас, давлат арбоби бўлишингни, бизнинг фақирона наслимиш фахрланадиган одам бўлишингни хоҳлайман... Эртагача хайр!— деди отам фоят сирли бир ишора билан.

Шу кундан бошлаб, отам ўз режаларини мен билан ўртоқлаша бошлади. Отамнинг яккаю ёлғиз ўғли эдим. Онам ўн йил илгари ўлиб кетганди. Белида шпага-қилич бўла туриб, ер ҳайдашни ўзига эп кўрмаган, Овернида деярли унтиб юборилган насл-насабнинг каттаси бўлган отам қачонлардир, баҳтини синаб кўрмоқчи бўлиб, Парижга келган. Франция жанубида туғилган одамларда ўткир ақл-фаросат

иа гайрат-шижоат қўшилган бўлади. Улардан кўпинча буюк
кишилар чиқади. Шундай фазилатларга эга бўлган отам
бошқаларнинг ёрдамига ҳам унчалик муҳтож бўлмасдан
кatta бир мансабни эгаллаган. Қўп ўтмай, инқилоб уни хо-
навайрон қилипти, аммо отам бой-бадавлат оиласдан бўлган
бир қизга йиланиб олипти. Шу аснода Империя даврида биз-
нинг уруғимиз аввалги нуфузи ва шуҳратини тиклаб олипти.
Реставрациядан сўнг отамнинг мол-мулкларини қайтариб
беришипти, лекин унинг ишлари яна орқага кетипти. Импе-
ратор ўз генералларига совға қилган чет эллардаги ерлар-
дан бир қанчасини отам сотиб олган экан. Аммо, энди ана
шу лаънати ерларга эгалик ҳуқуқини ҳимоя қилиш учун
отам ўн йилдан бери ликвидаторлар — эски ишларни туга-
тувчилар ва дипломатлар билан, Пруссия ва Бавария судла-
ри билан тортишиб юрган экан. Суд 1814 йилдан то 1817
йилгача биз олган фойдаларни, шу вақт ичида кесилган ўр-
монларнинг пулини биздан ундириб олиши мумкин экан.
Агар шундай бўлса отамнинг мол-мулклари қарзларимизни
узишга зўрга етар экан. Шундай қилиб, отам менга маълум
маънода озодлик берган куни аслида мислсиз оғир бўйин-
туруқ остига тушган эканман. Мен жанг майдонидагидай
олишишим, кечани кеча, кундузни кундуз демай ишлашим
керак эди; давлат арбобларининг ҳузурига боришим, улар-
нинг томоқларини ёғлашим, ишимизга ёрдам беришса ўзла-
ригаям моддий фойда келишини тушунтириб, қизиқтиришим
керак эди. Уларга ёқиш, хотинларига ёқиш, хизматкорлари-
га ва итларига ҳам ёқиш учун жонимни жабборга беришим
керак эди. Мана шу кўнгилсиз ишларнинг ҳаммасини нозик,
чироили муомала билан, ширин-шакар ҳазил-мутойibalар
билан қилишим керак эди. Мана шу ғам-кулфатларни мен
тортардиму, отам боёқиш кундан-кун сўлиб, сарғайиб борар-
ди. Бир йил нари-берисида мен дабдабали ҳаёт кечиргандай
бўлиб юрдим. Аммо, баҳти чопган қариндошларим билан,
ишимиз учун нафи тегадиган одамлар билан алоқа боғлашга
уринишларим, бесаранжом турмуш кечириш тинкан мадо-
римни қуритворди. Кўнгилхушлигим ўша судлашувлар, суҳ-
бат-мулоқотларим эса — ҳисоботномалар бўлиб қолди. Шу
пайтгача ёшлик шўхликлари, бебошликларидан бенасиб
бўлганим учун одобли эдим: энди бирор тентаклик қилиб
қўйиб, отамни хонавайрон қилмаслик учун ўзимни қийнар-
дим. Бирор марта кўнгил очиши, жиндаккина икрофни
хаёлимга ҳам келтирмасдим. Ёшлигимизда одамлар ва ша-
роит тазиёқига қарамай, туйфуларимизнинг нозик-ниҳол гу-
лига, виждонимизга, фикрларимизга ҳали гард қўнмаган бў-
лади. Шу туфайли ёвузлик билан келишолмаймиз; бурчи-
мизни очиқ-ойдин англаймиз; номус ўлимдан кучли бўлади;
кўнглимиз очиқ, қувлик нималигини билмаймиз. Ўша вақт-
ларда мен ҳудди шундай софдил эдим. Отамнинг ишончини

оқласам дердим. Илгари отамнинг ҳамёнидан яширинча арзимас пулни ўғирлаганимда қанчалар ҳаяжонланган эдим. Энди-чи? Энди отам билан бирга унинг ишларини битказиш, авлодимизнинг шаънини сақлаш елкамга тоғдай юк бўлиб тушаётган бўлса ҳам, отамга яширинча бор бисотимни, орзу-умидларимни фидо этсам ўзимни етти қават осмонда деб биллардим! Хуллас, жаноб де Виллель бизни хонавайрон қилиш учун атайлаб топгандай, аллақайси гўрдан «ҳуқуқдан айрилиш» тўғрисидаги император декретини ковлаб топди. Мен, ер мулкларимни сотиш ҳақидаги хатга қўл қўйдим. Фақат онамнинг қабри бўлган Луара оролидаги, бирор ҳеч қанчага олмайдиган жойни ўзимизда қолдирдим холос.

Уша вақтларда сабаб-баҳоналар топишни, қувликни, фалсафий, филантрофиявий ва сиёсий сафсatalарни билмаганим учун, ишончли кишимиз, ўзингизни аҳмоқликдан тиёлмайсиз, дер эди. Ҳозир энди бу нарсаларни жуда яхши биламан, энди «ҳаҳмоқлик»дан ўзимни тия оламан. Аммо такрор айтаманки, йигирма бир ёшда биз қайноқ қонли бўламиз, муҳаббатга лиммо-лим тўламиз. Отамнинг кўзларидаги ёш умрим бўйн мен кўрган энг катта мўъжиза эди. Кейинчалик, қашшоқлик ботқоғига ботганимда шу ҳақдаги хотиралар дилимга таскин берар эди. Кредиторлар билан ҳисоб-китоб қилганимиздан кейин ўн ой ўтгач, отам дард-кулфатдан қазо қилди. У мени, жонидан ортиқ кўрган дилбандини хонавайрон қилганини билиб, адойи тамом бўлди: Отам шуни ўйлайвериб жигар-бағри куйиб кетди. Бир минг саккиз юз йигирма олтинчи йили кеч кузда, йигирма икки ёшимда ёлғиз ўзим биринчи дўстим — отамнинг тобутини қабристонга кузатдим. Парижда ҳамманинг нигоҳидан панада, тобут-араванинг орқасидан ёлғиз ўзим ўйларимга ғарқ бўлиб, бехонумон, келажаги даргумон бўлиб борарадим. Бундай ёлғиз йигитлар кўп өмасдир. Худойихоналардаги етимлар ҳам мендан аъло эди. Чунки етимларни келажакда жанг майдони кутади. Уларнинг ҳукуматдай, ёнки қироллик прокуроридай отаси бор, боқиндилар уйидай бошпаналари бор. Мен эсам ойдай якка-ёлғиз эдим! Ўч ойдан сўнг даллол келиб, отамнинг талон-торож қилинган меросидан қолган бор-йўғи бир минг юз ўн икки франк пулни қўлимга тутқизди. Судхўрлар уйимиздаги барча жиҳозларни сотишга мажбур қилишди. Болалиқдан мени қуршаб турган зеб-зийнатларни қадрлар эдим, шунча қимматбаҳо нарсаларга арзимас маблағ беришганини кўриб, ҳайронлигимни яширолмадим.

— Жиҳозларнинг ҳаммаси, оти нимайди, жудаям рококо экан! — деди нарх бичувчи даллол.

Мана шу даҳшатли сўзлардан болалигимда топган энг эзгу умид-армонларим, энг покиза, энг азиз хаёлларим чилпарчин бўлди. Энди менинг бор буд-шудим сотилган жиҳозлар рўйхати эди: келажагим бир минг бир юз ўн икки франк

иул солинган шойи ҳамёнга боғлиқ бўлиб қолганди; қаршим-
са жамиятнинг яккаю ягона вакили — даллол шляпасини
бошидан олмай тиржайиб турарди. Хизматкоримиз Иона-
фашга қачонлардир онам тўрт юз франкдан бир умрли нафа-
қа тайинлаб берган эди. Мени жондан ортиқ кўрувчи хиз-
маткоримиз бу уйни ташлаб кетар экан, кўзларига ёш олиб:

— Иложи борича тежамли бўлинг, жаноб,— деди. Ахир
шу дарвозадан болалигимда неча бор каретада шўх қийқи-
риб чиққан эдим.

Чол йиғларди!

Қисматимни барбод қилган ҳодисалар, азизим Эмиль,
мана шулардан иборат. Бу ҳодисалар дилимни вайрон қи-
либ, жамиядаги мавқеимни ҳам расволаштириди. Бир неча
бадавлат хонадонларга қариндошлик иплари билан боғлан-
ган эдим: аммо энди у ерларга боришга ғурурим йўл қўй-
масди. Эҳтимол, борганимда ҳам улар мендан ҳазар қилиш-
лари ёки бефарқ қараб, дарвозаларини очмасликлари ҳам
мумкин эди. Гарчи қариндошларимиз нуфузли одамлар бў-
либ, ўзгаларга ҳомийлик қилишни яхши кўрсалар ҳам, мен
қариндош-уругсиз ва ҳимоятсиз қолдим. Дарду ҳасратла-
римни эшитадиган одам топилмаганидан ичимдан топ дей-
диган, камгап бўлиб қолдим. Илгари очиқкўнгил, самимий
эдим, беихтиёр совуқ ва индамас бўлиб қолдим: отамнинг
қаттиққўллигидан ўзимга ҳеч қандай ишончим қолмаганди;
тортинчоқ ва журъатсиз эдим; назаримда менда ҳеч қандай
жозиба йўқ эди; ўзимга-ўзим ёмон кўринардим, ўзимни ху-
нук, бадбашара ҳисоблардим: бировларнинг кўзига қарол-
масдим. Назаримда, истеъоддли одамларнинг курашларида
журъатга, катта ишларга даъват этувчи ички бир овоз бўла-
ди. Худди шундай ички бир овоз мени ҳам «Дадил бўл! Ол-
ға!» деб чақирарди; ёлғизликда гоҳида тўсатдан ўзимни
қудратли ҳис этардим; айрим янги ёзувчиларнинг жамоатчи-
лик олқиши билан кутиб олайтган асарларини ўз хаёлимда
ёзажак асарларимга таққослаганимда умидларим қанотла-
нарди; шуларнинг ҳаммасига қарамай, ёш боладай қўрқоқ
эдим. Аслида ортиқча иззатталаб, шуҳратталаб бўлганимдан
азоб чекардим; ўзимча буюк ишлар қилиш учун туғилган-
ман, деб ўйлардим, шундай одам бўла туриб ҳаёт майдана-
чуйдаларига ботиб қолаётгандай эдим. Одамларга интилар-
дим — аммо дўстларим йўқ эди. Жамиятда ўзимга йўл очи-
шим керак эди—аммо қўрққанимданмас, тортинчоқлигимдан
ёлғизликда яшардим. Отам мени олий жамият гирдобига
отган йили мен бу оламга беғубор юрак билан, пок кўнгил
билан киргандим. Ёши улғайган барча йигитчалар синга-
ри ажойиб муҳаббатни орзу қиласдим. Тенгқурларимнинг
кўпчилиги олифта йигитчалар бўлиб, каттазанглик, қуруқ-
лик билан бачканга, майдачуйдалар тўғрисида гап сотишар:
менга айниқса инжиқ, тегманозик бўлиб кўринган қизлар-

нинг ёнига ўтириб олишар, ҳассачаларининг сопини тишлаб туриб ҳаммага ҳақоратомуз қўпол гаплар айтишар, қийшанглаб, масхарабозлик қилишар, энг яхши қизларни орқасидан гийбатлашар; ростданми, ёлғонданми, ҳар қандай гўзалининг тўшаги биз учун тайёр, деб нах уришар; ўзларини гўё ҳар қандай лаззатлардан тўйгандай, энди ҳаммани рад этишаётгандай қилиб кўрсатишар; энг иболи, уятчан қизжуонларга ҳам осон ўлжа деб қарашар; гаҳ десам қўлимга қўнади, салгина имо қилсан бас, деб мақтанишар эдилар! Қўлимни кўксимга қўйиб, вижданан айтаманки, ўша вақтда мен учун олий табакадан бўлган, ақлли, чиройли ёш қизнинг кўнглини олишдан кўра ҳокимиятни қўлга олиш, йирик асар ёзиб шуҳрат қозониши осонроқ кўринарди. Хуллас, пинҳоний ташвишларим, ҳис-туйғуларим, орзу-армонларим киборлар жамияти қоидаларига сира тўғри келмасди. Мен муомаладамас, дилимда дадил эдим. Кейинчалик билдим, хотин-қизлар севгида ялинишингни ёқтиришмас экан. Қизларнинг кўпларини олисдан яхши кўриб юрардиму, яқинига боролмасдим, мен улар учун ҳар қандай синовга тайёр эдим, дилим ҳар қанча озор тортса ҳам майлниди, қурбон бўлишдан ҳам, изтироблардан ҳам қўрқмай, бор кучларимни уларга бағишлишга тайёр эдим. Аммо улар ўзларига хушторликка шунақа аҳмоқларни танлашардики, мен ўша аҳмоқларни қоревулликка ҳам олмасдим. Бал-базмларда орзуйимдаги соҳибжамол пайдо бўлиб қолганида ёнча бор гунг-соқов бўлиб, серрайганимча тикилиб қолганларим эсимда; ўша соҳибжамолни умр бўйи эркалашимни, барча умидларимни бир нигоҳ билан билдирадим, хаёлимда унга эҳтиросли муҳаббатимни таклиф қиласдим, алдоқчи туйғуларга учардим. Шундай лаҳзалар бўлардики, бир кечак учун жонимни беришга ҳам тайёр эдим. Оқибатда-чи? Ҳасратларимни эшиитувчи қулоқ йўқ эди, ўтли нигоҳларимга жавоб берувчи нигоҳ йўқ эди. Юрагим талпинишига ҳамоҳанг урувчи юрак йўқ эди. Ё журъатим етишмаслигидан, ё кези келмаганлигидан, ё ўзимнинг тажрибасизлигидан ўз ёғимга ўзим қоврилардим. Дилимдагини бари бир тушунишмайди, ёинки бошқача тушунишади, деб қўрқнанимдан умидсизликка тушардим. Ҳар гал гўзалларнинг менга мулојим қиё боқишидан ҳам вужудимга ўт туташарди. Нозанинларнинг хайриҳоҳ мулојим боқиши ёки бирор сўз айтишига маҳтал бўлиб, шайланиб туришимга қарамай, бари бир гап очишга журъат этолмасдим: гоҳо гап бошласам вақтида тўхтатолмасдим. Туйғуларим лиммо-лигидан сўзларим тутуруқсиз чиқарди, ҳатто жим туришим ҳам аҳмоқона бўларди. Табиийки, бундай олифта давраларга мос эмасдим, бу ерда одамлар таши ялтироқ, ёчи қалтироқ эди, улар фикрларини ҳам маълум қолипдаги иборалар ёки расмий сўзлар билан ифодалашарди. Бунинг устига мен маъносиз сўзга чечанликка ва маъноли сукут сақлашга уқу-

шунадиган, куч-қувватли йигитларни яхши кўришади. Мен эҳтиросли, олов қалб, жазавага қизларни қўлга туширдик, деб жар солишганида соддадиллик билан маҳлиё бўлиб тинглардим, уларнинг ёлғон-яшиқ гапларига ишонардим. Мана шу давраларда самимий қизни учратаман деб беҳуда кутардим; енгилтак ва қуруқ, дабдабага ўч ва киборлар даврасининг икир-чикирларига маҳлиё бўлган қизнинг қалбида кучли ва теран шайдоликни топаман, деб беҳуда уринардим. Шундай қиз қалбида эҳтирослар уммонини кўраман, деб беҳуда излардим. Қалбимда ана шу чексиз-ҳудудсиз эҳтиослар уммони мавж уриб, тўфонга айланётганидан улар хабарсиз эдилар. О, фақат севги учун туғилганингни, қиз болани бахти қилишингни ҳис этиб туриб, бирор қизни, ҳатто жасур ва олижаноб Марселинадай аёлни, ҳатто аллақандай қари маркизани тополмасанг-а! Сафар хуржунингда шунча лаъл-жавоҳирларни олиб кета туриб, уларга қизиқувчи бирор ёш болани, уларни томоша қилувчи бирор қизалоқни учратмасанг-а! Тушкунликка түшиб, ўзимни ўзим ўлдиришни ўйлаган вақтларим ҳам кўп бўлди.

— Уф-ф, бу кеч нуқул фожеа,— тоқатсизланди Эмиль.

Халақит берма, ҳаётим устидан ўзим ҳукм чиқарай!— хитоб қилди Рафаэль.— Дўст бўлиб, ҳасратларимни эшишишга қурбинг етмаса, мени деб ярим соат зерикишдан қўрқсанг, майли, ухлай қол! Лекин, шундан кейин нега ўзимни ўлдирмоқчи бўлганимни сўрама. Ўлим эса талпиниб, атрофимда чарх уриб, мени ўзига чорлайди, мен ҳам уни олқишлиман. Инсон ҳақида хулоса чиқариш учун камида унинг фикр-ўйлари, изтироблари, ҳаяжонлари сирхонасига кириб кўриш керак. Инсон ҳаётининг сиртидаги воқеаларга қизиқиш эса йилнома жадваллари тузишга, аҳмоқларнинг эҳтиёжига ва дидига мослаб тарих ёзишга ўхшайди.

Рафаэль сўзларидаги ғам-андуҳ оҳангни Эмилни ҳайратга солди ва у дўстини жон қулоғи билан тинглай бошлади.

— Лекин энди мана шу воқеаларнинг ҳаммасига бошқача кўз билан қарайпман,— ҳикоясини давом эттириди Рафаэль, эҳтимол ўша бахтсизликлар қобилиятларимни камол топтиргандир, кейинчалик мана шу қобилиятларим билан фаҳранадиган бўлдим. Етти ёшимдан йигит ёшимгача ҳаётимни мазмун билан тўлдирган нарсалар файласуфларча қизиқувчанлик, фавқулодда меҳнатсеварлик, китобга муҳаббат каби хислатлар тифайли ҳозир сизлар айтгандай, ғояларимни яхши ифодалай оламан, инсонга зарур билимларнинг поёнсиз майдонида от чоптириб юра оламан. Ёлғизликка

маҳкум бўлиб, туйғуларимни тия олишга, хаёлларим оламида яшай олишга ўрганган эдим: ҳозир одамларни ва нарсаларни таққослай олишимга, мулоҳаза юрита олишимга балки шу сабабдир. Ҳиссиётга берилган одам киборлар оламининг елиб-югуришлари ичидаги кўмилиб, йўқолиб кетади, ҳиссиётга берилиш энг гўзал қалбли одамни ҳам хор қиласди, уни латтага айлантиради. Мен дилимдагини шу қадар ичимда сақлашга ўргандимки, туйғуларимни жиловладидиган, мукаммал идора қиласидиган бўлдим. Инсон прораси эҳтирослар ташналигидан ҳам юксакроқ. Эсимда, мени хуш кўрмаган нозанинларни севгиси рад этилган йигитдай синчковлик билан кузатардим. Энди тушундим, айёр бўлмаганим учун улар мени хуш кўришмас экан! Чамаси йигитларнинг сал-пал муғамбирлигини гўзаллар ёқтиришар экан. Бир соат ичидаги мен қирчиллама йигит ёки ёш бола бўлишим, бачкана одам ёки мутафаккир бўлишим, хурофотлардан озод киши ёки ўта хурофотчи бўлишим мумкин. Кўпинча, аёллардан ҳам мулоҳим бўлиб кетаман. Балки, шунинг учун улар соддадиллигимни сурбетлик деб, мусаффо фикрларимни ифлослик деб тушунишгандир? Гўзаллар назарида менинг билимдонлигим зерикарли бўлиб, хуморлигим эса лапашанглик бўлиб кўрингандир? Бой тасаввур шоирларга баҳт келтиради. Фоят жонли тасаввурим туфайли, аксинча, ҳиссиётда бекарор, заиф, лапашанг одам бўлиб кўрингандирман? Жим тўришим ҳам ўҳшовсиз чиқарди, гўзалларга ёқишга ҳаракат қилганимда эса уларни хуркитардим холос: шунинг учун улар мени севмас эдилар. Киборлар оламининг бундай ҳукмидан аччиқ-аччиқ кўз ёш тўкардим. Лекин, худди шу синовлар менга катта фойда келтириди. Мен жамиятдан ўч олишга, ҳамма гўзалларнинг қалбини забт этишга аҳд қилдим: ҳамманинг ақлу ҳушини тортаман, лакей меҳмонхона эшиги олдида номимни эълон қилганида ҳамманинг нигоҳи менга қаратилади. Болалик чоғларимдаёқ улуғ одам бўлишга аҳд қилганман. Андре Шенье сингари, пешонамга бир уриб, «Мана бу ерда бир нима бор!» дер эдим. Гўё кўнглимда ифодаланиши зарур бўлган фикр, асосланиши лозим бўлган система-таълимот, баён этилиши лозим бўлган билимлар пишиб этилаётгандай туюларди. Оҳ, азизим Эмиль, энди, ёшим йигирма олтидан ўтганида, ному нишонсиз, ўзим орзу қилган нозаниннинг севгилиси бўлаолмай, ўлиб кетишмуга кўзим етиб қолганида қандай аҳмоқчиликлар қилганимни айтиб берай! Қай биримиз озми-кўпми, бор нарсани тилаган нарсамиз, деб ўйламаганми? Орзу-хаёлларида ўзига гултоҳ ясамаган, ўз ҳайкалига тамал тоши тикламаган, тез гапга қўнувчи маъшуқалар даврасида лаззатланмаган йигитни мен дўст тутмаган бўлардим! Хаёлимда кўпинча генерал, император бўлардим: ё Байрондай донғим чиқсин, ё чангим чиқсин, дердим. Инсонлар шуҳрати билан ўйнашар

жинман, барча довонлар, чўққилар олдинда эканлигини тушунардим. Ичимга сифмаётган чексиз шуҳратпарастлигим, таҳо бўлишимга гўзал ишончим менга мадад берарди.

Албатта, одамнинг ўзи бўшанглик қилса, тиканаклар орасидан ўтаётганида жуни юлиниб яғири чиқкан қўйга ўхшаб колиши ҳам ҳеч гап эмас. Мен шон-шуҳратга эришишга аҳд қилдим, келажакдаги севгилим учун хилватнишинликда меҳнатга қўмилишга аҳд қилдим. Барча нозанинлар бир гўзал қиёфасида кўринарди ва менга биринчи дуч келган қиз ана шу гўзал бўлади, деб ўйлардим. Ҳар бир маҳбубани малика деб тасаввур қилардим. Маликалар эса ўzlари севиб қолган ошиқларига ҳиммат, лутф-марҳамат кўргазиб, ўzlари яқинлашадилар, мендай тортиночқ, бечора камбағалга ўzlари лутф-карам қиладилар, деб ўйлардим. О, лутфу карам қилган гўзалга қалбимдаги лиммо-лим севгидан ташқари яна бир олам миннатдорлик туйғуларимни бағишлардим, у гўзалини умр бўйи ардоқлардим! Кейинчалик, ҳаётни кўп кузатганимдан сўнг аччиқ ҳақиқатни билдим. Билсам, бутунлай ёлғиз қолиб кетиш хавфи тугилган экан. Қизларнинг алламбало ғалати ақли бўлади. Улар истеъоддли одамдан фақат камчилик қидиришади, ахмоқ одамдан эса фазилат излашади. Қизлар ўzlарининг камчиликларини сезмагани учун аҳмоқларни мақташади; ўzlаридан баланд турувчи талантли йигитлар баҳт келтиришса ҳам қизларнинг камчиликлари ийӯқолмайди. Истеъоддли, талантли одамлар ҳамиша ёниб яшайдилар: қизлар эса талантли одамнинг ғам-кулфатларига шерик бўлишни исташмайди — қизларнинг ҳаммаси ўз ошиқларининг фақат шуҳрат келтиришини ўйлашади. Аслида улар бизни севмайди, балки биз орқали ўzlарини севишади! Ахир ижод қилишга, бунёдкорликка қодир бўлган камбағал, мағурур санъаткор улар учун худбин кўринади. Талантли одамнинг теварагида доимо қандайдир фикрлар гирдоби чарх уради, шу гирдобга ҳамма нарса ғарқ бўлиб кетади, ҳатто маъшуқаси ҳам. Ҳамманинг таъзим-тавозеига ўрганиб қолган нозанин мана шунаقا одамнинг севгисига ишона оладими? Бундай ошиқнинг диванда маҳбубасини эркалатиб, майнабозчилик қилиб, гап сотиб ўтиришга вақти бўлмайди. Аёллар худди шунаقا майнабозчиликка ўч бўлишади. Сохта ва ҳиссиз, тўнка йигитлар эса худди шу жиҳатдан устомон бўлишади. Талантли одам ёзишга вақт тополмайди-ю, майнабозчиликка ва ўзига зеб беришга вақт тополармиди? Мен севгилимга ҳаётимни бутунлигича бағишлишга тайёр эдим, аммо умримни майд-майд қилиб бўлишга қурбим етмасди. Хуллас, қандайдир ҳумор кўз танноз хонимнинг топшириқларини бажариб югуриб-елувчи савдогарнинг лаганбардорлигидан ижодкор нафратланади. Камбағал ва улуғ одам учун яримтаки севги керак эмас — у яхлит фидойиликни истайди. Бачкана хонимлар умрида кашмирий шойи

либосларни кийиб, ўзларини кўзгуга соладилар, янги расм бўлған либослар учун илгичга айланадилар: улардан фидо-йиликни кутиб бўлмайди, аксинча, улар бошқалардан фидо-йилик кутишади. Севгида улар итоатгўйликни эмас, ҳукм-ронликни яхши кўришади. Чинакам турмуш йўлдоши бўладиган аёл ўзининг бутун умрни, куч-қувватини, шон-шуҳратию баҳт-иқболини эрида деб билади. Истеъдодли одамларга шарқона аёл керак. Шарқ аёлининг асосий мақсади — эрининг ҳар бир истагини бажо келтиришдан иборат. Барча истеъдодли одамларнинг баҳтсизлиги шуңдаки, уларнинг истаклари билан имкониятлари ҳеч мос келмайди. Ўзимни даҳо деб бўлсан ҳам танноз хонимларни яхши кўрадим. Ҳамма ўйлаганидан бошқача ғояларни етилтириб: шотисиз осмонни ҳужум билан эгаллашга интилиб; бозори касод ҳазинага эта бўла туриб: ҳали тартибга тушмаган, ўзим чуқур англамаган, хотирамни оғирлаштириб юборган билимлар билан қуролланиб; қариндош-уругларсиз, дўстларсиз, энг қўрқинчли саҳрова, ёлғиз ўзим қолдим. Бу саҳрова, обод, фикрловчи, жонли саҳрова, сизга ҳамма душман, бундан баттар, сизни ҳеч ким писанд қилмайдиган бу саҳро-да довдирасам ҳам табиий бир қарорга келдим; бу қарорни амалга ошириш мумкин эмас эди: худди шу нарса мени руҳ-лантиради. Гўё ўзим билан гаров ўйнадим: бу гаровда ўйновчи ҳам ўзим, тикилган нарса ҳам ўзим эдим. Режам бундай эди: бир минг бир юз франк пул уч йиллик тирик-чилигимга етиши керак эди. Эл оғзига тушадиган, бойлик ва шон-шуҳрат келтирадиган асар ёзиб чиқариш учун ўзимга шунча муддат белгиладим. Фивада узлатга чекинган авлие сингари фақат нон-сут билан кун кечираман. Шовқин-суронли Парижнинг қоқ ўртасида хилват гўшага беркиниб олиб, ёлғизликда китоблар ва ғоялар, меснат ва сукунат оламига гарқ бўламан. Худди пилла қуртидай ўзимга ўзим мақбара ясайман: худди қуртдан капалак чиққандай, мен ҳам кейинчалик гўзаллик ва шон-шуҳрат оламида қайта туғиламан. Шу фикрнинг ўзидан қувониб кетдим. Яшашга имкон топиш учун ҳаётимни хавф остига қўяётган эдим. Тирикчилик учун фақат энг зарур нарсалар билан чекланиб, ўзимни тийиб яшасам йилига уч юз олтмиш беш франк етади, деган фикрга келдим. Монастиръ — ибодатхона низоми билан яшагандай кун кечирганим учун мана шу озгина пул менга етиб турди.

— Бундай яшаб бўлмайди,— қичқириб юборди Эмиль.

— Уч йилга яқин шундай яшадим,— сал-пал ғуур билин жавоб берди Рафаэль.— Кел, ҳисоблаб қўрамиз! Нонга уч су, сутга икки су, колбасага — уч су; очдан ўлмайди одам, қайтанга дилинг равшанлашади. Ишонавер, ўзим худди шундай ажойиб ҳолатни бошдан кечирганим, парҳез одам-

шинг дилини чароғон қилади. Хонамни тошкўмир билан иситардим. Кўмурнинг нархини йилнинг кунларига бўлсак, кунга икки судан ошмайди. Кўйлак-иштон, оёқ кийимини ҳам уч йилга етказаман: фақат халқбоп лекцияларга ёки кутубхонага борганимда яхшироқ кийинаман, деб аҳд қилдим. Шуларнинг ҳаммасига ўрта ҳисобда ўн саккиз су кетарди; ҳар хил кутилмаган харажатларга икки су қоларди. Узоқ вақт шу зайлда яшаган чоғларимда бирор марта Санъатлар кўпригидан ўтганимни ёки бирор марта сув ташувчидан сув сотиб олганимни эслолмайман: сув келтириш учун эрталаблари де-Грэ кўчаснинг муйилишига, Сен-Мишел майдонидаги фавворага борардим. О, мен камбағал яшашим билан фахрланардим! Ўзининг гўэал келажаги борлигини биладиган одам гадоларча ҳаёт кечиради, бундан сира уялмайди. Худди бегуноҳ ўлимга ҳукм этилган одам дор остига бораётгандা уялмагандай. Акилинага ўхшаб, мен ҳам касалхона тўғрисида хотиржам ўйлардим. Бирор лаҳза соғлигим ёмонлашса нима бўлишини хаёлимга келтирганим йўқ. Дарвоҷе, камбағал одам фақат ўлаётгандагина кўрпа-тўшак қилиб ётишга хақи бор. Сочимни калта қилиб қирқдим, бирор севги париси ёки яхшилик фариштаси келгунча.. Лекин, кейинги воқеаларни ҳозирча араплаштирмай турайлик. Азиз дўстим, шунга эътибор қилгиники, севгилим бўлмаса ҳам, бир кун келиб бўлади, деган улуғ фикр билан, ёлғон фикр билан яшадим. Ёшлигимизда ҳаммамиз озми-кўпми шу умид билан яшаймиз. Ҳозир ўзимнинг ана шу вақтдаги соддалигимдан, ўша вақтдаги «мён»имдан куламан. Эҳтимол, ўша содда йигитлик чоғларимда буюк, пок ва гўзал бўлгандирман. Энди мен ундей одам эмасман. Жамиятни, киборлар ҳаётини, хулқ ва одатларимизни обдан ўрганганимдан кейин шу фикрга келдимки, менинг беғубор орзу-ишончларим бошқалар учун хавфли экан, жонимни қийнаб қилган ишларим бари беҳуда экан. Шухратпараст одамга бу фазилатларнинг сира кераги йўқ экан. Баҳтиенинг кетидан қувган одам бундай юклар билан ўзини оғирлаштириши керак эмас экан. Истеъодли одамларнинг хатоси шундаки, улар баҳтли қисматга муносиб бўламиз, деб ёшлик йилларини аямай, хароб қиласидилар. Фақирона яшайдиган баркамол одамлар келажакдаги қудратимиз қўлимииздан чиқиб кетмасин, деб куч тўплайдилар, билим йигадилар. Сўзга бой, фикрга қашшоқ лўттибозлар эса ҳамма ерда гап сотиб, ўзларининг қармоқларига аҳмоқларни илинтирадилар, лақмаларнинг ишончини қозонадилар; бирёвлар билим олади, бошқаларнинг иши юришади; бирёвлар камтарин бўлади, бошқалар журъат билан, дадил иш кўрадилар; заковатли одам ўзининг ғурурини яширади, бошқалар эса ғурурларини кўз-кўз қиласидилар: шунинг учун бошқаларнинг ҳамиша ошиқлари одчи бўлади. Амалдорлар эса бақириқ-чақириқ билан ишлайдиганларни,

сурбет истеъдодларни кўп хизмат қиляпти, деб ўлашади. Одамзод мендан миннатдор бўлади, деган олим хом хаёл қиласди. Албатта, мен бу ерда барча тан олинмаган даҳоларнинг авж қўшиғи бўлган поклик, виждонлилик ҳақидаги умумий гапларни такрорлаб ўтирамайман. Мен фақат нега ўртача одамларнинг иши ўнгидан келишининг сабабларини мантиқий йўл билан тушунтириб бермоқчиман. Ҳайҳот, фан шу қадар оналарча меҳрибонки, кўпинча фарзандларига мусафро ва осуда шодликлар бахш этади. Фандан бундан катта мукофотни талаб қилишнинг ўзи аҳмоқлик.

Очиқ дераза ёнида тўйиб нафас олганларим, кайфим чоғ бўлиб нон ва сут билан нонушта қилганларим ҳануз эсимда. У ердан қўнғирваш, қулранг ёки қизғиши, тоштахтали ва черепициали заъфарон ёки яшил йўсин ўсиб ётган томларнинг турки таровати кўриниб туради.

Даставвал бу манзара менга зерикарли туюлди, аммо кўп ўтмай унда антиқа бир тароват борлигини ҳис қила бошлидим. Кечалари эса зич беркитилмаган дарпардалар орасидан тушиб турган нур оқимлари бу ўзига хос оламнинг зим-зиё қаърини соялар билан безаб жонлантирад эди. Гоҳида туман орасидан фонусларнинг бўзарган нурлари қуйидан ўзларининг сарғимтири ёғдуларини сочар ва кўча яқинида илонизи бўлиб ясов тортган томларни, ҳаракатсиз тўлқинлар уммонини хира ёритиб туради. Онда-сонда мана шу зулмат биёбонида ноёб қиёфалар пайдо бўларди: аллақайси баҳаво боғчадаги гуллар аро лотин чечакларига сув қуйиб юрган, қадди дол кампирнинг қораси кўзга ташланарди: ёки болохона деразасининг ярим-ёрти чириган рафи ёнида турган навниҳол қиз ўз пардоз-андози ила машгул, унга қараётганларни пайқамас эди, мен ҳам фақат унинг кўхлик манглайи ва чиройли оппоқ қўллари билан кўтарилган соchlарини кўрадим холос. Том бошидаги тарновлар ёнида яккам-дуккам ўсган ҳадемай жала оқизиб кетадиган ўрзлик сабзаларга шавқу завқ билан қарадим. Мен йўсинлар гоҳо ёмғирдан сўнг тиниқлашиб кетганини, гоҳо қуёшда жизғанаги чиқиб, қоқ қўнғир барқутга айланиб ажиб товланиш касб этганини кузатардим. Қисқаси, кундузги ёруғликнинг шоирона ва лаҳзали самараси, туманлар қайғуси, фавқулодда тушиб қолган қуёш доғлари, туннинг сехрли сукунати, тонги шафақнинг яралиши, мўрилар устидаги тутун бурамлари, қўйинг-чи, — фаройиб табиатнинг мана шу барча манзаралари менга ғалати кўринар ва кўнглимга хуш ёқарди.

Мен ўз қамоқхонамни яхши кўрадим — чунки бу ерга ўз ихтиёrim билан кирган эдим. Томларидан иборат бағрига сон-саноқсиз аҳолини сифдириган, тап-тақир ялангликка ўхшаган бу парижча қуп-қуруқ саҳро кўнглимга мунис ва ўйларимга ҳамоҳанг эди. Турли фанлар билан шуғулланиб биз кўтарилган самовий юксакликлардан бир зумда пастга қу-

лаб, турмуш икир-чикирларига юзма-юз келиш одамни тин-касини қурилади. Шунинг учун ҳам мен ўша вақтларда ибодатхоналар ҳаётининг барча машаққатларини мукаммал бошдан кечирдим. Турмушнинг янги режасига қатъян амал қилган ҳолда Парижнинг энг хилват маҳаллаларидан ўзимга ҳужра қидира бошладим. Бир куни кечқурун Эстрапададан уйга қайтаётиб, Кордье кўчасидан ўтаётган эдим. Клиний кўчасининг муюлишида дугонаси билан волан ўйнаётган ўн тўрт ёшлар чамасидаги қизчани кўриб қолдим. У қўшни уйлардан чиқиб ўтирган одамларни шўхликлари билан кулдирар эди.

Ҳаво жуда ажойиб, оқшом жуда илиқ — сентябрнинг охирги кунлари эди. Эшиклар олдига чиқиб ўтирган хотин-халажлар бамайлихотир гурунг қилишарди. Одатда вилоят шаҳарчаларида байрам кунлари шундай манзарани кўриш мумкин. Аввалига фақат қизчага эътибор бердим.

Унинг маънодор чеҳраси, қадди-қомати мусаввир учун қубийб қўйгандек эди.

Бу жуда мафтункор манзара эди. Парижда бундай камтарин, соддадил одамлар қаёқдан пайдо бўлганлигига ажабландим.

Бу кўчанинг боши берк бўлиб, ўткинчилар ҳам афтидан сийрак эди. Бу ерларда Жан-Жак Руссо яшаганлигини эслаб, «Сен-Кантен» мусофирихонасини топдим. Мусофирихонанинг қаровсиз ташландиқ бўлиб қолганлигини кўриб, арzonроқ ҳонани ижарага олсан бўларкан, деган умидда у ерга киришга жазм қилдим.

Пастак шифтли бино ичкарисига кириб токчада тартиб билан тизилган қадими мис қандилларга ўрнатилган мойли шамларни кўрдим. Ҳар бир шам бир ҳонанинг калитиустига қўйилган эди. Одатда бундай ҳоналар унчалик озода бўйлас эди. Бу ердаги саранжомликни кўриб ҳайрон қолдим. Ҳаммаёқ ёғ тушса ялагудай эди. Фақат манзарали суратлардагина шундай ҳолни кўриш мумкин. Зангори каравот, идиш-товоқ, уй жихозлари, тасвири санъат асариdek жозибали эди. Мусофирихона бекаси кўринишдан қирқ ёшлардаги аёл турмушининг аччиқ-чучукларини тотиб кўрганга ўхшарди. Кўп кўз ёш тўkkаниданми, кўзлари хирадлашиб қолганди. Аёл ўрнидан туриб менга пешвоз чиқди. Мен қисинибгина квартира учун қанча ҳақ тўлашум мумкин, деб сўрадим. Аёл сира ажабланмасдан калитлардан бирини танлади ва мени болохонага бошлаб чиқди. У кўрсатган ҳонанинг деразасидан қўшни уйларнинг томлари ва ҳовлилари, дорга ёйилган кирлари кўриниб турарди. Деворлари сап-сариқ ва ис босган бу болохона бирам жирканч эдики, ҳужра ғариб ва ҳувиллаб турарди. Мендай камбағал олимга бу жой айни муддао эди.

Болохонанинг томи нишаб кетган бўлиб, черепицаларнинг тирқишидан осмон кўриниб турарди. Бу ерга каравот,

стол, бир неча стул сиғиши мумкин, томнинг нишаб кетган бурчаги остида эса фортепъянном учун жой ажратса бўларди. Бояқиши аёл Венециядаги «қўрғошин камера»ларидан қолишибидиган бу каталакни яхшироқ жиҳозлашга қурби етмаганидан, уни кимга ижарага беришни билмай юрган экан. Ўтган куни сотиб юборилган мол-мулкимдан шахсан ўзимга тегишилиларинингина ажратиб олганим учун мусофирихона бекаси билан дарҳол келишдик. Эртасигаёқ кўчиб келдим.

Мана шу осмонўпар «лаҳадда» уч йил яшадим, кечаю кундуз тиним билмай шавқу завқ билан ишладим. Одамзоднинг энг гўзал мақсади, ҳаётининг асл маъноси шу ишларда деб ўйлардим. Олим учун зарур бўлган хотиржамлик ва осудалиқда худди севгида бўлгани каби тароват ва ҳузур-ҳаловат бор. Тафаккур иши, гоявий изланишлар, фан соҳасини осуда кузатиш сўз билан ифода қилиб бўлмас дараҷада лаззат беради: Ақл-идрок фаолияти билан боғлиқ бўлган нимаики бўлмасин, бари бизнинг ташқи сезгиларимиз учун хос эмас. Шўнинг учун биз руҳий олам сирларини моддий олам қиёслари орқали тушунтиришга мажбурмиз. Илмдан хабарсиз одамлар ёлғиз сайрга чиқиб қоя тошлар орасидаги тип-тиниқ кўлда, ўрмонлар ва гулзорлар орасида фир-фир ҳсаётган майнин шабадага юзларини тутиб лаззатланишади. Аммо бу лаззат нима бўлибди? Руҳим аллақандай нур шуълаларида чўмилар, илҳомнинг қалдироқли мубҳам овози ҳешитилар, аллақандай номаълум чашмадан хаёлотлар жилғаси жонсарак миямга қўйилиб келар экан, ўзимни шу қадар баҳтиёр ҳис этардимки, бояги сайдёнинг роҳатланиши менинг шодлигим олдида дарёдан томчи ҳам бўлмасди. Тонгда қуёш нурлари ёйилаётгандай фикр-аъмол ҳам инсон тасаввурлари оламидан қўёшдай кўтарилади, ёки тўғриси, гўдакдай ўсиб-улғаяди, балоғатга етади — ана шундай пайтда бу дунёning барча шодликлари ҳеч бўлиб қолади; хуллас, илоҳий бир лаззатга шўғифийсиз. Илмий машгулотлар атрофин-гиздаги ҳамма нарсаларни оҳорли қилиб юборади. Яғири чиққан ёзув, столи, унинг жигарранг саҳтиён қопламаси, фортепъяно, каравот, кресло, эскирганидан ранги ўчиб унни-қиб кетган деворнинг гул қофозлари, жавон, стуллар — шуларнинг ҳаммаси менинг ювош жонли дўстларим, истиқболимни бунёдга келтиришга ҳисса қўшаётган унсиз дўстларим бўлиб қолишган эди. Неча бор уларга боқиб кўнглимдаги сирларни шўлар билан баҳам кўрадим! Кўпинча жиҳозларнинг қайишиб-майишиб кетган нақшларига кўз ташлаб ўз назариямни қойиллатиб исботлайдиган қандайдир йўлларни топардим. Ёки деярли ифодалаш мумкин бўлмаган фикрларимни изҳор қилиш учун аниқ сўзларни топиб олардим. Атрофимни ўраб турган нарсаларни кузатар эканман, ҳар бирининг ўз қиёфаси, феъли-автори борлигини фарқлай бошлидим. Кўпинча улар мен билан сухбатлашар эдилар. То-

лераға ойналаридан ботаётган қуёшнинг ўткинчи нурлари тушар экан, буюмлар гоҳ рангларга бўянишар, гоҳ ранги қочар, гоҳ чарақлашар, гоҳ ғашланишар ёки шўх бўлиб кетишар, гаройиб қилиқлари билан мени ҳайрон қолдиришарди. Оданда маҳбусларнинг ҳаётида шундай кичик воқеаларга эътибор берилади. Ўзини ўтга-чўқقا урадиган одамлар ҳаётида эса бу нарсалар эътибордан четда қолади. Ахир мен ҳам ғоянинг асири, назариямнинг маҳбуси әдим. Тўғри, мен тушкунликка тушмайдиган маҳбус әдим, чунки истиқболда мени шон-шуҳратга тўлиқ ҳаёт кутарди. Ҳар гал қандайдир мashaққатни енгганимдан сўнг хаёлимда оҳу кўзли, атлас-шойига бурканган, асилзода бир соҳибжамолнинг мулоийим қўлларини ўпардим. Ажойиб кунларнинг бирида бу нозанин соchlаримни силаб: «Мени деб кўп азоб чекдингиз, бегим!»— деб эркалатарди.

Мен иккита катта асар бошлагандим. Комедиямни қисқа муддатда ёзиб тугатишим керак эди. Бу асар менга шон-шуҳрат ва бойлик келтириши, асилзодалар давраларига йўл очиши зарур эди. Мен ўша давраларга энди кирганимда даҳо ёзувчи бўлиб, шохона иззат-ҳурмат кўришим лозим эди. Мана шу дурдона асарда яқинда коллежни битирган йигитчанинг илк хатога йўл қўйиши кўрсатилганди. Сизлар бу асаримни масҳаралаб кулдингиз. Кулгингиз умидбахш хаёлларимнинг қанотини қирқди. Шундан сўнг бундай хом хаёлларга чек қўйдим. Фақат сен, азизим Эмиль, бошқалар яраган юрагимга малҳам қўйдинг! Фақат сен «Ирода назарияси» деган асаримдан ҳайратландинг. Бу йирик асарни ёзиш учун мен шарқ тилларини, анатомияни, физиологияни ўргандим. Бунинг учун умримнинг кўп вақтини сарфладим. Ўйлашимча, бу асар Масмер, Лафатер, Галл, Биш асарларини тўлдиради, инсон ҳақидаги фанда кашфиётларга йўл очади.

Шу билан ажойиб ҳаётим тугади, ҳар куни мақсадга етаман, деб жонимни жабборга беришларим, бутун дунёга кўринмайдиган, борингки, мукофоти ўз ичидаги бўлган пилла қуртининг умрига ўхшаш ҳаётимга чек қўйилди. Эсимни таниганимдан бери «Назария»мни тугатган кунимга қадар фақат ҳаётни кузатдим, ўргандим, ёздим, тинимсиз ўқидим. Шу вақтгача жазо муддатини ўтаётган маҳбусдек яшадим. Шарқона, риндликни яхши кўрсам ҳам, ҳиссиятли, орзуларга шайдо одам бўлсан ҳам — ором нималигини билмай ишладим ва Париж айш-ишратларини тотиб кўрмадим: тансиқ таомларга ўч бўлсан ҳам ўзимни тийиб, борига шукур қилиб юрдим: пиёда сайр этишга ва денгизда қайиқда сузишга ишқибоз бўлсан ҳам, турли ўлкаларга боришни орзу қилсан ҳам, шу вақтгача ўш боладай сувга тош отиб юрган одам энди ёзув столи олдида бош кўтармай ишлашга ўзимни мажбур қилдим; сўзамол бўлсан ҳам индамай юриб кутубхонада

ва музейда лекция тинглардим; доимо соҳибжамол аёлни хаёл қилсан ҳам бенедиктчи роҳибга ўхшаб увадаси чиқсан совуқ тўшакда ёлғиз ётардим. Дилемнинг тўрида асраб юрган соҳибжамол эса ҳадеганда менга қорасини кўрсатмасди! Хуллас, ҳаётим шафқатсиз зиддиятлардан, нуқул ҳом ҳаёллардан иборат эди. Одамнинг оласи ичиди, деб шуни айтади-да! Узоқ тутаб ётган чўғ аланга олиб кетганидай, гоҳи-гоҳида ҳиссиётларим ловиллаб кетар эди. Аёлларга етишолмаган мендай одам, болохонада кун кечиравчи мендай ғариф худди иситмада алаҳсирагандай, атрофимда нуқул гўзал маҳбуналарни кўрадим! Париж кўчаларида, файтунларда парқу ёстиқларга ястаниб ғизиллаб учардим! Гуноҳларга ботардим, айш-ишратга шўнғирдим, ҳамма нарсани хоҳлардим ва ҳаммасига эришардим, авлиё Антоний гуноҳга ботган кезларида маст бўлгандай, мен ҳам шароб ичмай маст бўлардим. Мени куйдириб қул қилувчи бундай ҳаёлотлар, баҳтимга, туш бўлиб чиқар ва уйғониб кетардим; тонгда эса фан илоҳаси жилмайиб, мени ўз ёнига чақирар ва мен унга садоқатли эдим. Ўилашимча, одобли, шарм-ҳаёли ҳисобланган қизлар, аёллар ҳам кўпинча телбаларча истак ва эҳтирослар гирдобига тушиб турадилар. Бу ҳолат бизнинг иродамизга боғлиқ бўлмайди. Мана шу орзу-ҳаёлларнинг ҳам ўзига яраша гашти бор. Қиши оқшомлари камин ўчоқ олдида исиниб, сұхбатлашган чоғларимизда ҳаёлан Хитойга саёҳат қилгандай бўламиз. Аммо, мана шунақа гаштли саёҳат чоғларида ҳаёлан ҳамма тўсиқларни писанд қилмас эканмиз, одоб, шарм-ҳаё пардасини ўйлаб ўтиармидик?

Узлатга ихтиёр қилганимнинг дастлабки ўн ойида мен мана шундай фақирона, яккаю ёлғиз кун кечирадим, тонг пайлари ҳеч кимга билдиримай кўчага чиқиб, егулик ул-бул олиб келардим, хонамни ўзим супуриб-сидирадим; ўзимга ҳам хўжа, ҳам қарол эдим; бениҳоя ғурур билан Диогенга ўхшаб яшардим. Аммо, кейинроқ мусофирихона бекаси билан унинг қизи менинг хулқ-авторимни, одатларимни яхши билиб олишгач, камбағаллигимни тушунишгач, ўзлари ҳам мендай камбағал, бечора бўлгандарни учун эл бўлиб кетдик. Соддадил, ҳали ўн гулидан бир гули очилмаган Полина (қисман, шу қиз ҳам бу ерга кўчиб келишимга сабабчи эди) менга баъзан ёрдамлашар, ёрдамини рад этишга кўнглим бўлмас эди. Барча камбағалларнинг қисмати опа-сингиллардай бирбирига ўхшаш бўлади. Уларнинг тили ҳам, ҳиммати ҳам ўхшаш. Улар камбағал бўлсаям қўли очиқ бўладилар: улар шунчалик тантн бўладики, жонларини ҳам аямайдилар. Уз-ўзидан Полина хонамга бека бўлиб қолди, у менга дастёрлик қилишни хоҳлар, онаси ҳам бунга қаршилик қилмас эди. Онаси бир неча бор кўйлакларимни ямаб, чатиб ўтирганлигини кўрдим. Ҳамдard аёлни бу иш устида кўриб қолганимда у хижолатдан қизариб кетди. Улар ўзларича мени ўз ҳи-

моятларига олган эдилар, мен ҳам рози эдим. Ишга боши билан шүнғиган, ўй-хаёллардан ниҳоятда қийналган, кундадлик турмуш икир-чикирларини писанд қилмайдиган, фақат орзулар билан яшайдиган одам меҳрибонликни яхши тушуди. Саккиз соатдан бери туз totимаганимни билган Полина хонамга сөёқ учиди кириб, тушликка бирор егулик қўйиб чиқиб кетарди. У қизларга хос назокат ва болаларча соддалик билан «менга эътибор берманг», деб ишора қилиб кулиб қўярди. У, тилагимни билиб томдан хонамга учиб кирган Ариэлдай, сильфдай фаришта эди. Бир оқшом Полина жуда ўта қоддадиллик билан бошидан ўтганларини гапириб берди. Отаси император гвардиясининг отлиқ grenadérlar эскадронига қўмондон экан. Березина кечуву вақтида у казакларга асир тушиб қолипти; кейинчалик, Наполеон уни рус асирига алмаштиришни таклиф қилипти. Аммо, рус маъмурлари уни Сибирдан излаб топишолмати. Бошқа асиirlарнинг гапига қараганда у Хиндистонга қочишига ҳаракат қилиб юрган экан. Шундан бери бекам, Годэн хоним эрининг дом-дарағини эшитмалти. Бир минг саккиз юз ўн тўртинчи — бир минг саккиз юз ўн бешинчىй ийлларда фалокат бошланипти. Бекам, мол-мулксиз ва ҳимоятсиз ёлғиз қолгач, жиҳозланган хоналарини ижарага бериб, қизини тарбият қилмоқчи бўлипти. Годэн хоним ҳанузгача эридан умидини узмаган эди. Хоним ҳаммадан ҳам қизимни ўқитолмай қоламанни, ахир Полина княгина Боргезенинг тутинган фарзанди-ку, деб ич-ичидан эзилар экан. Полинани олий ҳимоятига олган хонойим унга ишонч билдириб, келажаги порлоқ бўлади, деб башорат қилипти. Полина хонойимнинг юксак ишончини оқлаши керак экан. Бир куни боёқиши чеккан азоб-уқубатларини менга ғапириб берар экан, кўнгилни вайрон қиласидан оҳангда: «Полинам Сен-Денида таълим оладиган бўлса, Годэнни баронликка кўтариш тўғрисидаги бир парча қофозни ҳам, Вичнаудан келадиган фойдаларимизни ҳам жон деб бериб юборардим!» — депти. Бу сўзларни эшитиб, вужудим, жимиirlab кетди. Годэн хонимнинг менга қилган яхшиликлари эвазига Полинани тарбиятимга оламан, деб ваъда бериб юбордим. Беғараз тақлифимни улар чин қўнгилдан қабул қилишди. Шундай қилиб, дам оладиган пайтларим ҳам пайдо бўлди. Қизнинг зеҳни ўтири эди, у ҳамма нарсани тез илғаб оларди. Тез орада фортепъянони мендан ҳам яхши чаладиган бўлиб қолди. Менинг олдимда у ўй-фикрларини ифодалашга ўрганар экан, гул офтоб нурларида парвариш топгандай қизнинг ҳам кўнгли гул-гул очилиб борарди. У сўзларимни эътибор бериб, жон-дили билан эшитар экан, баҳмалдай майнин кўзлари мулойим жилмайгандай боқарди. У сабоқ сўзларини нафис, майнин овози билан тақрорлар экан, мামнун бўлганимда болалардай қувониб кетарди. Кичкиналийгиданоқ чиройли қиз бўлиши билиниб турган Полина-

си ни хавф-хатарлардан қандай асрыйман, деб онаси яқин-яқинларгача хавотирланар әди. Энди, Полина кун бўйи машғулотлар билан бандлигини кўриб, Годэн хоним хотиржам бўлиб қолди. Мусиқа дарслари учун, фақат менинг фортельянном борлиги учун, Полина уйда йўқ вақтларимда шуғулланаар әди. Қайтганимда қиз хонамда ўтирган бўларди. У камтарин, сипо кийинган әди, аммо салгина ҳаракат қилганида оддий кийими ичидан хипча бели, чиройли қадди-қомати билниб турарди. Эшак тери ҳақидаги эртак қаҳрамонига ўхшаб, қиз нозик оёқчаларига қўпол шиппак кийиб олган әди. Лекин, бу қизнинг бор дилдорлиги, ажойиб хазинаси, бойлилари мен учун гўё йўқдай әди. Полинага синглимдай қарашга ўзимни мажбур қиласдим. Онасининг ишончини оқламаслик даҳшатли гуноҳ бўлур әди. Мен бу дилдор қизга суратга қарагандай, ўлиб кетган севгилимининг суратига қарагандай завқ билан қарадим. Хуллас, у фарзандимдай, ўзим ишлаган ҳайкалчадай әди. Мен — Янги Пигмалион¹ аксинча, томирларида қайноқ қон жўшиб турган, ҳис этувчи ва сўзловчи жонли соҳибжамонни жонсиз мармар ҳайкалга айлантирадим. Қизга қатиқўллик билан муомала қиласдим, мураббийликда қанчалик шафқатсиз бўлсан, қиз шунчалик мулойим, итоаткор бўлиб бораради. Унга нисбатан кўнглимда кирим йўқлиги учун ўзимни вазмин, сипо тутардим. Баъзан ҳатто прокурордай совуққон гаплашардим. Кўнгли тоза бўлмаган одам пул ишларида ҳам ҳалол бўлиши мумкин эмас, деб ўйлайман. Хотин-қизларни алдаш мен учун ҳамиша биронни хонавайрон қилиш билан тенг. Навниҳол қизни севиш ёки севгисини тан олиш чинакам никоҳдан ўтишдай гап. Агар шундай бўлса, бу никоҳнинг шартлари ҳам олдиндан маълум бўлиши керак. Биз, йигитлар, бузук аёлни ташлаб кетсак бўлади, лекин қиз болани ташлаб кетишга ҳақимиз йўқ, чунки иффатли қиз бизга ўзини қурбон қилас экан, бу ишнинг бутун оқибатларини ўзи яхши тушунмайди. Албатта, мен Полинага уйланишим ҳам мумкин әди, аммо бу ақлсизлик бўларди. Ахир қизнинг нозик ва покиза кўнглини минг азобларга дучор қилишининг нима кераги бор? Қамбағаллигим туфайли мағрур эдим, бу фуур Полина иккаламизнинг ўртамизни Хитой деворидай тўсib турарди. Бундан ташқари, уятли бўлса ҳам айтай, қашшоқликдаги севгини севги деб бўладими? Цивилизация — тараққиёт деб аталган инсоният касаллиги менга ҳам юқкан, мени ҳам бузиб юборган: шунинг учун агар гўзал Еленадай, Ҳомернинг Галатеясидай дилдор бўлса ҳам, салгина эски кийган аёл менинг кўнглимини забт этолмайди. Яшасин атлас, шойи либослардаги, ҳашаматли қасрлардаги севги! Дабдаба, ҳашам

¹ Қадимий юонон афсонасига кўра ҳайкалтарош ўзи бунёд этган гўзал Галатеяни севиб қолади ва уни жонлантиради. — Таржимон.

севгини безайди, чунки севгининг ўзи ҳам дабдаба, ҳашамга киради. Эҳтиросга берилганимда оро берилган нафис, нозик ҳарир либосларни ғижимлаб ташлагим келади, гулларни эзгилаб, муаттар соchlарнинг турмакларини бузиб ташлагим келади. Замбаракдан чиқсан оташ тутунни ёриб ўтгандай, юзга тўсилган нафис парда ортида порлаган ёниқ кўзлар мени жинни қилиб қўяди. Менинг севгимга шойи нарвонлар керак. Қиши кечалари ошиқ ана шу шойи нарвонлардан овоз чиқармай маъшуқаси ёнига кўтарилади. Ҳаммаёфинг қорга беланиб, шамлар билан гира-шира ёритилган хонага киран, ҳаммаёқ гулдор шойилар билан қопланган: нозанин севгилинг ҳам эгнидаги қорларини қоқиб туширади — лаззатбахш мушк-анбар сепилган қордай оппоқ либосларини ечиб ташлайди. Ҳарир либос ичидағи гўзал худди булат ичидағи фариштадай кўринади, севгилинг булувлар ичидан чиқиб келгандай бўлади. Мен гумон-ташвишли баҳтни ҳам, дадилликни ҳам яхши кўраман. Ниҳоят, мана шу сирли аёлнинг олий давраларда порлаб юришини, одоб, ҳаёси билан ҳаммани мафтун этишини, ярқироқ жавоҳирлар қадалган ҳарир либосларга бурканишини, бутун шаҳар аҳлига ҳукм-фармо бўлишини истайман; ниҳоятда олий мавқега эга бўлганидан, уйи ғоят ҳурмат қилишганидан ҳеч бир зот меҳр-муҳаббатини изҳор этишга журъат қилолмасин. Бу қиз қанизаклари, аъёнлари даврасида гул-гул очилар экан, менга шундай бир қиё боқсинки, бу нигоҳдан барча расмиятчилик қоидалари бир пул бўлсин, бу нигоҳ «сен учун жамиятни ҳам, одамларни ҳам қурбон қиласман», деган маънони англатсан! Тўғри, ўзим неча марталаб, блондалар, барқут, духобалар, нафис батисларни, машшоталарнинг санъатини, шаъмларни, фойтуналарни, унвонларни, биллур идишларга, олтин, кумуш буюмларга ишланган насл-насад муҳрларини яхши кўрганимга кулиб юрардим. Хуллас барча ясама нарсаларни, қизларнинг қизлигини камайтириб турган нарсаларни хуш кўрганимга кулардим. Лекин, бари бир яна шуларни яхши кўраверардим. Мени асилизода қиз, унинг нафис табасуми, ноз-ишвалари, виқорли хатти-ҳаракатлари мафтун этади. Бундай нозанин иззат-талаблигимни, шуҳратпастлигимни кучайтиради. Шунинг ўзи ҳам ярим севги. Ҳамманинг ҳасадини келтирсам бениҳоят ҳузур қиласман. Бордию севгилим бошқа қизларга нисбатан ўзгача тарзда яшаса, пиёда юрмаса, ҳеч кимда йўқ мўйна кийим кийса, ундан ноёб мушк-анбар атри анқиб турса менга яна ҳам ёқади. Агар севгилим бу дунёдаги одамларга ўхшамаса, самовий фариштасурат бўлса — шу қадар дилдор кўринади. Баҳтимга, Францияда йигирма йилдан бери қиролича йўқ, бўлганида, албатта қироличани севардим! Шоҳ қизидай эрка яшаш учун бой-бадавлат бўлиш керак. Мана шундай романтик хаёлот билан яшаётган вақтимда Полина мен учун ҳеч ким

эмасди. У менга бир умрга татийдиган, жонини нисор этишга арзидиган кечаларни бағишаётласди. Иффатини бизга баҳш этадиган камбагал қизлар учун ўлимга бормаймиз. Кўнглимдаги мана шу туйғуларни, мана шундай шоирона орзу, хаёлларни сира йўқотолмасдим. Мен ноёб севги учун туғилганман, деб ўйлардим! Тақдир эса мени ўзим хоҳламаган одамга йўлиқтириди. Кўпинча, хаёлимда Полинанинг нозик оёқчаларини атласга ўрадим, сарвдай қоматига ҳарир лиbosлар кийдиардим, елкасига ҳарир рўмол ташлардим, унинг шоҳона саройида чўғдай гиламлар устидан юриб, нақшинкор фойтунга чиқариб қўярдим. Мен бу қизга ўзида йўқ бўлган тамтамликни бериб, унинг барча фазилатларини, ширинлигини, туғма жозибасини, камтарин табассумини тортиб олиб, уни гуноҳларимизнинг Стиксига (дўзах дарёсига) гарқ этардим. Унинг тошбағир бўлишини, уни ўзимизнинг жиноятларимиз билан безанишини хоҳлардим. Уни зиёфатхоналарнинг арзандаси, тонгда уйқуга кетиб, кечқурун, шамларнинг сунъий ёруғида жонланадиган, енгил шабадага ҳам йиқиладиган нозик қўғирчоги деб тасаввур қиласдим. Полина ҳиссиётли, гул-гул яшнаб турган қиз эди, мен бўлсан уни қуруқ ва совуқ бир нозанин қиёфасида кўришни истардим. Телбалигимнинг охирги кунларида Полина қиёфаси кўз ўнгимда пайдо бўлиб, болаликдаги беғубор манзараларни эслатди. Фусункор лаҳзаларни хотирлаб, кўнглим бузилиб кетди. Ювош, мулойим, камсуқум, зийрак бу ажойиб қиз столим ёнида кашта тикиб ўтиарди, ҳужрам деразасидан тушаётган гира-шира ёруғлик унинг чиройли тимқора сочларига оҳиста қўнарди: унинг ўсмирларча мусаффо кулгисини эшиштардим: ўзи осонгина тўқиёладиган ширин қўшиқларини қўнғироқдай тиниқ овози билан куйлаб берарди. Кўпинча, Полинагинам музика чалаётганида шундай руҳланиб кетар әдикни, худди Карло Дольчи ифодаламоқчи бўлган кўркам Италия парисига жуда-жуда ўҳшаб кетарди. Телбалардай кечеётган умрим давомида Полинанинг тиниқ, пок чеҳрасини изтироб билан эслар эканман, бу таъна-дашном вужудимни зирқратиб оғритарди. Кейинчалик, қиз қанчалар баҳтсиз бўлса ҳам, мен уни даҳшатли бўрондан қутқариб қолдим — уни ўзимнинг дўзахимга судрамадим.

Бултурги қишгача тинч, осуда меҳнат билан ҳаёт кечириб келдим. Дўстим Эмиль, сенга ўша вақтдаги ҳаётим ҳақида гира-шира тасаввур беришга уриниб кўрдим.

Бир минг саккиз юз. йигирма тўққизинчи йил декабрь ойининг дастлабки кунларида Раостинъякни учратиб қолдим. Қийим-бошим фарибона бўлишига қарамай, у мени қўлтиқлаб олди ва чин акамдай меҳрибонлик билан ҳол-аҳволимни суршистириди. Бу фамхўрликдан таъсирланиб, қандай яшаётганини, нималарга умид боғлаганимни қисқача гапириб бердим: у хаҳолаб кулиб юборди, сўнг: «Ҳам даҳосан, ҳам аҳ-

моқсан!»— деди. Растињакнинг гасконча шўхлиги, киборлар оламини яхши билиши, тажрибаси, бой-бадавлатлиги — ҳаммаси мени ҳайратга соларди. «Сени ҳеч ким тан олмайди, аҳмоқлигингча касалхонада ўлиб кетасан!»— деди. Дарров тобутимни кузатиб гадолар қабристонига олиб бориб кўмди. У ёқимтой бир ҳазилкашлик билан, барча даҳо одамлар шарлатонлар эканлигини исботлаб берди. «Агар бундан буён ҳам Кордье кўчасида ёлғиз яшасанг, ё кўр, ё кар бўласан ёки ўлиб кетасан», деди. «Асилизодалар оламига кир, одамлар номингни ҳурмат билан тилга олишсин: энди улуғ одамга ярашмайдиган камтарликни, хоксорликни ташла!» деди.

— Аҳмоқлар бундай хулиқни фитначилик деб аташади,— деди у овозини кўтариб,— зоҳидлар эса бундай одамни такасалтанг деб қоралашади. Одамларнинг гапига қулоқ солмай, ўзимизча хулоса чиқариб кўрайлик. Оқибатда нимага эришамиз? Меҳнат қиласман, дейсанми? Меҳнат билан ҳеч нарсага эришолмайсан. Масалан, менинг қўлимдан ҳамма нарса келади, лекин ҳеч иш қилмайман, ялқовларнинг ялқовиман; шунга қарамай, ҳамма нарсага эришаман! Ур-сур қилиб, олдинга интиламан — менга йўл бўшатишади, мақтансам --- ҳамма ишонади, мен қарз олсан бошқалар тўлашади! Тараллабедод яшаш, азизим — бу, катта бир фалсафа. Ўзининг молу мулкини сарфлаб тугатаман, деган одам кўпинча савдогарга ўҳшайди — ўзининг пулу молларини дўстларига, кайф-сафога, ҳомийларига, таниш-билишларига вақтинча сақлашга беради. Улгуржи савдогар миллион сўмини таваккал қилиб ўртага тикади. У йигирма йил ухламай, емай-ичмай, роҳат кўрмай топган миллион сўмини Европанинг ҳамма мамлакатларига фойдага беради. У шунча йил яккамоҳов яшаб, шайтон васvasаларига учиб, охири хонавайрон бўлади. Шундай катта савдогарлар ёнида бир тангасиз, иззат-ҳурматсиз, дўст-ёрсиз қолганлигини неча марта кўрганман. Истрофгар одамнинг йўриғи бошқа; у роҳат-фарогатда яшайди, у пойгада тўсиқларга қанча кўп учраса, шунча лаззатланиди. Истрофгар мабодо жамғармаларидан айрilsа, бошқа иш топиб олиши мумкин — маош йигувчиларнинг бошқарувчиси бўлиши, бадавлат аёлга уйланиши, министр ёки элчи ҳузурида бирор мансабни эгаллаши мумкин. Унинг дўстлари бор, иззат-ҳурмати бор, истаган вақтида пул топиши мумкин. У жамият машинасининг мурватларини яхши билади, ўзига керакли мурватни бурайверади. Қалай, фалсафамда мантиқ борми, ёки ақлдан озибманми? Жамият ҳар куни кўрсатадиган томоша комедиянинг мазмуни шу эмасми?.. Асарингни ёзib тугатибсан, — бир оз жимликдан сўнг Растињак давом этди,— сенда жуда катта талант бор. Лекин, бари бир ҳамма нарсани мен айтган фалсафа бўйича бошидан бошлишинг керак. Тўғриси, ўзинг учун ўл етим қабилида иш тутишинг керак. Ҳар хил давраларга қўшиласан, лақмаларнинг кўнгли-

ни овлайсан. Шон-шуҳратингга шерик бўлишни истаганим учун, бошингга кийдириладиган тожнинг лаъя-жавоҳирлари ни сайдалловчи заргарлик вазифасини ўз зиммамга оламан... Ишни бошлаш учун эртага кечқурун шу ерга келасан. Сени бир хонадонга бошлаб бораман, бизнинг Парижимиз, Париж олий жамиятнинг шерлари, Париж миллионерлари, донгдор кишилари, ниҳоят, Париж машҳур нотиқлари, чинакам шакаргуфтторлари, хуллас, бутун Париж шу хонадонга тўпланди; агар шу издиҳомда жаноблар бирор китобни маъқуллашса, ўша китоб машҳур бўлиб кетади. Ўша китоб чиндан ҳам яхши бўлиши мумкин. Аммо, жаноблар ўзлари дохиёна асар деб баҳолаган китобнинг қандайлигини аслида билишмайди. Агар эс-хушиңг жойида бўлса, бўтам, сенинг «Назария»нг фортунаси¹ ўз қўлингда бўлади, фақат сен фортуна назариясини яхши билсанг бўлгани. Эртага кечқурун ўша ерда соҳибжамол графиня Феодорани кўрасан. У ҳозир жамиятнинг гули саналади...

— Сира эшитмаганман...

— Ола-а, роса ёввойи экансан-ку! — хахолаб кулди Рас-тињяк. — Феодорани билмаган одам борми?! Ахир унга уйланса бўлади, саксон минг ливрга яқин даромади бор. У ҳеч кимни севмайди, униям ҳеч ким севмаса керак. Фалати, сирли аёл, парижлик чала ўрис, россиялик чала француз аёл! Бу аёлнинг матбуотда босилиб чиқмайдиган барча романтик асарлари жамият орасида кенг тарқалади; Парижнинг энг гўзал малаги, ошиқларини ақлдан оздиради! Йўқ, сен ёввойи ҳам эмассан, сен — ёввойи билан ҳайвон ўртасидаги бир нарсасан... Эртагача хайр!..

Растинъяк шундай деб, гир айланиб, жавобимни ҳам эшитмай, кўздан ғойиб бўлди. Ақл-хуши бор одам балки Феодора билан танишишини хоҳламас, деган фикрни хаёлига ҳам келтирмади. Бу исмнинг сехри, жозибаси нимада? Феодора номи худди жиноят қилиш истагидай, кўнглимни тарқ этмасди. Қандайдир ички бир овоз худди ишқ аҳдидай, «Феодора ҳузурига борасан!» деб ундарди. Мен бу садога қанчалик қаршилик қилсан ҳам ёлғон айтасан, деб қичқирсан ҳам, барча далилларимни Феодора деган биргина исм чиппакка чиқаради.

Бу исм, бу нозанин барча хоҳишлирим тимсоли, бутун умр орзу қилганим эмасми? Бу исм тасаввуримда олий жамиятнинг гўзаллигини жонлантирди, Париж асилзодаларининг байрам дабдабаларини шуълалантирди, ўйин-кулгиларни авжга чиқарди. Бу аёлни кўз олдимга келтирганимда барча эҳтиросларим яна жунбишга келиб, мениннин қилиб қўйди. Йўқ, бу аёл эмас, бу исм эмас, ўзимдаги барча гуноҳлар, ҳаёсиэзликлар ғалаёнга кёлиб, кўнглимни яна тилка-пора

¹ Фортуна — толе, иқбол.

қила бошлади. Бадавлат, хуштори йўқ, Париж ҳойи ҳавасларига учмайдиган графиня Феодора — ахир барча орзуумидларим, тушларимда етишган барча орзу-ҳавасларим шу номда мужассам эмасми? Ҳаёлимда пайдо бўлган мана шу нозанин мен учун гўзал армон бўлиб қолди. Кечаси билан ухламай чиқдим, унга шайдо бўлдим, бир неча соат ичидагига лиммо-лим бир умрни бошдан кечиргандай эдим, вужудимни ўртовчи лаззатларни яна ва яна тотиб кўрардим. Эртаснга оқшомни узоқ кутишга тоқатим чидамай, кутубхонага бордим, вақт ўтказиш учун қандайдир романни олиб, кун бўйи ўқидим. Кўнглимда Феодора деган садо янграрди. Ҳудди олисдан келётгандай бу садо одамни ташвишга солмайди, аммо хаёлингизни тортади, тинглашга мажбур бўласиз. Бахтимга бисотимда хийла тузук қора фрак ва оқ жилетим сақланиб қолган экан. Яна, бор хонумонимдан қолган ўттиз франк пулим ҳам бор эди. Бу пулларни сарфлаб юбормаслик учун стол ғаладонларига жавондаги кийим-кечаклар орасига яшириб ташлагандим. Сарфлагим келиб қолса юз сулик тангани қидириб топишим учун хона бўйлаб бутун дунё саёҳатига чиқишим: тиканли деворлардан ўтгандай қийналиб қидиришим керак эди. Кийинаётуб, бояги хазиналаримни топиш учун лак-лак қофозларни остин-устун қилиб ташладим. Тангалар жуда кам қолган экан, қўлқоплар ва фойтуналарга қанча кўп пул сарфлаб юборганимни шундан билсанг бўлади, шулар бир ойлик нон-тузимни еб юборишилти. Афсуски, биз эрмаклар учун ҳамиша пул топамиз, фойдали ва энг зарур нарсаларга эса хасислик қиласиз. Раққосалар бошидан тилла сочамиз, уйида бола-чақалари оч ўтирган ишчидан бир тийинимизни аймиз. Қимматбаҳо, юз франкли фрак кийган, таёқчасининг сонига олмос қадаб олган қанчадан-қанча олифталар тушлик овқатга атиги йигрма беш су сарфлашади! Шуҳратпарастлигимизни, иззатпрастлигимизни қондириш учун, тўғриси, ҳеч нарсани аямаймиз...

Растинъяк кечаги гапида турганди. У менинг кийиниб, бошқача одам бўлиб қолганимни кўриб жилмайди; аммо, очиқўнгиллик билан графиня ҳузурода суҳбат вақтида ўзимни қандай тутишим кераклигини йўл-йўлакай ўргатиб борди. Унинг айтишича, Феодора хасис, шуҳратпараст ва шубҳакор экан. Бу аёл хасис бўлгани билан дабдабага ўч, шуҳратпараст бўлгани билан баъзан содда, шубҳакор бўлгани билан баъзан меҳрибон экан.

— Феълимни, шароитимни яхши биласан,— деди у.— Бошқа бир аёлга кўнгил қўйсам, кўл нарсадан айрилиб қолишим мумкин. Шунинг учун мен Феодорани холислик, со-вуқёнлик билан кузатганман, ўнинг тўғрисидаги фикрларим адолатли бўлади. уни сенга таништиришдан мақсадим шуки турмушинг ширин, соз бўлишини хоҳлайман. Шунинг учун

сен ҳар бир сўзингни чертиб гапиришинг керак, негаки, бу аёлнинг хотираси жуда ўткир, у шундай чаққонки, дипломатни ҳам қай сўзи росту қайсиниси ёлғонлигини пайқаб олиб, доғда қолдиради. Гап орамизда қолсину, менимча, император бу аёлнинг никоҳига рухсат бермаган — рус элчиси шу ҳақда гап очганимда кулиб юборди. У ўз ҳузурига Феодорани киритмайди, Булон ўрмонида кўриб қолганида ҳам хиёл бош иргаб ўтиб кетади. Шунга қарамай, Феодора де Серизи хоним билан яқин, у де Нусинген хоним, де Ресто хонимнинг уйларида бўлиб туради. Францияда Феодоранинг ҳурмати баланд. Маршалнинг рафиқаси, бонапартчилар даврасидаги энг танноз аёл, герцог хоним де Карильяно, ҳар ёзда вақтини Феодора мулкида ўтказади. Кўнгина олифта йигитлар, ҳатто Франция пэрларидан бирининг ўғли ҳам Феодора хонимнинг мол-мулкига ўзларининг шон-шуҳратини қўшишни таклиф этишган. У аёл ҳаммасини мулойимлик билан рад этган. Балки, бу хонимнинг ҳиссиятларини уйғотиш учун камида граф бўлиш керакдир? Сен ахир маркизсан-ку! Агар, у нозанин сенга ёқса, ҳаракатингни қиласкер! Бу гапларимни қулоғингга қўйаб ол.

Растинъяк ҳазил-мутойибалари билан мени мазах қилиб, баттар гижгижлаётганга ўхшайди. Зинаси гуллар билан бе-залган, устунлий айвонга етганимизда эҳтиросларим жазава-га айланган эди. Гилам тўшалган зинапоядан баландга кўтарилганимизда инглизча фаровонлик, нозик дидли жиҳозлар яққол кўзга ташланди, юрагим ўйнаб кетди. Мен олий насл-насабимни ҳам, барча туйғуларимни ҳам, ғуруримни ҳам унутиб, дабдабали зийнатларни кўрганимда худди оддий фуқародай қизариб кетдим. Ахир, мен уч йил ҳужрада қашшоқларча ҳаёт кечиргандим; фан бизга берган ақлий бойликлар турмуш икир-чикирларидан юқори туришини ҳали яхши англамасдим. Фан бизга мустаҳкам руҳий қудрат бериб, аввалдан сиёсий *курашларга тайёрлади.

Ичкарига кирдик: креслода ўтирган йигирма икки ёшлардаги, ўрта бўйли, оппоқ кийинган, патли елпифич ушлаган жувоннинг атрофини эркаклар ўраб олишган эди. Растинъякни кўриб, жувон ўрнидан турди ва мулойим жилмайиб, биз томонга яқинлашди. Кўнғироқдай товуш билан менга икки оғиз ширин гап айтди, шубҳасиз, буни аввалдан ўйлаб олган бўлиши керак. Растинъяк мени унга танишитирар экан, истеъдод, қобилиятларимни мақтаб кетди. Дўстимнинг эпчиллиги, гасконча дадиллиги туфайли мени жуда яхши кутиб олишди. Ҳамманинг эътибори менга қаратилганидан уялиб кетдим. Яхшики, Растинъяк буларга камтарлигимни ҳам айтган эди. Бу базмгоҳда мен олимларни, ёзувчиларни, истеъфодаги министрларни, Франция пэрларини кўрдим. Биз келганимизда узилиб қолган суҳбат яна жонланди. Иззатимни бой бермаслик учун ўзимни қўлга олдим. Гапириш

шакони туғилганида эса кўпчиликнинг ортиқча диққатини иортмасдан, анчайин салмоқли, чуқур маъниоли ва ўткир фикрларим билан баҳсга якун ясашга ҳаракат қилдим. Ҳайтовор яхши таассурот қолдирдим. Растињяк ҳаётида мингингичи марта ўзининг пайғамбарлигини кўрсатди. Кўпчилик меҳмонлар тўпланиб, ҳамма ўзини эркинроқ ҳис эта бошлагач, Растињяк мени қўлтиғимдан ушлаб, холироқ хоналарга бошлади.

— Графиняни кўриб қоййил қолганингни билдирма,— деди у,— бўлмаса хоним нима мақсадда келганингни пайқаб қолади.

Меҳмонхоналар нозик дид билан жиҳозланган эди. Бу ерда ажойиб расмларни кўрдим. Энг бадавлат инглизларнинг уйларида бўлганидай, бу ердаги ҳар бир хона алоҳида услугубда безатилган; деворларга осилган ипак газламалар, пардозлар, ёғоч жиҳозлар, энг майдада-чуйдагача, ҳаммаси муайян мақсадга мос эди. Чунончи, гота услугубидаги, эшиги гилаам пардалар осилган, ётоқ — хобгоҳ — будуарда ҳамма нарса — ёғоч жиҳозлар, соат, гилаам нақшлари — гота услугубида эди. Гумбаз шаклида жойлаштирилган қорамтиринақшин тўсинлар нафислиги ва ғалатилиги билан лол-қолдирарди. Деворнинг панеллари санъаткорона ишланган. Деразаларга қимматбаҳо рангли ойналардан кўз қўйилганди. Бу ердаги чиройли манзарани ҳеч нарса бузмасди. Замонавий услугубда жиҳозланган чогроқ бир меҳмонхона айниқсан мени ҳайрон қолдирди. Бу ерни безаган рассом ҳозирги декоратив санъатга хос енгил, янги, ёқимли, жимжимасиз, меъерида ҳалланган безакларни ишлатган эди. Бу ерда ҳамма нарса — немис балладасидаги каби туманли ва севигига лиммо-лим эди. Махсус панжараларга қўйилган анвойи гуллар атр таратарди. Бу оромгоҳ бир минг саккиз юз йигирма еттинчи йил эҳтирослари учун чинакам бошпана бўла оларди. Шу меҳмонхонанинг нариги ёғидаги нақшин устунлар орасидан шоҳона олтин ранг каравотлар билан жиҳозланган будуар кўзга ташланарди. Бу ерда Людовик Ҳн тўртинчи замонасининг диди билан ҳозирги мусаввирлик 'диди бирикиб, қўшилиб кетганди, аммо бу ноўшашлик ғаройиб ва ёқимили эди.

— Бўлғуси оромгоҳларинг чаккимас,— деди Растињяк кулиб; унинг кулгисида енгил истеҳзо бор эди.— Бу, одамни шайдо қилмайдими?— деди у курсига ўтирад экан.

Сўнг у сакраб ўрнидан турди ва қўлимдан ушлаб, мени хобгоҳга олиб кириб, ғира-шира ёритилган, муар — ялтироқ қалин шойи устидан оқ ҳарир муслин тўшалган лаззатбахш нақшин каравотни кўрсатди. Даҳо билан қовушган ёшгина парининг чинакам ётоғи, деган фикр кўнглимдан ўтди.

— Бу беҳаёлик эмасми?— хитоб қилди Растињяк, сўнг овозини пасайтириди,— ахир бизга бу севги таҳтини кўрсатиш

ўта шаддодлик, ғирт ноз-карашма эмасми? Ҳеч кимга кўнгил бермайди, айни чоғда ҳар кимни бу ерга киритиб, визит лавҳасини қолдиришгэ рухсат беради! Агар бўйдоқ бўлганимда бу жувонни останамда юм-юм йиғлашга мажбур этардим...

— Сен бу жувоннинг поклигига ишонасанми?

— Энг шилқим, энг эпчил йигитлар ҳам унга яқинлашолмаган, буни ўзларидан эшигтанман. Улар ҳалигача бу жувонга ошику бекарор бўлиб юришади, ҳозир унинг яқин дўстлари бўлиб қолишган. Шунақаям сирли жувон бўладими, нима дейсан?

Бу сўзлар менинг баттар бошимни айлантириди, энди Феодоранинг ўтмишига ҳам рашик қила бошладим. Шодлигимдан титраб-қақшаб, боя графиняни қолдирган меҳмонхонага чопиб кирдим. Мен уни гота' услубидаги оромгоҳда учратдим. Феодора майин жилмайиб, мени тўхтатди ва ёнига ўтқазиб олиб, нима ишлар қиляпсиз, деб суриштира бошлади. Назаримда, у бояги гапларимга жуда қизиқиб қолди. Айниқса, ўз назариймни, ортиқча жиддийлик ва илмийликни йиришириб, ҳазил-мутойиба билан тушунтирганимда у эътибор билан эшигти. Йисон иродаси, худди буғдай моддий бир нарса эканлиги, чамамда, Феодорага ёқиб қолди. Агар одам мана шу кучни бир жойга тўплашни ўрганса, унинг турли хилларини эгаллаб, бу модда оқимини тинимсиз равишда одамларнинг дилларига юборса, руҳий оламда бу куч олдида ҳеч нарса тўсиқ бўлолмайди. Шундай қила оладиган одам инсоният олдидаги вазифалардан келиб чиқиб бутун оламни, ҳатто табиат қонунларини ҳам ўзgartира олиши мумкин. Феодора баъзан эътиroz билдирав, бу эса унинг нозик зеҳнидан далолат эди. Унга ёқиш учун гапларига қўшилгандай бўлиб турардим, аммо кейин кундалик турмуш, туш кўриш ҳодисаларига диққатини қаратиб, эътиrozларини бир оғиз гап билан чиппакка чиқардим. Бу ҳодисалар оддий кўринса ҳам, олимлар учун ҳал этиб бўлмас проблема эканлигини айтиб, жувоннинг қизиқишини баттар кучайтирадим. Бизнинг гояларимиз кўринмас оламда яшовчи, уюшган, яхлит мавжудотлар бўлиб, улар тақдирларимизга таъсир кўрсатишни айтганимда графиня бир лаҳза жим бўлиб қолди. Бунинг исботи учун мен ҳамон бизнинг асрда ҳам ақл-ҳушилизни асир этувчи Декарт Дидро, Наполеон фикрларини келтирдим. Мен графинянинг кўнглини очишига муваффақ бўлдим, хайрлашаётганимизда у «яна келиб туринг», деб таклиф қилди. Бошқача айтганда, мен унинг яқин мулозимлари қаторига қўшилдим. Шунчаки мулозамат юзасидан айтиладиган гапларни самимий гаплар деб ўйлашга одатланганим учунми, ёки Феодора мени бўлгуси машҳур зот деб ўйлаб, ўзининг «ҳайвонот боғи»га яна бир олимни қўшиб қўйгани учунми, ўзимча унда яхши таассурот қолдиридим,

тоган фикрга келдим. Физиологиядан олган барча билимларимни, илгари аёлларни кузатиб орттирган барча тажрибадаримни ишга солиб, ҳар кеча мана шу ғаройиб жувоннинг феъл-авторини, қилиқларини ўргана бошладим. Ҳар кеча дераза туйнуги олдида беркиниб, Феодоранинг кўнглида нималар борлигини, ўзини ундин ёки бундай тутиши қандай маънони англатишни билишга ҳаракат қиласадим. Феодора кенг уйнинг келинчаги бўлиб, хонама-хона айланаб чиқар ёки бир жойда ўтириб, гурунг бошлар, меҳмонлардан гоҳ унисини, гоҳ бунисини олдига чақириб, бирон нарсани сўрар, эшикнинг ёндорига суюнганича сухбатдошининг гапларини тингларди. У ёқдан-бу ёққа ўтар экан, жувоннинг қадди-қомати шундай нозик эгилар, шундай вақтда унинг нафис кўйлаги ҳилпираб ёнгандай бўлар, эркак кишининг шу қадар хирсини қўзғатар эдики, мен унинг поклигига қаттиқ шубҳа қила бошладим. Мабодо Феодора энди севгидан ҳазар қиласади. Эҳтимол бунинг сабаби, авваллари ниҳоятда ҳиссиётли бўлганидандир? Унинг сухбатдоши олдида туришидан ҳам шаҳватпастлиги сезилиб қоларди: у ноз билан девор қопламасининг четига суюниб турар экан, ҳозир йиқилиб кетадигандай, ёки йигит ортиқча қизиқонлик билан боқса ҳозир қочиб кетадигандай кўринарди: у мулоиймлик билан кўлларини кўксисда чалиштириб, сухбатдошининг сўзларини ҳаво ўрнида ютаётгандай, хайриҳоҳлик билан, эҳтиросли боқарди. Дуркун, яшнаган, қирмизи лаблари оппоқ юзида айниқса кўзга ташланарди. Долчинранг сочлари, ёниқ шаҳло кўзлари Флоренция мармаридай ялтиради. Бу кўзлари унинг сўзларига янада нозик маъно бағишлиарди. Ниҳоят, унинг нафис-ниҳол қомати кўрганни мафтун этмай қолмасди. Рақибаси унинг қуюқ туташ қошларини, ёноқларидаги билинмас мўйларини чиройига путур етказади, деб баҳолаши мумкин эди. Бу жувоннинг итальянча киприклари, мислослик маъбуда Венерани эслатувчи силлиқ елкалари, ёноқлари, сал дўрдоқ ва қорамтири пастки лаби — ҳаммаси севги учун яратилгандай эди. Йўқ, бу аёл аёл эмас, ишқ-муҳаббатнинг ўзи эди. Бу аёл жон олувчи гўзаллигига, қадди-қоматининг дуркунлигига қарамай ўзини вазмин ва камтарин тута оларди. Менга ўхшаган синчков одамгина бу жувон табиатидаги шаҳвонийликни, айш-ишратга ўчликни пайқаши мумкин. Фикримни янада равшанлаштириш учун айтишим керакки, Феодорада гўё икки вужуд, икки хил аёл яшарди: унинг бадани совуққон бўлгани ҳолда ақлу ҳуши севигига лиммо-лим эди. Эркаклардан бирортасига қарашдан олдин унинг кўзлари гўё ўзига оро бериб сирли бир ҳаракатга тайёрланишарди, ярқираган кўзларида бир лаҳзалик энтикиш ялт этиб кетарди. Хуллас, менинг бу соҳада ё билимларим етишмайди, ёки одамнинг ички дунёсини билиш учун ҳали жуда кўп сирларни очишим керак. Ёки бўлмаса графинянинг гав-

ҳарий гўзал қалби бору, у туйғуларини изҳор қилаётганида одамни мафтун этувчи, сеҳрловчи, теран ва қудратли руҳий куч чехрасига балқиб чиқади. Феодоранинг уйидан қайтишдаёқ бу соҳибжамолга шайдо бўлгандим; унинг дабдабали зеб-зийнатларидан маст эдим, бу нозанин менинг кўнглимда нимаики гўзал, покиза, айни чоғда ифлос, густоҳ, эзгу, айни чоғда ёвуз интилишлар бўлса, ҳаммасини қўзғаб, алғов-далғов қилиб юборганди. Ҳаяжонланиб, қоним қайнаб, ғаләёнга келганимдан сўнг, рассомлар, дипломатлар, ҳукумат вакиллари, темир сандиқлари каби ўзлари ҳам пишиқ бўлиб кетган савдогарлар нима учун бу хонадонга ташриф буюришларининг сабабини тушуна бошладим. Улар ҳам худди менга ўхшаб, бу ерга келганларида ақлу ҳушини йўқотиб, бутун вужуди қалтираб-қақшаб етмиш икки томиригача қони гупириб, асабларининг энг нозик толаларигача таранглашиб, миялари биқирлаб қайнаб-тошар экан. У барча муҳлисларининг кўнглини қолдирмаслик учун ҳеч кимга кўнгил бермас экан. Аёл зоти ўзи севиб қолмагунча ноз-ишва қиласверади.

— Эҳтимол, иглари бу гўзални кимгадир хотинликка беришгандир, ё бўлмаса, бирор чолга сотишгандир,— гумоними айтдим Растињъакка.— Биринчи никоҳидан баҳти қора бўлгани учун энди севгидан нафратланар?

Феодора яшайдиган Сент-Оноре даҳасидан пиёда уйга қайтдим. Кордье кўчасигача бориш учун деярли бутун Парижни босиб ўтиш керак эди. Ҳаво совуқ бўлса ҳам, негадир йўлим яқин кўринди. Қишида, қаҳратон қишида, чўнтағимда ақалли ўттиз франкча пулим бўлмасаем, ўртамиздаги масофа ниҳоятда олис бўлсаем, Феодоранинг кўнглини олишни ўйлашимга бало бормиди?.. Ишқибозлик қанчага тушишини, фойтунга, нафис қўлқопларга, энгил-бошга, чойшаб-пойшабга ва ҳоказоларга қанча харажат кетишини камбағал йигитгина билади. Агар севги узоқ вақт афлотунча давом этаверса, яъни кўрмоқ бору, емоқ йўқ бўлса, жуда қимматга түшиб кетади, одамни хонавайрон қилади. Ҳуқуқшунос талабалар орасида Лозенлар учраши мумкин, лекин улар болохонада яшовчи камбағалларнинг ишқивозлиги қандай бўлишини билишмайди. Мендай заиф, дармонсиз, юпун кийинган, камбағал, янги асарини тугаллаб, эндиғина касалликдан турат-ган рассомдай ҳориб-чарчаган одам башсанг кийинган, сочлари жингалак, хушсурат, олифта йигитчалар билан рақобатлашишга йўл бўлсин. Бадавлат, сурбетлик зирҳи билан қопланган, тильбюриларда сайр қилувчи бу йигитчаларнинг ҳатто галстугини кўрганда бутун Кроатия ҳасаддан юраги ёрилади.

— Йўқ, йўқ, Феодора ёки ўлим!— ҳайқирдим кўприк зиналаридан тушар эканман.— Феодора — менинг фортунам!

Гота услубидаги гўзал оромгоҳ, Людовик XIV замонасига мос меҳмонхона сира кўз ўнгимдан кетмасди. Қенг енгли

ондоқ күйлак кийган графиня, унинг товусдай фусункор солланниб юриши, жозибали қадди-қомати хаёлимга келаверарди. Уйимга қайтганимда, табиатшуноснинг ясама сочидаи совуқ болохонамда ўтирганимда ҳам дабдабали зеб-зийнат манзаралари оғушида эдим. Бундай зид манзаралар одамни яхшилика олиб бормайди. Эҳтимол, жиноятлар шу тариқа бошланар? Мен шу куни аламдан титраб-қақшаб, ҳалол, покиза фақирлигимга, шунчалар ажойиб фикрлар туғилган жойга — болохонадаги ғарифона кулбамга минг лаънат, демид. Нега қисматим шундай, нега бахтиқораман, деб бунинг сабабини худодан, шайтондан, ижтимоий тузумдан, отамдан, бутун оламдан кўра бошладим. Шу кеча оч-наҳор ётдим, кечаси билан ғудраниб, тақдиримни лаънатлаб чиқдим, аммо ҳар қанақасига Феодорага етишаман, деб аҳд қилдим. Бу нозанин қалби мен учун сўнгги лотерея билети бўлиб, бутун умидларим шу билетга ютуқ чиқишига боғлиқ эди. Феодоранинг уйига аввалги боргандаримда нима воқеалар бўлгандигини гапириб ўтирамайман. Гапни лўнда қилиб, қандай фожиага учраганимни айтиб бера қоламан. Мен Феодоранинг кўнглини олиш, унинг ақлу ҳушини ҳам забт этиш, иззат-нафсониятига тегиши умидида нималар қилмадим, сенга айтсан. Ўзимни ўтга-ўққа уриб, охири ўзимни хароб қилдим: аксинча, илтижоларим унинг кибру ҳавосини, ўзига бино қўйишини яна минг бора ошириб юборди. У менга парво қилсин, дея ҳадеб қитиқ-патига тегаверар эдим. Аёллар кучли ҳиссиётга берилганида ҳеч нарсани аяшмайди. Мен эсам унинг ҳиссиётини қўзғатиш учун минг хил баҳона то-пардим. Жаҳали чиқса ҳам майли, аммо бепарво бўлмаса бас, дердим. Аввал-бошда кучли иродамни ишга солиб, унинг меҳр-муҳаббатини қозонишга интилиб, маълум вақтгача ишим ўнгидан келди. Аммо, тез орада севгим аланга олиб, ҳисларимни жиловлаёлмаганим учун ўзимни расво қилдим. Поэзияда ва суҳбатларда кўп тилга олинадиган севги, нималигини уччалик тушунмайман, лекин шуниси аниқки, тўсатдан мени сабру қароримдан айирган туйфулар тасвирини ҳеч қаерда учратмаганман. Жонни ўртовчи бундай туйфулар тасвирини илгари менинг кулбамда яшаган Жан-Жак Руссо-нинг сайқал топган оташин ибораларида ҳам, икки аср адабиётидаги совуқон тушунчаларда ҳам, Италия мусавири-ларининг асарларида ҳам топмадим. Фақат Брисни кўли манзараси, Россини басталаган айрим оҳанглар, маршал Сульт мулки бўлган Мурильо хоним сурати, Лекомб хатлари, ҳикоятномаларда учрайдиган айрим иборалар, айниқса, экстатикларнинг — жазавада зикр тушувчи айрим руҳонийларнинг ҳамду наътлари, ўзимизнинг «фабльо латифалари» миздаги айрим ўринларгина руҳимни илоҳий муҳаббат оламининг турли ўлкаларига учира оларди. Инсон тилидаги ҳеч бир жумла бўёқларда, мармар ҳайкалларда, сўз ва оҳанг-

ларда акс этган ҳеч бир тасвир мени ёндирган туйғулар шиддатининг, самимийлигини, лиммо-лимлигини, тұстадан ёпирілғанлигини ифодалаёлмаса керак! Ҳа, санъатда ёлғон күп! Севги аввал чексиз жилоларда товланади, шундан сўнггина умримизга абадий сингиб кетади ва ҳәётимизни ёндириб юборади. Мана шу сезилар-сезилмас сингиш сири ни санъаткор нигоҳи кўпинча пайқамай қолади. Чинакам ошиқнинг эҳтиросли фарёдлари совуқ одамларнинг энсаси ни қотиради. Самимий севган одамгина «Кларисса Гарлоу» ни ўқиб Ловеласнинг фарёдларига ҳамдард бўла олади. Севги чағир тошлар, майсалар ва гуллар орасидан жилдираб оқувчи мусаффо жилгага ўхшайди. Аммо маңа шу жилға кейин дарёга айланади, ҳар бир янги ирмоқни ўзига қўшганида табиатини ва шакл-шамойилини ўзгартиради, сўнг, ҳадсиз-ҳудудсиз уммонга етиб боради. Ақли қосир одамларга бу уммон бир хил, зерикарли бўлиб кўринади, улуғ қалбли кишилар эса, бу уммонни томоша қилиб тўймайдилар. Мана шу туйғу жилоларини, майда-чуйда, лекин азиз нарсаларни, оҳангиде бир олам хазина яширинган сўзларни, шоҳ байтлардан ҳам маънолироқ нигоҳларни қандай тасвиirlаш мумкин? Ўзимиз сезмаган ҳолда бир қизга мафтун бўлиб қолганимизда қандай балоларга йўлиқишимизни, ҳузур-ҳаловат, фароғатдан айрилиб, жарлик ёқасига келиб қолганлигимизни билмаймиз. Ҳатто ўзимиз кўриб турган гўзаллик сирларини тасвиirlашга сўз тополмаймизу, дилимиздаги жўшқин ва сирли ҳаяжонларнинг шарҳини мурракаб сўзлар лугатларидан топамиزمи? Севги қандай сеҳр-жоду, ахир? Қанча-қанча вақтларимни Феодорани кўрганим учунгина лаззат-фароғат орушида ўтказдим экан! Мен баҳтли эдим. Нима учунлигини ўзим ҳам билмайман. Бундай лаҳзаларда Феодоранинг юзи га ёруғлик тушиб турар, чеҳраси қандайдир фитна бошлаб нурланарди. Қуёш нурларига сингиб кетган олис уфқ этаклари бизни мафтун этганидай, бу жувоннинг юзи билинрабилинмас мўйлардан олтин рангидан товланиб турарди. Назаримда кундуз ёруғлиги бу аёл билан қўшилганига қувониб, уни нозлантирап ва шу пайтларда Феодоранинг вужудидан кундуз ёруғлигидан кўра ёрқинроқ нур тарқалётгандай бўларди. Сўнгра бу азиз чеҳрага тушган соя уни жиллантириб, тўрли рангларга бўярди. Қўлиңча, жувоннинг мармардай силлиқ манглайида қандайдир аниқ маъно ифодаланар; кўзлари порлаб, киприклари пирпирап, ёноқларига майнин табассум қалқир: ҳақиқ лаблари гоҳ қимтиниб, гоҳ ёйилар, соchlарининг аллақандай аломат жилоси яшнаган оппоқ чаккаларига соя ташлар эди. Бу чеҳрадаги ҳар бир нуқта маъноли эди. Бу аёл гўзаллигининг ҳар бир жилоси кўзларим учун базми жамшид бўлиб, дилимга янги-янги роҳат-фароғат бағишлиарди. Бу чеҳрадаги ҳар бир ўзгариш менда умид уйғотарди. Овоздан акс-садо қайтганидай, сўз-

чи, кўз билан англатадиган сұҳбатларимиз дилдан дилга чар, бу қаращлар руҳимни арши аълого кўтарар, бу лаҳзашар кўнглимга чуқур ўрнашиб қолар эди. Аёлнинг сеҳрли овози мени жинни қилиб қўяр, ўзимни қўлга ололмай қолар дим. Бир лотарингиялик князь (оти эсимда йўқ) кафтига чўғ ушлаганда ҳам ҳеч нарса сезмас экан. Мен ҳам ўшанга ўхшаб, Феодора соchlаримни бармоқлари билан силаб қитигимни келтирганида дунёда ҳеч нарсани сезмай қолардим. Энди бу Феодоранинг ҳуснига мафтун бўлиш ёки ҳавас эмасди, бу — сеҳржоду, илоҳий қудрат эди. Кўпинча болохонадаги кулбамга қайтиб келганимда ҳам Феодоранинг кошонасидағи воқеаларни фира-шира кўриб турардим; унинг турмушига хаёлан аралашардим; тоби қочса мен ҳам касал бўлардим; эртасига у ерга борганимда: «Кеча тобингиз қочибди!»— дердим.

Севгидан ҳушимни йўқотган вақтларимда неча бор сокин тунлари Феодора хаёлимда ёнимга келарди. У гоҳ тўсатдан қўёш нури тушгандай, ҳузуримда пайдо бўлиб, мени ҳуснмaloҳати билан, жозибали туриши билан ақлимни ўғирлаб, довот-қаламимни қўлдан туширас, илм-фанга қизиқишимни елга совуриб юборарди. Бир вақтлар унинг мана шундай жозибали туришини ўнгимда кўрган эдим. Гоҳо ўзим уни кўраман, деб хаёлот оламига кирадим, уни «умидимсиз» деб олқардим, «жонон чиннидай жарангли овозингизни бир эшитай», деб ёлворардим, сўнг йиғлаб-йиғлаб уйғониб кетардим. Бир куни мен билан театрга тушишга ваъда берганига қарамай, ҳеч нарсадан-ҳеч нарса йўқ, айниб қолди, «мени ёлғиз қўйинг», деб илтимос қилди. Бу инжиқлиқдан дилим вайрон бўлди, ахир шу кеча унинг ёнида ўтираман, деб кун бўйи қиладиган ишим қолиб кетди. Бунинг устига, яшириб нима қиласман, охирги экюмдан айрилдим. Шунга қарамай, у кўриши хоҳлаган пъесани мен ҳам кўришим керак, деб театрга бир ўзим бордим. Ўз жойимни топиб ўтиришим билан вужудим ток ургандай живирлаб кетди. Кўнглим Феодора ҳам шу ерда эканлигини сезиб турарди. Хилватдаги ложа томонга қайрилиб қарадиму ичкарироқда ўзини панараб ўтирган севгилимни кўрдим. Нигоҳим ўша ерга қадалди, кўзларим уни бир зўмда топиб олди, худди капалак гулга интилгандай, кўнглим илоҳий бир сеғирлик билан ҳаётимнинг манбаи томон талпинди. Унинг бу ердалигини қандай сездим экан? Одамнинг кўнглида яширин бир талпиниш бўлади, юзаки одамлар бунга ҳайрон қблишади; аслида эса ички дунёйимиз табиатидаги бу ҳодиса кўзимизга кўринадиган одатдаги гаройиботлардан фарқ қилмайди. Шунинг учун севгилимнинг бу ерга келганидан ажабланмадиму, лекин жаҳлим чиқди. Инсоннинг жуда кам ўрганилган руҳий кучларини текширганларим фойда берди: ҳар ҳолда ишқий эҳтиросларим ўзим кашф этган системам — таълимотимнинг

тўғрилигидан далолат берарди. Ҳам олим, ҳам ошиқнинг, ҳақиқий санампараматлик билан севгини илмий таҳлил қилишнинг қўшилиб кетиши жуда ажабланарли эди. Қўнглимдаги олим ошиқнинг дили вайрон бўлганидан хурсанд эди. Қўнглимдаги ошиқ эса сал иши ўнгидан келишига ишона бошлиши билан илмни бир чақага олмай қўярди. Феодора мени кўриб, қошларини чимирди, ҳозир мени малол олаётган эди. Биринчи антрактдаёқ ложасига кирдим. У ёлгиз бўлгани учун ёнида қолдим. Биз шу вақтгача севги ҳақида оғиз очишмагандик, аммо энди бу гаплар учун фурсат келгандай туюларди. Мен унга ҳали сиримни очмагандим, аммо ўртамиизда қандайдир келишувга ўхшаш нарса бор эди: у менга қаерда кўигил очиш мумкинлигини айтиб турар, қандайдир дўстона бир ташвиш билан, эртага келиш-келмаслигимни сўрарди; бирор ўткир сўз айтган вақтида фақат менга ёқишига ҳаракат қилгандай қараб қўярди; агар аразласам, мулоимроқ муомала қиласди; агар у дарғазаб бўлса, сабабини сўрашга ҳақим бор эди: агар мендан бирор хато ўтса, тамоман кечириб юборгунча анча ялинтиради. Бу хилдаги араз-гиналар бизга жуда ёқимли, севги билан лиммо-лим эди; бундай вақтларда у ниҳоятда ноз-ишвали ва ширин бўлар, мен эса баҳтдан маст эдим! Бу сафар эса яқинлигимизга дарз кетди, бутун кеча давомида бир-биримизга бегоналигимизча қолдик. Графиня шу бугун ниҳоятда совуққон, инжиқ эди, қўнглим қандайдир фалокатни сезди.

— Мени кузатиб қўйинг,— деди у спектаклдан сўнг.

Ҳаво айний бошлаган эди. Театрдан чиққанимизда қораралаш ёмғир ёғаётган экан. Феодоранинг фойтуни театр биносигача яқин келолмасди. Яхши кийинцган хоним ёмғирда хиёбондан ўтишга қийналаётганини кўриб, қандайдир ҳаммол бошимиз узра соябонини тутиб юрди. Биз экипажга ўтириб олганимиздан сўнг бояги киши чойчақа сўради. Ёнимда бир чақа ҳам йўқ эди, шу лаҳзада икки су тানга учун ўн йиллик умримни беришга тайёр эдим. Руҳий азобда не хаёлларга бормадим, йигитлик ғурурим ниҳоятда оёқ ости бўлиб кетди. «Майда йўқ, азизим!»— дедим ошиқлигим бир пул бўлганидан ғазабланиб. Қамбағаллик нималигини яхши билган, бир вақтлар етти минг франкидан ажралган одам ўзимдай камбағал оғамга шундай қўпол муомала қилаётган эдим! Феодоранинг хизматкори бояги ҳаммолни «бор, бор!» деб жеркиб берди, отлар йўлга тушди. Йўл-йўлакай Феодора ҳаёли паришон бўлиб, ўзини нимадандир ташвишлангандай кўрсатиб ўтиради, саволларимга ҳа ёки йўқ, деб истар-истамас жавоб берарди. Мен жимиб қолдим. Бу жуда даҳшатли дақиқалар эди. Феодоранинг саройига келиб, камин олдида бир дам ўтиридик. Хизматкор ўчоққа олов ёқиб, чиқиб кетди. Шундан сўнг графиня менга ғалати қараш қилди ва оғир-вазмин гап бошлади:

— Францияга келганимда жуда кўп йигитлар мол дунёми га қизиқиб қолиши: менга шундай одамлар севги изҳор қилишди, бундан бошим осмонга етиши мумкин эди: шундай одамларни ҳам учратдимки, уларнинг менга бўлган муносабати ниҳоятда самимий, садоқатли эди, ўлар ҳатто илгаригидай камбағал бўлганимда ҳам менга уйланишга тайёр эдилар. Лекин, жаноб де Валентен, сиз шуни билиб олингки, мен янги мол-мулклар ва янги унвонларни рад этмайман. Лекин, нодонлик қилиб, менга севги ҳақида гап очган одамлар билан учрашишни йифишириб қўяман. Агар сизга енгил муомалада бўлганимда эди, бундай огоҳлантириб ўтирумасдим. Мен бу гапларни мағрурланганимдан эмас, балки дўстлигимдан айтяпман.

Аёл киши бирорвлар севги изҳор қилишини ёқтиради. Аммо, у ўзининг фараз қилган хушторига аввалдан рад жавобини берса қанчалар маломатга қолишини билади. Арсиноя билан Араминта можароларини биламан, бинобарин шунақа вақтларда рад этилган одамлар ўч олишлари мумкинлигиниам тушунаман. Лекин ишончим комилки, сиз унақа одамлар тоифасидан эмассиз; бошқалардан аълороқсиз: хуллас, ростини айтганда, мендан ўпкаlamайсиз деган умиддаман.

Одатда адвокат ёки нотариус ўз мижозларига суд даъвогарлигини ёинки қандайдир шартнома моддасини тушунтираётганида совуққонлик билан гапиради. Феодораям худди шундай совуқ оҳангда гапиради. Тиник, жозибали овозида заррача ҳаяжон сезилмасди. Чеҳрасида ва ўзини тутишида аввалги лутфу карами ва сиполиги йўқолиб, ўрнига дипломат-сиёsatчига хос совуққонлик ва қуруқ расмиятчилик ифодаси пайдо бўлганди. Аслида жувон бугунги нутқига аинча аввалдан тайёрланган, бу можаронинг кун тартибини аввалдан режалаган эди. О, азиз дўстим, аёллар бизнинг юракларимизни тилка-пора қилиб бундан роҳатланар экан, нақ кўксимизга ҳанжар уриб, қонимизга белаб, бураб-бураб олар экан, шу вақтдаям ўзлари гул-гул очилиб, севишини ва севилишини хоҳлаётган бўлади. Мана шу чеккан азобларимиз, оҳу нолаларимиз худога етиб, савоб ишларимиз ижобатга ўтиб, вақт келиб, бир куни истаганимизга эришамиз; аёллар ўзлари билиб туриб бизга шафқатсиз азоб бергандлари учун кейинчалик минг чандон зиёда лаззат беришади: уларнинг қаҳру-ғазабида ҳам кучли эҳтирос бор-ку ахир? Аммо аёл кишининг бепарво қараши ўлимдан ҳам ёмон. Уша лаҳзаларда Феодора ўзи билиб-бilmай, ҳамма орзу-умидларимни ёёқ ости қилди, ҳаётимни заҳарлади, худди бегуноҳ гўдак ёрмак учун капалакнинг қанотларини юлиб ташлагандай у ҳам совуқ бир бепарволик билан менга шафқатсизлик қилди.

— Кейинчалик, сизга қанчалик азиз дўст бўлишни тактиф қилганилгимни тушуниб қоласиз. Дўстларим учун ҳами-

ша кўнглим очиқлигини, уларга ҳамиша садоқатли эканлигимни билиб оласиз. Мен дўстларимдан жонимниам аямайман, лекин мабодо ўзим яхши кўрмай туриб, бирорвнинг севгилиси бўлсан, аввало ўзингиз мендан нафратланган бўлар эдингиз. Бас, шу гаплар ҳам етарли бўлгандир, дўст бўлиб қолайлик, деган таклифни фақат сизга айтдим, холос.

Бу совуқ гаплардан нафасим бўғзимга тиқилиб, нима дейишига сўз тополмай қолдим. Ичимда қўзғалиб келаётган бўронни зўрга босиб қолдим. Лекин тезда ўзимни қўлга олиб, ҳаяжонимни ич-ичимга яширдим ва табассум билан жавоб бердим:

— Агар севаман десам, ҳайдаб юборасиз, агар сизга парво қилмасам жазолайсиз. Руҳонийлар, судъялар ва аёллар ҳеч қачон ичидагини ташқаринга чиқаришмайди. Сукут эса ҳеч нарсани англатмайди, шунинг учун, рухсат этинг, мен индамай қўя қолай. Модомики, шунчалик ўзингизга яқин олиб, мени огоҳлантирган экансиз, демак, мендан айрилиб қолишдан қўрқсангиз керақ, шунинг ўзи мен учун катта гап. Лекин, ўзимиз тўғримиздаги гапларни бир чеккага қўйиб турайлик. Табиат қонунига зид бўлган бу қарорингизни фалсафий жиҳатдан муҳокама қилишга танҳо сизнинг ақлингиз етади. Аёллар зоти ичида сизни мўъжиза деса бўлади. Келинг, мана шу руҳий ғаройиботнинг илдизини холисанилло қидириб кўрайлик. Эҳтимол, кибру ҳавога берилган, ўзига, ҳусн қамолига бино қўйган қўпчилик аёллар сингари, сизда ҳам сезилар-сезилмас худбинлик туйғуси ғимирлаб қолгандир. Шундай барқамол қиз қандайдир бир эркакники бўлиб қолса, ўз билганича иш тутолмай қолса, бошқа бирор ундан устун келиб, оёқости қилгандай бўлса, қандай даҳшат, деб ўйласангиз керак. Мабодо, шундай ўйласангиз мен учун яна минг чандон гўзалроқ қўринасиз. Ёки бўлмаса, биринчи севингизда ҳўрлик кўргандирсиз? Эҳтимол, эрга тегиб, она бўлсан, ҳаммани мафтун қиласидиган навниҳол қадди-қоматим бузилади, деб қўрқарсиз? Энг ўтли муҳаббатни рад этишига сизни мажбур қилган энг катта, энг пинҳоний сабаб шу бўлса керак? Ё бўлмаса одамлардан яширадиган шундай нуқсонларингиз бордирки, шулар очилиб қолишидан қўрқиб, ҳаё-иболи бўлиб юришга мажбурдирсиз? Жаҳлингиз чиқмасин, мен фақат мулоҳаза қилиб кўрғаман, сизни тадқиқ этяпман, қўрқманг, сизга шайдоликдан минг чақирим узоқдаман. Табиат бирорвларни кўр ёки кар қилиб яратганидай балки баъзи аёллар муҳаббатни кўролмайдиган, эшитолмайдиган кўр ва кар бўлиб туғилар? Сиз табиат илми учун ғоят ноёб объектсиз. Ҳатто бу жиҳатдан қанчалар қимматли эканлигингизни билмайсиз. Эркаклардан ҳазар қилишингиз эҳтимол табиий бир ҳолдир? Кўнглингиздагини билуб турибман, менга ҳам эркакларнинг ҳаммаси тасқара, разил бўлиб қўринади. Албатта, сиз ҳақсиз,— давом эттир-

дим юрагим қинидан чиқиб кетгудай ҳаяжонлансан ҳам ўзимни аранг босиб турар эканман,— биз эркаклардан ҳазар қилишингиз тўғри, чунки сизга мunoсиб эркак ҳали онасидан туғилган эмас!

Дўстим Эмиль, ўшанда қизга кулиб туриб айтган киноя ва истеҳзоларимни сенга қайтадан гапириб ўтирумайман. Нима бўлганини айтами? Узиб-узиб оладиган заҳарханда сўзларимга заррача парво қилмади. У гапларимни хотиржам эшиитди, лабларида ва кўзларида ҳамишагидай табассум ари мас эди. Унинг бу табассуми ниқоб бўлса керак, чунки у дўстларига ҳам, таниш, билишларига ҳам, бегоналарга ҳам худди шундай табассум билан боқарди.

— Мени шунчалик майдалаб текширишингизга чидаб турганимдан кейин ҳам ёмон деб кўринг-чи!— деб луқма ташлади у бир лаҳза унга боқиб жим қолганимдан фойдаланиб.— Кўрдингизми, мен дўстлашган одамимга унчалик инжиқлик қилмайман. Ўрнимда бошқа аёл бўлганида бундай қўйпол гапларингиз учун сизга «тўрт томонингиз қибла» дерди.

— Сиз ҳам тушунтириб ўтирумасдан мени ҳайдаб юборишига ҳаққингиз бор.

Шу гапларни айтар эдиму, аммо кўнглимда бу аёл мени уйнга келтирмай қўйса уни ўлдиришдан ҳам тоймаслигимни ўйлардим.

— Вой жиннивой-еў!— деди Феодора ўща табассум билан.

— Севги жуда кучли бўлишини, ошиқ қаҳри келганида маъшуқасини ўлдиришгача бориши мумкинлигини ўйлаб кўрганмисиз?— деб яна гап бошладим мен.

— Бахтсиз яшагандан кўра ўлган яхши,— совуққина жавоб қилди Феодора.— Сизга ўҳшаган қизиққон одам албатта хотинининг бор-йўғини қиморга бой бериб, шип-шиядам қилиб ташлаб кетади.

Масаланинг бу томони мени гангитиб қўйди. Бу гўзал билан менинг ўртамда катта жарлик борлигини аниқ ҳис қилдим. Биз ҳеч қачон бир-биримизни тушунолмаслигимизни англадим.

— Хайр, яхши қолинг!— дедим совуққина.

— Яхши боринг!— деди Феодора табассум билан бош иргар экан.— Эртагача хайр!

Мен кетиш олдидан бир лаҳза тўхтаб қолдим, энди бу аёлдан бутунлай воз кечганимга қарамай, унга севги тўла нигоҳ ташладим. Феодора эса ўрнидан жилмай, табассум қилиб турарди. Мана шу ўрганиш бўлиб қолган табассум, мармар ҳайкалнинг мана шу лаънати табассуми севги маъносиши ифодалар, аммо бу — совуқ севги эди.

Сенга айтсанам, азизим, ўша куни дунёда боримдан ажрабиб, ёмғир-қор аралаш ёғиб турган бир вақтда дарёнинг музлаган соҳили бўйлаб бир чақиридан зиёд йўл босиб уй-

га қайтдим. Менинг фақири ҳақирилгим гўзалимнинг етти ухлаб тушига кирмаган бўлса керак. У мени ўзидаи бой-бадавлат деб, файтуналарда юради, деб ўйласа керак! Ҳамма орзу-умидларим пучга чиқди, дунё кўзимга қоронғу бўлиб кетди! Ахир гап пул, молда эмас-ку, кўнглимдаги хазиналарчи! Бўлиб ўтган галати сұхбатни ўз-ўзимча мулоҳаза қилиб, оёғим тортган томонга кетавердим, охири фикрларим чувалашиб, боши-учини тополмай гангіб қолдим, сўзлар ва тушучаларнинг ҳам маъноси қолмади. Лекин, бари бир мен мана шу совуқ, тошибагир гўзалини севардим. Бу гўзал ошиқларини қайта-қайта ялинтиришни яхши кўрарди, кечагина берган ваъдаларидан ҳамиша тонарди, ҳар куни феъли айниб турарди. Институт олдидан ўтаётганимда бирдан аъзойи баданим қалтираётганини сезиб қолдим. Кун бўйи туз тотмаганимни эсладим. Ёнимда бир чақа ҳам йўқ эди. Ҳаммаси бир бўлди-ю, шляпамнинг ёмғирда ивиб абжаги чиқиб кетгани бир бўлди. Энди шу шалоги чиқиб кетган, ташлаб юборишидан бошқага ярамайдиган шляпа билан қандай қилиб зебо ва танноз хонимнинг ҳузурига бораман, қандай қилиб, унинг меҳмонхонасига қадам босаман? Аҳмоқона удумни деб бош кийимларимизни қўлимиизда тутиб, кўз-кўзлаб туришимиз керак. Мана шу аҳмоқона одатни ҳар қанча лаънатласам ҳам шляпамга ниҳоятда катта эътибор бериб, уни шу вақтгача кийиб бировга кўринса бўладиган ҳолатда сақлаб келаётгандим. Шляпам уччалик янги эмас, уччалик эски эмас, уччалик титилмаган ҳам, уччалик яғири чиқмаган ҳам, ҳар ҳолда уни кийганда озода одамга ўҳшаб кўриниш мумкин эди, аммо шу вақтгача шляпамни зўр бериб ораста сақлаб келишим ниҳоясига етди: энди у шалпайиб, бужмайиб кетди, яроқсиз ҳолга келди, худди эгасидай, ҳеч кимга кераксиз лаш-луш бўлиб қолди. Извошлига тўлаш учун ўттиз су тангам йўқлигидан шляпами ораста сақлаш учун қилган барча ҳаракатларим зое кетди. Эҳ, мана шу уч ой ичиди Феодорага ёқаман деб бор-йўғимдан айрилдим! У билан биргина лаҳза кўришиш учун сарфлаган пулимга бир ҳафталик егулик олишим мўмкин эди. Ишларимнинг чала қолиб кетгани, оч-наҳор юришларим ҳам ҳолва экан! Ошиқ бўлган, хаёл-параст шоир ёмғирли кунда усти-бошига лой сачрамаслиги учун, ҳалиги нозанин атрофидаги олифталардай озода кўриниш учун Парижнинг у бошидан-бу бошигача эҳтиёт бўлиб боришнинг нақадар мушкуллигини тушунасанми? Менинг бутун баҳт-иқболимни, муҳаббатимни бисотимдаги бор-йўғи биттагина оқ нимчамдаги кичкинагина бир доғ ҳал қиласа-я?! Агар усти-бошимга лой сачраса, шалаббо бўлиб кетсам севгилим билан учрашувдан кечиш қанчалар азоб беради, этигимдаги билинар-билинмас доғни кетказиши учун этик тозаловчига тўлаш учун ёнимда атиги беш су танга бўлмаса. Таъсирчан, тажанг одам учун оғирлик қиладиган мана шу-

нақа майда-чуйда азоблар менинг ишқимни борган сари алана олдиради. Дабдабали зеб-зийнатлар ичида, ясан-тусанлар билан яшайдиган, буюмлару одамларни олтин билан ўлчайдиган гўзалларга камбағал йигитнинг майда-чуйда сарф-ҳаражатларини гапириб бўлармиди? Бу нозанинлар худбинлиги туфайли шод-хуррам, урф-одат туфайли шаф-қатсиз бўлишади. Улар ҳузур-ҳаловатни бузмаслик учун ҳеч нарсанй ўйлашмайди, ўзлари айш-ишратда яшаганлари учун ўзгаларнинг бахтсизлигига парво ҳам қилишмайди. Миллион сўз улар учун бир чақа. Севган одам маҳбубасининг кўнглини олай деб бор-йўғидан айрилгани етмагандай, ана шу айрилган нарсалари тўғрисида лом-мим демаслиги керак, бу қийинчиликлар устига уятчанлик билан парда ташлаб, беркитиб туриши керак: бадавлат одамлар эса хонумонини, уйларини сарфлаб, ўзини қурбон қилгани билан, одамларнинг фийбатларидан ҳам наф кўришади, уларнинг ишқий саргузаштлари оламга машҳур бўлиб кетади, уларнинг сукут сақлаши ҳам маъноли, азият чекишиларини беркитишлири ҳам чиройли кўринади. Биздай камбағал бечоралар эса аёвсиз азоб-уқубатларга учрасак, «Севаман!» ёки «Ўляпман!» лейишга ҳам ҳаққимиз йўқ. Аслини олганда мен хонумоними ийүқотганим йўқ-ку. Шу гўзални деб дунёдаги ҳамма нарсадан қўл силтаганимнинг ўзи мен учун роҳат-фароғат эмасми? Мана шу графиняни деб, умримдаги энг аҳмоқона, майда-чуйда нарсалар ҳам ҳаётимга мазмун бағишилади, мислив ҳузур-ҳаловат берди-ку. Илгарилари усти-бошга эътибор бермас эдим, энди эса фракимни ўзимдан ҳам баттар иззат-хурмат қиласидиган бўлиб қолдим. Фраким йиртилишидан кўра таним жароҳатлангани афзал кўринарди. Танла, деса заррача иккиланиб ўтирасдим! Агар ўша вақтда ўрнимда бўлганингда сен ҳам мана шунаقا телбаларча ўйларга ботар эдинг. Тентираб юрганим сари бунаقا бир-биридан оғир ўйларга борарадим! Ғам-аламдан ўлар ҳолатга етганим учун ўзимни арши аълода ҳис қиласдим. Мана шу сўнгги ҳалокатим қандайдир бахт-иқболдан дарак берарди; аммо ҳайҳот; фалокат хазиналари ҳад-ҳудудсиз эди.

Мусофирихонага келганимда эшик қия очиқ турган экан. Юрак шаклидаги ўйиклари бўлган дарпардалар орасидан кўчага ёруғлик тушиб турган эди. Менинг келишимни кутиб, Полина билан онаси чақчақлашиб ўтиришган экан. Гап орасида менинг отим тилга олинаётганини эшишиб, бир зум тўхтаб қолдим.

— Рафаэль еттинчи хонадаги талабадан кўра чиройлиро! — дерди Полина. — Унинг оқ-сариқ соchlари бирам ўзига ярашадики! Онажон, сен ҳам сезасанми, у гапирганида овози баҳри-дилингни очади. Қейин-чи, у кўринишдан бир оз мағрур бўлсаям, ўзи шундай меҳрибонки, ўзини тутишиям жуда ярашиб туради! У менга жудаям, жудаям ёқади! Ишончим

комилки, уни күрганда ҳамма қызлар эс-хүшини йўқотиб кўйишида.

— Гапларингдан шу чиқадики, сен уни севиб қолганга ўхшайсан!

— Ийқ, мен уни акамдай яхши кўраман! — кулиб, эътироф билдири Полина.— Агар ундан миннатдор бўлмасам ашаддий кўрнамаклик бўлур эди. Ахир у менга мусиқа ўргатди, расм чизишни ўргатди, тил қоидаларини ўргатди, хуллас, ҳозир нималарни билсан шуларнинг ҳаммасини шу йигит ўргатди-ку! Онажон, сен қандай ютуқларга эришганимга эътибор бермаяпсан, мен шундай саводхон бўлиб кетяпманки, яқинда дарс беравёrsам бўлади. Шундан кейин ўзимизга бирорта чўри ёлласак хам бўлади.

Мен сөздірмасдан сал орқамга қайтдим: сүнг атайлаб, тапир-туыр қилиб, залға лампа чироғ олишга кирдим. Поплина үзім ёқиб бераман, деб чаққонлик қилди. Бечора қизалоқ оғир дардларимга шифо бераётган, малхам қүйётган эди.

Соддадиллик билан айтилган бояги мақтоловар руҳимни бир оз кўтарди. Кўнглимда ўзимга ишонч уйғониши керак эди. Ҳақиқатан қандай фазилатларим борлигини холис одамлар айтиши керак эди. Яна ярқ этиб ёнган умидим шуъласи атрофимдаги нарсаларни ёришириб юбордими, ё залдаги ажойиб манзарага — икки аёл суҳбатига яхшироқ эътибор бермаган эканманми, шу тобда машҳур фламанд мусавиirlари акс эттирган содда манзараларга ўхшаган мана шу саҳна қўзимга тўтиёдай кўриниб кетди. Чўғлари ўчай-ўчай деб турган ўчиқ ёнида пайпоқ тўқиб ўтирган онанинг лабла-рида майнин табассум бор эди. Полина чоғроқ столга ёйиб қўйган елпуғичларни бўяш билан овора эди, унинг мўйқаламлари ва бўёқлари беихтиёр диққатни тортарди. У ўрнидан туриб, чирогни ёқаётганида эса бор ёруғлик оппоқ қоматига тушарди. Фақат даҳшатли бир ваҳима чангалига тушиб қолган одамгина бу қизнинг тиниқ, гулбадан қўлларини, ниҳоятда чиройли чеҳрасини, ҳамма-ҳамма ҳусну малоҳатини сезмаслиги мумкин эди! Тўн сукунати сокин оила оғушида ишлаб ўтиришган одамлар манзарасига яна ўзгача бир фусункорлик баҳш этарди. Доимо меҳнатдан бошлари чиқмайдиган, доимо қувноқ кўнгли очиқ бу одамларда мўмин бандаларга хос, энг олий, мусаффо туйғуларга лиммо-лим сабр-қаноат бор эди. Бу ердаги буюмлар ҳам одамларга ярашикли эди. Феодора хонадонидаги дабдабали зеб-зийнатлар эса ҳиссиз бўлиб, мени ёвуз хаёлларга чулгарди, мана буларнинг фақирона сабр-қаноатли турмуши, буларнинг соддалиги ва самимийлигий руҳимни покиза қиласарди. Тўғриси, дабдабали зеб-зийнатлар орасида мен хўрлик кўрардим, мана бу хира ёритилган ўрта хонада; оддийгина яшаётган икки аёл яқинида кўнглим таскин топар, ўзимдан норози бўлмасдим: бу ерда кимгадир ҳомийлик қилишим мумкин эди; йи-

гитлар кўпинча ҳомий бўлишни яхши кўришади. Мен чироқни олиш учун Полинага яқинлашганимда у менга меҳр билан қараб қолди, сўнг қўллари қалтираб, чироқни тез столга кўйди-да, ҳаяжон билан гапирди:

— Ё худойим, рангингизда ранг қолмабди! Ҳа-я, бутунлай шалаббо бўлиб кетибсиз-ку! Онам кийимингизни қуришиб қўйсин... Сиз сутни яхши кўрасиз,— деди у сайраб,— бугун қаймоқ олдик, татиб кўрасизми?

Қиз мушукдай чаққонлик билан чинни косада қаймоқ келтириди ва шундай жонсараклик, назокат билан олдимга кўйидики, эътиroz билдиришга иккиланиб қолдим.

— Наҳотки йўқ десангиз?— деди Полина овози қалтираб.

Биз, икки мағрур одам бир-биримизни яхши тушунардик. Қиз, бир томондан, менинг олдимда камбағаллигидан уялар, иккинчи томондан бунча димоғдор бўлмасангиз, деб гина қиласётганга ўхшарди. Балки, қиз бу қаймоқни ўзининг нонуштасидан олиб қолгандир? Шунга қарамай, мен қизнинг дили оғримасин деб, рози бўлдим. Бояқиш қиз хурсандлигини яширишга уринса ҳам, кўзлари шодлиқдан порларди.

— Ҳа, бугун анча очқаб қолдим,— дедим ўтираг эканман. (Қизнинг манглайига ташвиш соя солди.)— Боссюэ асаридаги бир жойни эсладингизми, Полина, худо жангдаги галабадан қўра бир қултум сув учун кўпроқ раҳматини ёғдиради, деган эди у.

— Эсимда,— деди қиз.

Бу сўзни айтиётганда қизнинг юраги бола қўлидаги каштардай дукурлаб, типирчилаб кетди.

— Гап бундай,— дедим бир оз иккиланиб,— биз яқинда бутунлай хайрлашамиз, сиз билан онангиз қилган ҳамма яхшиликлар учун миннатдорчилик билдиришга рухсат этинг.

— Арзимайди,— деди қиз кулар экан.

У кўнглидаги дардини кулги билан яширишга ҳаракат қиллар, бу эса мени изтиробга соларди.

Қизнинг гапларини эшитмагандай бўлиб, давом эттирдим:

— Менинг фортелианом уста Эрар ясаган энг яхши чолгу асбобларидан бири. У сизга бўлсин. Ҳеч қандай гап-сўзиз олиб қолаверинг— мен узоқ сафарга жўнамоқчиман, фортелианони барибир ўзим билан олиб кетолмайман.

Бу сўзларни ғамгин оҳангда айтганим иккала аёлни ўйлантириб қўйди. Назаримда дунёда фақат шу икки инсон кўнглимда нималар кечётганини тушунар ва менга эътибор берар эдилар; уларнинг қарашларида ҳам ажабланиш, ҳам даҳшат бор эди. Киборларнинг совуқ давраларида мен излаб тоғмаган меҳр-оқибат ҳозир қаршимда турган одамларда бор эди. Буларнинг меҳр-оқибати самимий, таъсирили, шунинг учун жуда ишончли эди.

— Жуда чакки қиляпсиз,— деди қизнинг онаси.— Шуерда қолаверинг. Менинг эрим ярим йўлда келаётган бўлиши керак, талини давом эттириди у.— Бугун оқшом Иоанн Инжилини ўқидим, Полина эса бу вақтда Тавротга калит боғлаб осилтириб турган эди, калит айланиб кетди. Бу яхшиликдан нишона, демак жаноб Годен эсон-омон юрган экан. Полина яна сиз билан еттинчи хонадаги йигит учун фол очди, лекин калит сиз учун айланди. Мана кўрасиз, ҳаммамиз бойиб кетамиз. Жаноб Годэн миллионер бўлиб қайтиб келади. Тушимда у тушиб келаётган кема гиж-ғиж илонларга тўла экан. Бахтимизга, сув лойқа эди, бу олтин ва ноёб жа-воҳирларни англатади.

Қўнгил учун айтилган бу дўстона сўзлар, касал гўдакни онаси аллалагандай, маълум даражада кўнглимга тасалли берди. Бу меҳрибон аёлнинг овози ва қарашлари шу қадар илиқ, самимий эдики, бу гаплар, қарашлар менинг ғам-ғуссамни бутунлай йўқотмаса-да, ҳайтовур камайтириди, алла-лаб таскин берди. Онасига нисбатан ақллироқ, олисни кўрадиганроқ Полина менга синовчан, ташвиш билан боқарди. Қизнинг ақлли кўзларида шундай маъно бор эдики, чамамда у менинг турмушим қандай кечишини, келажагимни ҳам билиб тургандай эди. Мен миннатдорчилик маъносида Годэн хонимга ва қизига таъзим қилдим, йиглаб юбормай тағин деб қўрқиб, шошиб хонадан чиқдим. Ёлғиз қолганимдан ке-йин ўз ғамимга ўзим шўнгигб кетдим. Хаёлимга бир-биридан машъум, асоссиз, мантиқсиз фикру қарорлар келаверди. Илгари фаровон яшаган одам фақирликка тушиб қолса ярим-ёрти, қолган-қутган нарсаларига ишониб яшайди. Мен-да эса ишончли ҳеч нарса йўқ эди.

Эҳ, азизим, биз кўпинча ҳамма нарсага камбағаллик ай-бдор, деб юрамиз! Ижтимоий ҳаётнинг фаолликка чақирувчи энг кучли омилларидан бири бўлган камбағалликни кўп ҳам айблайвермайлик. Камбағаллик бор жойда уят нимаю жи-ноят нима, ор-номус нимаю ақл-хуш нима, бундай гаплар бўлмайди. Уша вақтда ўйлашга ҳам мажолим қолмаган эди. Худди йўлбарс олдида тиз чўкиб турган қиз аҳволида эдим. Ишқивозлиги бўлмаган, пули бўлмаган одамнинг эрки ўзида, аммо камбагал ошиқнинг ихтиёри ўзида эмас, у ҳатто ўзини ўлдиришгаям ҳаққи йўқ. Севги туфайли биз ўзимизни эъзозлаймиз, ўзимиздаги бошқа бир кишининг ҳаётини ардоқ-лаймиз: севги — баҳтсизликларнинг энг даҳшатлиси; севгида умид бўлади; мана шу умид туфайли ҳар қанақа азоб-уқубатларга чидайди одам. Эртага Растинъякнинг олдига бо-риб, унга Феодоранинг ғалати қарорга келганлигини айтиб бераман, деган фикр билан уйқуга кетдим.

Эртасига соат тўққизда Растинъяк ҳузурига бордим.

— А-ҳа! А-ҳа! — қичқирди Растинъяк, — нимага келга-нингни билдим; чамамда Феодора сенга истеъфо берганга

ўхшайди. Графиняга таъсиринг кучайиб кетаётганига ҳасад қилган «яхши» одамлар тўйдан олдин ногора чалишган. Худо билсин, рақибларинг қанча-қанча сен қилмаган ишларни қилди, деб қўшиб чатишгандир, сени роса ёмонотли қилишгандир!

— Ундаи бўлса, ҳаммаси равshan! — хитоб қилдим.

Шу заҳоти ўзимнинг баъзи шаддодликларимни эсладим, графиня янам ўзини вазмин тутибди, деган фикрга келдим. Ўзимга ўзим аглаҳ бўлиб кўриндим, қилган номаъқулчиликларим учун янам қаттиқ жазо тортишим керак эди. Феодора мени севгани учун янам ҳаммасига сабр-бардош қилиб юрган экан-да.

— Хулоса чиқаришга шошмайлик,— деди ҳушёр гасконник.— Феодора ашаддий худбин аёлларнинг ҳаммасидай жуда сезгир. У, биринчи учрашувдаёқ кимлигингни билиб олган бўлса керак. Сен аввало унинг бойлигию зеб-зийнатларига ҳайрон қолган чоғингдаёқ ҳар қанча устомонлик қилсанг ҳэм кўнглингда нима борлигини сезиб олган бўлса керак. Ўзи бировга сир бой бермайди, аммо бошқа одамларнинг заррача сир тутишиниям ёқтирамайди. Демак, сени ёмон нўлга бошлаган эканман,— қўшимча қилди дўстим. Ҳар қанча нозиктаъб ва хушфеъл бўлсаям, назаримда у ҳокимликни яхши кўради. Ақлий лаззатларнигина биладиган аёлларнинг ҳаммаси ҳукм-фармонликни ёқтиради. Бу аёл фаровон турмуш кечириш, олий давраларда кўнгил очиш дунёда энг катта лаззат, деб ҳисоблайди. Унинг ҳиссиёти табиий эмас, у артистдай, ўзини ҳиссиётли қилиб кўрсатади; бари бир у сени баҳтиқора бир югордакка айлантириб қўяр эди...

Растинъякнинг гаплари қулоғимга кирмасди. Мен унинг гапини бўлиб, ясама бир қувноқлик билан моддий аҳволим чагоқлашганлигини тушунтирудим.

— Бевафо фалак кечакида кечқурун менга тегишли бўлган анча-мунча пуллардан жуда қилди,— деди дўстим.— Мана шу аҳмоқона фалокат бўлмаганида, албатта, ҳамёнимни сенга тутар эдим. Жажжи қаҳвахонага борайлик-чи, балки нонушта устида бирор иложини топармиз.

У кийиниб, отларни файтунга қўшишни буюрди; сўнг иккаламиз хаёлидаги фойдалар билан яшайдиган миллионер чайқовчиларга ўхшаб, олифталик билан «Париж қаҳвахонаси»га кириб келдик. Қуриб кетмагур бу гасконликнинг ўзини жуда эркин тутиши, ҳеч нарсадан тап тортмаслиги мени ҳайрон қолдиради. Нозик дид билан пухта ўйлаб буюрилган нонушталик таомлардан кейин, қаҳва ичиб ўтирганимизда Растинъяк хушқад ва башанг кийинган, ҳамманинг эътиборини тортувчи жуда кўп йигитлар билан бош ирғаб саломлашиб чиқди. Сўнг, кетворган галстук таққан, қаерга ўтирам экан, деб тараффудланган мана шундай дендилардан бирига қараб:

— Ҳа, ишларинг беш,— деб қўйди. Унга гап бор, деган-дай ишора қилиб.

— Мана шу шаввозд нима ёзганини ўзиям тушунмайдиган асарларини нашр этгани учун орден олган,— тушунтириди шивирлаб Растињак.— У кимёгар, тарихчи, романчи, публицист ёзувчи. Бирор ёзиб берган жуда кўп пъесалари учун қалам ҳақининг тўртдан бирини, учдан бирини, ҳатто ярмини олади, шуларнинг устига-устак, у ғирт саводсиз. Бу одамнинг фақат номи бор, у ўқувчилар учун гўё бир этикетка қоғоз бўлиб қолган. Шунинг учун у эшигига: «Бу ерда ёзувчи ўзи ёзиши керак», деган шиор осиб қўйилган идораларни четлаб, алланиб ўтишга ҳаракат қиласди. У шунчалик айёрки, бутун бир конгресс — мажлисни аҳмоқ қила олиши мумкин. Хуллас, бу одам маънавий дурагай: у айтарли ҳалол одам эмас, амма айтарли разил ҳам эмас. Лекин секинроқ гапирайлик, у жанжал кўтариб, дуэлда олишишган. Жамоатга энг муҳими шу бўлгани учун ҳамма уни «Ҳурматли инсон...» дейди.

Бояги нотаниш одам яқинроқдаги столча ёнига келиб ўтиргач, Растињак сўз қотди:

— Хўш, азизим, ҳурматли дўстим, ўзларининг саломатликларини сўрасак рухсат этадиларми, мутафаккир жаноб олийлари?

— Бир нави юрибмиз, яхшияммас, ёмонаммас. Ишга кўмилиб қолганман. Ниҳоятда қизиқарли тарихий мемуарлар ёзиш учун қўлимда ҳамма матерналлар бор, аммо уларга қандай ранг-тус беришга... Мана шунга жуда қийналяпман. Вақт жуда зик, шошилмасам, ким билади, мемуарлар модадаи чиқиши мумкин.

— Замонавий мемуарлар ёзябсизми ёки қадимиими? Сарой аъёнлари ҳаётиданми ёки бошқалар ҳақидами?

— Марварид шодаси ҳақида.

— Ана, холос, бу мўъжиза-ку! — кулди Растињак чайқовчи ёзувчига мени танишитирар экан,— Жаноб де Валентен — менинг дўстим, сизга бўлажак машҳур ёзувчини тавсия қиласман. Бир вақтлар, унинг аммаси, маркиза, саройда катта нуфузга эга бўлган; ўзи эса икки йилдан бери роялистлик руҳида инқилоб тарихи устида ишлайти. — Сўнг дўстим ўзига хос бу негоциант²нинг қулоғига шивирлаб қўшимча қилди:— Талантли йигит, лекин жуда гўл; у сизга мемуарларни аммасининг номидан ёзиб бериши мумкин, ҳар томига юз экю³ берасиз.

— Бўйти,— деди бояги киши, талстугини тўғрилар экан.— Ҳой киши, қани менинг устрицаларим?!.

¹ Роялистлик — қирол ҳокимиятининг тарафдори бўлиш.

² Негоциант — улгуржи савдогар.

³ Экю — беш франкли тилла танга.

— Майли, лекин бу иш учун йигирма беш луидор¹ шириңкома; унга бир томнинг пулини олдиндан берасиз,— давом этди Растињяк.

— Йўқ, йўқ. Эллик экюдан зиёд аванс бермайман — шунда қўлёзма учун кўнглим хотиржам бўлади.

Растињяк бу савдонинг мазмунини менга шивирлаб тушунтириди. Сўнг, у жавобимни ҳам кутиб ўтирмай, бояги кишига қаради:

— Майли, биз рози. Қачон кўришамиз энди ишни бир ёқли қилиш учун?

— Майли, эртага оқшом соат еттида шу ерга тушликка келинглар.

Турдик. Растињяк лакейга чойчақа берди, ҳисоб қоғозини эса чўнтағига солиб қўйди. Менинг аммам, маркиза де Монборонни бир зумда ўйламай-нетмай бемалол сотиб юборганидан ажабландим.

— Мен насл-насабимга доғ туширмайман,— эътиroz билдириди.— Бундан кўра Бразилияга кетиб, ҳиндуларга ўзим заррача тушунмайдиган алгебрадан дарс беришим минг марта афзалроқ!

Растињяк ҳаҳолаб кулди.

— Фирт аҳмоқ экансан! Аввал эллик экюни жириングлатиб санаб ол, мемуарларингни ёз. Тугатганингдан кейин эса, асарни аммам номидан босиб чиқаришга розимасман, дейсан каллаварам! Эшафотда қатл этилган де Монборон хоним, унинг этаги қаппайган гардишли кўйлаги, ҳурмат-эътибори, гўзаллиги, мушк-анбарлари, кавушлари, албатта, олти юз франкдан ошиқ туради. Агар ноширга аммангни чинакам баҳосига сотолмасанг, майли, ношир асарни бирорта қари ва олғир шевалье номидан ёки ориқроқ, хунукроқ графийм номидан чоп қилиб чиқараверади.

— Оҳ, нега фақирона ҳалол кулбамни ташлаб кетдим юкан!— қичқирдим.— Жамият астарини очсанг шундай ифлос, шундай разилки!

— Э, бу поэзиянгни қўй,— эътиroz билдириди Растињяк,— биз иш тўғрисида гаплашяпмиз. Ҳалиям гўдаксан. Қулоқ сол; мемуарларинг қандайлигига ҳалқ баҳо беради; маనави адабий қўшмачи эса китоб чиқараман, деб саккиз йил умрини сарфлаган. Ахир у нашриётларда таниш ортираман деб озмунча азоб чекканими? Тўғри, китоб ёзиш учун иккаланигиз тенг меҳнат қўлмайсиз, лекин қалам ҳақининг кўпини сен оласан-ку, тўғрими? Унинг минг франкидан кўра сенинг йигирма беш луидоринг зарурроқ. Нега энди тарихий хотиралар ёзишдан бош тортияпсан, ҳар ҳолда, бу санъат асаригу, ахир Дидро юз экю учун олтита ваъзнома ёзган!

— Нафсиларни айтганда,— дедим шошиб ҳаяжон би-

¹ Луидор — йигирма франкли тилла танга.

лан,— мен учун бошқа илож йўқ. Шундай қилиб, дўстим, сенга миннатдорчилик билдиришимга рухсат этгайсан. Эллик экю билан мен ахир бойиб кетишим мумкин.

— Ўйлаганингдан кўра бойроқ бўласан,— гапимни бўлди Растињяк ҳаҳолаб кулар экан.— Фино менга шириккома тўлайди, сезмадингми, буниям сен оласан! Булон ўрмонига кетдик,— деди сўнг дўстим.— У ерда сенинг граф ойимтиллангни кўрамиз. Ҳа, дарвоҷе, сенга яхшигина бир бева жувонни кўрсатаман, мен унга уйланмоқчиман; ниҳоятда ёқимтой, эльзаслик, тўғри, сал семизроқ. Қант, Шиллер, Жан Поль ва яна гидравликадан бир тўда китобларни ўқиб туширган. У доимо менинг фикримни сўраш касалига йўлиқкан. Ўзимни гўё немис сантиментларини¹ тушунадигандай кўрсатишга мажбурман, шу вақтгача бир уюм немис балладаларини чайнамасдан ютвордин, ахир врачлар менга бундай уйқу дориларини маън этишган. Мен ҳалиям уни адабий ҳаяжонлардан қутқазолмаяпман; Гётени ўқиб, ҳўнг-ҳўнг йиғлайди, мен ҳам кўнгли учун қўшилишиб йиғлаб қўяман; нега десанг ахир эллик минг ливр даромад, дунёда энг чиройли оёқчалар, энг чиройли қўлчалар... Ҳазил гапмас... Эҳ, қани энди у «худойим» ўрнига «қудайим» демасайди, энг мукаммал гўзал бўларди!

Дабдабали фойтунида етиб келган дабдабали, гул-гул очилган граф хонимни кўрдик. Нозли гўзал ишва билан биз томонга қаради ва менга мулойим табассум ҳадя этди. Уша вақтда бу табассум менга самовий ва севигига лиммо-лим бўлиб кўринган эди. Эҳ, мен баҳтли эдим, назаримда севилгандим; энди менда катта пул ҳам, ишқ ҳазиналари ҳам бор эди, ўзимни энди ғариб-бечора ҳис қилмасдим. Шу куни жуда кўнглим чоғ, шод-ҳуррам, ҳамма нарсадан кўнглим тўқ бўлганим учун дўстимнинг севгилиси ҳам жозибали кўринди. Даражатлар, ҳаво, осмон, бутун борлиқ — табиат назаримда Феодорадай менга жилмайиб қаради. Қайтишимизда Растињянинг шляпадўз устасига, тикивчи устасига учрадик. Бир шода марварид воқеаси туфайли мен ғариб, бечора одамдан даҳшатли ҳарбий одамга айландим. Бундан бўён энди Феодора атрофида уймалашган йигитлардан нозик дид билан чиройли ва башанг кийиниша бемалол кимзар ўйнашим мумкин эди. Уйга келиб, эшикни беркитиб олдим; кўринишдан хотиржам эдим, аммо дилимда бир умрга томлар манзараси билан хайрлашардим. Бутун вужудим билан келажакда эдим, келажакдаги ҳаётимни саҳнадагидай равшан тасаввур қиласардим, ҳозирдан севгининг шодликларидан лаззатланардим. Чордоқдаги тўрт девор орасида одам қандай жўшқин бўлиб кетади! Одамнинг кўнгли парига ўхшайди, у похолни олмосга айлантира олади; қуёшнинг илик

¹ Ҳиссиётлар.

нафасидан гуллар униб-ўсгандай, кўнгилдаги парининг сеҳрли таёқчаси ёрдамида афсонавий қасрлар бунёдга келади.

Эртасига тушга яқин Полина аста эшикни тақиллатди ва менга нима олиб кирганини билсанг эди. У, Феодоранинг хатини олиб кириб берди. Граф хоним мени Люксембург боғига учрашувга таклиф қилибди, музейга ва ҳайвонот боғига бирга борамиз, депти.

— Чопар жавоб кутаётган экан,— деди Полина бир зум жимликдан сўнг.

Апил-тапил миннатдорлик сўзларини ёзиб бердим, жавобимни Полина олиб чиқиб кетди. Қийина бошладим. Кўнглим тўлгунча ясан-тусанни тугатиб, энди йўлга чиқай деб турганимда, бирдан мени қалтироқ босди, аъзойи баданим музлаб кетди. «Феодора боқقا файтунда келармикин ёки пиёда? Ёмғир ёғадими ёки қўёш чиқадими? Бари бир,— ўйлай бошладим,— нима бўлсаям қиз боланинг нозу адоларига ишониб бўладими? Феодора ёнида пул билан келмаслиги мумкин, бирдан у ҳаммол боланинг жулдур уст-боши қизиқ экан, унга ҳайр-эҳсон қилинг, деб қолса нима бўлади?

Менда эса, ҳозир ҳемириям йўқ. Пулни кечқурун олишим керак. О, шундай вақтларда йигит хаёлга бой бўлгани учун аёвсиз изтиробларга учрайди, оғир меҳнат билан қаттиқ-куруқ яшашга мажбур бўлган йигит шундай вақтларда роса жазосини тортади! Бир лаҳзада минглаб арилар тўдасидай шиддатли ўйлар найзаси аъзойи баданимни тилка-пора қила бошлади. Чордоғим деразасидан осмонга қарадим: ҳавога ишониб бўлмасди. Тўғри, мен кун бўйинга карета олишим мумкин эди, аммо баҳтдан лаззатланиб юрганимда оқшом Фино билан учрашомлай қолсам нима бўлади, деган ташвишдан ҳар лаҳза азоб чекишим керак эди. Шодлик соатларида мана шундай қўрқувларни енгиш учун менда мажол йўқ эди. Излашдан фойда йўқлигини билсан ҳам, бари бир уйни тит-питини чиқариб юбордим. Бирор экю чиқиб қолармикин, деб тўшаклар орасини титдим, ҳамма нарсани, ҳатто эски этикларниям силкитиб қоқиб кўрдим. Ағдарилган қаравотга безгак тутгандай қалтираб, гарансиб қараб турадим. Ёзув столимнинг ғаладонини алам ичиди, умидсизлик билан еттинчи марта очиб кўрганимда, ёnlама деворчага юз су танга қисилиб қолганлигини кўриб, қувончдан ҳушимни йўқотдим, десам ишонасанми? Мана шу топ-тоза танга кўзимга ялтираб, гўзал, вақтида балқиган юлдуздай порлаб кўринди. Бу танга жимлик сақлаб, беркиниб олиб мени қийнаганига ҳам хафа бўлмадим: мен уни баҳтсизликда ташлаб кетмаган содиқ дўстимдай меҳр билан олдим ва қувонганимдан қийқириб юбордим. Қандайдир акс-садо эшитилди. Ялт этиб орқамга қарасам, Полина турибди. Ранги оппоқ оқариб кетганди.

— Йиқилиб, бирон жойингиз майиб бўлдими, деб қўрқиб

кетдим!— деб ҳаяжондан ҳарсиллаб гапиради у.— Югурдак бола... (Қиз ҳаво етишмагандай, у ёини гапиролмади). Лекин онам унга чойчақа бериворди,— қўшиб қўйди қиз.

Сўнг Полина болаларча шўхлик ва араз билан қочиб кетди. Ажойиб қизча! Мен ўз бахтими топганимдай, у ҳам бахтини топсин, деб ич-ичимдан тилардим. Ўшанда жоним ичимга сифмас, жаҳондаги барча шодликлар кўнглимга сиғиб кетгандай эди, гёё ҳамма бечораларнинг шодликлари ниyам мен ўғирлаб олгандай, уларнинг улушкини қайтариб бергим келарди.

Ҳамиша кўнглим бирор фалокатни олдиндан сезиб туради: граф хоним файтунига жавоб бериб юборди. Чиройли қизлар, аёллар ўзларигаям маълум бўлмаган қандайдир сабабларга кўра, инжиқлик қилишади. Графиня ҳам шундай инжиқлик қилиб ҳайвонот боғига хиёбонлар оралаб пиёда борамиз, деб қолди.

— Ёмғир ёғади,— дедим.

Феодора айтганимнинг тескарисини қилишни яхши кўрарди. Люксембург боғида айланиб юрган вақтимизда қуёш чарақлаб турганди. Боғдан чиқишимиз билан осмонда боядан бери мени безовта қилиб турган булут бир-икки томчи ташлади; киракаш файтуни чақирдик. Хиёбонларга етганимизда ёмғир тинди, ҳаво яна очилиб кетди. Музейга етганимизда каретага жавоб бериб юбормоқчи бўлувдим, Феодора ўнамади. Роза азобга қолдим! У билан чақчақлашиб кетаётганимдан ўзимда йўқ қувонганимни яширсан ҳам, лабларимга ёйилган аҳмоқона кулги буни фош қилиб турарди. Мана шу таниз билан боғда сайр қилиш, соя-салқин хиёбонларда унинг қўлидан тутиб юриш — қандайдир ақл бовар қилмас хаёлот эди; бу манзара ўнгимдаги тушга ўхшарди. Аммо Феодора юрганидаям, тўхтағанидаям, нозли кўринганига қарамай, бари бир, хатти-ҳаракатларида ҳеч қандай майнинлик, ҳеч қандай меҳр-муҳаббат йўқ эди. Мен ҳам унинг хатти-ҳаракатларига яраша муомила қиласай десам кўнглимда ўзимни зўрлашим керак эди ёки ҳансираб, асабийлашар эдим. Тўшбағир аёлларнинг муомиласида майнинлик бўлмайди. Худди шунинг учун бизнинг юракларимиз ҳамоҳанг тепмас, юрганимизда ҳамқадам бўлолмасдик. Икки вужуднинг бундай жисмоний номувофиқликлигини ифодалайдиган сўзлар ҳали топилмаган. Чунки биз ҳали хатти-ҳаракатларнинг маъносини яхши англамаймиз. Табиатимиздаги бу ҳодисани фақат юрак билан ҳис қиласиз, аммо ифодалай олмаймиз.

— Ишқивозликнинг шафқатсиз қалтироқлари пайтида ҳис-туйғуларимни анатомия қилиб — бўлакларга бўлиб ўрганимадим, ҳузур-ҳаловатимни таҳлил этмадим, хасис олтинларини тортиб, чамалагандай, юрагимнинг неча марта уришини ҳисобламадим,— деди Рафаэль бир оз сукут сақлаганидан кейин.— Йўқ, ундаи қилмадим. Фақат, мана энди

аччиқ тажриба туфайли, бўлиб ўтган воқеаларнинг қайғули томонлари мен учун ёришяпти. Фалокатга учраган кема си-ниқларини тўлқинлар қуёш чарақлаб кетганида соҳилга улоқтиргандай, тилка-пора бўлган кўнглимнинг синиқлигини энди кўриб турибман.

— Сизда муҳим бир ишим бор,— гап бошлади графиня менга уялиб қарап экан.— Ниҳоят, сизга севгини ёмон кўри-шишни тушунтирганимдан сўнг, энди дўстлигимиз ҳаққи, сиздан баъзи нарсаларни илтимос қилсам бўлаверади. Энди менга яхшилик қилсангиз,— кўлиб, гапида давом этди хо-ним,— аввалгидан ҳам кўпроқ хизмат қилган бўласиз, тўғ-рими?

Мен қизга ғамгин боқдим. Мен ёнида бўлганимда унда ҳеч қандай ҳиссиёт уйғонмас, у севиш ўрнига қувлик қиласр эди,— чамаси у тажрибали актрисадай роль ўйнарди; тўсатдан қизнинг нигоҳида; товушининг товланишида, баъзи сўз-ларда меҳр сезиларди, бу эса менда яна умид уйғотарди; аммо шундай лаҳзаларда менинг кўзларимда ёнган севги олови унинг кўзларидаги музни эритолмасди; унинг кўзларида хотиржам тиниқлик бор эди; бу тиниқлик йўлбарснинг кўзларидаги совуқ ялтироқ пардани эслатарди. Шундай лаҳ-заларда мен Феодорадан нафрата нафрадим.

— Агар герцог де Наваррен Россияядаги ниҳоятда қудратли бир аёлга менинг тўғримда икки оғиз ширин гап айтиб қўйса, мен учун ғоят катта иш бўлур эди,— мулойимлик билан гапини давом эттириди қиз. Ўша аёлнинг ўртага тушиши менинг қонуний ҳақ-ҳуқуқларимни тиклашга ёрдам беради. Бор бисотим ва жамиятда тутган мавқеим шу ишининг ҳал бўлишига боғлиқ. Шундай қилишим керакки, император менинг турмушга чиқишимни тан олснин. Ахир герцог сизнинг қариндошингиз-ку, тўғри эмасми? У икки энли хат ёзиб берса кифоя.

— Бош устига, хизматингизга тайёрман,— дедим мён.— Буюринг бекам.

— Миннатдорман,— деб қўлимни сиқиб қўйди Феодора.— Юринг, бизникида тушлик қиласиз, йўл-йўлакай ҳам-масини оқизмай-томизмай тушунтириб бераман.

Шундай қилиб, ҳеч кимга ишонмайдиган, ҳаммадан ўзи-ни олиб қочадиган мана шу аёл мен билан маслаҳатлашмоқчи бўляпти.

— Оҳ, жим юргин деб буюрганингиз қандай соз бўлган экан!— ҳайрат билан қичқирдим.— Лекин, мен бундан ҳам оғирроқ синовларингизга тайёрман.

Шу лаҳзада Феодора кўзларимда чарақлаган шодона лаззатга бефарқ қарамади, ҳайратимга совуқ қарамади, демак, у мени севади! Биз Феодоранинг уйига келдик. Бахтимга, ҳамёнимдаги пул извошлига тўлашга етди. Гўзалимнинг уйида ёлғиз иккимиз ғоят чиройли ўтказдик;

биринчи марта у билан шундай холи гаплашишимиз эди. Шу кунгача, жамоат, унинг одоб, ҳаё қоидалари, совуқ расмиятчиликлари, ҳатто дабдабали базмлар ҳам доим бизни бир-бirimizdan ажратиб турарди. Бу сафар эса ўзимни у билан бир том остида яшагандай ҳис қилдим, у гўё менга насиб этгандай эди. Ёниқ тасаввурим барча кишанларни парчаларди, ўз ихтиёрим билан воқеаларни хоҳлаган изга буардим; тасаввуримда баҳтиёр севгининг лаззатларига гарқ бўлардим. Шу тобда мен ўзимни унинг эридай тасаввур қилардим; уни турли майда-чуйдалар қизиқтирганини кўриб бошим осмонга етарди, шол рўмолини ва шляпасини олганини кўришнинг ўзи мен учун баҳт эди. У мени бир дақиқа ёлғиз қолдирди, сўнг соchlарини тузатиб, қайтиб чиқди, у гул-гул очилиб кетган эди. У мен учун шундай гўзал бўлишни хоҳларди! Тушлик вақтида ҳам аёл менга кўп меҳрибончилик қилди, ҳар бир майда-чуйда нарсада ҳам унинг битмас-туғанмас жозибаси сезилиб турарди; бу майда-чуйдалар гўё ҳеч қандай қиммати йўқдай туюлади, аммо мен буларнинг ҳар бири учун ярим умримни беришга рози эдим. Шарқ ижод этган энг яхши ҳашамату зеб-зийнатлардан бири — ўзоқ олдида, чарс-чурс ёнаётган олов олдида шойи, атлас, тўшалган креслоларда чақчақлашиб ўтирас эдик; донғи кетган гўзаллиги билан не-не эркакларни ўйнатган қизнинг ёнгинасида ўтириш, ҳеч кимга қиё боқмайдиган бу нозанин билан сұхbatлашиш, унинг ноз-ишваларидан баҳра олиш — мен учун жаннатга тушиш билан тенг ва азобли эди. Лекин, баҳтга қарши кетишим кераклигини эсладим, муҳим ишим борлигини, кеча бир одам билан учрашишга ваъда берганимни айтдим.

— Йўғ-е! Наҳотки! — деди қиз шляпага қўл узатганимни кўриб.

У мени севади! Ҳар доим аёлнинг мана шу икки сўзни майиц, меҳр билан айтганидан шундай хulosага келдим. Ҳайратимни яна давом эттириш учун қизнинг менга ажратадиган ҳар бир соатига икки йилдан умримни беришга рози эдим. Пулдан қуруқ қолишимни ўйласам, янада роҳатланардим. Феодора фақат ярим кечада жавоб берди. Эрталаб эса, кечаги қаҳрамонлигимдан роса пушаймон едим; ахир мемуарлар ёзиш буюртмасидан айрилиб қолишдан қўрқардим; ҳаллослаганимча Растињакнинг уйига югурдим. Йиккаламиз Финонинг уйига борганимизда менинг келгусидаги асарларимга имзосини қўядиган бу одам ҳали уйқудан уйғонмаган экан. Фино менга қисқагина шартномани ўқиб берди, у ерда менинг аммам тўғрисида ҳеч гап йўқ эди. Фино эллик экю пулни жаранглатиб санаб берди. Учаламиз бирга нонушта қилдик. Мен янги шляпа сотиб олдим; ўттиз судан олтмишта тушликка обуна бўлиб олдим; қарзларимдан қутулдим; охири ёнимда фақат ўттиз франк қолди. Ле-

кин бир неча кунга ҳаёт машаққатларидан қутулдим. Растињакнинг айтишича, агар инглизча қоида билан яшасам хазина ортириар эканман. У ҳар қандай йўл билан менга кредит очишга уринарди, ишонтиришича, қарзга ботиш иззатни оширав экан. Растињакнинг сўзларига қараганда, капиталлар — бисотларнинг энг йириги, энг каттаси — келажагимиз экан. У келгуси муваффақиятларим ҳисобига, тикувчи ҳузурига олиб бориб, башанг кийим-кечаклар буютириди. Тикувчи ҳам келажагим борлигини тушуниб, тўй кунимгача мени безовта қилмайдиган бўлди. Уч йилдан бери олимларга хос фақирона яшашимга шу бугундан бошлаб чек қўйдим. Феодора уйидаги базмларнинг доимий меҳмонига айландим. Унинг баъзи сурбет ошиқларини ва давралар арзандаларини ҳам бир чўқиша қочира бошладим. Энди қашшоқлик балосидан қутулдим деган фикрда олий давраларда ўзимни жуда эркин тута бошладим. Рақибларимни доғда қолдириб, жозибали, енгилмас ишратбоз, деб ном чиқардим. Ҳатто тажрибали иевогарлар ҳам менинг тўғримда: «Бу йигитнинг ишқи-возлиги юрагида эмас, бошида!»— дейишарди, мени ҳиссиётимдан кўра ақдим устунлигини айтиб, мақташарди. «У севмайди, шунинг учун баҳтли!— деб ҳайратланишарди!— Агар у севганида шундай кайфи чоғ, шундай шўх бўлармиди». Аслида эса мен ҳақиқий ошиқ бўлганим учун Феодора ёнида турганимда ўлгудай аҳмоқ кўринардим. У билан ёлғиз қолганимда нимани гапиришни билмасдим, гапирганимда ҳам севги тўғрисида фийбат бошлардим; шундай пайтларда шўхлигим ҳам аянчли туюларди. Худди қаттиқ ранжиганини яширишни хоҳлаган сарой аъёнига ўхшардим. Хуллас, мен Феодоранинг ҳаёти, баҳти, шуҳртпастлиги учун керакли одам бўлишга ҳаракат қилардим; сира ёнидан жилмасдим, унинг қулига, истаган вақтида овунадиган ўйинчогига айланниб қолдим. Шу зайлда кунни ўтказиб, кечқурун уйга қайтардим, туни бўйи ўқиб, ёзиб, фақат азонга яқин икки-уч соат ухлардим, холос. Лекин, Растињакнинг инглизча қоидаси билан яшаш тажрибаси менда бўлмагани учун, кўп ўтмай, яна бир чақасиз қолдим. Ана шундан кейин, азизим, мендай ови юришмаган ишқпаст устун, икки пулсиз олифта учун, шайдолигини яширишга мажбур бўлган ошиқ учун тасодифларга тўла машаққатли ҳаёт бошланди. Ўзимнинг ниҳоятда оғир муҳтоҷлигимни таши ялтироқ дабдаба билан беркитишга уринардим. Яна худди аввалгидай изтиробларга қолдим; тўғри, энди муҳтоҷликдан аввалгидай қаттиқ азобланмасдим: эҳтимол, энди муҳтоҷликнинг шафқатсиз ҳуружларига анча кўнишиб қолгандирман? Егулигим фақат меҳмондорчиликларда хасислик билан бериладиган ширин сомсалару чой бўлар эди. Гоҳо граф қизиникида бериладиган тўкин-сочин зиёфатлардан сўнг икки кун тўқ юрардим. Бутун вақтимни, бор қунту зеҳнимни, бор кузатувчалигимни

Феодоранинг ақл бовар қилмас феъл-атвориши ўрганишга бағишлардим. Шу вақтгача умид ёки тушкунлик хуласаларимни ўзгартириб турарди: Феодорани гоҳо эҳтирос билан севгувчи аёл деб ўйлардим, гоҳо эса у менга аёллар ичиде энг ҳиссиз, туйғусиз, тошбагир, бўлиб кўринарди. Аммо, ма-на шу хилдаги шодликлар ва азобларнинг ҳадеб алмашина-вериши жонимдан тўйдирди. Мен бу даҳшатли курашнинг тезроқ бир ёқли бўлишини жуда-жуда истардим, севгимни хароб қилишни истардим. Гоҳо кўнглим зимиston бўлиб, кўзимга ўтиб бўлмас жарлик кўринарди. Граф қизи барча шубҳаларимнинг тўғрилигини тасдиқлаб турарди: унинг кўз-ларида бирор марта бирор томчи ёш кўрмадим; театрда, энг оғир саҳналарда ҳам у совуқлигича қолар, лабидан кулги аrimасди. Нозик ақл-фаросатнинг ҳаммасини ўзи учун сақ-ларди, бировнинг шодлигиям, кулфатиям уни ҳеч қачон зар-рача ҳаяжонга солмасди. Хуллас, у мени калака қиласди. Шу қиз хурсанд бўлсин, унга қурбон бўлай, майли деб, қад-римни ерга уриб бўлса ҳам, герцог де Наварренинг уйига боришга рози бўлдим. Бу худбин одам менинг камбағалчи-лигимдан ҳазар қилас, олдимда гуноҳкор бўлгани учун мен-дан нафратланарди. У мени совуқ бир ҳурмат билан кутиб олдӣ; унинг сўзларида ва муомаласида ҳақорат сезилиб турарди. Унинг мени кўрганда бесаранжом бўлишидан раҳ-мим келиб кетди: унинг катта одам бўлатуриб, шунчалик майда эканлиги, ҳашамати, зеб-зийнатлари ичиде шунчалик бачкан эканлигидан хижолат бўлиб кетдим. У дарров уч процентли заёмдан кўрган зарари, чиқимларини гапира бошлади. Мен келишимдан мақсадимни айтганимдан кейин герцогнинг муомаласи ўзгарди. Аввал муз бўлиб турган одам бир зумда ўзгарди-қолди, муомаласи мулойимлашиди; бу одамнинг шунчалик тез ўзгариши нафратланарли эди. Кейин, нима бўлганини айтайми, азиз дўстим? Кейин герцог графиняning уйига бориб, мени ёмонлаб, ер билан яксон қилибди. Феодора менга номаълум бўлган йўллар билан унинг кўнглини олибди: у менсиз ҳам герцог билан тил тошишиб, ишини битказиб олибди. Бу қандай ишлигини шу вақт-гача билганим ҳам йўқ. Бу ишда мен фақат восита бўлдим холоси!. Қариндошим Феодоранинг уйига келганида аёл менга эътибор бермас, кўриб, кўрмаганга оларди. У мени биринчи марта таништирганларида ҳам шундай парвосиз қараган эди: ҳозирги бепарвонлиги эса аввалгидан ҳам ошиб тушарди. Бир куни кечқурун у герцог олдида мени шу қадар ерга урдики, бундай ҳақоратни ҳеч қандай сўз билан ифода-лаш мумкин эмас. Мен шу куни унинг уйидан йиғлаб чиқиб кетдим; шундан сўнг қиздан ўч олиш режаларини тузабош-ладим; ёвузликнинг энг шафқатсиз турларини ўйлай бошла-дим... Кўпинча граф қизи билан Итальян театрига борар эдик. Театрда ўтирганимизда вужудим севгидан селдай оқиб,

мусиқа жозибасидан роҳатланиб, унинг ҳусн-жамолини томоша қиласар эдим. Мусиқа гўё юрагим торларидан чиқаётгандай, севги ва мусиқа сеҳридан бениҳоя завқ-шавқ олардим. Гўё бу ерда ҳаво, бутун атроф, саҳна ҳам менинг муҳаббатим билан тўла эди. Ҳаммаёқда менинг муҳаббатим, фақат севгилимнинг қалбида севги йўқ эди. Мен Феодоранинг қўлидан ушлаб, унинг чехрасига, кўзларига боқиб, одамларнинг қалбини жаранглатиб юборадиган мусиқа таъсирида бир-биримизнинг ҳис-туйғуларимиз уйғуналашиб, ҳамоҳанг бўлиб кетармикин, деб умид қиласардим. Бутун вужудимдан ёғилиб турган юрагим алансигаси ҳаддан ташқари порлаб кетганида қиз менга ясама бир табассум ҳадя қилиб қўяди. Одатда ҳамма салонлардаги, меҳмонхоналардаги портретларда шундай табассум бўлади. Қиз музикани тингламасди. Россияни, Чимароза, Цингареллиларнинг илоҳий саҳифалари қизда ҳеч қандай гўзал хотиралар уйғотмасди: унинг кўнгли тап-тақир, уруғ тушса унмасди. Феодоранинг ўзи томошанинг ичидаги томоша эди. Унинг лорнети — дурбини доимо ложадан-ложага сайр қиласарди. Кўринишидан хотиржам, лекин безовталаниб ўтиради. У мода — янги расм-руслар қурбони эди: бутун ҳаёти ложалар, шляпалар, файтуналар ҳамда ўзини кўз-кўзлашдан иборат эди. Кўпинча ташқи кўриниши колоссга — улкан ҳайкалга ўҳшаган одамлар бўлади, бундай одамларнинг тошдай танасида меҳрибон ва нозик юраги уриб туради. Граф қизининг эса нозик-нафис танаси унинг тош юрагини яшириб туради. Мен даҳшатли илмий кузатишларим билан қизни яшириб турган жуда кўп нарсаларни очиб ташладим. Агар яхши ҳулқ ўзгаларни деб ўзини унуптишдан, суҳбатдошига манзур бўлиш учун мулојим гапиришдан ва мулојим хатти-ҳаракатлардан, суҳбатдошининг ўзига ишончини оширишдан иборат бўлса, Феодора ҳар қандай айёр бўлишига қарамай, ўзининг паст табақадан чиққанини билдириб қўяди. Унинг суҳбатдошига маҳлиё бўлиши ясама эди: ўзини тутиши ҳам, муомаласи ҳам туғма эмас, балки узоқ тайёргарлик билан ҳосил қилинган эди; ниҳоят, унинг хушфеъллигига ҳам аллақандай қулларга хос нарса бор эди. Ҳайҳот! Арзандалар унинг ширин сўзларини меҳрибонлик аломати деб; таманноли оҳанжамаларини эса софдиллик жўшқинлиги деб тушунсалар-да, фақат менгина унинг ниқобларини ўргандим, мағзидан пўчоғини тозаладим. Олий жамият эса шу пўчоқни кўришдан хурсанд эди. Энди у оҳанжамалари билан мени алдаёлмасди: чунки мен унинг шуҳратга ўч қалбининг барча сирларини билар эдим. Қандайдир аҳмоқ қизга хушомад қилиб, уни кўкка кўтариб мақтаганларида унинг учун мен уялиб кетардим. Шуларнинг ҳаммасига қарамай, мен уни севардим! Шоирнинг муҳаббати унинг юрагидаги музни эритиб юборар, деб умид қиласардим. Агар бирор марта унинг юрагида қизлик назокатини

уйғота олганимда эди, агар муҳаббатнинг олий қудрати бирорга қурбон бўлиш эканлигини тушунтира олганимда эди, у мен учун энг баркамол сиймо, фаришта бўлур эди. Мен бу аёлни севардим, уни йигитдай, ошиқдай, санъаткордай севардим,— ҳолбуки бу аёлга етишиш учун уни севмаслик керак эди: қуп-қуруқ олифта, совуққон ва мулоҳазакор йигит эҳтимол унинг юрагини забт этган бўларди. Ўзи шуҳратпаст, феъли тор бўлгани учун у эҳтимол шуҳратпаст одамнинг гапига қулоқ солиши, иғвогар одамнинг тузоғига тушиши мумкин эди; эҳтимол, бу аёл совуққон ва қуп-қуруқ одамга бўйин эгиши мумкин. Ўзиллик билан ўзининг худбинлигини, манманлигини кўз-кўзлаганида даҳшатли оғриқ юрагимни ғижимлаб қолар эди. Олдиндан билардим: бир куни келиб бу қиз ҳаётда ўзининг ғам-кулфатлари билан ёлғиз қолади, ёрдам сўраб кимга қўл чўзиши билмайди, ўзича тасалли берадиган бирор дўстона нигоҳни тополмайди. Бир куни кечқурун Феодоранинг уйидаги унга умрининг охри ёлғизликда, фариблика ва ғам-қайғуда ўтишини ранг-баранг бўёқларда тасвирлаб беришга журъат этдим. Табиатнинг ўзи унинг қонунларига хиёнат қилган одамни қаттиқ жазолашими тушунтиредим. Бундай қасос манзарасига қиз тошбағирлик билан жавоб берди.

— Мен ҳамиша бадавлат бўламан,— деди у.— Олтинлар ёрдамида ҳамиша яхши яшаш учун зарур бўлган меҳрибон одамларни топиш мумкин.

Бу дабдаба, ҳашаматга хос, бу аёлга, бу жамиятга хос мантиқдан бошим тошҳа урилгандай бўлиб, аҳмоқона саждагўйлигим учун ўзимни лаънатлаб, чиқиб кетдим. Полинани камбағаллиги учун яхши кўрмасдим, бадавлат Феодора ҳам Рафаэлни камбағаллиги учун яхши кўрмаслиги мумкин-ку? Энг покиза ҳакам ўзимианинг виждонимиз. Агар виждонимизни ютмаган бўлсак, албатта.

Кўнглимдаги файласуф-соғиғист «Феодора ҳеч кимни севмайди ҳам, ҳеч кимни рад этмайди ҳам!»— деб ҳайқиради,— у эркин қуш, аммо бир вақтлар олтин учун сотилган, рус графига, эрими, ўйнашими, ўшанга ўзини топширган. Ҳали турмушкида яна шунаقا йўлдан озишлар бўлади! Тўхтаб тур, ҳали бир кун қўлимга тушасан! Покиза ҳаммас, фоҳиша ҳаммас, инсонликдан олиса, ё дўзахда, ё жаннатда яшайди. У атлас, шойи, чиройли гулдор нағис либосларга бурканган аёлнинг сири менга тинчлик бермасди, мағуррлик, иззат, нағсоният, муҳаббат, қизиқиши юрагимни ўртарди... Мода бўлгани учунми, ёки ўзларини кўрсатиш учунми, ёки бошқа сабабданми, ўша вақтларда хиёбондаги кичкини бир театрни мақташни яхши кўришарди. Графиня башарасига ун чапланган, баъзи ақлли, ҳушли одамларга ҳам ёқадиган бир актёрни кўриш истагини билдириди; мен хонимни аллақандай аҳмоқона бир фарс — енгил ҳажвий асарнинг бирин-

чи томошасига кузатиб боришга мушарраф бўлдим. Ложа фақат беш франк турарди, лекин менда бирор чақа, мана шулаънати бирор чақаям йўқ эди. Ҳали мемуарларнинг ярим томини ёзиб тугалламаганман, шунинг учун Финодан қалам ҳаки сўрашга юрагим бетламайди, ҳимоятпеноҳим Растиньяк эса, сафарда эди. Пулсиэлик, муҳтоҷлик доимо ҳаётимни оғулаб турарди. Бир марта ёмғир шаррос қуйиб турганда Италия театридан чиқдик. Феодора файтун топишни буюрди. Ёмғирда юришни яхши қўришимин, қиморхонага шошаётганимни айтиб, ҳар қанча баҳона қилсан ҳам, у ясама ғамхўрлигини қўймай, қайсарлик қилиб туриб олди. У менинг саросимага тушганимни, ўзимни қийнаб, ҳазиллашишга уринишими қўриб турса ҳам, ёнида пули йўқдир, деб ўйламасди. Аламимдан кўзларимга қон тўлди, лекин бу қиз менинг кўзимдаги бирорта маънони уқармиди? Ёшларнинг турмушида ғалати тасодифлар учраб туради. Файтунда борар эканман, ўйлдиракларнинг ҳар айланishi менда янги-янги фикр уйготар, юрагимга азоб берар эди; бир кўнглим, каретанинг орқасидаги тахта деворни тешиб тош йўлга сирпаниб тушиб қочишини ҳам ўйладим, лекин бунинг иложини қилолмадим. Асабим қўзғалиб жиннинг ўҳшаб хаҳолаб қула бошладим, сўнг шармандалик устинига боғлаб қўйилган жиноятчидай ҳушсиз бир хотиржамликка берилдим. Ўйимга етишим билан, Полина югуриб чиқди, гапиришга энди оғиз жуфтлага-нимда у гапимни бўлди:

— Агар майда пулингиз бўлмаса, мана буни...

Оҳ, бу сўзлар жозибаси олдида Россини музикаси ҳеч гап бўлмай қолади! Лекин, ҳали Фюнамбюль театри ҳақида гап бошлаган эдим. Граф қизини кузатиб боришга мусассар бўлиш учун онамнинг сурати солинган олтин ҳошияни гаровга қўйишга қарор қилдим. Қарз кассаси кўзимга худди каторгага олиб борувчи дарвоза бўлиб қўринарди. Аммо, ҳар ҳолда, тиланчилик қилгандан кўра бор нарсангизни қарз кассасига ўзингиз элтиб берганингиз яхши-да. Бирордан пул сўраганингизда у сизга шундай қарайдики, бу қарашдан дилингиз вайрон бўлади! Кимдаи қарз сўраш масаласи — ор-номус масаласи. Дўст одамнинг илтимосингизни рад этиши ҳам охирги умидларингизни чил-чил қиласди. Шу вақт Полина ишларди, онаси уйқуга ётганди. Пащшахонанинг бир учи хиёл кўтарилиган кароватга кўз қирини ташладим — Годен хоним қаттиқ ухлаётган бўлса керак: ястиқдаги сарфиш бошига соя тушиб турарди.

— Қайфиятингиз йўқроқми? — сўради Полина мўйқаламни бўяётган еллиғичи устига ташлаб.

— Бўтам, сизнинг жуда катта ёрдамингиз керак бўлиб қолди.

Кизнинг юзи бахтиёрликдан ял-ял ёнарди, ҳатто бундан чўчиб кетдим.

«Наҳотки» у мени севиб қолган бўлса?» деган фикр ҳаёлимга келди.

— Полина!— гап бошладим яна.

Мен қизни яхшироқ кузатиш учун унга яқинроқ бориб ўтиридим. Овозимдаги синов оҳангини у дарров тушунди; кўзларини ерга тикид; мен унинг кўнглида нима борлигини уқиши мақсадида яхшироқ қарадим,— содда ва беғубор эди унинг кўзлари.

— Сиз мени севасизми?— деб сўрадим.

— Севади-севмайди...— ҳазиллашиб кулди қиз.

Йўқ, у мени севмаса керак. Унинг ҳазил оҳангига ва мафтункор хатти-ҳаракатларида ёш ва шўх қизларга хос хурсандлик бор эди. Мен унга пулсиз қўйналаётганлигимни, қийин аҳволга тушиб қолганлигимни айтиб, қарз кассасидан пул олишга ёрдам беришни сўрадим.

— Бу қанақаси?— деди у.— Қарз кассасига ўзингиз боргингиз келмайди-ку, мени юборасизми?

Болаларча содда мантиқ олдида уялиб қизариб кетдим. У беихтиёр оғзидан чиқиб кетган таъна сўзларини юмшатиш мақсадида қўлларимни ушлаб олди.

— Майли, у ёқقا бориб кел, десангиз борар эдим, лекин бунинг ҳожати йўқ,— деди у.— Бугун эрталаб хонангиздан беш франкдан иккита танга топиб олдим, тангалар фортелияно тагига думалаб кетган экан, сезмай қолибсиз. Столингизнинг устига қўйиб қўйдим.

— Сиз яқинда бойиб кетасиз, Рафаэль,— гапга қўшилди пашшахонадан бошини чиқариб, мурувватли Годен хоним.— Унгача мен бир неча экю қарз бериб туроқолай.

— Полина!— ҳайқирдим мен қизнинг қўлларини қаттиқ қисиб,— тезроқ бойиб кетсан эди!

— Нима учун? — сўради шўхлик билан қиз.

Қизнинг қўллари менинг қўлларимда титрар, юрагимнинг уришига ҳамоҳанг гулиллаб турарди; у тезгина қўлларини тортиб олди ва менинг кафтларимга қаради:

— Бадавлат аёлга уйланасиз, лекин у сизни хароб қиласди... Вой, худойим,— ҳа, у сизни ҳалок қиласди! Кўнглим сезиз турибди.

Қизнинг овозида онасининг ақл бовар қилмайдиган фолбинлигига ишонч бор эди.

— Ҳамма нарсага ишонаверасизми, Полина!

— Албатта, ишонаман, сиз севиб қолган аёл сизни ҳалок қиласди,— деди у менга даҳшат билан қарап экан.

Қаттиқ ҳаяжонланган қиз яна мўйқаламини — чўткасини қўлига олди, бўёқقا ботирди ва ортиқ юзимга қарамади. Шу лаҳзаларда даҳшатли аломатларга жуда ишонгим келиб кетди. Одам агар хурофотчи бўлса, бутунлай баҳтсиз бўлмайди. Хурофот кўпинча орзу-умиддан келиб чиқади. Хонамга кирганимда, ростдан ҳам Полина айтган иккита чиройли

экиюга кўзим тушди, булар қаёқдан келганига ақлим бовар қилмасди. Кўзим уйқуга илиниб кетаётган бўлса ҳам, нимага қанча харажат қўлганимни ҳисоблаб, бу пул қандай ошиб қолганлигини билмоқчи бўлдим. Фойдасиз ҳисоб-китоблар-нинг бош-учини тополмай, чарчаб ухлаб қолибман. Эртасига ложага билет олиш учун энди кўчага чиқмоқчи бўлиб турганимда Полина кириб келди.

— Сизга балки ўн франк камлик қилас,— юзига қизиллик югуриб, деди меҳрибон, азиза қиз,— ойим мана бу пулларни бериб қўй, деб айтди... Олинг, олаверинг!

Полина столга уч экию қўйиб қочиб кетмоқчи эди, уни тўхтатиб қолдим. Ҳайратланганимдан, кўзимга келган ёш ҳам қуриб қолди.

— Полина,— дедим унга,— сиз фариштасиз! Мени бу пуллар эмас, уларни соф кўнгилда таклиф қилаётганингиз қойил қолдиряпти. Мен бадавлат, юксак маданиятли, мансаб-мартабали қизга уйланишни орзу қилган эдим. Ҳайҳот, энди ўзим миллионлар эгаси бўлганимда сиздай ёш қизни, фақир бўлсаям, руҳан бой қизни учратсан бошим кўкка етарди; мен машъум ишқибозлигимдан воз кечардим, ахир бу ишқибозлик мени хароб қилияпти. Сиз билиб айтган экан-сиз.

— Бўлди!— деди у ва қочиб кетди.

Зинапояда унинг булбулдай товуши эшишилди.

«Ҳали севмаган бўлса баҳти экан!» дея, севги азоб-кулфатларини эсладим. Мана, уч ойдан буён ўзим ана шу кулфатлардан бошим чиқмай қолди.

Полинанинг ўн беш франки ниҳоятда асқотиб қолди. Феодора залда, оддий халойиқнинг ҳиди келиб турган жойда бир неча соат ўтириш қийин бўлади, деб гулдаста хоҳлаб қолди. Ташқарига чиқиб, гулдаста топиб келдим, унга қўшиб, бутун ҳаётимни, бор-бисотимни ҳам топширдим. Гулдастанинг нархи шундай қиммат эдики, олий жамиятдаги шартли расм-русмлар камбағал одамни хонавайрон қилишини ўйлаб қолдим. Кўп ўтмай, Феодора мексика ясмин гулининг ўткир ҳидигаям, томоша залигаям, қаттиқ ботадиган ўриндиқларгаям тоқат қилолмай, «Нега бу ерга обкелдингиз?»— деб таъна қила бошлади. Ёнида мен ўтирган бўлсам-да, бари бир кетишни хоҳлаб қолди; кетди ҳам. У билан шундай ёнма-ён ўтиришни икки ой орзу қилиб, кечалари ухламай чиққан эдим, бари бир кўнгли тўлмади! Ҳеч қачон бу иблис менга шу қадар гўзал, шу қадар ҳиссиз кўринмаган эди. Йўлда тор файтунда ёнмаён ўтирас эканмиз, унинг нафасини сезардим, хушбўй қўлқопи қўллимга тегиб турарди; ёнгинамда бир дунё ҳусн, мушк-анбар ҳиди — энг гўзал аёл бораётган эди; шунга қарамай, бу одам сира-сира аёлга ўхшамасди. Тўсатдан, бир лаҳзада бу сирли аёл ҳаёти мен учун туб-тубигача ёришиб кетди. Бир шоирнинг яқинда

чиққан китобини эсладим. Унда чинакам шоирона фикр Понликлет санъати билан қўшилиб кетганди. Назаримда, китобда тасвириланган махлук офицер қиёфасига кириб, қутурган отни жиловларди, ёшгина қиз қиёфасига кириб, ясан-тусан қиласиди: гоҳо қиз қиёфасида ошиқ йигитларни қийнаб, азобларди; гоҳо ошиқ йигит қиёфасида мулойим ва камтарин қизга азоб берарди. Феодоранинг сирини бошқача йўл билан очишимга кўзим етмагани учун, унга мана шу фантастик воқеани гапириб бердим. Аммо, Феодора бу воқеанинг ўз ҳаётига алоқадор эканлигини заррача пайқамади.Faқат ёш бола «Минг бир кеч» эртакларини эшитиб ҳаяжонланганидай, у ҳам даҳшатли воқеани бир эрмак, деб қабул қилди.

«Эҳтимол, Феодоранинг ҳаммадан яширадиган қандайдир сири бордир, шунинг учун у ҳар қандай ёш, жўшқин юракли йигитларнинг эҳтиросига, гўзал дардига чалинмаса керак,— деб ўйлаб қолдим йўлда, уйга қайтар эканман.— Эҳтимол, леди Делакур сингари унга ҳам рак касали азоб берар? Ҳар ҳолда, бу жувоннинг турмушида қандайдир сунъийлик бор».

Бу фикрдан аъзойи баданим титраб, қалтираб, қақшаб кетди. Шу вақт хаёлимга энг ғалати, аҳмоқона, айни вақтда, ошиқ учун оқилона бир ният келиб қолди. Бу аёлнинг руҳий оламини чуқур ўргандим, энди унинг жисмини, вужудини ҳам яхши ўрганиш учун ўзига билдиримасдан ётоқхонасида бир кечга тунаబ қолиш керак. Корсика роҳибининг юрагини қасос ўти кемирганидай, менинг ҳам қалбимни мана шу ният оташи ўртар эди. Охири ниятимни мана бундай амалга оширдим. Феодоранинг меҳмон кутадиган кунлари уникига шу қадар кўп халойиқ тўпландадики, швейцар — дарвозабон ҳам ким қолди-ю, ким кетди, билмаслиги мумкин эди. Феодоранинг уйида сездиримасдан қолиб кетишга ишониб, қачон яна бу ерда базм бўлишини сабрсизлик билан кута бошлидим. Қийинаётib, бошқа қуролим бўлмагани учун инглизча қаламтарошимни жилетимнинг чўнтагига солиб қўйдим. Шоирнинг чўнтагида қаламтарош топилса, ҳеч ким шубҳаланмайди. Бу романтик ниятим оқибати нима билан тугашини билмаганим учун, ҳар эҳтимолга қуролланиб олишини маъқул кўрдим.

Хоналар меҳмонхонага тўла бошлаганида ётоқхонага ўтиб ҳаммаёқни кўздан кечирдим; деразаларнинг панжаралари ёпиқ экан,— ишнинг бошланиши чакки эмас; хизматкор қиз дераза пардаларини тушуриш учун кириб қолмасин, деб боричларни ўзим ечиб қўйдим: хизматкордан олдин унинг уй ишини қилиб қўйиш хавфли эди, лекин, қиладиган ишим бундан ҳам хавфли бўлгани учун ўзимни хотиржам тутдим. Ярим кечага яқин деразанинг токчасига беркиниб олдим. Оёқларим кўриниб қолмаслиги учун деворга қапишиб, дер-

занинг қулфидан ушлаб олганимча нақшин деворнинг раҳига чиқиб олдим. Бундай ахволда мувозанат сақлаб туриш учун дераза пардаси билан менинг орамдаги масофани чамалаб, таянч нуқтасини топиб олдим. Вазиятнинг қийинчиликларига анча ўрганиб қолганимдан кейин бу ерда ҳеч кимга билдиримай, истаганимча туришим мумкин эди. Фақат йўталмасам, акс урмасам бўлди. Беҳудага чарчаб қолмаслик учун зарур вақт келгунича полга тушиб турдим. Ҳали вақти келганида тўрдаги ўргумчакдай осилиб туришим мумкин. Оқ ялтироқ қалин муҳайяр ва ипак — муслин пардалар органун найларида қатланиб турарди. Қаламтарошим билан тешик очиб олдим — тешикдан ҳамма нарсани кўриб туришим мумкин. Нариги хоналардан меҳмонларнинг гурунги, кулгиси, қийқириқлари эшитиларди. Шовқин-сурон ғивир-ғивирлар аста-секин тина бошлади. Бир неча эркак меҳмон граф қизининг комоди — кийим-кечак жовонидан шляпаларини олиш учун киришди. Комод ёнгинамда эди. Баъзилари пардаларга тегиб-тегиб кетишарди. Баъзи одамларнинг хаёл билан беихтиёр ҳаракат қилиб у ёқ-бу ёқни сийлаб кўришини эслаганимда вужудимни қалтироқ босди. Охири бундай кўнгилсизликлардан ҳам қутулдим, ниятим муваффақиятли амалга ошишига кўзим ета бошлади. Охирги шляпани Феодорага ошиқ бўлган бир чол олиб кетди. У ўзини хонада ёлғиз деб ўйлаб, каравотга кўз қирини ташлади ва оғир ҳўрсиниб, уф тортиб қўйди, унинг охига қандайдир қизғин бир хитоби ҳам қўшилди. Графиня ётоғи ёнидаги пардоҳонасида яна беш-олтига дўстига чой таклиф қилди. Шу ерда фийбат, кесатиқлар пиёла ва қошиқчаларнинг жаранглashingа қўшилиб кетди (ҳозирги жамиятимизнинг бирдан-бир ишонадиган нарсаси — фийбат бўлиб қолган). Расгинъяк менинг рақибларимни аямай, ўткир пичинглар билан масҳаралар, бунга меҳмонлар ичаклари узилгудай ҳахолаб кулишарди.

— Жаноб Растињак шундай одамки, у билан айтишиб бўлмайди,— деди кулиб графиня.

— Тўғри,— деди Растињак соддадиллик билан.— Мен доим нафратланганимда ҳақ бўлганман. Дўстлашганимда ҳам,— қўшиб қўйди у. Душманларим тўғриси, менга дўстларимдан кўра кўпроқ фойда етказишиади. Мен ҳозирги одамларнинг тилини, бир-бирига ташланишганида қандай қувликлар қилишини маҳсус ўрганиб чиқсанман. Министрларнинг гапдонлиги — жамиятимизнинг ютуғи. Агар ўртоғингизда ақл камроқ бўлса, сиз унинг ҳалоллигини, оқкўнгиллигини мақтанг, янглишмайсиз. Бошқа бир ошнангиз ўқиш қийин бўлган каттакон китоб чиқарса,— сиз унинг меҳнаткашлигига таҳсин ўқинг: агар китоб яхши ёзилмаган бўлса, фоялари яхши деб мақтанг. Учинчи ўртоғингиз ҳеч нарсага ишонмайди, ҳар лаҳзада фикрини ўзгартириб туради, унга

суюниб бўлмайди — лекин сиз унинг ширин, жозибали одамлигини, ҳаммани мафтун қилишини айтинг. Агар душманларингиз ҳақида гап борса, ҳеч аямай ҳамма гуноҳларни уларга юкланг, уларни ўлик деб ҳисоблайверинг. Бу борада гапирганда бошқача йўл тутасиз: дўстларингизнинг фазилатларини қанчалик ошириб кўрсатсангиз, душманларингизнинг иллатларини ҳам шунчалик ошириб кўрсатинг. Одоб-ахлоқ масалаларини текшираётганинг каттайтирувчи ёки кичрайтирувчи ойналардан қанчалик моҳирона фойдаланиш — олий жамиятда суҳбатлашиш сирини ва сарой амалдорлари санъетини билиш демакдир. Бундай қуролларни ишлатмаслик худди рицарлардай совут — яроғли одамларга қарши қуролсиз жанг қилиш билан тенғ. Мен бўлсам бундай қуроллардан фойдаланаман! Ҳатто баъзан улардан керагидан ошиқча фойдаланвораман. Шунинг учун ҳам мени ва дўстларимни ҳурмат қилишади, чунки бу ёғиниям айтиб, қўя қолай, қиличим ҳам тилимдай кескир, жаноблар.

Феодоранинг энг оташин муҳлисларидан бири, сурбетлиги билан машхур (худди шу хислати туфайли жамиятда эътибор топган) йигит Растињак нафрят билан ерга ташланган қўлқопини кўтариб олди! — у билан курашгә кирди. У менинг тўғримда гап бошлаб, истеъдод, қобилиятларимни ва ўзимни ошириб мақтай бошлади. Фийбатнинг бу турига Растињак парво қилмади. Графиня эса кесатиқ, мақтовларни тушунмасдан, мени аямай ерга ура бошлади; суҳбатдошлирини кулдириш учун у менинг сирларимниям, даъволаримниям, орзу-умидларимниям аямай фош қила бошлади.

— Бу йигитнинг келажаги бор,— деб, эътиroz билдириди Растињак.— Вақти келиб, у мана шу гапларингизнинг ҳаммаси учун ўч олиши мумкин; унинг қобилиятларига яраша жасурлиги ҳам бор; шунинг учун унга тил тегизадиган одам ботир бўлиши керак, негаки унинг хотираси ҳали ўтмаслашмаган...

— Шунинг учун «хотиралар» ёзади— гапни илиб кетди графиня, Растињакнинг сўзларидан кейин ҳамма жим бўлиб қолганлигидан ғаши келиб.

— ...Сохта графинянинг хотираларини ёзади, хоним,— жавоб берди Растињак.— Бундай хотираларни ёзиш учун алоҳида жасурлик керак.

— Унда жасорат кўплигига шубҳа қилмайман,— деди графиня.— У менга содиқ одам.

Шу пайт мени масхаралаётган одамлар ўртасида «Макбет»даги Банконинг арвоҳига ўхшаб тўсатдан пайдо бўлиб қолсаммикин, деган фикр хаёлимга келди. Шундай қислам, севгилимдан айрилардим, ахир унинг ўрнига дўстим бор-ку! Аммо, севгим туфайли мен қўрқоқ ва айёр бўлиб қолгандим, бу зиддиятли ҳоллар ғам-кулфатимизни ҳам ўзимизга унчалик сездирмайди.

«Эҳтимол, Феодора мени севганини яшириш учун аёвсиз ҳазиллар билан ҳаммани чалфитатгандир?— деган ўйга бордим.— Ахир неча марта кўрганман, юракдан бошқа гап, оғиздан бошқа гап чиқади-ку!»

Охири графиня билан бир ўзи қолган шаддод рақибим ҳам кетишга чоғланди.

— Наҳотки! Дарров-а?— нозли эркалаб гапирди графиня, бундан бутун вужудим қақшаб кетди.— Яна бир лаҳза вақтингизни мендан аяйсизми? Демак, менга айтадиган ҳеч қандай гапингиз қолмапти-да? Мени деб, бирорта эрмагингиздан воз кечолмайсизми?

Меҳмон кетди.

— Ўф-ф!— ҳайқирди қиз эснаб.— Ҳаммаси ўлгудай зиқна одамлар!

Графиня жаҳл билан сонетканинг бөғичидан тортди, хонада қўнғироқ жиринглади. Графиня „Priā che spunti“¹—дея куйлаганича ётоғига кирди. Ўнинг куйлашини ҳеч ким ҳеч қачон эшитмаган; бу «гунглик»дан ҳамма ҳар хил хаёлга борар эди. Айтишларича, бу қизнинг биринчи севгилиси жуда рашкчи экан, у графинянинг куйлаш талантига мафтун бўлиб, «Мен ўлганимдан кейин ҳам ҳеч кимга куйлаб бермайсан»,— деб шарт қўйган, қиз эса: «Айтганинг бўлсин, сенга бахш этилган лаззатлар бошқа ҳеч кимга Насиб этмайди»,— деб ваъда берган эмиш. Бу оҳангларни симириш учун бутун вужудимни қулоққа айлантирдим. Феодора яна баланд, янада баланд авж ола бошлади; ўзининг овозидан ўзи ҳузурланар, товуши тобора ранг-бараңг оҳанглар билан бойир, куй қандайдир илоҳий қудрат касб этар эди. Графиня оҳангни яхши ҳис қиласди, товуши жарангли ва тиниқ эди, овозининг аллақандай гаройиб лаззатбахш товланишлари юракни орзиктириб юборарди. Мусиқачи аёллар деярли ҳамиша ошиқ бўлишади. Шундай ажойиб куйлаган аёл сева билиши ҳам керак эди. Товушининг гўззалиги усиз ҳам сирли бўлган бу аёлнинг яна бир сири борлигини кўрсатарди. Ҳозир сени қандай кўриб турган бўлсан, униям шундай кўриб турардим; чамамда, у ўзининг овозидан ўзи лаззатларди; севгидан маст одамдай куйларди. Феодора мана шу роидонинг асосий мавзуини тугаллаб бўлиб, камии-ӯчоқ олдига келди. Лекин, жим бўлиб қолиши билан унда хунук бир ўзгариш юз берди, чехраси сўлғинлашди, бутун вужуди ҳоргин тус олди. Актрисалик ниқобини ечгандай бўлди— ролини ўйнаб бўлди. Аммо унинг мана шу сўлғин гўззалиги ҳам одамни мафтун қиласди. Бу сўлғинлик балки актрисаликнинг қўйинлигидан ёки бутун базм кечаси асабларини таранг тутиб, чарчаганидан бўлса керак.

¹ «Тонг отгунча» [италь.] Чимарозанинг «Махфий никоҳ» операсидан.

«Хозир у ҳақиқий ўзи бўлиб қолди!»— ўйладим мен.

Феодора исинишни хоҳлагандай, бир оёғини бронза ўчоқ панжарасига қўйди, қўлқопларини ечди, билагузукларини олди, қимматбаҳо тошлар билан безатилган атр шишаchasи осилган олтин занжирчани бошидан ошириб чиқарди. Унинг ҳар бир хатти-ҳаракати чиройли, одамни мафтун қиласарди. Ҳудди мушуклар офтобда ювинаётгандага шундай ширин кўринишишади. Феодора кўзгуга қаради ва ўзи-ўзига ёқмади:

— Бугун унчалик чиройлимасман,— деди овозини чиқарид.— Юзимда ранг қолмаяпти, даҳшатли даражада тез қариябман... Бундан буён вақтлироқ ётиш керак, одамни толиқтирадиган базмларни бас қилиш керак... Аммо, нимага Жюстина кирмаяпти, нима, мени калака қилмоқчими?

Феодора яна бир марта қўнғироқни жиринглатди; хизматкор қиз югуриб кирди. Унинг хонаси қаерда экан, билмадим,— тепадан, яширин зинадан тушиб келди. Мен хизматкор қизга қизиқиб қарадим. Бу қиз одатда меҳмонларга кўринмас, аммо мен шоирона хаёлим билан баланд бўйли, хушқад, қорамағиздан келганлигини сезардим.

— Ҷақиридингизми, бекам?

— Икки марта ҷақиридм!— жаҳл қилди Феодора.— Нима, қулоғингни том босганими?

— Сизга бодомли сут тайёрлаётгандим.

Жюстина тиз чўкиб, ўчоқ олдидаги креслога ястаниб, қўли билан сочини тутамлаганича эснаб ўтирган бекасининг оёқларидан котурнга ўхшаш баланд пошнали бошмоқчаси-нинг ипини еча бошлади. Феодоранинг ҳамма ҳаракатлари табиий эди, мен таҳмин қилган яширин изтиробларнинг ва эҳтиросларнинг ѡч қандай асари кўринмасди.

— Жорж севиб қолипти,— деди Феодора,— унинг ҳисобини бервoriш керак. У бугун яна дераза пардаларини тортиб қўйди. Бу билан нима демоқчийкин?

Дераза пардалари ҳақидаги гапдан юрагим шувиллаб кетди, лекин графиня бу ҳақда бошқа гапирмади.

— Ҳаёт бирам зерикарлики!— давом этди у.— Уҳ, яна кечагидай тирнаб олмагин, тағин, мана, қара, ҳалиям тирноқларингни изи турипти.

Графиня яланг оёқларини оққуш патидан ясалган барқут туфлига қўйди ва кўйлагини еча бошлади, Жюстина эса бекасининг соchlарини тузатиш учун қўлига тароқ олди.

— Бекам, сиз эрга чиқсангиз, фарзанд кўрсангиз, яхши бўларди...

— Нима, нима? Фарзанд кўрсангиз? Оғримаган бошимга шу етмай турувди,— чинқирди Феодора.— Эр дейсан. Мени оладиган эркак ҳали онасидан түғилмаган... Қалай, бугунги соч турмаклашим чиройлимиди?

— Унчалик эмас,

— Аҳмоқ!

— Соч пахмайтириш сизга ярашмайди,— давом этди Жюстина,— сизга йирик гажак кўпроқ ярашади.

— Наҳотки?

— Тўғри-да, бекам, соч пахмайтириш оқ-сариқ аёлларга ярашади, холос.

— Эрга чиқиши? Йўқ, йўқ. Мен никоҳ учун туғилмаганман.

Ошиқ йигит учун бундай манзарани кўришдан ҳам ортиқ азоб борми? Қариндош-уруғлариям, ёр-дўстлариям йўқ сўққабош аёл; муҳаббатга ишонмаса, ҳеч қандай туйфуга ишонмаса. Ҳар қандай вужуднинг эҳтиёжи бўлган ҳасратлашишга лаёқатсиз аёл, у фақат хизматкори билан сал-пал лақиллашдан бошқа, кўнглини ҳеч кимга ёзолмаса, умумий гаплардан ёки майда-чўйдалардан нарига ўтмаса!.. Шу тобда Феодорага раҳмим келиб кетди. Жюстина бекаси эгнидаги либосларнинг боғичларини еча бошлади. Хонимнинг устидан охирги либослари тушгунча унга қизиқиб қараб туравердим. Унинг қизларга хос дуркун кўкраги кўзимни қамаштириб юборди; шаъм ёруғида оқ-пушти ҳарир ич кўйлаги ичидан кўриниб турган бадани худди ҳарир чойшаб ичидаги кумуш ҳайкалдай, тоза эди. Баданида севгилиснинг шаддодларча назаридан уяладиган ҳеч қандай нуқсони йўқ эди. Ҳайхот, гўзал бадан ҳамиша одамларнинг энг тажовузкор инятларидан ҳам ғолиб чиқади. Бека олов ёниб турган ўтоқ олдига ўтириди, у жим, ўйчан эди; хизматкор эса бу вақтда бекасининг каравоти маҳфилига осилган ганч қандилдаги шаъмни ёқаётган эди. Сўнг Жюстина илитгич-грелка олиб келди. бекасининг ўрин-тўшагини солиб, ётқизиб қўйди. У яна бир дунё майда-чўйда хизматларни бажарди, буларнинг ҳаммаси Феодоранинг ўзига ниҳоятда бино қўйишидан далолат берарди. Графиня у ёнбошидан-бу ёнбошига ағдарилди; негадир у ҳаяжонланар, хўрсинар эди; лабларидан аниқ тушуниш қийин бўлган, лекин аёлнинг бетоқатлигини англатувчи товуш сизилиб чиқди; столчага қўл узатиб, шишадагини олди-да, сутга қандайдир қорамтири суюқликдан бир неча томчи қўшиб ичди; ниҳоят неча бор хўрсинганидан кейин:

— Ё худойим! —деб хитоб қилди.

Бу сўзлар, муҳими, бу сўзларнинг жуда ғалати маънода айтилиши ич-ичимни ўртаворди. Аста-секин у қимирламай қолди. Бирдан қўрқиб кетдим; лекин кўп ўтмай ухлаётган одамнинг равон ва чуқур нафас олиши эшитила бошлади; дарпардаларни шириллатиб, аста бир четини очдим, пистирма жойимдан чиқдим, карвотга яқинлашдим ва сўз билан таърифлаб бўлмайдиган даражада завқ билан графиняга тикилдим. Шу лаҳзада у ниҳоятда чиройли, ширин бўлиб кетган эди; у ёш боладай қўлларини бошига қўйганича чалқанча ётарди, нақшин ҳарир пардаларнинг тешик гуллари орасидаги чеҳраси шундай оғатижон эдикি, уни кўриб бутун вужудим ловуллаб ёниб кетди. Мен ўзимни тутолмай қоли-

шимни назарга олмаган эканман, бу ерда қандай азобланишими билмаган эканман: ҳозир бу гўзалга шунчалар яқин ва шунчалар узоқ эдим! Ўзимга-ўзим қилиб, ҳамма азоблар ичида қовурила бошладим! «Ё худойим!» Менга номаълум бирор фикрнинг парчаси бўлган, мени минг хил ҳаёллар кўчасига олиб борган бўй сўз Феодора ҳақидаги тасавурларими ни бирдан ўзгартириб юборди. Бу хитоб ҳеч қандай маъносиз ёки, жуда чуқур маъноли бўлишиям, тасодифий ёки жуда асосли бўлишиям мумкин эди; бу сўз баҳтиёрликни ёки қайгу-кулфатни, жисмоний оғриқни ёки ташвишни англатиши мумкин эди. Эҳтимол, бу қарғиши ёки илтижодир, эҳтимол ўтмиш ёки келажак ҳақидаги ўйдир, мотамзадалик ёки хавф-сирашдир? Бу сўзларда бутун умр мазмуни, қашшоқликда ёки фарогатда ўтган умр мазмуни бор эди; бу сўзларда ҳатто жиноят яширган бўлиши мумкин! Яна бу гўзал қиёфасидаги топишмоққа учрадим: Феодоранинг қандай одамлигини шунчалик кўп йўллар билан тушунтириш мумкин эдик, оқибатда уни тушунтириш мумкин бўлмай қоларди. Уйқудаги гўзал нафасининг гоҳ заиф, гоҳ аниқ эшитилиши, гоҳ енгиллашиб, гоҳ оғирлашиши назаримда худди маъно ва туйғу англатадиган гапга ўхшарди. Унинг уйқусини, кўраётган тушларини билишга йиғилардим, шу йўл билан унинг сирларини билишни умид қиласдим; жуда кўп қарорлар, хулосалар орасида иккиланиб, ҳеч бир қарорга, ҳеч бир хулосага келломай қийналардим. Мана шу гўзал, сокин ва тиниқ чеҳрага термулар эканман, бу аёлнинг юраги йўқлигига ишонгим келмасди. Яна бир уриниб кўрсаммикин? Ўнга ўз ҳаётимни, севгимни, чеккан азобларимни айтиб берсаммикин? Балки шундай қиласам, раҳми келиб йиглармикин? Ҳеч қачон йиғламаган одам балки йиғлаб юборар? Мана шу сўнгги тажрибага бор умидларимни тикиб турган вақтимда бирданига кўчада бошланган ҳаракат шовқини ҳаёлимни бўлди. Бир зумгина Феодорани қучбогимда уйгонаётгандай тасаввур қилдим. Мен секингина унинг қўйнига кириб олишим ва бағримга босишим мумкин эди. Бу фикр юрагимни ўртаб ёнди-ворди. Мана шу ниятимдан қутулиш учун, эҳтиёткорликниям унутиб, меҳмонхонага югуриб чиқдим. Баҳтимга, тор зина йўлакка олиб чиқувчи яширин эшикка дуч келдим. Ўйлаганимдай, калит қулфнинг ўзида экан. Шартта эшикни очдим, дадил ҳовлига чиқдим ва уч сакрашда кўчага чиқиб қолдим.

Икки кундан кейин бир автор графинянинг уйида янги комедиясини ўқиб берадиган бўлиб қолди. Ҳаммадан кейин қолиб, Феодорадан эртага кечқурун эшигингизни ҳамма учун ёпиб, бутун вақтингизни менга бағишлисангиз деб илтимос қилиш ниятида у ерга бордим. Лекин ҳамма кетганидан кейин графиняга гапиришга журъатим етишмади. Соат кафирининг ҳар бир чиқиллаши мени қўрқтарди. Чоракам ўн икки бўлди.

«Агар графиня билан ҳозир ғаплашмасам, бошимни мана шу каминга уриб ёриш қолади», ўйладим ичимда.

Ўзимга уч минут муддат бердим; аммо уч минут ўтиб кетди, бошимни каминга уриб ёрмадим ҳам, юрагим сувга чўккан қозонювғичдай огирашиб қолди.

— Сиз бугун жуда сермулозаматсиз,— деди у.

— Эҳ, агар кўнглимда нималар борлигини тушунсангиз эди!— ҳайқирдим мен.

— Сизга нима бўлди?— сўради у.— Рангингиз оқариб кетяпти.

— Мен сиздан бир нарсани илтимос қилмоқчиману лекин қўрқябман.

Ў айтаверинг, дегандай имо қилди. Мен алоҳида учрашилмиз кәраклигини айтдим.

— Майли,— деди графиня.— Лекин кўнглингиздагини ҳозир айтаверсангиз бўлмайдими?

— Хаёлингизга бошқа гап келмаслиги учун айтиб қўйишим керак, сиз менга жуда катта яхшилик қилябсиз; шу кечани фақат сизнинг ёнингизда, ака-сингилдай ўтикашини хоҳлайман. Қўрқманг, мени яхши кўрмаслигингизни биламан; феълимни яхши биласиз, сизга заррача заарим тегмайди. Бунинг устига, шаддод одамлар бу хилда муомала қилишмайди. Менга дўстлигингизни исбот этдингиз, оқкўнгил, мурувватлisisiz. Шунинг учун билиб қўйинг, эртага мен сиз билан бутунлай хайрлашаман... Яна гапингиздан қайтиб ўтираман!— ҳайқирдим, графинянинг гапга оғиз жуфлаганини кўриб ва шошиб чиқиб кетдим.

Шу йилнинг май ойида, оқшом соат саккизларда Феодора иккимиз унинг гота услубидаги будуарида — хилватхонасида ўтирадик. Энди ҳеч нарсадан қўрқмасдим, баҳтим очилишига ишонардим. Мен севгилимга эришаман ёки ўзимни ўлимнинг қучоғида кўраман. Лаънат бўлсин, журъатсиз севгимга! Одам ўзининг заифлигини англаганида, ўзини бақувват ҳис қиласди. Ҳаворанг кашмирий кўйлакда графиня диванга ёнбошлаб олганди; оёқларини пастдаги ястиқчаларга ташлаб олганди. Шарқона ишак лачак унга тағин ҳам ғайрича кўрк баҳш этганди. Рассомлар одатда қадимги ибрийларни шундай лачакда тасвирлашади. Чехраси ҳар лаҳзада жозибали жилваланиб турарди, бу жилвалар шуни кўрсатадики, биз одамлар ҳаётимизнинг ҳар бир лаҳзасида янги-янги, бетакрор қиёфаларга кирамиз. Бу қиёфалар бизнинг илгариги «мен»имизгаям, келгусидаги «мен»имизгаям ўхшамайди. Феодора ҳеч қаҷон бугўнгидай мафтункор бўлмаганди.

— Биласизми,— деди у кулиб,— сиз мени жуда қизиқтириб қўйдингиз.

— Қизиқиб янгилишмагансиз!— дедим совуққонлик билан. Графинянинг ёнига ўтириб, унинг қўлларини ушладим, у қаршилик қилмади.— Сиз ажойиб куйлар экансиз!

— Лекин сиз ҳеч қачон куйлаганимни эшитмагансиз-ку! — ажабланиб хитоб қилди у.

— Зарур бўлиб қолса, эшитганимни исботлаб бераман. Шундай қилиб, чиройли куйлашингизниям ҳаммадан сир тутишни хоҳлайсизми?! Ташвиш чекманг, бу сирингизга қизиқаётганим йўқ.

Бирор соатларга яқин графиня билан бемалол ёлақиллашиб ўтиридик. Гўё Феодора нима десам йўқ демайдигандай, ўзимни эркин тута бошладим. Айни вақтда, севгилимга ҳурматни ҳам ўрнига қўярдим. Шу зайлда ҳазил-ҳазил билан графинянинг қўлини ўпишдай лутфу-марҳаматига ҳам муяс-сар бўлдим; у ишва билан нозик қўлқопини ечиб, қўлини узатди, шу заҳоти лаззатга фарқ бўлдим, гўё орзумга эришгандай эдим; бу бўсадан кўнглим тоғдай ўсиб, яшнаб кетди. Феодора ақл бовар қилмайдиган мулойимлик билан эркалашларимга йўл қўйиб берди. Лекин, мени аҳмоқона қўрқоқлиқда айбламагин, чунки сал ҳаддимдан ошсам мушук тирноқлари баданимга ботиши турган гап эди. Ўн минутларга яқин орага жимлик чўқди. Мен унинг ҳусну жамолига боқиб тўймасдим; аслида унда йўқ гўзалликларни ҳам ўзим ўйлаб чиқарган эканман. Шу лаҳзаларда у меники, ёлғиз ўзимники эди... Уни хаёлимнинг кучи етганича ўзимники қилиб олгандим; эҳтиросда ёниб, хаёлимда уни бағримга босиб, қучардим, хаёлимда у билан қўшилардим. Ўшандо мен графиняни магнетик — жозиба сеҳри билан забт этгандим. Кейинчалик нега ўшандо уни бутунлай ўзимники қилиб олмадим, деб доим афсусланиб юрдим; лекин ўшандо унинг баданини эгаллашни эмас, кўнглини эгаллашни, идеал ва мукаммал ҳаётни, гўзал орзуларни хаёл қилгандим. Бундай орзулар жуда ноёб бўлади. Ниҳоят, лаззатли дамлар охирига етганини сезганимдан сўнг гап бошладим:

— Энди эшитинг. Сизни севаман, буни яхши биласиз, буни минг мартараб айтганман, бундан ташқари, севишими ўзингиз ҳам сезган бўлишингиз керак. Мен сизни олифта йигитлардай, хушомадгўйлардай, ёки аҳмоқ шилқимлардай эмас, чинакам севдим, аммо севгингиз насиб бўлмади. Сизни деб не-не азоб-уқубатларни тортмадим. Лекин булар учун сиз айбдор эмассиз! Хуллас, сиз бир лаҳзадан сўнг ҳукминизни ўқийсиз. Биласизми, икки хил камбағалчилик бўлади. Бир хил камбағаллар жулдур кийимларда кўча-кўйда ҳеч кимдан қўрқмай юраверади, ўзиям билмаган ҳолда Диогенга ўҳшаб, борига қаноат қилиб яшайди. Мана шу камбағаллар бойлардан кўра баҳтиёрроқ бўлса керак, чунки улар ҳеч нарсадан ташвиш чекишмайди, қудратли одамларнинг ҳам қўлидан ҳеч иш келмайдиган жойда бундай камбағаллар бутун бир оламни қўлга киритадилар. Иккинчиси, дабдаба-ю, зебу зийнатлар билан ниқобланган камбағаллар; испан руҳидаги камбағаллар. Булар ўзларининг қашшоқлигини унвон-

лар билан яширишади. Булар кеккайиб, мўйналар, оппоқ либослар, сап-сариқ қўлқоплар кийиб юришади, ҳақиқий бирор ҳомийси бўлмагани учун бутун хонумонини сарфлашади. Биринчиси — оддий одамларнинг камбағаллиги, иккинчиси — муттаҳамлар, қироллар ва қобилиятли одамларнинг камбағаллиги. Мен оддий одам эмасман, қирол ҳам эмасман, муттаҳам ҳам эмасман: балки қобилиятим ҳам йўқдир. Мен буларнинг барига ўхшамайман. Менинг насл-насабим, номимга камбағаллик ярашмайди, менга гадоликдан ўлим яхши... Қўрқманг, ҳозир энди бадавлатман,— дедим Феодоранинг яхши оиласдан чиққан тиланчиларга қарагандай совуқ қарашини кўриб.— Эсингиздами, бир куни Жимназга бир ўзингиз бордингиз, мени келмайди, деб ўйлагандингиз? Тўғрими?

Феодора тўғри дегандай бош чайқади.

— Ўшанда фақат сизни кўриш учунгина охирги экю пулімдан ажралганман... Ҳайвонот боғида сайр қилганингиз эсингиздами? Ўшанда бор пулімни сизга файтун олишга сарфладим.

Мен Феодорани деб чеккан барча заҳматларимни, бутун ҳаётимни гапириб бердим. Ҳозир сенга гапириб бергандай маст-аластлик билан эмас, чин қалбимдан, тўлиб-тошиб гапиридим. Эҳтиросларимни юракдан чиққан ёниқ сўзлар билан тўкиб солдим. Бундай алангали сўзларни санъатда акс этириш ҳам, хотирада сақлаб қолиш ҳам мушкул; улар ҳозир унутилиб кетган. Айтганларим рад этилган севги ҳақидаги қизғин қисса эди: қудратли ва гўзал севгим туфайли ёниқ сўзлар ўз-ўзидан қўйилиб келар, лаззатли ишқ мастилиги билан айтилган бу сўзларда бутун умримнинг мазмуни, куйган кўнгил фарёди бор эди. Жанг майдонида ўлаётган одамнинг сўнгги илтижолари шундай бўлади. Графиня йиғлаб юборди. Мен жимиб қолдим. Ё раббий! Унинг кўз ёшлари сохта ҳаяжон меваси эди. Беш франкка билет олиб кирилган театрда одамларни худди шундай ҳаяжонлантириш мумкин; артистликни ҳам яхшигина уddaлаган эдим.

— Агар билганимда,— деди графиня.

— Йўқ, гапирмай қўя қолинг!— ҳайқирдим мен.— Ҳозиррам шунчалик қаттиқ севаманки, ҳатто сизни ўлдиришга қурбим етади...

Графиня қўрқиб, қўнғироқ боғичига қўл узатди. Мен кулиб юбордим.

— Ҷақириб ўтирунг,— дедим яна.— Умрингиз охиригача тинчингизни бузишни хоҳламайман. Сизни ўлдиришдан нафратланаман! Зўрлик қилади деб қўрқманг: кечаси билан ёнингизда бўлганман, лекин...

— Нима?— чинқирди графиня қизариб.

Бундай гапни эшитганда ҳар қандай аёл, ҳатто энг уятсиз аёл ҳам уялиб кетиши турган гап эди; лекин графиня дарров ўзини қўлга олди ва менга бошдан-оёқ жирканиш би-

лан қараб, деди:— ҳар ҳолда, жуда совуқотган бўлсангиз керак!

— Билиб қўйингки, чиройингиз мен учун унчалик қадрли эмас,— дедим унинг нимадан ташвишланганини сезар эканман.— Мен учун чеҳрангиз — кўнглингизнинг кўзгуси эди. Кўнглингиз чеҳрангиздан ҳам гўзал, деб ўйлардим. Ахир аёлни фақат аёл деб биладиган эркаклар ҳар кеча ҳарамга муносаб гўзалларни сотиб олишлари мумкин, арzonгинà пулга айш-ишрат қилишлари мумкин... Лекин мен иззатталаб эдим, сизга кўнгил қўйиб, кўнглингизни олиб яшашни хоҳлардим. Афсуски, сизда кўнгилнинг ўзи йўқ бўлиб чиқди! Энди буни билиб олганман. Сизга эришган эркакни ўлдиришим мумкин эди. Йўқ, ўлдиримасдим, чунки сиз ўша одамни севардингиз, унинг ўлимидан изтироб чекардингиз... Оҳ, менга кўп азоб бердингиз!— ҳайқирдим охири.

— Агар мана бундай ваъда кўнглингизга тасалли берса,— деди графиня шўхлик билан,— сизни ишонтириб айтамаки, мен ҳеч кимга кўнгил бермайман...

— Сиз худонинг ўзига қарши чиқабсиз, бунинг учун албатта жазоингизни тортасиз!— графинянинг гапини бўлдим. Шундай кун келадики, сизга шовқин ҳам, ёруғлик ҳам ёқмай қолади: худди гўрда ётгандай, диванда ёлғиз ётганингизда чида бўлмайдиган азоблар ичida қоласиз. Секинлик билан узоқ чўзилган бу азоб-уқубатларга қандай тушиб қолдим, деб сабабларини излайсиз; ўшанда ўз йўлингизда қандай қилиб ўнгу-сўлга ғам-кулфат сочиб ўтганингизни эсланг! Ҳамма жойда ғам-кулфат уруғларини сепгансиз, эвазига нафрат ҳосилини йигиб оласиз. Биз одамлар ўзимиз-ўзимизга ҳакаммиз, биз адолат қўлида хизмат қилувчи жаллодлармиз. Ер юзида охири ана шу адолат ҳукмронлик қиласиди, адолат ҳукми — одамларнинг ҳукмидан баландроқ, худонинг ҳукмидан эса пастроқ.

— Оҳ, сизни севмаганим учун қандай ёвуз бўлиб кетибман!— масҳараалаб кулди графиня.— Лекин севмаганим учун айбдор эмасман-ку. Ахир эркак зотини севомайман, шунинг ўзи кифоя. Ёлғизликда ўзимни баҳтли сезаман. Ўз эркимни, сиз айтган худбийларча эркимни нега чўрйликка алмашар эканман? Никоҳ — бу шундай сирли маросимки, бу сирдан огоҳ бўлиш — ғам-кулфатни билишдай гап. Ахир феъл-авторим шундай, деб сизга тўғрисини айтганман-ку! Нега дўстлигим билан қаноатланмадингиз? Сизнинг эқюларингизни ҳисоблаб кўрмай берган озорларим учун яраларингизга малҳам қўйгим келади. Лекин фидойиликларингиз, ҳурмат-эҳтиромингизга севишдан бошқа йўл билан миннатдорлик билдириб бўлмайди-ку. Мен бўлсам, сизни шунчалик кам севаманки, бу можаро ғашимиш келтиради, холос.

— Кечирасиз, қандай кулгили аҳволга тушиб қолганим-

иши яхши сезиб турибман,— дедим астагина кўз ёшларимни аранг тийиб турар эканман.— Ахир сизни шунчалар севаманки, шафқатсиз сўзларингизни ҳам ҳузур қилиб эшитаман. О, сизга бўлган муҳаббатимни қонимни тўкиб бўлсаям ишботлашга тайёрман!

— Бу машҳур сўзларни ҳамма эркаклар озми-кўпми маҳорат билан айтишади,— аввалгида кулиб эътироz билдириди графиня.— Лекин пойимизда ўлиш осон иш бўлмаса керак, негаки, ҳамма ёқда ўламан, деган шундай одамларнинг ўйнаб-кулиб юрганини кўраман... Кеч бўлиб қолди, ухлаш керак, марҳамат қилиб, холи қолдирсангиз.

— Икки соатдан кейин эса «Ё худойим!» деб ҳайқирависиз?

— Уч кундан бери шундай. Тўгри,— деди Феодора.— Ушанда маклеримни ўйлагандим; унга беш процентли ренталарни уч процентлисига алиштариб қўйинг, дейинши эсимдан чиқарибман, ахир кундузи уч процентли ренталарнинг пархи тушган эди-да.

Бу сўзларни эшитиб, ғазабдан кўзларим ёниб кетди. О, шу вақтда қилинган жиноят достондай гўзал бўлишини тушундим! Эҳтиросли севги изҳор қилишларга бу жувон кўнишиб кетган экан. Тўгриси, у ҳалиги гапларимни ва кўз ёшларимни бир зумда эсидан чиқарган эди.

— Франция пэри бўлса тегармидингиз?— вазмин сўрадим ундан.

— Агар герцог бўлса тегишим мумкин.

Шляпамни олиб, таъзим қилдим.

— Эшиккача кузатиб қўйишга рўхсат этинг,— деди Феодора одамни ўлдирадиган киноя билан бошини хиёл қийшайтириб.

— Ҳоним...

— Лаббай, жаноб?...

— Сизни бошқа кўрмайман.

— Кошкийди,— деди графиня такаббурлик билан бош иргаб.

Феодоранинг мана шу такаббурона ишораси вужудимни ўртаб, негадир телбаларча илҳомим келиб кетди:

— Герцог хотини бўлишни истайсиэми? Унвонлару иззат-хурматлар бошингизни айлантирадими? Бўпти! Фақат сизни севишимга йўл қўйсангиз бўлгани, қаламим танҳо сиз учун, овозим танҳо сиз учун, ҳеч киши билмас жону жаҳоним бўлинг, ҳаётим осмонида ёруғ юлдузим бўлинг! Фақат министр бўлганимда, Франция пэри, герцоги бўлганимда менга тегишига ваъда беринг... Сиз ким бўлишимни хоҳласангиз ўша одам бўламан.

— Яхши адвокат кўлида ўқиганингиз бекор кетмапти,— кулимсираб деди Феодора,— сўзларингизда ҳарорат бор.

— Сенда бугунги кун бор, менда эса келажак!— ҳайқидим кетиш олдидан.— Мен фақат аёлдан ажраламан, сен эса

оту зотингдан, оилангдан ажраласан. Вақт мен учун ўч олади: у сенга хунуклик ва ёлғиз ўлим, менга эса шон-шұҳрат келтиради.

— Чиройли хulosangiz учун ташаккур,— деди графиня, эснаб юборишдан ўзини аранг тийб, бутун вужуди билан мендан тезроқ қтулишни ўйлар экан.

Бу сўзлардан сўнг жимиб қолдим. Кўзларимда графиняга нафратимни билдирганимча чопқиллаб чиқиб кетдим. Энди мен Феодорани унугашим, ақлу ҳушимни йигиб олишим, ёлғиз гўшадаги меҳнатимга қайтишим ёки ўлишим керак эди. Шундай қилиб ўз олдимга жуда катта вазифа қўйдим: мен асарларимни ёзиб тугатишим керак. Икки ҳафта сурункасига болохонадан тушмасдан ишга ўйнфидим. Алам ва изтиробдан илҳомланиб, шунча ўзимни мардона тутсам ҳам ишим юришмади, бўлининиб-бўлининиб қолаверди. Илҳом париси мени тарк этди. Феодоранинг гўзал қиёфаси, мени масҳаралаб туриши сира кўз ўнгимдан кетмасди. Нимани ўйласам, бошқа бир дардли, азобли фикр, дардли истак виждан таънасидай мени таъкиб қилиб турарди. Мен Фиваида дарвешларига тақлид қилардим. Тўғри, мен улардай ибсадат қилмасдим, лекин улар каби саҳрова яшардим; мен ғорларни кавлаш ўрнига қалбимни ўйиб, титкилардим. Ҳатто руҳий азобларимни камайтириш учун белимга тиканли белбоғ ҳам боглашга тайёр эдим.

Бир куни оқшом пайти хонамга Полина кириб келди.

— Бунақада ўзингизни хароб қиласиз-ку,— ялинчоқ оҳангда деди у.— Сиз ҳавога чиқиб, ўртоқларингиз билан кўришишингиз керак.

— Оҳ, Полина, айтганингиз келяпти! Феодора мени адойи тамом қилди, ўлгим келяпти. Ҳаётдан тўйиб кетдим.

— Нима, дунёда ундан бошқа аёл зоти йўқми,— кулим-сираб сўради Полина.— Нега ҳадеб. ўзингизни қийнайсиз? Ахир умр бусиз ҳам қисқа-ку.

Полинага паришон қараб қолдим. У мени ёлғиз қолдирб чиқиб кетди. Унинг қандай чиқиб кетганини сезмадим, товуши эшитиларди-ю, сўзларининг маъносига тушунмасдим. Шундан сўнг сал вақт ўтгач, қўллэzmани адабий пурратчиға элтиб беришга чоғландим. Йишқ билан маст бўлиб, пулсиз қандай яшашим мумкинлигини ўйламаган эканман. Фақат шуни билардимки, менга тегадиган тўрт юз эллик франк қарзларимни узишга етади. Шундай қилиб гонорар — қалам ҳақимни олишга бораётib, йўлда Растињакни учратиб қолдим. Айтишича, жуда ўзгариб, озиб-тўзиб кетибман.

— Қайси касалхонадан чиқдинг?— деб сўради у.

— Бу аёл мени тамом қияпти,— жавоб бердим,— ундан нафратланиш ҳам, уни унугаш ҳам қўллимдан келмаяпти..

— Яхшиси, уни ўлдириб қўя қол, шунда орзулашни бас қиласан!— қийқириб кулди дўстим.

— Букиям ўйлаганман,— иқрор бўлдим.— Баъзан кўнглимда жиноят, зўрлик ёки қотиллик қилишни, ёки унисиниям, бунисиниям қилишни ўйлаб ўзимни овутаман. Лекин бу ишни шолмас эканман. Графиня шундай мафтункор махлуқки, у шафқат тилаб, илтижо қилганида кўнглим бўшашиб кетади. Ахир ҳаммамиз ҳам Отелло эмасмиз-ку.

— Уям бизни назарга илмайдиган ҳамма аёлларга ўхшаган бир аёл-да,— гапимни бўлди Растињак.

— Ақлимдан озябман!— деб ҳайқирдим.— Баъзи вақтларда миямда жиннилик шовқин-тўполон қилаётганини сезаман. Ўларим худди арвоҳларга ўхшаб ўйин тушишади, уларни тутолмай қоламан. Бундай яшагандан кўра ўлган яхши. Шунинг учун мен чин кўнгилдан бу савдодан қутулишнинг энг яхши йўлини қидиряпман. Гап Феодорадамас, Сент-Оноре даҳасидаги Феодорадамас, мана бу ердаги Феодорада!— деб пешонамга ура бошладим.— Дарвоќе, афюн ҳақида фикринг қалай?

— Нима деябсан! Даҳшатли азоб-ку,— жавоб берди Растињак.

— Исадан заҳарланиш-чи?

— Ифлослик!

— Сена дарёси-чи?

— Тўрларам, ўлихоналарам жуда ифлос.

— Тўппонча билан ўзимни отсам-чи?

— Тегизолмасанг умр бўйи мажруҳ, бадбашара бўлиб қоласан,— деди Растињак.— Ҳамма йигитлар сингари меңнам бир вақтлар ўзимни ўлдиришни ўйлаганман. Орамизда ўттиз ёшгача икки-уч марта ўзини ўлдирмаган одам борми? Лекин мен лаззатларда ўзимни қийнашдан бошқа ҳеч қанақа иложини тополмадим. Айш-ишратга ғарқ бўлиб кетсанг, ишқингни унутасан... ёки ўзингни унутасан. Узингни лаззатдан тиймасанг — ўлимларнинг энг катта подшоси шу. Ахир тутқаноқ дарди худди шундан эмасми? Тутқаноқ,— пистолетдан аниқ нишонга уриш билан тенг. Ишрат базмлари жисмоний лаззат беради: шунинг ўзиям афюн эмасми; факат афюннинг майдалангани, холос! Базмлар бизни меъерсиз ичишга мажбур қилиб ҳаёт-мамот жангига чақиради. Ахир герцог Кларенс ишлаган мальвазия шаробининг бир бочкаси Сена остидаги балчиқдан кўра ёқимлироқ эмасми? Ҳар сафар ўлгудай маст бўлиб, стол тагига ағанаганимизда ис тегиб ҳушимиздан кетгандай бўламиз-ку! Агар бизни соқчилар топиб олса кордегардия — ҳушёрхонадаги совуқ нарларда чўзилиб ётишимиз худди ўлихонанада ётишга ўхшамайдими, қорнимиз совуқдан шишиб, ноғора бўлиб, кўкариб, гезарив кетади, устига-устак бу аҳволимизга эзиламиз.— Эҳ, бундай аста-секин ўлиш — касби синган баққолнинг ўлимидан минг чандон оғирроқ эмасми? Баққоллар дарёning ҳам ҳурматини бир пул қилишди, улар судхўрларининг раҳ-

мини келтириш учун ўзларини сувга ташлашади. Сенинг ўрнингда бўлсам, мен чиройлироқ ўлишни афзал кўрадим. Агар ўлимнинг янгича хилини топмоқчи бўлсанг, боя айтгандай ҳаётни яккама-якка жангга чақир; мен сенга секундант — ҳакам бўламан. Зерикканимдан ёрилиб кетай деябман, роса афсусланябман. Менга қайлиқ деб топишган эльзаслик қизнинг чап оёғида олтига бармоғи бор экан. Мен олти бармоқли қиз билан қандай яшайман?! Одамлар билиб қолса, калака қилишади. Унинг даромади атиги ўн саккиз минг франк бўлиб қопти. Унинг мол-мулки камайиб боряпти, бармоқлари ортиб боряпти. Осдим ҳаммасини!. Телбаларча яшайверайлик-чи, бир куни баҳтимиз очилиб қолар!

Растинъяк мени қизиқтириб қўйди. Унинг режалари ниҳоятда маҳлиё қиларди одамни, катта умидлар уйғотарди. Хуллас, у тасвирлаган манзара жуда рангин, чиройли эди, шоирни мафтун этмай қўймасди.

— Пул-чи?— деб сўрадим.

— Ахир тўрт юз эллик франк пулинг бор-ку?

— Бор, лекин тикувчига, уй бекасига тўлашим керак...

— Тикувчига пул тўласанг сендан одам чиқмайди, ҳатто министр ҳам чиқмайди.

— Йигирма луидор билан қаёққаям бораман?

— Қиморхонага!

Сесканиб кетдим.

— Эҳ, сени қара-ю!— деди Растинъяк қўрқиб кетганимни кўриб.— Мен кашф этган кўнгил ёзиш системасини шакшубҳасиз қабул қиласану яшил мовутдан қўрқасанми?

— Қулоқ сол,— гап бошладим,— мен отамга ваъда берганман, қиморхонага қадам босмайман, деб. Бу ваъда мен учун муқаддас; устига-устак, ўшандай жойларнинг ёнидан ўтсам ҳам кўнглим озиб қолади. Мендан юз экю пул олгинда қиморхонага ўзинг боравер. Сен бор бисотимизни қиморга тикиб турсанг, мен бу ёқдаги ишларимни бир ёқли қилиб, ўйингга бораман.

Шундай қилиб десанг, азиз дўстим, ўзимни-ўзим ўтга ташладим. Йигит киши бир аёлни севиб севилмасаям, ёки севмай туриб, севилсаям тамом бўлар экан. Баҳт қувватимизни олиб қўяди, баҳтсизлик номусимиздан айиради. «Сен-Кантен» мусофирихонасига қайтиб келгач, шунча йиллик мусаффо, олимона ҳаёт кечирган мансардам — болохонамга узоқ қараб қолдим. Ўшандай яшайверганимда иззат-ҳурматларга эришардим, узоқ умр кўрадим. Мени балолар гирдобига улоқтирган ишқибозликни деб мана шу ажойиб ҳаётни тарқ этдим-а. Қайгули ўйларга чўмиб ўтирганимда Полина кириб келди.

— Сизга нима бўлди?— сўради қиз.

Мен совуқонлик билан ўрнимдан туриб, онасидан қарз

олган пулларимни санаб қўлига тутқаздим. Ярим йиллик уй ҳақиниям қўшиб бердим.

— Мен сизларни ташлаб кетябман, Полина.

— Шундай деб ўйловдим-а! — ҳайқирди қиз.

— Қулоқ солинг, бўтам, бу ерга қайтиб келиш фикримдан воз кечганим йўқ. Ярим йилгача ҳужкани мен учун банд қилиб туринг. Агар ўн бешинчи ноябргача қайтиб келмасам, сиз менинг меросхўрим бўласиз. Мана бу сўргучланган конвертда,— дедим қоғоз тўла пакетни кўрсатиб,— «Ирода назарияси» деган катта асаримнинг қўлёзмаси бор; сиз буни Қироллик кутубхонасига топширасиз. Қолган нарсаларни нима қиласангиз ўзингиз биласиз.

Полинанинг нигоҳи одамнинг юрагини эзид юборарди. Йўё у эмас, виждоним қараб тургандай эди.

— Энди бошқа сабоқ олмайманми? — сўради у форте-шакони кўрсатиб.

Мен индамадим.

— Хат ёзиб турасизми?

— Хайр, Полина.

Мен қизни бағримга тортиб ҳали ерга тушмаган қордай мусаффо пешонасидан акаларча, оталарча ўпид қўйдим. У қочиб кетди. Годэн хонимни кўрмай қўя қолай дедим. Ка-литни одатдаги жойга илиб, ташқарига чиқдим. Клюни кў-часининг муйилишига етганимда қиз боланинг енгил қадам товушлари эшитилди.

— Мен сизга ҳамёнча тикиб қўйгандим, илтимос, йўқ деманг,— илтижо қилди Полина.

Фонус ёруғида Полинанинг кўзларида ёш йилтирагандай туюлди, хўрсиниб қўйдим. Иккаламиз ҳам кўнгилимиизда бир хил нарсани сезгандай, худди вабодан қочгандай, орқамизга қарамай қочдик. Мен қадам қўйган кўнгил очадиган хўлти гаройиботлари Растињак хоналарининг жиҳозларида инфодасини топганди. Мен бу ерда мардона бир парвозсизлик билтан дўстимни кута бошладим. Камин-ўчоқнинг токчасида тошибақа устида ўтирган Венера ҳайкали бор соат чиқиллаб турар, Венеранинг қучоғида эса чала чекилган сигара бор эди. Қимматбаҳо оғоч жиҳозлар — севгилисининг совфала-ри у ер, бу ерда тартибсиз қалашиб турарди. Оромижон диван устида эски пайпоқ ётарди. Мен ўтирган қулай юм-шиоқ кресло-суюнчиқли курси қари саллотдай чандиқ-ёриқларга тўлиб кестганди. Курсининг оёқлари худди жароҳат-ланган қўлларга ўхшар, суюнчиқларида аёллар лабининг бўёқлари изи ва антиқа мойларнинг доғлари — Растињак дўстлари қолдирган излар яққол кўриниб турарди. Ка-равотда, деворларда — ҳамма жойда бойлик билан қаш-шоқликнинг аралаш излари бор эди. Бу ерни лўлилар жой-лашган неаполча сарой деган таассурот қоларди. Бу жой зеб-эйнатни ўзича тушунадиган, ҳиссиётлар билан яшаёт-

ган, нарсаларнинг бир-бирига мос келиш-келмаслигига заррача парво құлмайдиган қиморбоз, ўткинчи одамнинг хонаси эди. Ҳайтовур бу манзара нафосатдан холи эмасди. Берда ҳаёт ўзининг ялтироқликлари жулдуровоқилиги билан тасодифотларию ками-күстлари билан, аслида қандай бўлса, шундай кўринарди. Айни вақтда, бу ер олғир одам ни мани қўлга туширса ҳаммасини олиб келиб қўядиган би вуакдай жонли, гаройиб эди. Ўчоғида бир ғўла ўтини бўл масаям, минг сўмлаб пулларни қиморгага тикадиган, эгни да пишиқроқ бирор кўйлаги бўлмасаям файтунларда юрадиган бу йигит камин ўчоғининг деворини Байрон асарлари га ишланган турли-туман расмлар билан тўлдириб ташланганди. Эртага қайси бир графиня, актриса ёки қиморхона унга шоҳона кўйлак ҳадя этиши мумкин. Мана, чақмоқтоши олиб ташланган яшил тунука идишга қўйилган шаъм, ана, нақшли олтин ҳошияси олиб ташланган қиз сурати. Хўш, тинч вақтдаям худди урушдагидай зиддиятлар билан тўлиб-тошган бундай гўзал, ажойиб ҳаётдан ҳаяжонларга ўч бўлган қайси одам юз ўгиради? Энди мудрай бошлага-нимда тўсатдан Растиньяк эшикни тепиб очди ва йўлакдан қичқириди:

— Ютдик! Энди кўнглимиз тусаганча ўлишимиз мумкин!..

У олтин танга тўла шляпасини столга қўйди. Биз иккамиз икки ёввойи сингари ўлжамизнинг атрофида ўйин туша бошладик; биз ер тепиб, сакраб, бир-биримизни дўп-послардик. Бундай дўппослашга каркидон ҳам қулаши мумкин эди. Биз учун ҳозир дунёнинг ҳамма лаззатлари мана шу шляпа ичиди эди.

— Иигрма етти минг франк! — такрорларди Растиньяк олтин тангалар уомига бир неча банк чекини ҳам қўшиб. — Бошқаларга бунча пул бир умрга етади. Бизга эса ўлишимизгаям етмаслиги мумкин? Ҳа-ҳа-ҳа! Биз олтин ҳовузда жон берамиз!.. Ура!

Биз яна сакрай бошладик. Худди меросхўрлардай тангаларни ҳар биримизга битталаб-битталаб бўлдик. Қўш наполеондорлардан тортиб, йирик тангалардан майда тангаларгача, ҳар томчи шодлигимизни ҳам «менга, сенга» деб бара-вар бўлишдик.

— Бугун ухлаш йўқ! — ҳайқирди Растиньяк. — Жозеф, пуншдан олиб кел!

У содиқ хизматкорига олтин тангани отди.

— Мана бу сенинг улушкинг, — деди у, — арвоҳимиизга дуо қиласан.

Эртасига Тэбу кўчасидан янги квартира олдим, Лесаждан оғоч жиҳозлар олиб келдим, энг яхши пардозчини ҷақиридим. Отлар олдиридим, майда-чўйда, лекин чинакам роҳат-фароғат гирдобига шўнгидим. Қиморга ўргандим, катта

кatta пулларни гоҳ ютар, гоҳ ютқизар әдим; тўғри, қимор-хонага қадам қўймасдим, фақат ёру дўстларнинг зиёфат, базм кечаларида ўйнардим. Ҳамон қиморхона деганда муқаддас, ибтидоий бир қўрқувни ҳис қилардим. Дўстларим найдо бўлганлигини ўзим ҳам сезмай қолдим. Ҳар хил жанжаллар, енгилтаклик билан бир-бири мизга сир айтишлар, таврадагилар хурсанд бўлсин, деб ўзимизни ерга уришлар оқибатида дўстларимиз кўпаяди. Ҳуллас, камчиликларимиз өвзини чамбарчас боғлади. Бадий ижодда ўзимни синашга журъат қилдим, асарларимни қизғин кутиб олиши. Замонавий адабиётнинг улуғ вакиллари мени ҳавфли рақиб деб билишмасди. Улар асарларимни фазилати учун эмас, бошқаларга алам бўлсин, деб мақташарди. Зиёфатларимизда расм бўлган тил билан айтганда, мен жонидан тўйғанлардан бири бўлиб қолдим. Ор-номусимни энг шўх-шаддод ҳамнишаларимдан ичишда, йигитчиликда ўзиб кетишга, яъни ўзимни ҳароб қилишга бағишиладим. Мен ҳамиша тетик, ҳамиша башанг кийиниб юрардим. Мени тили ўткир дейишарди. Ҳолбуки ҳаётим даҳшатли экайнлигини, ич-этимни еб, қийналаётганимни, қалбим илма-тешик бўлиб, ғалвирга, тижимланиб ташланган узумга, қирchanги отга айланаби қолганилигимни ҳеч ким билмасди. Кўп ўтмай, айш-ишрат, тараллабедодликнинг бутун даҳшатли улуғворлигини кўриб, унинг энг чуқур ботқоғига ботиб кетдим! Турган гапки, меросхўрларига мўлжалланган шиша идишларга ёрлиқ-этикетка ёпишириб ўтирувчи эсли-хушли, оғир-вазмин одамлар шовқин-суронли, дабдабали ҳаётнинг назариясиниям, табиий оқиминиям билишмайди. Бунаقا ҳаёт нафосатини провинциаллар — пойтахтдан олисдаги қишлоқилар қаердан билсии; ахир улар ҳозиргачаям афюн билан чойни дори ўрнида ишлатишади. Ҳатто Парижда, тафаккур пойтахтида ҳам ана шунаقا чала сибаритларни учратамиз. Ҳаддан ташқари лаззат-ишратларга ярамайдиган бу одамлар биринчи базмадаёқ ҳолдан тойишади. Улар Россинининг янги операсини тинглаганларида умуман мусиқани лаънатлайдиган оққўнгил буржуаларга-савдогарларга ўхшайдилар. Таомдан ўзини тиядиган одамлар бир марта фоз жигаридан қийма гўшти еганидан кейиноқ ундан воз кецишади, чунки улар бундай овқатни ҳазм қилишолмайди. Оққўнгил савдогарлар ҳам шунига ўхшаш дабдабали ҳаётдан юз ўгиришади. Айш-ишрат ҳам асли поэзияга ўхшаш-бир санъат, бунинг учун ҳам қалби бой одам бўлиш керак. Айш-ишрат сирларини англаш, гўзалликларидан баҳра олиш учун уни ипидан-игнасиғача ўрганиб чиқиш керак. Барча фанлар сингари у ҳам дастлаб одамни ўзидан айнитади, тиканаклари билан жароҳатлайди. Одамнинг теран лаззатларга борадиган йўлида жуда катта тўснеклар бор. Ҳа, майда-чуйда ҳузур-ҳаловат, балки айш-ишрат русумлари одамнинг ҳаётини драматизмга-фожеалар-

га тўлдириб, куч-қувватини ҳаддан ташқари, шиддат билан сарфлашга ундан, ноёб ҳиссиётларини бир жойга тўплаб, уларни гуллатиб, мевага киритади. Уруш, санъат ҳукмронлиги — булар ҳам инсоннинг оддий кучлари етмайдиган, айш-ишрат каби одамни жалб этадиган ишқивозлик, бу-ларнинг ҳаммасига ақл бовар қилмайди.

Модомики, одам мана шу улуғ сирлар қўрғонини эгалла-лаган экан, у ўзга бир оламда голибона юриш қилаётган бўлади-ку. Лашкарбошилар, министрлар, рассомларнинг ҳаёти одатдаги тирикчиликдан фарқланади. Улар ўз ҳаётларида жуда ўткир кўнгил очишлар истагида бузуқлик йўлига киришади. Уруш ҳам охир-оқибатда — қонли айш-ишрат, сиёсат эса турли манфаатдаги одамлар бир-бири билан тўқнашадиган бузуқчилик. Ҳамма исрофгарчилклар бир-бирига яқин қариндош бўлади. Жарликлар одамни жалб этгандай, мана шу ижтимоий хунуқликлар ҳам одамларни мафтун этади. Худди Наполеонни авлиё Елена ороли ўзига жалб этганидай, бузуқликлар бизни ўзига чорлаб туради. Улар бошлини айлантиради, сехрлаб қўяди, нима учунлигини ўзимиз ҳам билмасдан ўзимизни тубсиз жарлик қаърига ташлаймиз. Балки, мана шу тубсизликдаги чексизлик бизни мафтун этар? Балки бу тубсизликда инсон ғурурини қондирувчи алланима бордир? Балки шунда бизнинг тақдиримизга ҳамма эътибор берар? Тинка-мадори қуриган ижодкор фароғатли машғулот соатлари, ижод завқ-шавқига қарама-қарши ўлароқ, балки тангридай ҳордиқ кунини талаб қилар, балки шайтондай жаҳаннамий лаззатларни талаб қилар? У шундай қилганида ўткир ақлий фаолиятига яраша ҳиссий фаолият кўрсатгиси келар? Оддий рантьени мафтун этадиган бостон ўйини вақтида валақлаш лорд Байрон учун фароғат эмас, албатта. Шоҳ Махмуд бутун-бутун давлатларни ўртага тикиб қимор ўйнаганидай, Байронга ҳам Греция керак эди. Ахир одам урушда ўзини азроилдай, жаллоддай тутади, фақат минглаб одамларнинг жонини оладиган жаллоддай. Эҳтиросларимиз гулшанини чақириканаклар қуршаб олганидай, нозик-нафис вужудимиз шафқатсиз изтиробларга бардош беради. Одам бунчалик бардошли бўлиши учун алоҳида фусункор гўзаллик керак. Ҳаддан ошиқ тамаки чекадиган шинаванда оёқ-қўллари чангак бўлиб, жони талvasага тушганга ўхшайди. Аммо у кайф қилиб, не-не ўлкаларни қўлади, не-не улуғ байрамларда қатнашади. Тиззасидан қонга белангтан Европа ҳали оёқларини артиб улгурмай қайта-қайта уруш домига тортилмадими?

Табиатнинг ўзида севги талвасалари бўлганидай, эҳтимол, одамларда ҳам шунга ўхшаш мастилик бўлар? Алоҳида бир одам учун, тинч вақтда иши юришмаган ва бўронларни орзу қиладиган қайсиdir Мирабо учун кайф-сафо — бутун бир дунё. Кайф-сафо — бу тинимсиз олишув; тўғрироғи,

умр бўйи номаълум, қудратли махлук билан яккама-якка жанг қилиш. Аввалига, махлук қўрқинчли туюлади; лекин унинг шохини қайириб олиш керак; бу жуда оғир. Фараз қилайлик, табиат ошқозонингизни кичик қилиб, ўзингизни қилтомуқ қилиб яратган. Аммо сиз мана шу кичик ошқозонингизни ирова кучи билан кенгайтирасиз, шаробларни ҳазм қилишга, мастиликка ўргатасиз; кечалари ухламайсиз ва ниҳоят, ўзингизни гусар полковнигидай басавлат қилиб қайта яратасиз; бу билан тангри-таолоға қарши иш қиласиз! Эски жангчи кўнглини замбараклар гумбўр-гумбурига, оёқларини узоқ юришга ўргатгандай, одам ўзини-ўзи ўзгартиради. Мана шу ўзгариш пайтида янги кириб келган одам ҳали махлукقا асир эканлигини билмайди; ҳали одам билан махлук ўртасида ким ҳокимлиги аниқланган эмас. Тўсаётдан улар бир-бирига ташланишади, ким-кимни енгади? Бу ўзгаришлар шундай жойда юз берадики, у ерда ҳамма нарса — мўъжизот, у ерда дил изтироблари ҳали мудраб ётади ва фақат тояларгина арвоҳлардай шарпа қилиб юради. Мана шу шафқатсиз кураш бора-бора заруриятга, эҳтиёжга айланади. Афсоналарда айтилишича, ёвузликда қудратли бўлиш учун жонини, имонини Иблисга сотган сон-саноқсиз қаҳрамонлар бор. Истрофгар ҳам ўз кўнглида ана шу қаҳрамонлар қиёфасига киради. Истрофгар ҳаётдан олган қувончнинг ҳақини тўлаш учун жонини беради, аммо у олам-олам қувонади ахир! Дўкон ёки Идора деган дарёларнинг қирғоқларида жилдираб оқиш ўрнига истрофгар селдай тўлиб-тошиб оқади. Ва ниҳоят, инсон руҳи учун самовий лаззатлар қанчалик зарур бўлса, бадан учун ҳам жисмоний лаззатлар шунчалик зарур. Мастилик бизни хаёллар оламига ғарқ этади. Руҳий жазава пайтида кўзга кўринадиган ғаройиботлар мастилик пайтида ҳам кўринади. Мастилигимизда вақт жуда завқли ўтади; ёш қизнинг ширин ноз-ишвалари, дўстлар бидан дил-каш суҳбатлар, бир умрга татийдиган сўзлар, беғубор ва савимий шодликлар, одамни чарчатмайдиган сайр-саёҳатлар, бир неча жумлада акс этган достонлар — ҳаммасига мастилик вақтида эришамиз. Шу билан ўзимиздаги махлукни овутамиз, кўнглини ёзамиз. Бу махлукнинг жони қаердалигини билиш учун фан узоқ йиллар овора бўлади. Ана ўша овун-коқлардан сўнг сеҳрли бир ҳушсизлик оғушига чўмамиз. Ақлидан безор бўлган одамлар шундай ҳушсизлини қўмсаб хўрсинади. Шундан сўнг одам узоқ ором олишни хоҳлаб қолади. Даҳо одамлар кайф-сафо билан ёвузликка солиқ тўлашади. Ҳамма буюкларга эътибор бергин-а: улар ё ишратпараст бўлади ё майиб-мажруҳ бўлади. Қандайдир мас-харабоз ёки ҳасадгўй куч буюкларнинг руҳини ёки вужудини бузиб қўяди, даҳоларнинг қобилиятларининг таъсирини тийиб туради. Мастилик чоғларингда одамлар ва буюмлар хаёлот ичида кўринади. Жамики мавжудотларнинг тожи

бўлган одам, сен оламни ўз билганингча ўзгартирасан. Мана шу тинимсиз алаҳсираш, безгак ичидаги ўз ихтиёринг билан томирларингга эриган қўрғошин қуюлади. Ажойиб кунлардан бирида сен маҳлуқ домига тушиб қоласан. Ана шунда мен сингари ҳушингга келиб қарасанг, ҳолсизликни, ҳорғинликини кўрасан. Қарабсанки, чиниқсан жангчи — силга чалинибсан; илгари дипломат, сабр-бардошли бўлган одам — юрагинг санчадиган, фижимлайдиган бўлиб қолибсан; ҳаётинг қил устида турибди. Бир вақтлар кўкрак оғриги Урбинодан чиқсан Рафаэлга «Умринг битди!» деган эди. Рафаэлни ортиқча севги ҳалок қилганди. Бир кун келиб кўкрак оғриги менгаям «Бас, етар!» деганини билмай қоламан. Мана шу зайлда яшадим, оғайнини. Мен дунёга бевақт келибман ё бўлмаса жуда кечикиб келгандирман. Аслида куч-қувватимнинг тифини шу зайлда ўтмаслаштирасам, бу ердагиларга хавф туғилиши мумкин эди. Ахир базм охирлаб қолганида Хераклнинг шароб косаси бутун оламни Александрандган қутқарди. Охир-оқибат ҳаётда баҳти очилмаган одам ё жаннатга киради, ё дўзахга, ё кайф-сафога ботади, ё ибодатхонадан паноҳ топади. Ҳозир мана бу икки вужӯдга одоб ўргатишга журъатим етишмади,— деди Рафаэль уйқудаги Евфрасия билан Акилинани кўрсатиб.— Ахир булар тақдиримнинг кўзгуси бўлиб туришипти. Мен уларни айблаёлмадим, чунки уларнинг ўзлари мени айблаб туришипти.

Мана шу жонли достоннинг ўртасида, одамни ухлатувчи мана шу дард оғушида ҳар ҳолда икки марта юрагимни куйдириб юборган воқеа бўлиб ўтди. Биринчи марта Сарданапалга ўшшаб ўзимни ўтга ташлаган вақтимда дард мени чанглаб қолди. Италян театрининг вестибиюлида Феодорани учратдим. Биз файтуналарни кутиб тургандик. «О, сиз ҳалиям тирикмисиз?»— Феодоранинг мен томонга қараб кулимсираб, ўзининг чичисбейи — ҳамроҳига аллақандай маккорона сўзларни айтишидан шу маънони уқиш мумкин эди. Албатта, у щеригига менинг тарихимни гапириб берар, севгимни бачканга севги деб баҳолар эди. У ўзининг гўё узоқни кўра билишидан қувонарди. О, бу қизни деб ўлиб бўлсам; уни яна севсам; мастлик вақтимда, куртизанкалар — маҳбублар даврасида кайф-сафо қилиб ўтирганимда ҳам унинг калака қилишларига нишон бўлсам, бу қандай бедодлик. Юрагимни ёришга, кўксимдан севгимни сууриб, унинг оёқлари остига ташлашга журъат қилолмасам!

Кўп ўтмай, бор бисотимни сарфлаб тугатдим. Лекин учийил тўғри, ҳалол турмуш кечирганим учун соғлиғим жуда яхши бўлиб қолганди. Бор пулларимдан айрилган куним жуда бардам, тетик эдим. Ўзимни-ўзим аста-секин ўлдиришни давом эттириш учун бир нечта қарз вексели бергандим; тўлов куни келиб қолди. Шафқатсиз ташвиш-ҳаяжонлар одамни адойи тамом қилади. Лекин ташвишлар ёш йигитлар-

ни тетиклаштиради. Мен эса тез қариш учун туғилган эмасман. Қўнглим жуда ёш, қайноқ, тетик эди. Биринчи берган векселимдан кейин аввалги вақтлардаги ор-номусим қайтиб келгандай бўлди. Бу ишимдан ранжиган ор-номусим аста келиб, қаршимга туриб олгандай бўлди. Худди пул сўраганимда хафа бўлган, охири ғудраниб-ғудраниб, пул чиқариб берган амма-холамдай ор-номусимни бир амаллаб гапга кўндиридим. Ҳақиқий ҳаётдан кўра хаёл, тасаввурим шафқатсизроқ эди. Қарзимни тўлолмай, ор-номусимдан айрилганим учун номимни Европа бўйлаб, шаҳарма-шаҳар сазои қилишади. Номимиз — ўзимиз!— деган эди *Евсевий Сальверт*. Мен бир немиснинг соясидай сарсон-саргардонликдан кейин яна ўз ҳужрамга келган эдим. Гўё бу ердан ҳеч қачон чиқиб кетмагандайман, узоқ уйқудан уйғониб кетгандайман. Бир вақтлар Париж кўчаларида изғиб юрган, ўз хўжасининг герби туширилган кулранг кийим кийган, коммерция, олди-сотдининг кўзгуси бўлган, кумуш тутма таққан банк югурдакларига бепарво қарадим. Энди эса учратмасимдан улардан нафратланардим. Ахир шулардан бирортаси эрталаб уйимга келиб мен берган ўн битта векселнинг жавобини талаб қилиб қолса нима қиласман? Имзомнинг қиммати уч минг франк, ҳатто ўзимнинг қимматим шунча эмас! Кўз олдимга суд миришлари келаверди. Ҳар қандай қайгу, кулфатдан, ҳатто ўлимдан ҳам таъсиранмайдиган бу миришлар маҳкум олдига келиб «Соат уч ярим бўлди! Вақтинг битди!»— дейдиган жаллодларга ўхшайди назаримда. Буларнинг котиблари мени тутиб, номимни ўзларининг ифлос қоғозларига ёзиб, истаганча булғаб, масхара қилишлари мумкин. Мен қафзорман! Ахир қарздорнинг эрки ўзида бўлармиди? Ахир энди бегона одамлар мендан қандай яшадинг деб ҳисоб-китоб сўрашлари мумкин. Эҳ, нега мен а-ля чиполати деган пудинг — майизли қўймоқ едим экан-а? Нега шампань виноларини ичдим-а? Нега ухладим, юрдим, ўйладим, кўнгил очдим? Ахир шулар учун пул тўлаш керакку! Шеър ўқиб ҳузур қилаётганимда ёки қандайдир ўйга чўмганимда, ё бўлмаса нонушта пайтида дўстларим даврасида ҳазил-мутойиба, хурсандчилик қилиб ўтирганимда тўсатдан қаршимда жигарранг фрак кийган, эскирган шляпасини қўлига олган жаноб пайдо бўлиб қолади. Разм солсам бу жаноб — Векселим, Қарзим экан. Мана шу арвоҳни кўрганимда хурсандчиликим йўқолиб, еган-ичганим заҳар бўлади. Қарзим мени дастурхон олдидан туриб, ўзи билан гаплашишга мажбур қиласди. Шод-хуррамлигимни, севгилими, ҳатто ўрин-тўшагимни тортиб олади. Ҳа, виждон азоблари Қарздан кўра муруватлироқ экан, бу азоблар одамин кўчага ҳайдаб чиқармайди, Сент — Пелажи турмасига ташламайди, гуноҳларнинг ажойибхонасига киритиб юбормайди. Азоблар одамин дор остидан бошқа ҳеч қаерга

олиб бормайди, дор остида эса жаллод бизни гуноҳлардан фориф қиласди: қатл чоғи ҳамма бизнинг гуноҳсиз эканлигимизга ишонади. Ҳолбуки, хонумонидан айрилган таралла-бедодчининг заррача поклигига жамият ишонмайди. Устига-устак сукно кийган, мовий кўзойнак таққан, охори тўкилган соябон тутган бу икки оёкли қарзлар чорраҳада дуч келиб, юзингизга энди табассум ёйилган бир пайтда даҳшатли сўзлар билан жонингизни олишга ҳаққи бор. Улар истаган вақтида: «Жаноб де Валентен мендан қарздор, лекин қарзини тўламаяпти. У қўлимга тушди. Қани энди у мен билан кўришганда хафа бўлганини билдириб кўрсинг-чи!»— дейишади. Қарз берувчиларга албатта таъзим қилиш, мулойим таъзим қилиш керак. «Қарзни қачон тўлайсиз?»— деб сўрашади улар. Сен эса ёлғон гапиришинг, бошқа бир одамдан пул сўраб ялинишинг, қаппайган сандигининг устига кеккайиб ўтирволган ҳар қандай аҳмоққа таъзим қилишинг, унинг шапалоқ билан ургандан баттар совуқ қарашига, Баремча ақл ўргатишига, нодонларча қўполлигига бардош беришинг керак. Қарз одамнинг тасаввурини бойита олишини қарз берувчиларнинг ўзлариям билишмайди. Руҳий интилишлар қарз олган одамни қизитади ва кўпинча азобламайди. Ҳолбуки, улуғ нарсалардан ҳеч бири одамни азобламайди. Пул учун, фақат пул учун яшайдиган одамлар юксаклик, мардлик нималигини билишмайди. Мен пулдан ҳамиша қўрқардим. Ниҳоят, қарз — вексель деганда жуда кўп фазилатлар эгаси бўлган, жўжабирдай фарзандларини боқолмайдиган чолни тасаввур қиласдим. Қарздор бўлганимда Грэзнинг суратидаги атрофини болалари ўраб олган, шол бўлиб ётган чолни ёки аскарнинг бевасини кўз олдимга келтирадим. Шуларнинг ҳаммаси менга илтижо билан қўл чўзишарди. Айниқса, сен билан қўшилиб йиғлашадиган қарз берувчилар жуда даҳшатли. Уларга ёрдам беришимиз керак. Эртага қарзларимни узиш муддати етади, деган куним худди қатл ёки дуэль арафасида алданган умидлар алласида ухлаган одамдай сохта ором олиб ухладим. Лекин, уйғониб, ҳушимига келганимда гўё жоним банкирнинг ҳамёнига тушиб қолгандай, рўйхатларига жойлангандай, қизил сиёҳларда ёзиб ташлангандай туюларди. Гоҳо эса қарзларим ҳамма ёриқ-тешиклардан чигирткадай сакраб чиقا бошлайдилар: соатларда ҳам, креслоларда ҳам ўшалар; севимли оғоч-жиҳозларим ҳам қарзларим билан нақшланган, безанган эди. Рўзгор буюмларим судьяларнинг гарпиялари — темир қушларига ўлжа бўлади, менинг азиз, жонсиз хизматкорларимни миршаблар судраб олиб кетишар ва шаҳар майдонига ос-тин-устун қилиб уюб ташлашар эдилар. Оҳ, рўзгор буюмларим, фақат вужудимнинг бир қисми-ку! Квартирамнинг қўнғироғи юрагимда жиринглар, бошимга зарб билан урилар эди (қиролларнинг ҳам бошига зарба берилади). Бундай

азоб-уқубатлар бору лекин жаннатдан дарак йўқ эди. Ҳа, мард одам учун қарз дўзах билан тенг, фақат у тушган дўзахда суд миришаблари, суд вакиллари бор. Тўланмаган қарз тубанлик, қаллобликнинг ҳаммаси, йўқ, ундан ҳам ёмон, у — алдамчилик. Тўланмаган қарз — жиноятга бир қадам яқинлашиш, у — дор учун тахта йиға бошлаш. Вақти келиб, қарзларимни қистаб қолиши. Уч кундан сўнг векселларимни тўлаб қутулдим. Қарздан қандай қутулганимни айтайми? Бир олибсотар уйимга келиб, онамнинг қабри жойлашган Луарарадаги оролни сотинг, деб қолди. Мен рози бўлдим. Қоронги конторада харидорнинг нотариуси олдида имзо чекар эканман, ўзимни чоҳга тушиб қолгандай ҳис қилдим. Отамни қабрга қўяётганимизда совуқдан қандай жунжикиб, қўнишганим эсимга тушиб, сесканиб кетдим. Бу ёмон аломат эди. Ҳаёлимда онамнинг арвоҳи овоз қилгандай бўлди. Билмадим, қандайдир мўъжиза билан бутхона қўнғироғининг жарангি орасида онамнинг мени отимни айтиб чақиргани эшитилди! Оролни сотишдан тушган пулдан қарзларни узганимдан сўнг икки минг франки ёнимда қолди. Аслида энди шунча тажрибалардан кейин, ҳаётни обдон ўрганганимдан кейин, озми-кўпми шуҳрат топганимдан кейин яна фақирона ҳужрамга қайтиб, тинчгина илмий ишларимни давом эттирасам бўларди. Лекин Феодора мени ҳамон чангалидан қўйиб юбормаган эди. Қўпинча у билан тўқнашиб қолардим. Унинг муҳлисларини ҳар лаҳза мени мақтаб жар солишга мажбур қилдим. Ҳаммаси менинг ўткир ақлимни, отларимни, муваффақиятларимни, файтуналаримни мақташарди. Феодора эса шулярнинг ҳаммасига совуқонлик билан бепарво қаарди. Ҳатто Растињакнинг «Сизни деб йигит ўзини хароб қиляпти» деган сўзлари ҳам графиняга заррача таъсир қилмади. Учимни олинглар, деб бутун дунёни ишга солдим, лекин баҳтимни топмадим. Ҳаётнинг ҳамма ахлатхонасини титкилаб чиқиб, азоб чексам-да, севгида ором топмадим. Тасодифлар, кайфу, сафо, айш-ишрат базмлари орасида баҳтимни излардим, аммо у соядай тутқич бермасди. Афсуски, энг покиза туйғуларим алданди; яхшиликларим учун ёмонлик кўрдим, нопок ишларим учун эса минг бора ҳузур-ҳаловат топдим. Жуда разил фалсафа, аммо тарааллабедодчи одам учун тўғри фалсафа! Устига-устак Феодора менга моховларча манманлик, шуҳратпарастлик касалини юқтирган эди. Кўнглимга синчиклаб разм солсам, у тузалмас бод касалига учраб, йиринг боғлаб кетибди. Иблис пешонамга жўжахўроздай кеккайиш муҳрини босибди. Бундан бўён титраб-қақшаб ҳар лаҳзада ҳаётимни хавф остида қолдириб, мол-давлат инжиқликларига берилиб яшашга ўрганиб қолибман. Агар миллионер бўлганимда тинмай қимор ўйнардим, зиёфатдан чиқмасдим, майда-чўйдаларга жонимни ҳалак қиласардим. Гамларимни аритиш учун куртизанкаларга, сохта дўстларга,

тансиқ таомларга, виноларга ўрганиб қолгандим. Энди ҳеч қачон ёлғизликни хоҳламасдим. Одамни оила билан бөглайдиган қариндошлик ришталари бутунлай узилиб бўлган эди. Гўё фақат лаззатланишга маҳкум қилингандим. Чекимга тушган машъум қуръя — ўзимни ўлдириш қисматим неларни буюрса, ҳаммасини сўзсиз бажаардим. Бойлигимнинг қолган-қутганларини сарфлаб, мислив кайф-сафога берилардим, аммо ўлимим менга эрталаб яна жонимни қайтариб берарди. Аллақайси умрбод рентанинг эгасидай, мен ҳам ёнаётган уйга бемалол кира олардим. Охир-оқибат ёнимда фақат йигирма франк пулим қолипти. Ана шунда Растињакнинг аввалги омадлари эсимга тушди...

— Эҳе! — ҳайқирди Рафаэль тилсим эсига тушиб ва чўнтағидан сағри терини чиқарди.

Бугунги куннинг узоқлигидан чарчагани учунми, вино ва пунш тўлқинларида ақл кемасининг рулини бошқаролмай қолгани учунми, хотиралардан жонланиб кетгани учунми, ўз сўзларидан ўзи сезмай маст бўлиб қолгани учунми, Рафаэль қизишиб, ҳаяжонга тушди ва гўё телбаланиб қолди.

— Йўқолсин ўлим! — қичқирди у, сағри терини баланд кўтариб силкитар экан.— Энди яшагим келади! Мен бойман — демак менда ҳамма фазилатлар бор! Менга ҳеч ким тўсқинлик қилолмайди. Ҳамма нарса қўлидан келадиган одамни бирор пок эмас, деб кўрсин-чи! Ҳа-ҳа! Мен икки юз минг фойда қўришни хоҳлайман, шундай бўлади. Менга таъзим қилинглар, чўқалар, гўнгда ағанагандай гиламда ётган ҳайвонлар! Энди сизлар меникисиз, бойликнинг қудратини билиб қўйинг! Мен бойман, ҳаммангизни сотиб олишга қурбим етади. Ҳатто анави карнайдек хуррак отаётган депутатниям сотиб оламан. Қани, менга оқ фотиҳа тиланглар, киборлар жамиятининг абллаҳлари! Мен Рим отасиман!

Аввалига меҳмонларнинг хурраги орасида эшитилмай турган Рафаэлнинг ҳайқириқлари охри уларни ўйғотиб юборди. Кўпчилик, нега уйқумизга халақит берасан, деб оёқда зўрга турган, кайф устида шовқин солаётган Рафаэлга норозилик билдириб, бақириб-чақира бошлидилар. Улар Рафаэлга сўқинишлар концерти билан жавоб беришиди.

— Жим! — бақирди Рафаэль, — ўрниларингдан қўзғалманглар, итваччалар! Эмиль, мен жуда катта бойман, мен сенга Гавана сигараларини олиб бераман!

— Қулоғим сенда,— жавоб берди шоир.— Шундай қилиб, Феодора ёки ўлим! Қани, ҳикоянгни давом эттир. Бу шайтон Феодора сени боплаб қўлга туширибди. Аёлларнинг ҳаммаси — Момо Ҳаво авлодлари. Сенинг воқеангда ҳеч қанақа фожеа йўқ.

— А, ухлаётган экансан-да, алдоқчи?

— Иўқ, уйғоқман. Феодора ёки ўлим! У ёғини айтавер...

— Уйғонсанг-чи! — қичқирди Рафаэль сағри тери билан

Эмилни урар экан, у гўё мана шундай қилиб, дўстидан электр токини чиқармоқчига ўхшарди.

— Шайтон чалгур!— деди Эмиль сакраб туриб, Рафаэлнинг қўлларини ушлар экан.— Дўстим, эсингдан чиқмасин, биз ҳозир енгилтак, аёллар орасидамиз.

— Мен миллионерман!

— Миллионермисан, йўқми, билмадим, лекин мастилигинг аниқ.

— Куч-қудратимдан мастман, ўлдирворайми?.. Жим! Мен Неронман! Мен Бухтаносирман!

— Рафаэль, ахир биз ёмон одамлар орасидамиз. Лоақал ўз ҳурматингни билиб, жим бўлсанг яхшийди.

— Мен ҳаётда узоқ вақт жим бўлиб келдим. Энди бутун дунёдан ўчимни оламан! Ўнгу сўлимга манфур метални сочиб юришга энди розимасман. Энди бир ўзим давримизни кичик нусхада такрорлайман, одамларнинг ҳаётини, ақлу ҳушини, қалбларини еб тугатаман. Зеб-зийнат, дабдаба деб мана буни айтадилар. Аллақандай гадойларча дабдаба эмас бу. Ўлат чоғидаги кайф-сафо бу. Сариқ безгакданам, зангорисиданам, яшилиданам қўрқмайман, армиялариданам, эшаФотлариданам қўрқмайман! Феодорани хоҳлайман... Йўқ, Феодорани хоҳламайман, Феодора мени хароб қиласи! Феодорани унтишни хоҳлайман!

— Агар шундай қичқираверсанг ошхонага обориб қўяман.

— Манави терини кўрдингми? Сулаймон пайғамбарнинг васияти бу. Сулаймон, тақвodor подшо энди меники! Арабистонам меники, Петреяним қўшиб оламан. Бутун олам — меники! Агар хоҳласам — сенам меники бўласан. Ҳа, агар хоҳласам, эҳтиёт бўл! Сени бутун дўкон-дастагинг билан сотоволамиз, журналист, менга малай бўласан. Мен учун байтлар тўқиисан, қофоз чизиб берасан. Малай! Яъни, малай учун дунёни сув босса тўпифидан келмайди, малай ҳеч нарсани ўйламайди.

Шу гапларни айтаётганида Эмиль дўстини ошхонага судраб кирди.

— Хўп, оғайни, мен малайман,— деди Эмиль.— Сен эса газетанинг бош муҳарририсан. Жим бўл! Иззатингни билиб, ўзингни қўлга ол! Мени яхши кўрасанми?

— Яхши кўришим гапми, сенга Гавана сигараларини олиб бераман. Ҳаммасига тери айбор, билдингми, қудратли тери айбор. Ажойиб дори, ҳатто қадоқниям чиқара олади. Сенда қадоқ борми? Чиқариб бераман...

— Бунақа аҳмоқ бўлишингни ҳеч қачон кўрмагандим!

— Аҳмоқ дейсанми? Ҳеч қанақа аҳмоқмасман! Мана бу тери бирор нарсани хоҳласам кичрайиб қолади... Жуда аниқ савол-жавоб бу. Бараҳман... Бу ишга бараҳман аралашган. Мана шу бараҳман — ҳазилкаш одам; негаки, кўрдингми, истаклар чўзади...

- Хўп, майли.
- Айтмоқчиманки...
- Тўғри, мутлақо, тўғри, менам шуни айтмоқчиман-да.
- Истаклар чўзади...
- Айтмоқчиманки, терини!..
- Тўғри, тўғри.
- Гапимга ишонмаяпсанми? Биламан сени: сен ёлғон-чисан, худди янги қиролга ўхшайсан.
- Узинг ўйлаб кўр, мастрларча алжирашингга ишониб бўладими?
- Онт ичаманки, исбот қиласман. Ўлчаб оламиз...
- Оббо, у энди ухлаб бўпти!— ҳайқирди Эмиль дўсти-нинг ошхонани титкилай бошлаганини кўриб.
- Одатда мастрларнинг миясида тушларидаги бода хаёлоти билан ақлий равшанлик шуълалари ўрин алмашлаб туради. Рафаэль ҳам ана шундай ақли равшанлашган пайтида май-мундай чаққонлик билан сиёҳдон ва қофоз рўмолчани қиди-риб топди; айни вақтда у ҳадеб:
- Ўлчаб оламиз! Ўлчаб оламиз!— дея такрорларди.
- Бўпти,— деди Эмиль,— ўлчаб оламиз.
- Икки дўст қофоз рўмолчани текис жойга ёйиб, устига сағ-ри терини қўйишиди. Рафаэлдан кўра-хўшёроқ кўринган Эмиль сиёҳ билан тилсим атрофини айлантириб чизиб чиқар экан, дўсти ҳадеб жаварарди:
- Мен икки юз минг франк фойда тиладим-а, тўғрими? Мана, кўрасан, ҳозир ўша фойда қўлимга киради, аммо сағ-ри кичрайиб қолади.
- Албатта кичрайиб қолади. Бўлди энди, ухла. Иста-санг, мана бу диванчага ўрин солиб бераман. Мана бундай, яхшими?
- Яхши, матбуот фарзанди. Сен мени овутасан, пашша қўрийсан. Одамнинг баҳтсиз пайтларида дўст бўлган одам қудратли пайтларидаям дўст бўлиши керак. Бўпти, сенга га-ва-на си-га-ра-ла...
- Яхши, олтинларингни тушингда кўр, миллионер.
- Мақолаларингни тушингда кўр, хайрли тун. Менга, Бухтаносиргаям хайрли туш тилагин!.. Севамиз! Ичамиз! Франция... Шуҳрат ва мол-давлат....
- Кўп ўтмай икки дўст меҳмонхонадан эшитилаётган уйқу музикасига ўз хурракларини жўр қилишиди. Ваҳшийлар концерти эди бу! Бирин-кетин шамлар ўчди, биллур қандиллар қисирлаб сўна бошлади. Узоқ кайф-сафо устидан тун пардаси ёпилди. Бу кайф-сафо ичиди Рафаэлнинг ҳикояси ўзи бир олам бўлиб, бу алжирашда сўзлар маъносиз, маъно-лар эса сўзсиз эди.
- Эртасига, соат ўн иккиларга яқин Акилина уйқуга тўй-май уйғонди; яноғида курсининг барқут қопламасӣ томир-ларга ўхшаш мармар нақш қолдирганди, бошини курсига

қўйганича ухлаганди. Дугонасининг ҳаракатидан уйғониб кетган Евфросия чийиллаб сакраб туриб кетди. Унинг кечасутга чайгандай оппоқ, дуркун бўлган гўзал чеҳраси энди хазондай сўлган, касалхонага кетаётган қизнинг юзидаи рангсиз эди. Меҳмонлар бирин-кетин оҳ-воҳлар билан уйғониб, қўмирлай бошлашди; уларнинг қўл-оёқлари увушиб қолганди, ҳар бири уйғониб, бутун вужудида мадори қолмаганини сезди. Лакей меҳмонхона деразаларидаги панжараларни ва ойналарни очиб юборди. Ҳали ухлаб ётганларнинг юзларида қўёшнинг илиқ нурлари ўйнай бошлади. Аёллар ухлаб ётганларида ағдарилиб, соchlарининг чиройли турмакларини бузиб, лиbosларини ғижимлаб ташлашган эди. Энди кундузги ёруғда уларнинг соchlари паҳмайиб, қади-қомати бузилиб, кечаги порлаб турган кўзлари ҳорғинликдан сўниб, даҳшатли манзара ҳосил қилганди. Кечаги шаъмлар ёруғида ялтираган қорамағиз юзлар хунуклашиб, силлиқ, оппоқ ва нафис юзлар ҳорғинликдан сўлиб, кўкариб кетганди; кечаги фусункор, қирмизи лаблар энди қуруқшаб, мастиликнинг шармандали изларини сақлаб қолишиганди. Эркаклар тунги маҳбубларининг ибодатгўйлар топтаб, босиб кетган гуллардай сўлиб қолганларини кўриб, улардан юз ўгиришди. Лекин бу такаббурларнинг ўzlари аёллардан баттар хунуклашиб кетишганди. Мана шу одамларнинг кўзлари мастиликдан шиша-дай хиралашиб, ичига чўккан, атрофи қорайиб, тетиклаштириш ўрнига чарчатадиган безовта уйқудан маъносизлашган, ҳеч нарсани кўрмас бўлиб қолган эди. Мана шу бужмайган юзларида жисмоний шаҳват ўзининг хунук муҳрини босган, совуқ — ҳайоний бир қиёфага киритган эди. Руҳ одамнинг юзини гўзаллаштиради; мана бу юзларда эса руҳ — нафосат йўқ эди. Буларнинг башарасига қараган одам беихтиёр сесканиб кетарди. Гуноҳларнинг бу қадар пардасиз, жилосиз, қоқсуяқдай — ғажилган устихондай, совуқ, қуруқ, ақл ўйинларисиз ва зеб-зийнат зеболигисиз кўриниши ҳар қандай кайф-сафо билан курашдан қўрқмайдиган мана шу паҳлавонларни даҳшатга солди. Ижодкорлар ва куртизанкалар — маҳбубалар ҳамма ёғи бўшаб қолган ва эҳтирослар оловида куйиб битган залдаги тартибсизликларга кўз қирларини ташлаб, жим қолишиди. Бирдан иблисона қаҳқаҳа янгради. Тайфер ўз меҳмонларининг хириллаган товушларини эшишиб, уларни хурсанд қилиб қаршиламоқчи бўлди. Унинг тер кўпчиған, қон томай деб турган қип-қизил башарасига қараганлар мана шу жаҳаннамий манзара узра виждан азобларини билмайдиган жиноят оразини кўргандай бўлдилар. («Қизил меҳмонхона»га қаранг). Манзара мукаммаллашди. Бу зеб-зийнат ичидаи ифлослик манзараси, дабдаба ва инсон гарibiliгининг ғоят хунук, қўрқинчли аралашмаси эди. Кайф-сафо ўзининг олчоқ қўллари билан ҳаётнинг барча меваларини ғижимлаб, шарбатини ичиб, ифлос пўчоқларини —

Ўзиям ишонмайдиган алдовларни атрофга сочиб ташлагандай эди. Улатга учраган оила ичидагүё ўлим тиржайиб турарди: бу ерда на хушбўйлик, на кўзни қамаштирувчи ёруғлик, на шод-ҳуррамлик, на тилак, истак қолган, бу ерда фақат кўнгилни айнитувчи, ҳидларни анқитувчи ва ҳалок қилувчи фалсафаси бўлган ирганиш бор эди. Лекин ҳақиқатга ўхшаш нур сочувчи қуёш, кўнгил поклигидай тоза ҳаво кайф-сафо маразларига тўлган бўғиқликдан кескин фарқланниб турарди. Мана шу ёшгина қизлар гуноҳ ишларга ўрганиб қолишганига қарамай, кўпчилиги ўзларининг бегуноҳ, покиза, иффатли қизлик пайтларини, бир вақтлар уйқудан туриб, қишлоқдаги ўйчасининг учқат ва атиргуллар чирмасиб кетган деразасидан қараб, тонги табий тароватидан завқланган тўрғайининг шўх сайрашига, тумани ёриштирган тонгги шафақ нурларига, чиройли ясанган олмосдай шудрингларга мафтун бўлган чоғларини эслашарди. Бошқалар оила даврасидаги нонушта пайтини, стол атрофини ўраб олган ота ва болаларнинг беғубор қийқириб кулишларини, ҳамма нарсадан мислсиз тароват уфуриб турганлигини, таомлар ҳам кўнгилларидағидай содда бўлганлигини эслашарди. Рассом ўзининг сокин устахонасини, иффатли, иболи қиз ҳайкалини, ширингина натурачи қизни ўйларди. Бир оиланинг тақдирини ҳал қиласидиган суд мажлисини эслаган ёш адвокат ўзи қатнашиши лозим бўлган учрашув маслаҳатини ўйларди. Олим мардона меҳнат кутиб турган ижодхасини соғинарди. Деярли ҳамма ҳозир ўзидан рози эмасди. Худди шу пайт меҳмонхонага дуркун, тетик, юзи қизарид кетган, машҳур бўлган магазиннинг энг чиройли гумаштасидай Эмиль пайдо бўлди.

— Ҳамманглар суд миршаблариданам хунук бўлиб кетибсизлар!— ҳайқирди ў.— Бугун сизлар ҳеч ишга ярамайсизлар, кунни бой бердинглар, нонушта қилишни маслаҳат берман.

Шу сўзлар айтилиши билан Тайфер дастурхон тузашга фармон бериш учун чиқиб кетди. Аёллар ўзларига оро бериш учун оҳиста қадамлар билан кўзгуларга яқинлашишди. Ҳамма ҳушига келди. Энг гуноҳкор қизлар энг эсли қизларга панд-насиҳат қиласиди. Маҳбублар одамнинг тинка-мадорини қуриладиган базмни яна давом эттиришга кучи етмаётган қизларни масхаралаб кулишарди. Бир лаҳзада гүё аввоҳларга жон кириб, тўда-тўда бўлиб йигилиб, бир-биралига сўроқ бериб, ҳазил-мутойиба қила бошлишди. Эпчил, ҳаракатчан лакейлар зудлик билан ҳамма ёқни саронжом-саришта қилиб қўйишганди. Дабдабали нонушта тортилди. Меҳмонлар емакхонага ёпирилишди. Бу ердаги ҳамма нарсада кечаги кайф-сафонинг излари қолганди, аммо ҳар ҳолда ўлаётган одамнинг сўнгги талвасасидай, ҳаёт ва тафаккур нишоналари кўриниб турарди. Худди карнавалдагидай, кайф-

сафо қиласылар рұзачилар ўзларини ниқоб билан яширгандай, роса ўйин түшиб, мастиласт бўлиб чарчаганларига қарамай, ожизликларини билдириласлик учун ҳар қанақасига кайф-сафони яна давом эттириш жазм қилгандай эдилар. Довюрак меҳмонлар дастурхон атрофини эгаллагандилар. Кечаки тушлик зиёфатдан кейин, кайф-сафони уйидан билан давом эттириш учун ғойиб бўлган Кардо яна пайдо бўлиб қолди. У кимгадир хушомад қилгандай очилиб, кулимсираб турарди. Чамаси, у аллақандай мероснинг исини билиб қолган-у, энди уни турли-туман рўйхатларга тиркаб, маза қилмоқчи эди. Зеро, мерос ҳамиша нотариуснинг ҳар хил ишларига, гонорарларга — қалам ҳақларига бой бўлади. Хуллас, мерос ҳозир амфитрион пичоқ тиқаётган қийма гўштдай мазали бўлади.

— Демак, биз нотариаль тартибда нонушта қиласиз! — қичқирди де-Кюрси.

— Дарвоқе, сиз мана бу ҳаракатдаги мулкларнинг ҳисобини олиш учун ҳам келгансиз,— деди банкир Кардога дастурхондаги ноз-неъматларни кўрсатиб.

— Васиятнома тузишга ҳожат йўқ,— ҳазил қилди бир йил аввал илк марта уйланиб, баҳтиёр бўлган олим.

— Оҳо!

— Эҳе!

— Ҳозир,— деди силлиқ ҳазилларнинг хоридан қулоги битган Кардо,— мен жуда муҳим иш билан келдим. Орангизда бир кишига олти миллион келтирганман.—(Жимжитлик.)— Жаноби олийлари,— деди у шу тобда салфетканинг учи билан бамайлихотир кўзини артаётган Рафаэлга қараб,— онангизнинг қизлик исми О’Флаэрти эмасми?

— Шундай,— деди беихтиёр Рафаэль — Варвара Мария.

— Узингиз ва онангиз қачон туғилганлиги тўғрисида гувоҳномалар борми?— давом этди Кардо.

— Албатта.

— Ундей бўлса, жаноби олийлари сиз бир минг саккиз юз йигирма саккизинчи йилнинг август ойидан Калькуттада қазо қилган майор О’Флаэртининг яккаю-ягона ва тўла хуқуқли меросхўрисиз.

— Калькутта меросини ола кет-да,— қичқирди билимдон.

— Майор ўз васиятида баъзи идораларга тўланиши лозим бўлган анча-мунча маблағларни тўламапти. Шунинг учун Франция ҳукумати Шарқий Хиндистон компаниясидан мерос талаб қилди,— давом этди нотариус.— Ҳозирги вақтда ана шу мерос ундириб олинган ва у солиқлардан озод. Мен икки ҳафта овора бўлиб, Варвара Мария О’Флаэрти хонимнинг меросига алоқадор одамларни қидириб юргандим. Кечаки кечқурун бирданига дастурхон устида...

Шу пайт тўсатдан Рафаэль сакраб туриб, жароҳатлангандай юрагини чанглаб қолди. Ўтирганлар гўё кўнгилла-

рида қичқириб юборишди. Ҳамманинг кўзи ёниб, Рафаэлга қараб қолишиди. Сўнг театрнинг партери — олдинги қаторларида жанжал чиққандай шовқин кўтарилди. Шовқин сурон тобора авж олди. Ҳар ким бошига давлат қуши қўнган одамни нотариус келтирган хушхабар билан табриклишга интиларди. Тақдирнинг тасодифий ҳимматидан дарров ҳушёр тортган Рафаэль боя чизиб, ўлчаб олинган салфеткани — сочиқни столга ёйиб, сағри терини унинг устига қўйди. Ҳеч кимнинг гапига қулоқ солмай, терини чизиққа ўлчаб кўраркан, Рафаэль терининг чети билан салфеткадаги чизик орасида озроқ жой қолганлигини кўриб, оҳ деб юборди.

— Нима бўлди унга,— бақириб сўради Тайфер.— Давлат жуда осонлик билан келганга гангид қолди шекилли?

— Ёрдамга, Шатильон!— деди Бисиу Эмилга қараб.— Ҳозир у хурсандчиликдан ёрилиб ўлади.

Меросхўрнинг рангидан ранг қолмади, юзи хунуклашиб, жағлари оқариб, яноқлари қорайиб, кўрғошин тусиға кириб, нигоҳи қотиб қолди. Унинг кўзига ўлим кўринди. Атрофини сўлғин маҳбубалар — куртизанкалар, кайф-сафодан тўйган ҳамшишалар ўраб олган қурдатли банкир — мана шу хурсандчилик талвасаси Рафаэль ҳаётининг тимсоли эди. Рафаэль сальфетка — сочиқдаги қайсар чизиқлар ичига бемалол жойлашган тилсимга уч марта қаради; у мана шу ҳолатнинг ростлигига шубҳа қилишга уринар, аммо аллақандай равшан сезги унинг шубҳаларини чилпарчин қиласди. Дунё энди уники эди — лекин у ҳеч нарсани хоҳламасди. У, саҳрода озгина суви қолган йўловчига ўҳшар, умрининг қанча қолгани, неча ҳўплам суви, қолганлигига боғлиқ эди. У, ҳар бир истаги қанчага тушишини кўриб турарди. У сағри терига ишониб, ўзининг нафас олишига қулоқ сола бошлади, энди ўзини касал ҳис қилас ва: «Сил бўлиб қолдиммикин? Онам кўкрак касалидан ўлганди-ку?»— деб ўйларди.

— Оҳ, Рафаэль, энди роса хурсандчилик қиласидиган бўлдингиз. Менга нима олиб берасиз?— сўради Акилина.

— Рафаэлнинг амакиси, майор О.Флаэртининг қазоси учун ичамиз! Мана бу одамни зўр деса бўлади!

— Э, июль воқеаларидан кейин Франция пэри ким бўпти!— сўз қистирди билимдон.

— Италия театрида ложанг бўладими?

— Албатта ҳаммамизни меҳмон қилсангиз керак?— сўраб кўрди Бисиу.

— Бу одам энди дабдаба билан яшайди,— деди Эмиль.

Масхарабозларча йигиннинг табриклари Валентенинг у қулоғидан кириб, бу қулоғидан чиқар, лекин бирорта сўзни уқмасди; ҳаёлида бретонлик кўп болали дехқоннинг ташвишиз ҳаёти жонланди. Уша дехқон ер ҳайдайди, ёрма бўтқа ейд, бир кувшиндан эртаю кеч сидр суви ичади, биби Маряма га ва қиролга ихлос қўяди, ҳайит кунлари ибодатга бора-

ди, якшанба кунлари ўтлоқда ҳамқишлоқлари билан ўйнаб-кулади ва ўзларининг домлалари айтган ваъзни тушунмайди. Кейин эса кўз олдида пайдо бўлган зарҳал деворлар, маҳбубалар, тансиқ таомлар, зеб-зийнатларни кўриб нафаси қайтиб, томоғи бўғилиб қолди.

— Қийма гўшт хоҳлайсизми?— қичқирди унга қараб банкир.

— Мен ҳеч нарсани хоҳламайман!— деди момақалдироқ-дай гумбурлаган овоз билан.

— Қойил!— қичқирди Тайфер.— Давлатманд одамнинг диди бор экан сизда — энди ҳар қандай тантилик қилишга ҳаққингиз бор. Энди сиз бизники бўлдингиз! Жаноблар, олтиннинг қудрати учун ичамиз. Жаноб де-Валентен олти баравар миллионер бўлди. Энди у ҳокимиятга эришади. У қирол, у ҳамма нарсани қила олади, у ҳаммадан баланд, барча бойлар каби. Барча француздар қонун олдида тенгдирлар, деган сўзларнинг, хартия дебочасининг энди унинг учун аҳамияти йўқ. У қонунларга бўйсунмайди, қонунлар унга бўйсунади. Миллионерлар учун дор ҳам, жаллод ҳам йўқ!

— Тўғри,— деди Рафаэль,— ўзи-ўзига жаллод бўлади!

— Мана яна битта хурофт!— қичқирди банкир.

— Ичамиз!— деди Рафаэль чўнтағига сафри терини жойлар экан.

— Нимани беркитяпсан?— ҳайқирди Эмиль дўстининг қўлини ушлаб.— Жаноблар,— давом этди у Рафаэлнинг ғалати қилиқларидан ажабланиб турган жамоатга юзланиб.— Сизларга маълум бўлсинки, дўстимиз де-Валентен... Э, нима деяпман?— жаноб маркиз де-Валентен бойишнинг сирини билади. У бирор истагини ўйлаши билан ўша заҳоти амалга ошиди. Лакейга ўхшаб ёки тошюрак одамга ўхшаб қолмай, деса у ҳозир бизниям бойитиши керак.

— Оҳ, Рафаэль, жоним, менга марварид шодасини олиб бергин!— қичқирди Евфрасия.

— Агар у мард бўлса менга иккита файтун билан зотли, учқур отлардан олиб беради,— деди Акилина.

— Менга ўн минг ливр йиллик фойда тилаб берасиз!

— Кашмир шойисидан рўмол!

— Қарзларимни узасиз!

— Амакимга тутқаноқ дардини тиланг, қуриб кетсин, хасис!

— Рафэль, ўн минг ливр фойда етарли, сен билан орамиз очиқ!

— Эҳ-эҳ, бу ерда роса кўп совға ҳужжатлари тузиш керак!— қичқирди нотариус.

— Нима қилиб бўлсаям у менинг бодимни даволаттириши керак!

— Рента арzonлашсин, шуни тилаб беринг!— қичқирди банкир.

Мушак осмонга отилганда сачраган олов фавворасидай тилаклар ёғилди. Қизиғи шуки, мана шу қизғин тилаклар нинг ҳаммаси ҳазилдан кўра чинига айтилаётган эди.

— Азиз дўстим,— жиддий тусда гапирди Эмиль.— Менга икки минг ливр фойда кифоя қиласди, марҳамат қилиб, ҳиммат кўрсатсанг.

— Эмиль,— деди Рафаэль,— биласан-ку, ахир бунга эришиш жуда қўмматга тушади!

— Ўзини оқлашини қаранг,— ҳайқирди Эмиль.— Ахир дўстлариң учун заҳар ют деган гап бор-ку?

— Ҳаммангизга ўлим тилашга розиман!— жавоб берди Рафаэль меҳмонларга тунд ва узоқ нигоҳ ташлаб.

— Үлаётганлар ваҳшийларча шафқатсиз бўлади,— кулиб деди Эмиль.— Мана энди бой бўлиб кетдинг,— қўшиб қўйди у жиддий оҳангда. Ҳали икки ой ўтмасдан ифлос бир худбинга айланасан. Аллақачон аҳмоқ бўлиб қолибсан, ҳазилният тушунмайсан. Сағри терингта ишониб юрибсан. Шуниси етмай турган эди...

Рафаэль ҳаммага масхара бўлмаслик учун бу ёмон даврада жим ўтиришни афзал кўрди, бир лаҳза бўлсаям ўзининг куч-қудратини унтиш учун керагидан ортиқ маст бўлгунча ичаверди.

III

ТАЛВАСА

Декабрнинг дастлабки кунларидан бирида жала қуийб турган вақтда Варен кўчасида етмиш ёшлардаги чол ҳар бир иморат олдида тўхтаб, бошини кўтариб, болаларча содалик ҳамда файласуфларча хаёлчанлик билан маркиз Рафаэль де-Валантен яшаётган уйни қидирарди. Чолнинг кучли, иродали характеристи, бошига тушган фам-кулфатларга бардош берганлиги оқариб кетган узун социдан, оловда бужмайган пергаментга ўхшаш юзидан шундоққина билиниб турарди. Бошдан-оёқ қора кийган, озғин қоқ суюк бўлиб қолган бу чолни агар рассом кўриб қолса, устахонасига келиши билан альбомига чизиб қўяр ва тагига «Қоғия қидираётган классик шоир», деб ёзиб қўяр эди. Тирилиб келган бу Ролен ўзига керакли рақамни топди шекилли, данғиллама иморатнинг дарвозасини тақиллата бошлади.

— Жаноби Рафаэль уйдамилар?— сўради чол ливрея кийган швейцардан.

— Маркиз меҳмон кутмаяпти,— жавоб берди швейцар нон бўлагини пиёладаги қаҳвага ботириб, оғзига солар экан.

— Каретаси шу ерда экан,— кўнмади чол, дарвоза олдида, чодирсимон нақшин ёғоч айвон остида турган чиройли

жкипажни кўрсатиб.— У ҳозир чиқиб қолса керак, кутиб турвераман.

— Қўйсангиз-чи бува, бунақада тонггача кутиб қоласиз, маркиз учун карета ҳамиша тайёр туради,— деди швейцар.— Марҳамат қилиб, бу ердан кетмасангиз, мен балога қоламан, агар бегона одамни киритсам умр бўйи оладиган олти юз франк пенсиядан ажраламан.

Шу вақт новча бир чол даҳлиздан чиқиб, илтимос қилувчига бошдан-оёқ синчков назар ташлади. У кийимиға қарандага худди министр чопарига ўхшарди.

— Дарвоқе, мана жаноб Ионафан чиқиб қолди, шу киши билан гаплашиб кўринг,— деди швейцар.

Иккала чол бир-бирига ҳурмат юзасиданми ёки қизиқиш туфайлими ҳовли ўртасидаги доира майдонда учрашиб қолишиди. Бу ерда тўрт бурчак тошлар орасидан майсалар ўсиб чиқсан эди. Уйда одам қўрқадиган сукунат ҳукм сурарди. Ионафанинг юзи сирли кўринар, қараган одам унинг сирини билишга қизиқиб қолар эди. Умуман, бу ердаги энг майдачўйда нарсаларгача сирли кўринарди. Рафаэль тогасининг жуда катта меросини олиши билан аввало садоқатли, қари хизматкорини қидириб топди; унга ҳамма жиҳатдан ишонса бўларди. Ионафан Рафаэлни кўриши билан хурсанчиликдан йиғлаб юборди; ахир у ёш хўжайнини билан умрбод хайрлашдим, деб ўйлаганди-да. Рафаэль унга бошқарувчилик вазифасини юклаганида боши осмонга етди! Ионафанга Рафаэль билан бутун олам ўртасида воситачилик қилиш ҳуқуқи берилди. Хўжайнининг барча мулклари устидан олий фармонбардор, хўжасининг барча тилакларини сўзсиз ижро этувчи Ионафан гўё Рафаэлнинг олтинчи сезгисига айланаб қолганди. Турмушнинг барча ташвиш-ҳаяжонлари шу чол орқали Рафаэлга етиб борарди.

— Жаноб Рафаэлга зарур гапим бор,— деди чол ёмғирдан ўзини айвон зинасининг панасига олиб.

— Гапим бор, дейсизми! — қичқирди бошқарувчи.— У ҳатто мен билан, тутинган отаси билан ҳам деярли гаплашмайди-ку.

— Лекин, ахир мен ҳам Рафаэлнинг тутинган отасим!— ҳайқирди чол.— Агар сизнинг хотинингиз уни бир вақтлар эмизган бўлса, мен унга музаларнинг сутини эмизганман. Уни мен тарбия қилганман, у менинг фарзандим, *satus alimus*¹ мен унга ақл-ҳуш берганман, фикрлашга ўргатганман, унинг қобилиятларини ўстирганман. Бу мен учун фаҳрли ва шарафли, билсангиз! Ахир замонамизнинг энг ажойиб одамларидан бири-ку. У менинг раҳбарлигимда учинчи синфдан олтинчи синфгача ўқиган. Мен унинг ўқитувчисиман.

¹ Азиз шогирдим. (Лат.).

- Э, жаноб Поррике — сизмисиз?
- Ўшанинг ўзи. Лекин...
- Тс! Тс! — деди Ионафан икки ошпаз болага қараб.
- Уларнинг овози бу ердаги ибодатхона сукунатини бузётган эди.
- Лекин, айтсангиз-чи, жаноб маркиз касал-пасал эмасми? — сўради ўқитувчи.
- Э, ҳурматли жаноб Поррике,— маркизга нима бўлганини фақат худо билади,— жавоб берди Ионафан.— Тўғриси, Парижда бизникига ўхшаган иморатдан иккита топилмаса керак. Тушуняпсизми? Иккита. Ўлай агар топилмайди. Маркиз сотиб олган мана шу уй илгари герцогнинг, пэрнинг уйи бўлган экан. Жиҳозларининг ўзига уч юз минг франк сарфлади. Ахир уч юз минг франк — катта пул! Аммо-лекин уйимиизда қаёққа қарасангиз мўъжизани кўрасиз. «Яхши,— деб ўйладим бу дабдабани кўрганимда,— раҳматли бувасининг уйи ҳам шунақа эди. Еш маркиз бутун шаҳарни ва сарой аъёнларини меҳмонга чақирса керак!» Йўқ, ундай эмас экан. У ҳеч кимни кўришни ҳоҳламаяпти. Жуда аломат яшайди у, тушуняпсизмий жаноб Поррике? Жуда нозик тартиб ўрнатган. Ҳар куни бир вақтда уйғонади. Қаранг-а, мендан бошқа ҳеч кимни кўришни ҳоҳламайди. Соат еттида әшикни очаман. Қишидаем, ёздаем, бари бир. Шунақа ғалати одат бор бизда. Ичкари кираман-да: «Жаноб маркиз, туриш, кийиниш керак», дейман. Маркиз туради, кийинади. Халатини узатаман. Халати доим бир хил матодан, бир хил бичимда тикилади. Эгнидаги эскириб кетганида ўзим янги халат тикитириб қўяман. Маркиз янги халат сўрашини кутиб ўтирумайман. Ўйлаб топганини қаранг! Нимаям қиласдим, жоним болам, кунига минг франк пулниям бемалол сарфлашга кучи етади, шунинг учун ҳоҳлаганини қиласди-да. Уни шунчалик яхши кўраманки, агар бу юзимга урса, у, юзимни тутиб бераман. Дунёдаги энг қийин ишни топширсаем бажараман, билдингизми? Шунақа, зиммамга шунчалик кўп ташвиш юкланганки, бош қашишга қўл тегмайди. Газеталарни ўқииди, албатта. У газеталарни доим бир вақтда, бир столга қўйишни буюрган. Ҳар доим бир вақтда соч-соқолиниям ўзим олиб қўяман, қўлим қалтирамайдиям. Нонушта роппа-роса соат ўнда, тушлик овқат роппа-роса соат бешда тайёр бўлиши керак. Агар ошпаз мана шу нозик тартибини бузса, умрбод оладиган минг экю пенсиясидан айрилади. Кундалик меню бир йил олдин тузилади. Маркиз бирор нарсани кўнгли ҳоҳлаб қолишига ҳеч қандай ҳожат йўқ. Қулупнай пишдими — қулупнай келтирилади. Парижга бириңчи макрель балиқ келтирилиши билан дастурхонда макрель пайдо бўлади. Карточкага олдиндан ёзиб қўйилган, у тушликка нима ейшини аввалдан билади. Ҳар доим бир хил вақтда кийинади, устки кийим, ички кийимлар ҳам бир хил бўлади. Бин

ласизми, устки кийим билан ички кийимларни ҳар доим бир жойга, ўша битта креслога қўйиб қўяман. Кийимнинг матосиям бир хил бўлиши керак. Мабодо, сюртуги эскириб қолса, маркизга бу ҳақда оғиз очмай, янгисига алмаштириб қўйишим керак. Агар ҳаво очиқ бўлса ундан «Айланиб келмайсизми?» — деб сўрашим керак. У киши «Ҳа» ёки Йўқ»— деб жавоб беради. Агар файтунда сайд қилгиси келиб қолса, отларнинг қўшилишини кутиб ўтирайдай. Отлар ҳамиша шай бўлиб туради. Кучер ҳар доим қўлида қамчи ушлаб ўтириши керак. Унга шундай ўтириш деб нозик қилиб тайинлаб қўйилган. Ана, ўзингиз қаранг. Бугун тушлик овқатдан кейин маркиз Операга боради, эртага Италь... Йўқ, Италиян тетрига ҳали боргани йўқ. У ерга ложага билетни фақат кечадим. Сўнг роппа-роса соат ўн бирда уйга қайтиб, ўрнига ётади. Агар ҳеч қаёққа бормаса, китоб ўқииверади, ўқииверади. Хаёлига нима келганини биласизми? Ҳар доим «Китоб савдоси янгиликлари»ни ҳаммадан аввал ўқиб, янги китобларни савдога чиқиши билан сотиб олишим керак. Маркиз ўша куни ёқ янги китобни камин токчасидан топади. Маркизнинг фармонига кўра ҳар соатда ундан хабар олиб туришим, ўчоққа қаравашим, ҳамма нарсага кўз-қулоқ бўлиб туришим керак. Битта дафтарчага ҳамма қилинадиган ишлар ёзиб қўйилган, мен ўша дафтарчадаги ёзувларни ёдлаб олганман. Хуллас, аломат ишлар. Ёзда тоғ-тоғ муз топишим керак. Хоналарда ҳамиша бир хил ҳарорат — салқин бўлиши керак. Хоналаримизда йил бўйи гуллар яшина турishi керак. Маркиз жуда бадавлат! У бир кунда минг франк сарфлаши, тилаган тилагига этиши мумкин. Шўрлик илгари роса қийналган! Ҳеч кишига озор бермайди. Шамдай юмшоқ. Оғиздан бир оғиз ёмон гап чиқмайди. Аммо-лекин ўзиям боғда ҳам уйда тўла жимжитлик бўлишини талаб қиласиди. Мана шунаقا, хўжайн бирор нарсани тилашига ҳеч бир ҳожат йўқ, ҳамма нарса бир зумда муҳайё бўлади. Хўжайнинг билгани билган. Тўғри-да. Хизматкорларни қаттиқ тутиш керак. Бўлмаса, ҳамма иш чок-чокидан сўқилиб кетади. Мен жанобга ундай қилинг, бундай қилинг деб турман, у айтганимни қиласиди. Йишенсангиз, жаноб, шунаقا аломат ишлар қилганки... Унинг оромгоҳи ан... ан... нимайди? Ҳа, анфилада бўлиб кетган! Масалан, маркиз ётоқдан ёки ишхонасидан чиқмоқчи бўлса, шарқ этиб ҳамма эшиклар ўз-ўзидан очилиб кетади: механизм шунаقا. Демак, маркиз уйнинг бир бошидан, иккинчи бошигача бемалол бораверади — ҳамма эшиклар очилиб тураверади. Ҳам қулай, ҳам ёқимли, ҳам тинчмиз. Аммо бу ишларни эплаштиргунча эсимиз кетган!.. Хуллас, иш шунга бордики, жаноб Поррике, маркиз менга бундай деди: «Ионафан, сен мени чақалоқни боққандай парвариш қилишинг керак». Чашалоқни боққандай, дейди-я. Билдингизми, жаноб, чақалоқни боққандай, деди. «Менга нима

керак бўлса ўзинг биласан...» — деди. Бундан чиқди, мен хўжайину у хизматкор экан-да? Тушуняпсизми? Гўё у хизматкор. Нега шундай экан? Буни худо билмаса, бандаси билмайди. Жуда нозик гап-а!

— У достон ёзаётган бўлса керак! — ҳайқирди қари муаллим.

— Достон ёзяпти деб ўйлайсизми? Афтидан, достон ёзиш оғир меҳнат бўлса керак! Аммо-лекин унақага ўхшамайди. Ўзи кўп айтади, оддий яшагим келади, дейди. Худди куни кечга, жаноб Поррике, у кийинаётуб, лолаларга қараб қолди. «Шу гулларга ўхшайман», деди. «Содда яшаяпман, шўрлик Ионафангинам!» деди. Бирорларнинг ўйлашича, унинг жунун касали бор. Жуда нозик ишлар, сира тушуниб бўлмайди!

— Сезишимча, Ионафан, хўжайнингиз катта асар устида ишләётган бўлиши керак,— деди ўқитувчи устозларча жиддий оҳангда. Поррике сўзларидаги бу оҳангдан хизматкорнинг устозга нисбатан ҳурмати янада ошди.— Устозингиз теран фикрлар устида ишләётгани учун бирорлар халақит бермасин, деб беркиниб олгандир. Даҳо одам ақлий меҳнат билан банд бўлганида ҳамма нарсани унутворади. Бир куни машҳур Ньютон...

— Ньютон дейсизми? Ким ўзи у? — сўради Ионафан.

— Ньютон улуғ муҳандис,— давом этди Поррике.— Столга тирсаги билан суюниб, ўигирма тўрт соат ўйлаб ўтирган экан. Эртасига ўйларидан холис бўлганида атиги бир неча лаҳза ўтганга ўхшапти. Бўтамнинг олдига кирай, балки унга ёрдамим керакдир...

— Тўхтани! — қиҷқирди Ионафан — Франция қироли (аввалгиси, албатта) бўлганингиздаям фақат эшикни синдириб, ўлигимни босиб ўтасиз. Яхшиси, сабр қилинг, жаноб Поррике, мен зумда хўжайнинг учраб, сизни кирсинми, деб сўраб чиқай. У «Ҳа» ёки «Иўқ» — деб жавоб қиласди. Мен хўжайндан ҳеч қачон «Буюринг», «Хоҳлайсизми?», «Кўнглингиз тилайдими? — деб сўрамайман. Бу сўзларни бутунлай тилга олмайсиз. Бир куни шундай сўз билмасдан оғзимдан чиқиб кетган экан, роса жаҳли чиқди. «Менинг ўлимимни хоҳлайсанми?» — деб койиб берди.

Ионафан кекса ўқитувчини даҳлизда қолдирди, орқамдан юрманг, деб ишора қилди. Тез қайтиб чиқиб, рухсат текканини айтди ва мўътабар қарияни ҳашаматли оромгоҳ томонга бошлаб кетди. Ҳамма эшиклар очиқ эди. Ўқитувчи узоқдан камин олдида ўтирган шогирдини кўрди. Иирик гулдор халат кийган Рафаэль юмшоқ креслога чўкиб, ястаниб ўқиб ўтирганди. Унинг қадди эгик, ранги бўздай оқариб кетган, манглайи, бутун вужуди гулдай сўла бошлаган эди. У қизлардай нозик бўлиб кетган, бойвачча кексалардай инжиқ эди. Қўллари чиройли жувонникига ўхшаб оппоқ, юм-

штоқ, мулойим бўлиб қолганди. Сийрак, оқ — сариқ сочлари ғизларни кидай чаккасида гажак бўлиб қолган эди. Юнонча юнқа кашмирий шойи дўпписи панжаларининг оғирлигидан ғийшайиб қолган эди. Сопига тилла билан яшма тош қадалган, қофоз кесадиган пичоқчаси полга тушиб кетганди. Тиззасида асл ҳинд оғочидан ишланган каҳрабо чилим, унинг ялтироқ бурама дастаси полда илондай буралиб ётарди. Рафаэль энди чилимнинг одамни тетиклаштирувчи муаттар тутунини тортмай ҳам қўйган эди. Ёш нужудининг сўлғинлигига қарамай, кўзлари тийрак боқарди. Унинг тириклиги фақат мовий кўзларидан билиниб турар, Бу кўзлардаги ярқираб турган ажаб туйғу биринчи қарашлаёқ одамга таъсир қиласди. Бирорлар йигитнинг кўзларida ғам-ғусса кўрса, бошқалар кўнглидаги курашни сезарди. Бу кураш виждан азобидай оғир эди. Бундай теран қараш ўз истакларини кўнглининг туб-тубида пинҳон тутадиган заиф одамда ёки ҳамма лаззатлардан хаёлан баҳра оладиган одамда бўлиши мумкин. Бундай одам бой бўлсаем, аммо давлатим камайиб қолади, деб қўрққанидан ҳамма ҳузурхаловатлардан кечиб юради. Бундай теран қараш занжирбанд Прометейда ёки ағдарилган Наполеонда бўлиши мумкин. 1815 йилда Елисей қасрида Наполеон душман қўшинларининг стратегиявий хатосини билиб қолиб, атиги йигирма тўрт соатга қўмондонликни ўзига беришларини сўраганида рад жавоби эшитган пайтида кўзларida худди шундай аламли маъно бор эди. Истилочи ва мағлуб нигоҳи шундай бўлади! Тўғриси, Рафаэль бундан бир неча ой илгари охирги олтин тангасини қиморга бой берганида, Сена дарёсига худди шундай қараб турарди. Хўжайнлари қўлида эллик йил хизмат қилсаям ўзига маданият касаллигини юқтиргмаган деҳқон чолнинг қўпол мантиқига кўра Рафаэль иродасининг, ақл-хушиning жиловини бирорга бериб қўйди. Негадир ўз-ӯзидан баҳт топишига қувониб, яхши ҳаёт кечираман, деб ўз ҳаётидан воз кечди. Ўз кўнглидан тилак-истак гулларини юлиб ташлади. Шафқатсиз кучга қарши яхшироқ курашай деб Рафаэль ювощ, мулойим бўлиб қолди. *Оригенга ўхшаб* у ўзининг тасаввурларини ахлатга кўмди.

Тўсатдан бой мерос олган ва сафири терининг қисқарганини сезган кунининг эртасига Рафаэль нотариуснинг уйига борди. У ерда чой ичиб ўтиришганда анчайин машҳур бир врач швейцариялик бир одамнинг қандай қилиб сил касаллигидан қутулганини ҳикоя қилиб берди. Унинг жиддий гапларига қараганда, ўн йил ичida бир оғиз гапирмапти, оғилхонанинг чанг ҳавосидан минутига фақат олти марта нафас олишга ўзини ўргатипти. «Мен ҳам ўшандай бўламан!» деган қарорга келди Рафаэль ўшанда, ҳар қанақасига тирик қолиш учун. У зеб-зийнатларга бурканиб, одамликдан чиқди. Қария Поррике бу тирик мурдани кўриб қўрқиб кетди:

мана шу заиф, чалажон одамнинг ҳамма нарсаси сунъий кўринди унга. Маркизнинг назари сук, пешонаси ўйлардан тиришиб кетган эди. Ўқитувчи ўз ўқувчисини таний олмади. Ахир болалигига у тийрак, лўппи, серғайрат эди-да. Мабодо бу соддадил классик, нозиктаб танқидчи, диди баланд ўқитувчи лорд Байрон асарларини ўқиган бўлса, Чайлд — Гарольдни учратаман, деган жойда Манфредни — арвоҳни кўрдим деб ўлаши мумкин эди.

— Яхшимисиз, ҳурматли Поррике,— деди Рафаэль ўзининг қайноқ, терлаган қўли билан чолнинг совқотган қўлини қисар экан.— Яхши юрибсизми, азизим?

— Мен-ку яхши юрибман-а,— жавоб берди чол. У Рафаэлнинг иситмадан ёнаётган қўлидан қўрқиб кетган эди.— Ўзингиз қалайсиз?

— Назаримда соғлиғим жойида.

— Чамамда қандайдир гўзал асар устида ишлаётган бўлсангиз керак?

— Иёқ,— деди Рафаэль. Exegi topumentum¹ Азим Поррике, мен ўз саҳифамни ёзиб тугатганман, илм-фан билан хайр-маъзур қилганман. Қўллэзма қайси гўрда қолганийм билмайман.

— Сиз услубни сайқаллаш учун узоқ ишлагандирсиз? — сўради ўқитувчи.— Ўйлайманки, ҳозирги шоирларнинг ёввойиларча ижодий мактаби кўнглингизга ўтиришмагандир? Мана шу ижодий мактаб шоирлари ўз сафидан Ронсарни етишитириб, мўъжиза кўрсатдик, деб ўлашаётган бўлса керак?

— Менинг асарим фирт физиология соҳасидан.

— Э, бундай денг! Яхши, яхши!— гапни илиб кетди ўқитувчи.— Илмий асарларда тил қоидалари тадқиқот талабларига мос бўлиши керак. Ҳар ҳолда бўтам, равон, баркамол услугуб, Массильон, Бюффон услуги, буюк Расин услуги — хуллас, классик услугуб ҳеч кимга зарар қўлмайди... Дарвоҳе, азизим, нимага келганимни эсимдан чиқарай дебман,— мулоҳазалар оламидан чиқди ўқитувчи.— Сизга бир иш билан келгандим.

Узоқ йиллар ўқитувчилик қилиб, силлиқ ва баландпарвоз гапиришга ўрганиб қолган мураббийни Рафаэль негаям қабул қилдим, деб афсуслана бошлади, унинг тезроқ кетишини тилашига сал қолди, аммо рўпарасида осиғлик сағри терига кўз қирини ташлагач, дарров пинҳоний истагидан воз кечди. Оқ матога ёпиштириб қўйилган сағри терининг атрофи қизил чизик билан яхшилаб белгилаб қўйилганди. Машъум базмдан кейин Рафаэль кўнглидағи энг арзимас тилакларидан ҳам ўзини тиядиган бўлиб қолди; даҳшатли сағри терининг ҳатто енгилгина қўмирлашигаям йўл қўймаслик

¹ Ҳайкал қурдим ўзимга. (Лат.)

чун жуда эҳтиёткор бўлиб олди. Сағри тери унинг чун гўё бир шер эди, у мана шу йиртқич билан яшашга мажбур эди, яна ғазабланиб, мени еб қўймасин деган ўйда доимий қўрқувда кун кечиради. Шунинг учун Рафаэль қари ўқитувчининг узундан-узоқ сафсаталарини сабр-бардош билан эшитишга мажбур бўлди. Поррике ота Июль инқилоғидан кейин қандай таъқибларга учраганлигини бир соатча тапириб берди. Чол тушмагур Поррике кучли ҳукумат тарафдори бўлгани учун матбуотда ватанпарварлик руҳидаги мақола билан чиқди. У мақоласида баққоллар пештахталарининг олдида, давлат арбоблари ўз вазифаларида, адвокатлар — судда, Франция пэрлари Люксембург саройида туриб, ҳар ким ўзининг ишини бажарсин, деб талаб қилди. Аммо гражданин — қиролнинг машҳур министрларидан бири уни карлчиликда айлаб, кафедрадан ҳайдади. Шундай қилиб, чол ишсиз, нафақасиз, бир бурда нонсиз қолди. Поррике бечора бир жиянини ўзига ўғил қилиб олганди. Авлиё Сульпизий семинариясида ўқиётган шу жияни учун пул тўлаб турарди. Ҳозир ҳам Поррике ўзи учун эмас, мана шу тутинган ўғли учун келганди. «Мени аввалги ишимга тиклашга ёрдамлашинг демайман,— илтимос қилди у собиқ ўқувчисидан,— йўқ, сиз янги министрдан лоақал бирорта олис вилоят коллежидаги инспекторлик ўрнини сўраб берсангиз бўлди. Бир меъёрда минифирлаётган чол гапидан тўхтаганида Рафаэлни мудроқ босган эди. У ўқитувчининг хира, деярли нурсиз кўзларига қараб, жимжимадор гапиришига қулоқ солишга ўзини мажбур қилганидан аллақандай ғалати куч таъсирида уйқуга кета бошлаган эди.

— Хуллас, азизим Поррике,— деди Рафаэль нимага жавоб берәётганини ўзиям билмасдан,— бу масалада менинг қўлимдан ҳеч иш келмайди, маъзур тутасиз. Умуман, ишингиз юришиб кетишга чин юракдан тилакдошман...

Худбинларча бепарвонлик билан айтилган бу сўзлар саргайган пешонасини ажин босган чолга қандай таъсири қилганини билмаган Рафаэль бирдан қўрқиб, кетган кийикдай сакраб тушди. У қора тери билан қизил чизиқ орасида ингичка оқ жойни қўриб, шундай бақириб юбордики, шўрлик ўқитувчининг ўтакаси ёрилаёди.

— Йўқол кўзимдан, қари эшшак! — бақирди Рафаэль. — Сизни инспектор қилиб тайнинлашади! Мени ажалимни тезлаштирадиган шу тилак ўрнига ўзингизга минг экюлик умрбод пенсия сўрасангиз ўлармидингиз? Шунда келганингиз менга зарар қилмасди. Францияда юз мингта мансаб бор, мени ҳаётим бўлса битта! Одамнинг ҳаёти дунёдаги ҳамма мансаблардан аълороқ... Ионафан!

Ионафан пайдо бўлди.

— Нима қилиб қўйдинг, аҳмоқ! Нимага бу одамни кўринг, деб илтимос қилдинг? — деди у тош бўлиб қотиб қол-

ған чолни кўрсатиб.— Сенга жонимни топширганимда тил-караб ташла деганманми? Сен ҳозир ўн йиллик умримга за-вол бўлдинг! Яна бир марта шунаقا хато қиссанг борми, мен отамни кузатган жойга ўзимниям кузатиб қўясан. Мана шу қари лашишга ёрдамлашгандан кўра гўзал Феодорага эри-шиш яхшимасмиди? Бу одамга пул берсам бўлди эди... Уму-ман, бунаقا Поррикелардан мингтаси очдан ўлгани билан мени неча пуллик ишим бор?

Ғазабдан Рафаэлнинг ранги оқариб, оғзи кўпиклашиб, юзи хунуклашиб кетди. Илон кўрганида қўрқкан болалар-дай, иккала чол дағ-дағ титрашарди. Йигит креслога ўзини ташлади. Унинг кўнглида алланима юз бериб, ёниб турган кўзлари ёшланди.

— Оҳ, умрим! Олтиндан қиммат умрим!..— такрорлади у.— Кўнглимда бирорта на яхши фикр, на меҳр қолди! Ҳеч-қиси йўқ! — Рафаэль ўқитувчисига қаради.— Бўғанича бўлди, энди афсус-надоматдан фойда йўқ, кекса, қадрон дўстим,— мулојим давом эттириди у.— Сиз чеккан азоблари-нгизнинг энди роҳатини кўрасиз, баҳтисизлигим ҳеч бўлмаса сиздай азиз, мўътабар одамга наф келтиради-ку.

У мана шу ғалати сўзларни шундай самимий айтдики, ик-кала чол йиғлаб юборишид. Бегона тилда ажойиб қўшиқ эшигтган одамлар шундай йиғлайди.

— У мажнун бўлиб қолиби,— деди шивирлаб Поррике.

— Авваллариям шунаقا оқкўнгил эдингиз, азиз дўстим,— боягидай мулојим давом этди Рафаэль.— Сиз айбимни ка-салликка йўйиб, мени оқламоқчисиз. Касаллик тасодифий нарса, тошмеҳрлик эса — иллат. Энди мени ёлғиз қолди-ринг,— қўшиб қўйди у.— Эрта-индин, ҳатто шу бугуннинг ўзида янги мансабга тайинланасиз, чунки қаршилик ҳара-катдан устун келди...

Валантендан, унинг саломатлигидан қаттиқ ҳавотирлан-ган ва қўрқиб кетган чол чиқиб кетди. Поррике бу ғайрита-бийи манзарадан ҳамон ажабланаётган эди. У ўз кўзига ишонмай, қайта-қайта ўйлаб кўрар, ҳудди ёмон туш кўриб, ўйғониб кетган одамга ўхшарди.

— Кулоқ сол, Ионафан,— деди Рафаэль қари хизматко-рига.— Ахир сенга қандай вазифа юкланганини ҳалиям ту-шумайсанми?

— Қулогим сизда, жаноб маркиз.

— Мен гўё яшаётганлар орасида йўқман.

— Қулогим сизда, жаноб маркиз.

Назаримда ўлим тўшагида етибману, ҳаётнинг ҳамма ҳузур-ҳаловатлари чиройли қизлардай атрофимда гир айла-ниб ўйин тушишяпти. Агар уларни чақиргудай бўлсанм ҳаёт-тимдан айриламан. Қаёққа қарасам, ўлим кўринади! Мен билан бутун олам ўртасида сен тўсиқ бўлиб туришинг керак.

— Қулогим сизда, жаноб маркиз,— деди қари хизматкор

пешонасидаги реза-реза терларни артиб.—Лекин чиройли қизларни кўришни хоҳламасангиз бугун кечқурун Итальян театрига қандай қилиб борасиз? Бир инглиз хонадони Лондона қайтиб кетаётган экан, шуларнинг обуна билетини сўраволдим. Энди сизнинг аъло, ҳашаматли, хилват ложангиз бўлади.

Рафаэль чуқур ўйга чўмған хизматкорининг гаплари қулогига кирмаётган эди.

Мана бу ҳашаматли каретага қаранг. Ташқариси сипо, қора рангда, лекин эшиккасида қадими, мўътабар насабнинг зарҳал муҳри ялтираб турарди. Карета шаҳар кўчаларидан ўтаётганида қизлар сариқ атлас қопламаларига, момиқдай гиламларига, зар уқаларига, юмшоқ ёстиқларига ва кўзгудай силлиқ ойналарига ҳавас билан қараб қолишади. Каретанинг орқасидаги зинада зар ҳошияли ливрея кийган икки лакей тик туриб боради, каретанинг ичидаги эса, безгакдай юзлари қизариб, қовоқлари салқигац, маъюс ва ўйчан Рафаэль ўтиради. Мол-давлатнинг латли қиёфаси бу! Йигит Париж кўчаларида ракетадай учади, Фавар театринг яқинлашади. Карета зинаси туширилади, икки лакей эшикни очиб, Рафаэль тушаётганида кўмаклашишади. Шунда одамлар ҳавас ва ҳasad билан қарашади.

— Нимасига бундай бой бўп кетган экан? — сўрайди камбағал ҳуқуқшунос талаба. У чўнтагида бир экюси бўлмагани учун Россияни яратган сеҳрли мусиқани тинглашдан маҳрум.

Рафаэль томоша залига шошмасдан кириб борди: энди уни аввалгида ҳузур-ҳаловатлар қизиқтирмасди. «Семирамида» операсининг иккинчи кўрининши бошланишини кутиб фойёз коридорларида сайд қилиб юрарди, у ўзининг ложасини ҳам унугтган, у ерга қараб ҳам кўрмаганди. Энди Рафаэлнинг қалбida эгалик туйғуси ҳам қолмаганди. Ҳамма қасаллар сингари у ҳам фақат ўз дардини ўйларди. Камин токчасига суюниб турган Рафаэль олдидан ёш ва қари олифтадар, собиқ ва ҳозирги министрлар, тан олинимаган пэрлар ёки Июль революцияси вақтида кўзга кўринган сохта пэрлар, кўпгина ишбилармонлар ва журналистлар у ёқдан-бу ёққа ўтиб туришарди. Рафаэль ўзидан бир неча қадам нарида, оломон ичидаги ғалати, гайритабиий, арвоҳга ўхшаш бир гавдани кўриб қолди. У ғалати одамнинг кимлигига қизиқиб, яқинроқ борди ва такаллуфсиз тикилиб қаради. «Ана бўёғу мана бўёқ», ўйлади Рафаэль. Нотанини одамнинг Мазаринини эслатувчи соқоли учи вергулга ўхшаб дикқайиб турарди. У соқоли билан фахрланса керак, қора бўёққа бўяб олганди. Аммо бу бўёқ оқ мўйлари қўшилигидан соқолига нафармон тус берган, ёруғликка қараб, ҳар хил товланиб турарди. Узунчоқ, япасқи юзининг ажинлари оқ-қизилга қалин бўялгани учун қув ва ташвишли кўринәрди. Бўёқ тегма-

ган жойларидан тупроқ рангидаги буришган териси кўриниб, ажралиб турарди. Дўнг пешона, чўқи даҳан бу қиёфа немис чўпонлари ёғочдан йўниб ишлайдиган жуда кўп кулгили қўғирчоқларга ўхшарди. Агар синчковроқ одам аввал мана шу Адонистга, сўнг Рафаэлга қараса, маркизнинг вужуди қаригану, кўзларида ёшлик ўти борлигини, нотаниш одамнинг эса ёшлик ниқобида-ю, кўзлари хиралашиб қолганлигини сезарди. Рафаэль бу қурумсоқ миттигина чолни қаерда кўрганигини эслашга уриниб кўрди. Чол ажойиб галстук таққан, шпорлари жағранглайдиган, баланд қўнжли этик кийган, гўё ёшлик куч-ғайрати тўлиб-тошгандай, қўлларини чалкаштириб турарди. Ўнинг юришлари табиий, тетик эди. Ҳамма тугмалари яхшилаб қадалган фраки унинг қомати дуркун, илиги бақувватлигидан, қари сатаангнинг ҳалигача янги-модага риоя қилишидан далолат берарди. Рафаэль бу тирик қўғирчоққа, арвоҳни кўргандай, сеҳрланиб қараб қолди. У чолга Рембрандтнинг яқинда таъмиранланган, бўёғи қорайиб кетган, лок билан бўялиб, янги ҳошияланган суратига қарагандай тикилиб қолди. Бу ўхшатиш Рафаэлга қалаванинг учини топиб берди. У элас-элас хотираларини излаб, нодир буюмлар билан савдо қилувчи чолни топди. Ахир уни бахтсиз қилган шу одам-ку. Шу заҳоти мана шуғалати афсонавий одамнинг ясама тишлигини беркитиб турган лабларида сассиз истеҳзо кўринди. Рафаэлнинг тийрак хаёлида Гёте тасвирлаган Мефистофель жонланди. Аслида кўп нарсаларга ишонмайдиган Рафаэль шу топда кўпгина хурофий фикрларга, шоирлар тасвирлаган Урта аср афсоналаридаги турли-туман сеҳру жодуларга ишона бошлади. Шу топда у қўрқув ичида, Фаустнинг йўлидан қайтиб, худога, биби Марямга ишонар, самога илтижо қиласи эди. У Микеланжелонинг нурли сиймосини, Санцо Урбино булуларини, қанотли фаришталарни, оппоқ соқолли чолни, нур таратиб турган гўзал санамни аниқ кўрди. Энди мана шу мўъжизавий мавжудотлар, афсонавий ва айни вақтда, кўнгилга яқин мавжудотларни кўргач, у юз берган воқеаларнинг маъносини тушуниб, нимагадир умид қила бошлади. Лекин унинг нигоҳи яна Итальян опера театрининг фойесига тушганида биби Марям ўрнида мафтункор ва лаънати қизни, юпқа шойи кўйлагига шарқона жавоҳирлар қадалган суюги йўқ раққоса, жирканч Евфрасияни кўрди. Уятсиз, мағур, кўзлари чақнаган қиз шошмасдан, солланиб, чолининг ёнига келди. У ҳасадгўй ва қизиқувчан жамиятга бадавлат савдогар хушторини, ўзига ҳисобсиз хазиналарни совураётганини кўз-кўз қиласиди. Рафаэль чолдан даҳшатли совғани олатуриб, ҳазиломуз тилак тилаганини эслади. Яқиндагина олий донишмандлик тимсоли бўлган, дунёнинг ҳамма ташвишларидан ғолиб чиққан бу одамнинг ҳозир ўлгудай хор бўлганлигини кўриб, қасос лаззатидан ҳузур қила бошлади. Кўҳ-

и и чолнинг қуруқшаган лабларида табассум пайдо бўлди. Гиззеса бунга жавобан қандайдир ширин сўз айтди; чол қизиги қоқ суюк қўлларини узатди; иккаласи қўлтиқлашиб, бир исча бор фойёни айланиб чиқишиди. Чол терисига сифмай қувонарди: маҳбубасига одамларнинг эҳтирос ва ҳавас билан киравшлари, мақтov сўзлари чолга мойдай ёқарди. Аммо у ономоннинг истеҳзоли табассумларини ва чимчилаб оладиган фраклашларини сезмас эди.

— Арвоҳ қиз бу жасадни қайси гўрдан топган экан? — кийқирди башанг кийинган романтик йигит.

Евфрасия мийифида кулиб қўйди. Қочириқ қилган одам оқ-сариқ сочли, ҳушқомат, мовийкўз, калта фрак кийиб, шляхасини қийшиқ қўндириб олган йигит романтик тил луғатидаги ўткир сўзларни қаторлаштириб ташлаётганди.

«Эҳ, кўпгина чоллар ҳалол, машаққатли меҳнат билан топган ҳурмат-обрўларини охири мана шундай бир пул қилишади,— ўйлади Рафаэль.— Бир оёғи ерда, бир оёғи гўра-да-ю, тагин қизларнинг этагига ёпишишади...»

— Ҳой, бу ёққа қаранг!— қичқирди у савдогарни тўхтабиб, Евфрасияга ҳазил, дея кўз қисиб қўяркан.— Ҳаёт фалсафангиз жуда жиддий эди-ку, ҳаммаси эсингиждан чиқиб кетдими?

— Эҳ, энди баҳтимни топдим, ҳозир йигитдайман,— рутирлади чол.— Илгари тушунмаган эканман. Умр бўйи чеккан ташвиларинг бир соатли муҳаббатга арзимас экан.

Шу орада қўнгироқ чалиниб, томошабинлар жой-жойла-рини эгаллаш учун кириб кетишиди. Чол билан Рафаэль айрилишди. Маркиз ўз ложасига келиб ўтирар экан, залнинг нариги ёғида ўзига қарама-қарши томонда ўтирган Феодорага кўзи тушди. Чамаси, у ҳозиргина етиб келган, шойи шарфини ташлаб, кўкрагини очар-екан, ноз-карашмали аёлларга хос жуда кўп ҳатти-ҳаракатлар билан у ёқ-бу ёғини тузатиб, ўзини кўз-кўз қила бошлади. Ёнида Франциянинг ёшгина пэри ўтирарди; қиз боя ушлаб туринг, деб берган лорнети — дурбинни йигитдан сўраб олди. Феодоранинг хатти-ҳаракатларидан, муомаласидан Рафаэль ўз издошининг нақадар қулликка тушиб қолганлигини сезди. Феодорани чамаси, Рафаэль бир вақтлар севганидан ҳам қаттиқ севган, худди Рафаэлдай алданган бу йигитнинг ҳам кучли ва мусаффо туйғулари қизнинг совуқ мулоҳазакорлиги қоясига урилиб, чил-чил синаётганлиги сезилиб турарди. Йигит ҳозир чекаётгани азоб-уқубатлардан Валантен энди озод эди. Феодора лорнети билан ҳамма ложаларга, ясан-тусанларга тез кўз югуртириб чиқиб, Парижнинг энг чиройли, энг башанг кийинган нозанинларидан ҳам ўзи гўзалроқ эканлигига ишонч ҳосил қилгач, чеҳраси гул-гул очилиб кетди: у ўзининг оппоқтишларини кўрсатиш учун куларди; гул тақилган соchlарини

кўз-кўз қилиш учун у ёқ-бу ёққа ўгирилиб қаарди, ложалрга бир-бир қараб, бир рус князи қизининг пешонасидаги берети ярашмай турганини, банкирнинг қизи кийган шляпа чиройини бузиб турганлигини масхара қиласади. Тўсатдан графиняниг кўзлари Рафаэлнинг кўзлари билан тўқнаш келиб қолди. Илгари рад этилган хуштори ҳозир унга нафрат билан жирканиб тикилганлигини кўриб, чидаёлмаганидан ранги оқариб кетди. Феодоранинг рад этилган ҳамма мухлислари тобе бўлиб қолишса-да, дунёда фақат битта йигит Валентен унинг сехри-жодуси ҳукмидан қутулиб кетганлигидан ўзини қаёққа қўйиши билмай қолди. Одатда ҳуммини ўтказолмай, кулгига қолган ҳукумат узоққа бормайди. Бу ҳақиқатга қиролларнинг ақли етмасдан олдин у аёлларнинг юрагига муҳрланиб қолади. Феодора шунинг учун Рафаэлнинг нигоҳидан ўз ҳусну-мaloҳатига дарз кетганлигини сезди. Йигитнинг кеча Опера театрида айтган масхараловчи қочириғи аллақачон Париж салонларига тарқалиб бўлди. Бу даҳшатли мазах тифи графиняниг кўксини қаттиқ жароҳатлади. Францияда биз бадан яраларини кўйдирив даволаёламиз, аммо биттагина сўз тифидан етган жароҳат оғригини камайтиришгаям кучимиз етмайди. Театрдаги ҳамма аёллар гоҳ маркизга, гоҳ графиняга қараб қолишган шу кезда Феодора йигитни аллақайси янги Бастилияниг тош қопларига тиқиб ташлашини жуда-жуда хоҳлар эди. Феодоранинг заррача сир бой бермаслик лаёқатига қарамай, рақиблари унинг азобланәётганлигини сезиб қолишиди. Мана, графиня қўйнидан охирги тасалли кабутари ҳам учиб кетди. Жароҳатланган манманликнинг барча фам-ташвишларини камайтириб турадиган: «Мен ҳаммадан гўзалман!»— деган сўзлар энди ёлғон бўлиб қолганди. Иккинчи кўриниш бошланиши олдидан Рафаэлнинг ёнидаги бўш ложага нотаниш бир хоним кириб келди. Залдагилар уни ҳайрат билан қаршилашди. Сувда тўлқин бошлангандай, ҳамманинг диққат-эътибори унга қаратилди. Ёшу қари — ҳамма шундай шовқин бошлашники, парда очилганида оркестрдаги мусиқачилар оломонни тинчтиш учун орқага қайрилиб қарашди. Лекин бояги гўзалга назарлари тушгач, ўзлариям ҳайратланиб, шовқинни баттар кучайтиришиди. Ҳамма ложаларда ғала-ғовур авж олди. Хонимлар лорнетларини қўлларига олишиди, чоллар дарров ёшаргандай, шойи қўлқоплари билан бинокль — дурбинларининг ойнакларини арта бошлашди. Лекин шовқин аста-секин тинди, саҳнада қўшиқ бошланди, тартиб тикланди. Табиий туйғуларига маҳлиё бўлганидан уялган олий жамият одамларининг юзлари яна аслзодаларга хос такаббурона тус олди. Бойлар ҳеч нарсага ажабланмасликка ҳаракат қилишади; улар гўзларини асадардан ҳам дарров камчилик топишлари керак: шундай қилиб улар киборлар учун уятли бўлган ҳайрат туйғуларидан қутулишади. Дарвоҷе, баъзи эркаклар ҳамон хушларидан

1.1 келмаган, музиканиям тингламай туриб, соддадиллик билан ҳайратланиб, Рафаэлнинг қўшнисидан кўз узишолмасди. Рафаэль бенуарда, хилват гўшада гўзал Акилина билан ўтирган Тайфернинг қип-қизил манфур башарасини кўрди. Рафаэлга қараб, «Бўш келма!» дегандек кўз қисди. Оркестр ёнбошида тик турган Эмиль: «Ёнингда ўтирган паривашга қарасанг-чи», деяётгандай эди. Де-Нусинген хоним ва унинг қизи билан ўтирган Растињак эса безовталаниб, гўё: «Эҳ, мана бу хонимлар олдида михланиб қолмаганимда нотаниш дилбар ёнига борардим», дегандай қўлқопларини сабрсизлик билан бир-бирига уриб ўтиради. Рафаэлнинг ҳаёти қил устида турарди; У бирорта аёлга эътибор бермайман, деб ўзига-ўзи сўз берганди. Энди унинг ҳаёти мана шу баъдасининг устидан чиқишига боғлиқ эди. У атайлаб, бирорта қизни ёқтириб қолмаслик учун ўзига маҳсус кичрайтирувчи ойналар қўйилган лорнет ясатириб олган, бу дурбиндан қараганда энг кўркам, мафтункор аёллар ҳам тасқара бўлиб кўрищаарди. Рафаэль эрталабки қўрқувдан ҳалиям ўзинга келмаган эди. Оддий одоб юзасидан айтилган тилакдан ҳам тилсим шундай тез қисқаргани унинг юрагини такапука қилиб юборганди. Шунинг учун ҳозир ҳам у қиз томонга қарамайман, деб қатъий қарор қилди. Рафаэль бегона қизга тескари ўгирилиб, ҳатто гавдасининг ярми билан гўзлдан саҳнани тўсиб, гўё ёнидаги гўзални билишниям истамайман, дегандай ялпайиб ўтириб олди. Қўшини қиз ҳам Рафаэлнинг қилганини қилди: у ложа чеккасига тирсаги билан суюнганича, саҳнага ярим ўгирилиб, худди рассомга сурат олдираётгандай, ашулачиларга қараб ўтиради. Иккаласи худди аразлашган, бир-бирларига тескари ўгирилиб олган, салгина ширин гап билан бир-бирининг қучоғига отиладиган ошиқларга ўхшарди. Гоҳида нотаниш қизнинг сочларига қистирилган марабу патлари ёки соч толалари Рафаэлнинг бошига тегиб-тегиб кетиб, хушёкар, аммо йигит бу сезигига мардларча қаршилик кўрсатарди. Кўп ўтмай у қизнинг майнин гулдор тўр ёқасининг тегаётганилигини ҳис қилди, қизларга хос бошни айлантирувчи, ажойиб атри уфуриб турган кўйлагининг енгил титраб шитирлаганини эшилди; бу гўзалнинг нафас олаётганида кўкраги, елкаси, кўйлаги, бутун мафтункор вужудининг билинар-билинмас қимирилагани электр учқунидай Рафаэлга ҳам ўтди. Қизнинг оппоқ, яланғоч елкасини хиёл ёпиб турган тўр ва гулдор ёқасидан ҳарорати ўтаётгандай бўлди. Жамиятнинг шартли қонун-қоидалари туфайли бир-биридан айрилган, ажал жарликларининг икки қирғоғида қолган бу икки вужуд табиат қудрати билан бир вақтнинг ўзида хўрсиниб қўйишибди ва эҳтимол бир-бирини ўйлаб қолишибди. Билинар-билинмас алоэ — сабур ҳиди Рафаэлни сархуш қилиб қўйди. Йигит ўзини тийгани учун ёнидаги қизнинг қиёфасини тағин ҳам ёникроқ тасаввур қила

бошлади. Охири бўлмади. Рафаэль шартта ўгирилиб қаради. Эҳтимол, нотаниш эркакка бадани тегиб кетганидан ўзини ноқулай ҳис қилган қиз ҳам бирдан ўгирилди. Улар бир-бига кўзлари тушиши билан қувониб кетишди.

— Полина!

— Жаноб Рафаэль!

Иккаласи бир лаҳза тошдай қотиб қолишиди. Полина сипо ва чиройли кўйлак кийган, ҳаё билан беркилган ҳарир шойи ичидағи оппоқ, гулгун сийнаси шундай фусункор эдики, ҳатто аёллар ҳам қойил қолишарди. Қизнинг ўша-ўша камтаринлиги, мусаффолиги, ўша-ўша ширин муомаласи одамни мафтун қиласиди. Бутун вужудини енгил титроқ, қалбини эса Рафаэль меҳри эгаллаган эди.

— О, эртага бизникига келинг,— деди у,— «Сен-Кантен» мусофирихонасига келинг, қўллэзмаларингизни олиб кетасиз. Чошгоҳда бўламан у ерда. Қечикманг тағин.

Қиз шу заҳоти туриб, чиқиб кетди. Рафаэль орқасидан бормоқчи бўлди-ю, аммо ҳамманинг олдида қизни уялтиришдан қўрқди. У Феодорага қафар экан, графинянинг хунуклигини сезди. Мусиқанинг бирор пардаси қулоғига кирмагани, бу ернинг ҳавосидан бўғилиб қетаётгандигини сезиб, юраги ҳовриқиб уйига кетди.

— Ионафан,— деди у ўрнига ётаётганида қари хизматкорига.— Менга бир томчи қўкнор билан бир чақмоқ қанд бергин, эртага йигирмата кам ўн иккida уйғотасан.

Эрталаб уйғонганида Рафаэль тилсимга ғам-ғусса билан қарап экан:

— Полина мени севишини хоҳлайман!— деб ҳайқирди.

Аммо сагри тери қимир этмади, афтидан, у қисқариши ҳоссасини йўқотган эди. Албатта, тери амалга ошиб бўлган хоҳишни қайтадан амалга оширолмасди.

— Ҳа,— қичқирди Рафаэль устидан төр ағдарилгандек енгиллашиб; тилсимни ҳадия қилиб олган кундан бери у ўзини гўё устига катта тош бостирилгандай ҳис қиласиди.— Сен мени алдадинг, сен менга бўйсунмаяпсан, демак шартномамиз бузилди. Энди — озодман, энди яшайвераман. Демак, бу воқеаларнинг ҳаммаси қалтис ҳазил экан-да?

Бу сўзларни айтгани билан Рафаэль тахмини тўғрилигига ўзи ишонмасди. У илгариги вақтлардай бемалол кийинди, аввал турган ҳужрасига пиёда йўл олди. У хаёлан аввалги баҳтиёр чоғларига қайтди, ҳали ҳаёт лаззатларини тотмаган, ҳамма нарсаларни жуда-жуда кўнгли тусаган вақтларига қайтгандай ҳис қилди ўзини. Йўлда борар экан, «Сен-Кантен» мусофирихонасидаги Полинани эмас, кечаги маҳбубани, ёш, ақлли, гўзал, нозиктаъ шоирни, шеъриятни тушунадиган, яъни зеб-зийнат ичидаги яшайдиган Полинани кўз олдига келтиради. Бошқача айтганда, у қалби гўзал бўлиб қолган Феодорани ёки графиня Феодорадай бадавлат бўлиб қол-

ган Полинани кўз олдига келтиради. Рафаэль неча бор ғамгуссага ботган ҳужраси жойлашган эски уйнинг сийқалашган, плитаси дарз кетган остонаси олдига келганида ичкаридан бир кампир чиқди.

— Жаноб Рафаэль де Валантен сиз бўласизми? — сўради у.

— Мен бўламан, онахон,— жавоб берди йигит.

— Ўзингиз турган ҳужра эсингиздами? — сўради кампир.— Ўша ерда сизни кутиб туришибди.

— Мусофирихона ҳалиям Годэн хоним ихтиёридами? — сўради Рафаэль.

— Йўқ, тақсир! — деди кампир.— Годэн хоним энди баронесса. У Сенанинг нариги ёғидаги ҳашаматли уйида яшайди. Бекамнинг эри қайтиб келди. У киши бирам кўп пул олиб келганки!.. Айтишларича, бекам хоҳласа, бутун бошли Сен-Жак маҳалласини сотовлиши мумкин экан. У мусофирихонадаги ҳамма нарсани менга совфа қилди. Жуда ҳамиятли аёл у. Аввал қандай содда бўлса, ҳозирам шунаقا.

Рафаэль шошиб ҳужрасига чиқди. Зинанинг охирги пофоналирига етганида фортелидан товушини эшилди. Полина кутиб ўтирган экан; у оддий батис кўйлакда эди. Аммо кўйлагининг бичими, каравот устига эътиборсиз ташлаб қўйилган қўлқоплари, шойи рўмоли, қизнинг бой бўлиб кетганини билдиради.

— Оҳ! Келдингизми! — қувониб ҳайқирди қиз, Рафаэль ҳурмати учун ўрнидан турар экан.

Рафаэль қизариб, тортиноқлик билан Полинанинг ёнига ўтириди. Баҳтдан энтикиб, индамай қизга қараб қолди.

— Нега ўшанда бизни ташлаб кетдингиз? — сўради Полина ва қизариб, кўзларини ерга тикди.— Кейин ҳолингиз не кечди?

— Оҳ, Полина, бебаҳт одам эканман, ҳозирам аҳволим ёмон.

— Афсус! — маъюс хитоб қилди қиз.— Кеча қўрганимдаёқ буни билган эдим... Яхши кийингансиз, бадавлат кўринасиз, аслида эса, тўғрисини айта қолинг, жаноб Рафаэль, аҳволингиз аввалгидай яхшимас, тўғрими?

Валантеннинг кўзлари беихтиёр ўшланди, аранг тилга кирди:

— Полина, мен...

Рафаэль у ёгини айта олмади, кўзлари муҳаббат билан товланди, нигоҳи меҳрга лиммо-лим эди.

— О, сен мени яхши кўрасан, яхши кўрасан! — қичқирди Полина.

Рафаэль бошини қўйи солди, у гапиролмасди.

Шунда қиз унинг қўлларини ушлаб, гоҳ кулиб, гоҳ йиғлаб, бўзларди.

— Энди боймиз, бадавлатмиз, баҳтлимиз, бадавлатмиз...

Мен-чи... Мен ҳозир камбағал бўлишим керак эди. Неча бор ўзимга-ўзим: «Ў мени севади», деб айта олсам бор бисотимни нисор қиласардим, деб юрганман! О, Рафаэль, жоним! Ҳозир миллионларим бор. Сен дабдабали ҳаётни яхши кўрасан, энди кўнглинг тўлади, лекин қалбим сенга энг бебаҳо совғам бўлади, қалбимда танҳо сенсан! Биласанми, отам қайтиб келди. Мен катта мерос олдим. Ота-онам ўзинг истагандай яша дейишган. Мен озодман, тушуняпсанми, озодман!

Рафаэль Полинанинг қўлларини ушлаб, ёниқ эҳтирос билан ўпиб ташладики, бу ўпишлар жон талвасасига ўхшарди. Полина қўлларини тортиб олиб, йигитнинг елкасига қўйди ва бағрига тортди. Улар қучоқлашиб, бир-бирини бағрига босиб, ўпишиб кетдилар. Бу покиза ва ширин бўсалар ҳар қандай ғараздан холи эди. Одатда гашна қалблар бир-бирини топганда фақат биринчи бўса худди шундай оловли бўлади.

— Оҳ! — хитоб қилди Полина, стулга ўзини ташлар экан.— Сенсиз яшолмайман... Қаёқдан бундай дадил бўп қолдим-а! — деди қизариб у.

— Дадиллик дейсанми, Полина? Йўқ, қўрқмай қўяқол, бу дадиллик эмас, йўқ, бу чин муҳаббат, менинг севгимдай абадий муҳаббат, тўғрими?

— О, гапир, гапир, гапир! — деди қиз.— Ахир мен учун неча йиллар соқов бўлиб юрдинг...

— Демак, мени яхши кўрар экансан-да?

— Ё раббий! Яхши кўришам гапми? Қулоқ сол, хонангни суририб-сирираётганимда, нега иккаламиз камбағалмиз, деб неча бор йиғлаганман. Фамингни аритиш учун имонимни ҳам шайтонга сотгудай бўлардим. Энди, Рафаэль, жоним, сен меникисан: мана шу чиройли, сахий қалбинг меники! Ҳа, ҳа, айниқса қалбинг, энг бебаҳо бойлигинг!.. Нима деяётган эдим? Ҳа, ҳа, энди уч-тўрт миллион пулнимиз бор, балки беш миллиондир! Агар камбағал бўлганимда сенинг номингга ўтишни, сенга умр йўлдоши бўлишни бахт деб билардим. Энди эса бутун дунёни сенга бериб, ақалли чўринг бўлиб юрсам ҳам бахтли бўламан. Мана сенга ҳозир қалбимни, ўзимни, хонумонимни ҳадя қилипман. Лекин ўшанда мана бу ерга,— деди қиз стол ғаладонини кўрсатиб,— юз су танга қўйганим сен учун ҳамма нарсадан аъло эди. Оҳ сен ўшанда бошинг осмонга етган, мен эсам шу аҳволга тушганингдан қон ютган эдим!

— Нимагаям бой бўп кетдинг? — ҳайқирди Рафаэль.— Нимагаям ҳеч нарсага зор эмассан? Энди нима қилиб кўнглингни олсам экан-а?

Рафаэль бахтдан энтикар, севгидан боши айланарди.

— Биламан сени, фариштам; энди сен маркиза де Валантен бўласан, лекин на баланд мартаба, на мол-давлат...

— Бир тола сочингга арзимайди! — гапнинг давомини таб кетди қиз.

— Менинг ҳам миллионларим бор, лекин энди биз учун бойликнинг қиммати йўқ! Сенга фақат ҳаётимни тақдим қиттишмум мумкин.

— Рафаэль, жоним, мұҳаббатинг менга иккисижа ҳондан афзал! Энди ўй-хаёлларинг ҳам менини экан-да? Унда мен дунёда энг бахтиёр одамман!

— Бирор эшишиб қолади, — деди Рафаэль.

— Йўқ, ҳеч ким эшифтмайди! — деди қиз кокилларини шўх силкитар экан.

— Кел, жоним! — қичқирди Валантен қўлларини чўзиб.

Қиз югуриб келиб, йигитнинг тиззасига ўтириб, бўйнидан қучоқлаб олди.

— Берган озорларингиз учун энди кўнглимни олинг. Илгари мени роса хафа қилардингиз. Сиз қувонганингизда менинг юрак-бағрим эзиларди. Сизни хурсанд қиласман, деб тунлари билан елпифич бўяб чиқардим...

— Елпифич бўяб?

— Энди биз бадавлатмиз, энди ҳамма ғапни айтсам бўлади. Эҳ, соддагинам, гўдагим! Ақлли одамларни алдаш осон бўларкан! Кийим ювадиган аёлга ойига уч франк тўлаганингда ҳафтада икки марта оқ нимча билан тоза кўйлак кийиб бўлармиди? Сутниям пулингга келганидён икки бара-пар кўп ичардинг. Уйингни иситгандаям, ёф олиб бергандаям, ҳатто пул олгандаям сени алдардим. Рафаэль, жоним, менга уйланма, мен жуда айёрган...

— Оббо, ҳали шунаقا дегин...

— Ярим кечагача ухламай елпифич бўяб чиқардим, топганимнинг ярмини ойимга, ярмини сенга атардим.

Йигит билан қиз бир лаҳза бир-бирларига бахтиёр тикилиб қолишиди.

— О, бир кунмас, бир кун бу бахтиёрлигимиз бурнимиздан булоқ бўлиб чиқмасайди! — деди Рафаэль.

— Уйланганимисан? — сўради Полина. — Бари бир сени ҳеч кимга бермайман.

— Халиям бўйдоқман, жоним.

— Демак, озодсан! — ҳадеб тақрорларди қиз. — Озодсан, меникасан!

Бирдан Полина Рафаэль олдида тиз чўкиб, ибодат қиласётгандай қўлларини қовуштириб, унга илтижо билан тикилди.

— Жинни бўп қолмасам эди, нақадар ажойибсан, азиз! — сайранди Полина севгилисингиз бўқ-сариқ соchlарини сийпалар экан. — Анови графиня Феодоранг ниҳоятда тентак экан! Кеча театрда ҳайрат билан кутиб олишганидан бошим осмонга етди. Графиняни ҳеч қачон шундай кутиб олишма-

гандир! Қулоқ сол, кеча бир-бирамизга орқамизни ўгириб ўтирганимизда: «У шу ерда!» — деган фикр кўнглимга келди. Ўгирилиб қарасам — сен ўтирган экансан. Кўпчиликнинг олдида бўйинингга осилиб олмай тағин, деб қочиб кетдим!

— Гапиришга қурбинг етятти, нақадар баҳтлисан! — деди Рафаэль.— Менинг юрагим қинидан чиқиб кетяпти. Йиғлай десам йирмолмайман. Илтимос, қўлингни тортиб олма. Қани энди, умр бўйи шундай ўтирсан, мендан баҳтли одам бўлмасди дунёда.

— Шу гапларингни яна бир марта айтгин, севгилим, жоним!

— Севгимиз олдида сўзлар нима бўпти! — жавоб берди Рафаэль. Унинг қайноқ кўз ёшлари Полинанинг қўлларига тўкилди.— Вақти келиб, сенга севгим тўғрисида гапириб бераман; ҳозир эса севгимни фақат ҳис қиляпман...

— О, қалбинг шундай аломатки, сен улуф даҳосан, юрагинг тозалигини жуда яхши биламан! — хитоб қилди қиз, — шуларнинг бари менини азизим, мен эса сенинг ёрингман, тўғрими?

— Қиёматли ёримсан, жоним,— ҳаяжон билан шошилиб гапирди Рафаэль.— Сен энди умр йўлдошим бўласан, қиблагоҳим, олампаноҳим бўласан. Сен ҳамиша ғам-ғуссаларимни аритардинг, кўнглимни кўтарардинг. Фариштадай кулиб боқишинг кўнглимни баҳор ёмғиридай ювиб юборди. Дунёга қайтадан келгандаи бўлдим. Азоб-уқубатли ўтмисим, жинниликларим — ҳаммаси босириқ тушга ўхшайди. Ёнимда сен бўлсанг, дилим равшац бўлади. Баҳт нафасини сезаман. О, қани энди ҳамиша бирга бўлсак! — деди йигит қизни талпиниб турган бағрига босаркан.

— Ажалдан ҳам қўрқмайман, истаган вақтида келаверсин! — завқ-шавқ билан деди Полина.— Ахир, яшадим десам бўлади, чунки яшаш севишда-ку!

Бу икки ўшнинг қувончини тушунган одам жаннати бўлали, чунки бошидан ўтган одамгина буни ҳис қила олади!

Улар узоқ вақт жим қолишли.

— Рафаэль, жоним! — деди ниҳоят Полина.— Мана шу азиз ҳужрамизга ҳеч ким ҳеч қачон кирмаса дейман.

— Эшикка ғишт қалаб, ёпиб ташлаш керак, деразага панжара қоқиб, мана шу уйни сотиб олишимиз керак,— деган қарорга келди маркиз.

— Тўғри айтасан,— деди қиз ва бир лаҳза ўйга толгац, бир нарса эсига тушди:— Қўлёэмаларингни изламоқчи эдик-ку!

Иккаласи ёш болалардай беғубор кулиб юборишли.

— Илмнинг юзига қарагим келмай қолди! — хитоб қилди Рафаэль.

— Шон-шуҳрат нима бўлади, ҳазрати олийлари?

— Шон-шуҳратим — ўзингсан!

— Манави ажи-бужиларни ёзаётганингда роса азоб чек-
ли эдинг,— деди қиз қофозларни варақлар экан.

— Полинагинам...

— Лаббай, жоним, нима дейсан?

— Қаерда яшаябсан?

— Сен-Лазар күчасида. Сен-чи?

— Варен күчасида.

— Ахир орамиз узоқ-ку, қачонгача...

Қиз қувлик билан гапининг охирини айтмай, севгилисинг кўзларига қаради.

— Лекин биз кўпи билан икки ҳафта ҳижронда бўла-
миз,— эътиroz билдириди Рафаэль.

— Ҳақ гал! Икки ҳафтадан кейин тўй қиласми,— ёш бо-
ладай қувониб ирғишлади Полина.— О, мен бағритош экан-
ман. Отамниям, онамниям ўйламаяпман. Сендан бошқа ҳеч
кимни ўйлагим келмаяпти. Биласанми, дўстим, отамниг
касали зўрайган. У Ҳиндистондан бутуёнлай тоби қочиб кел-
ганди. Гаврга кутиб олгани борганимизда у аранг тирик
қолди. Ё раббий!— ҳайқирди у соатга қараб. Аллақачон уч
бўлиб қолибди-ку! Уйга боришим керак. Отам соат тўртда
уйғонади. Уйда бека бўлиб қолганман, онам айтганимни қи-
лади, отам жонидан азиз кўради. Мен уларнинг яхшилигига
кўрнамаклик қйлсам бўлмайди. Кеча Италия театригаям
отам бояқиш юборган эди... Эртага унинг олдига борсанг
яхши бўларди.

— Маркиза де Валантен мени бундай шарафга муяссар
қилар экан-да!

— Хоқанинг калитини ўзим олиб кетаман,— деди танта-
на билан қиз.— Ахир бу ер бизнинг қасримиз, хазинамиз-ку!

— Полина, кел, яна бир ўпай!

— Минг марта бўсаам майли! Ё раббий,— деди қиз Ра-
фаэлга қараб,— ҳамиша шундай бўладими-а? Гёё туш кў-
раётгандайман.

Улар зиналардан оҳиста тушишди. Ёнма-ён боришар
екан, баҳтдан энтикиб, ҳамон ўзларига келишолмасди. Ик-
каласи қўш капитардай ғуғулашиб Сорбонна майдонига етиб
келишди. Бу ерда Полинанинг каретаси кутиб турган эди.

— Ҳозир сеникига боргим келяпти,— хитоб қилди қиз.—
Оромгоҳингни, ижодхонангни кўрмоқчиман. Иш столингни
кўриб қўяй. Аввалгид яна бир дилкашлашамиз,— қизарип
қўшиб қўйди у.— Жозеф,— лакейга мурожаат қилди қиз,—
Варен кўчасига бориб келамиз. Ҳозир чоракам тўрт. Соат
тўртда уйда бўлишим керак. Жоржга айт, отларни тезроқ
ҳайдасин.

Бир неча дақиқадан сўнг севишганлар Валантеннинг дан-
ғиллама иморатига етиб келишди.

— О, энди кўнглим тинчиди,— хитоб қилди Полина ка-
равотга ёпилган ипак чойшабни сийпалар экан.— Ухлаётib

хаёлан ўзимни шу ерда кўраман. Ёстиққа азиз бошингни қўйиб ётганингни тасаввур қиласман. Рафаэль, айтгин-чи, уйингни жиҳозлашда ким билан маслаҳатлашгансан?

— Хеч ким билан.

— Ростдан-а? Бу ишда бирорта аёл...

— Полина, қўйсанг-чи!

— О, мен ўлгудай рашкчиман! Дидинг жуда нозик экан. Эртагаёқ мен ҳам шунаقا каравот сотовламан.

Рафаэль баҳтдан боши айланиб, Полинани қучоқлаб олди.

— Ие, отам-чи? Отам?—деди қиз.

— Кузатиб қўяман. Жудолигимиз камроқ бўлсин, дейман!—хитоб қилди Рафаэль.

— Жуда эслисан-а! Узим айтишга ийманиб турган әдим...

— Ахир сен жону жаҳонимсан-ку!

Севишганларнинг ҳамма лақиллашларини бу ерда келтириб ўтириш китобхонни зериктириб қўйган бўлур эди. Бу дилкаш сұҳбатда фақат сўзларнинг оҳангি, нигоҳлар, имошоралар олам-олам маънони англатади.

Валантен Полинани уйигача кузатиб, қайтиб келди. Ҳозир у ўзини шу қадар баҳтиёр ҳис қиласман экиди, бу ер юзида инсон зоти бундан ортиқ баҳтни тасаввур қилолмайди. Аммо у ўчоқ олдига келиб, креслага ўтириши билан деворга осифлиқ турган сағри терининг тағин салгина камайиб қолганлигини кўриб, кўксига тиғ урилгандай бўлди. У она тилида ниҳоятда болохонадор сўқинди. Кресло суюнчигига ўзини ташлаганича, парда осилган карнизга паришон тикилиб қолди.

— Ё раббий!—ҳайқирди у.—Наҳотки, ҳамма истакларим... Шўрлик Полина!

Рафаэль паргарни олиб, бу тонг қанчалик қимматга тушганлигини ўлчаб кўрди.

— Икки ой умрим қопти!—деди у.

Ийитнинг пешонасидан совуқ тер чиқиб қетди. Лекин бирданига ўрнидан туриб, қаҳр-ғазаб билан сағри терини тусламлаб олди ва:

— Ўлгудай аҳмоқ эканман!—деганича уйдан югуриб чиқиб, боғдан ўтиб, қудуқ олдига борди, сағри терини қудуққа улоқтириди.

— Бўлганича бўлар...—деди у.—Бошимга ураманми бу бемаъни нарсани!

Шундай қилиб, Рафаэль севгидан маст бўлиб, Полина билан баҳтиёр яшай бошлади. Тўйни бир оз кечиктиришга тўғри келди. Бунинг сабабларини айтиб ўтирмаймиз, чунки қизиқарли эмас. Март ойининг дастлабки кунларида меҳмонлар тўйга ниҳоят ташриф этишди. Рафаэль билан Полина оғир синовлардан ўтишди. Туйғуларининг барқарорлигига энди сира шубҳа қилишмасди. Улар баҳтга етишганларидан

1 ўини бир-бирига яна ҳам меҳрибон бўлиб кетишиди. Муҳаббат билан пайванд мана шу икки қалб дунёда бошқа топилмиса керак. Улар бир-бирларини қанчалик яқиндан билгани сарп бир-бирини еру осмонга ишонмасди. Иккаласиям — меҳрибон, иккаласиям — тортиноқ, иккаласиям — эҳтиросли эдилар. Аммо бу фаришталарга хос покиза эҳтирос эди. Бахтларининг осмонидаги бирорта қора булут кўринмасди. Биринни тилаги, истаги иккинчиси учун қонун эди. Иккаласиям бадавлат бўлганидан, ҳар қандай инжиқликни кўтаришлари мумкин эди, демак, уларнинг бирорта тилагини инжиқлик деб бўлмасди. Рафаэлнинг умр йўлдоши нозик дидли, шонртаъб, нағосат ошиғи эди. У аёллар ўч бўладиган қимматбаҳо либос, тақинчоқларга парво қилмасди. У севгилисинг бир табассумини хурмуз марваридига алишмасди. Муслини ва гуллар унинг энг яхши зийнати эди. Зоро, Полина билан Рафаэль жамоат орасида, қизғин давраларда юришини ёқтиришмасди. Хилват гўшалар уларнинг баҳри дилини очарди. Текин томошага ўч бўлган одамлар тўйдан аввал бу ажойиб ошиқ-маъшуқларни ҳар куни кечқурун ё театрда, ёки операда кўришарди. Биринчи кезларда гийбатчилар уларнинг оловида исинмоқчи бўлишиди; аммо тез орада Парижни алғов-далғов қилиб юборган воқеалар бўронидан сўнг беозор ошиқ-маъшуқларни тинч қўйишиди. Бунинг устига уларнинг тўйлари бўлади, деган гап чиқиб қолди. Ахлоқ муҳиблари шундан сўнг уларни оқлашди; ошиқ-маъшуқларнинг қароллариям одатдагидан ташқари камтарин, камсувқум бўлгани учун гийбат олови унчалик авж олмади. Шу зийнлда улар баҳтга етишганлари учун ортиқча гап-сўзга қолганлари йўқ.

Февралнинг охирларида кунлар анча исиб, баҳор сурурларини эсга солаётган бир пайтда, Полина билан Рафаэль югрокқина оранжерея қишки боғ ичидаги нонушта қилишаётган эдилар. Оранжерея гулга тўла меҳмонхонани эслатар, ённинг тўғри боққа чиқарди. Қиши қўёшининг заиф нурлари ёнда-сонда ўсган бутазордан ўтиб, ҳавони илита бошласанди.

Дарахтларнинг ола чалпоқ барглари, тўп-тўп гуллар, нур билан соянинг ўйини дилни яйратарди. Парижликлар ҳали мунғайлан ўчоқлари олдида исиниб ўтирган бир пайтда ёш келин-куёв анвойи гуллар ўртасида чақчақлашиб ўтиришарди. Бу лаззатбахш ва ҳашаматли оранжерея полига майсанзор рангидаги бўйра тўшалганди. Кўк мато билан қопланган деңорда тангадек заҳ изи йўқ.

Мебель ёғочдан бўлиб, кўриниши қўполроқ, аммо обдон жило берилганидан ойнадай ярақларди. Полина сут ҳидини олиб, столга чиқиб ўтириб олган мушукнинг тумшуғини кофе билан бўяб қўйди. У мушуги билан ўйнашини яхши кўрарди, тоҳ қаймоқни унинг тумшуғи остига олиб борар, гоҳ ғашига

тегиш ва ўйинни чўзиш мақсадида ундан узоқроққа олиб бориб қўярди. Бусиз ҳам ўн карра газетани қўлидан қўйиб, қўлига олган Рафаэлга халақит бериш учун Полина мушук ҳар гал ташланганда шарақлаб кулар ва ҳазил устига ҳазил қиласар эди. Табиийлик ва самимилик тимсоли бўлмиш бу тонгги манзарадан таърифга сифмас баҳт порлаб туради. Рафаэль ўзини газета мутолаасига берилгандай қилиб қўрсатиб, мушук билан олишаётган Полинага, узун пеньюарига — енгил уй кийимига чулғаниб олган Полинасига, унинг ёйилган сочларига, қора дуҳоба туфли кийган, қўкимтири томирлари ярашиб турган момиқдай оёқларига зимдан боқар эди. Мана шу уй либосида у гул-гул очилиб, Вестол-нинг хаёлий образлари сингари мафтункор бўлиб кетар эди; бу ҳолатда уни жувон ҳам деса бўларди, бўй қиз деса ҳам бўларди; жувондан кўра кўпроқ бўй қиз деб тахмин қилиш мумкин эди. У беғубор саодатдан маству мустафариқ, муҳаббатнинг илк севинчларидан энди-энди баҳра топмоқда эди шу топда. Ширин орзулар гирдобига гарқ бўлган Рафаэлнинг диққати газетадан бир нафас бўлиниши биланоқ Полина уни секин тортиб олди, ғижимлаб юмaloқлади-да, боққа улоқтириди, мушук эса одатда боши-кети ўзига ҳам маълум бўлмаган сиёsat орқасидан ўзини ташқарига отди. Бу болаларча шўхлик диққат-эътиборини бутунлай ром этган Рафаэль яна мутолаа қилгиси келиб қолдию, газетани олиш учун пастга эгилди, шу дам умрида сира эшитмаган, самимий, шод, булбулигўё сингари ёқимли қаҳ-қаҳа жаранглаб кетди.

— Сени газетага рашк қиламан,— деди Полина беғубор қаҳқаҳасидан ёшланган кўзларини артар экан.— Ахир бу фирт бевафолик эмасми?— сўзида давом этди у тўсатдан ёсли-хушли аёл қиёфасига кириб,— бу қанақаси бўлди? Менинг ёнимда русларнинг аллақандай чақириқларини берилиб ўқишинг яхшими? Император Николайнинг насрини наҳотки севги сўzlари ва нигоҳлардан афзал кўрсанг?

— Асло ўқимаётган эдим, жоним, сенга зимдан қараб ўтиргандим.

Шу дам оранжерея ёнида боғбоннинг оғир қадамлари шарпаси эштилди — нағал қоқилган этиклари остида қум гарч-ғурч эзиларди.

— Ҳаловатингизни бузганим учун мени авф этинг, жаноб маркиз, афв этинг хоним, лекин бир ғалати нарса келтиридимки, умрим бино бўлиб бундайини кўрмаганман. Гап шундаки, ҳозиргина қудуқдан сув тортиб олаётган эдим, челакка қўшилиб аломат бир денгиз ўлани чиқди. Мана, қаранг! Сувга шунчалик чиниқкан экан — сира ивимабдиям, заҳ тортмабдиям. Тарапашадек қуруқ, зифирча шилимшиғи йўқ. Буни жаноб марказга кўрсатай, қизиқсалар керак, ҳар ҳолда ўқимишлироқ-ку, деб тўғри сизга олиб келдим.

Шундай деб боғбон ҳажми олти дюймдан ошмай қолган бөхосият сағри терини Рафаэлга кўрсатди.

— Раҳмат, Ванъер,— деди Рафаэль.— Ҳақиқатан ғалати нарса экан.

— Ҳой, сенгә нима бўлди, жоним? Рангинг қув ўчиб кетди?— деб юборди Полина.

— Сизга руҳсат, Ванъер.

— Юрагимга фул-фула тушяпти,— деди Полина,— овозийг бир лаҳзада ўзгарди-қолди. Нима бўлди ўзи? Тинчликми? Қаеринг оғрияпти? Тобинг қочдими? Ҳай, ким бор?— деб қичқирди у.— Тез доктор чақиринглар! Ионафан, қайдасан?

— Ҳечқиси йўқ, Полина,— деди Рафаэль ўзини бир амаллаб қўлга олиб.— Юр, бу ердан кетайлик. Қайсиdir гулнинг ҳидига чидомаяпман. Анави тўзимгулнинг ҳидимикин?

Полина жонҳолатда бечора ўсимликка ёпишиб, томир-помири билан юлиб олди-да, боғ ичкарисига ирғитди.

— Бўйингдан айланай,— хитоб қилди Полина Рафаэлни севгисидай иссиқ бағрига босиб, нозу фироқ билан қирмизи лабларини бўса учун тутар экан.

— Мазанг қочиб, пахтадай оқариб кетганингда бир нарсага тушундимки, кунинг битса мен ҳам шу чоғ дунёдан кўз юмар эканман — шунчалик жонимга жон бўлиб кетгансан. Курагимни силаб кўргин, Рафаэль, этим увишгандай бўляпти — бу ажалнинг нафаси. Лабларинг чўғдай-а! Қўлингчи? Муздек совуқ!

— Парво қилма,— деди Рафаэль.

— Ийе, яна кўз ёшинг нимаси?! Кел, ёшингни лабим билан артай.

— Полина, Полина, мунча мени севмасанг!

— Сенга бир нима бўлди, Рафаэль. Қани, гапир, барибир сирингни билиб оламан. Қани, буни менга кўрсат-чи,— деди Полина ва сагри терини қўлига олди.

— Менинг кушандам,— деб юборди йигит даҳшат оғушида тилсимга тикиларкан.

— Вой, нималар деяпсан?— ўпкаси ёрилгудай сўради Полина тақдирнинг кароматли рамзини қўлидан тушириб юбориб.

— Мени севасанми?— сўради йигит.

— Севасанми? Ахир сенда инсоф борми?

— Бўлмаса мени пича тинч қўй.

Бечора жувон чиқиб кетди.

— Наҳотки!— ёлғиз қолиб ҳайқирди Рафаэль.— Мана шу маърифатли замонамизда олмослар карбон кристали эканлигини биламиз, ҳамма нарсани изоҳлаш мумкин, янги чиққан Маҳдини полиция судга тортади, унинг кўрсатган мўъжизаларини Фанлар академияси текширади, фақат нотариал ҳужжатларга ишонамиз. Шундай бир ваҳтда мен аҳмоқ аллақандай дуо-оятларга ишониб юрсам-а! Лекин, худо суйган

Бандасига азоб беришни яхши кўради, деган гапга ишонмай ман... Олимлар билан гаплашиб кўриш керак...

Кўп ўтмай у бочкаларнинг катта омборхонаси бўлга Вино бозори билан маст-аластларни кўпайтирадиган «кўчат хона» бўлган Салппетриер худойихонаси оралиғига бориқ қолди. Бу ердаги чоғроқ ҳовузда ўрдакларнинг энг ноёб турлари сузиб юришарди. Қуёш нурларида патлари черков ма зойиқасидай товланиб, жилоланаарди. Бу ерга бутун дунё нинг ўрдаклари келиб қолгандай эди — улар ғағалаб, ўмба лоқ ошибб, сувда сузиб, гўё ўрдак «депутатларининг» палата сини ташкил этишганди. Фақат бу «депутатлар» қонунлари ҳам, сиёсий шиорлари ҳам йўқлиги учун бахтиёр эдилар. Улар бу ерда овчилар таҳдидидан қўрқмай фарогатда яша шарди. Фақат онда-сонда табиётшунос уларнинг тинчини бузарди, холос.

— Жаноб Лавриль мана шу ерда,— деди қоровул, зоологиянинг мана шу пирини излаётган Рафаэлга.

Маркиз иккита ўрдакни берилиб кўздан кечираётган паст бўйли жанобга қаради. Ўрта ёшлардаги бу олим истараси исспик, очиқ кўнгил эди. Бутун вужудидан илм-фанга меҳр ёғилиб турарди. Бошидаги паригини қашлайвериб, қийшайтириб юборган, унинг тагидан оқарган сочи кўринарди. Ўзига бундай бепарволик олимнинг илм-фангага, қашфиётларга ўчлигини, шайдолигини кўрсатарди. Бу эҳтиросга берилган одам бошқа барча ишқибозлар сингари бор оламни унутади, ўзиниям ўйламай қўяди. Рафаэлнинг ҳам олимлиги, тадқиқотчилиги тутиб кетди, у мана шу табиётшуноснинг ишларидан ҳайратга тушди. У инсоният билимини бойитаман деб кечалари ухламай ишлаган, ҳатто унинг хатолари ҳам Францияга шон-шуҳрат келтирган. Дарвоқе, таниз хонимлардан бирортаси олимнинг эгни-бошини кўриб масхара қилган бўларди. Жаноб Лавриль зоогенетика бўйича кузатишлар ўтказаётганида эгилиб-тураверганидан, панталон — уйлик шими билан йўл-йўл нимчаси орасидан ғижимланган кўйлагининг оқи кўриниб қолганди.

Салом-аликдан сўнг Рафаэль дарров жаноб Лаврилнинг ўрдакларини одатдаги сўзлар билан мақтаб қўйди.

— Нимасини айтасиз, ўрдакларга боймиз,— жавоб берди табиётшунос.— Дарвоқе, ўзингиз биларсиз, бу ўрдаклар пардаоёқлилар гуруҳининг энг кўп тарқалган турига киради. Мана шу турдаги қушларнинг бир юз ўттиз етти хили бор. Оққуш билан зинзин ўрдагидай, ҳеч қайсиси бир-бирига ўхшамайди. Ҳар бир хилнинг ўз номи, хулқ-атвори, ватани, қиёфаси бор. Бир хили бошқа хилидагидан худди оқ танли билан занжидай фарқланиб туради. Ҳолбуки, биз бирор ўрдакни танавул қилаётганимизда унинг қаерларда тарқалга нини...

Шу пайт олим қирғоққа чиққан чиройли бир қушни күриб қолди.

— Қаранг, қаранг, галстукли оққуш, Канаданинг шўрлик фарзанди. Шунча жойдан бу ерга жигарранг — кўкимтирияларини, қора галстукчасини кўрсатгани келган! Қашланишини қаранг... Мана буниси машҳур момиқ патли ғоз, уни гага-ўрдак ҳам дейишади. Танноз хонимларимиз бу момиқдан тўшак қилиб ётишади. Оқ-қизил товланиб турган қоринчиасига қаранг, яшил тумшуғига қаранг. Ҳозиргина буларнинг қовушувини кузатишга мусассар бўлдим. Натижасини сабр-сиэзлик билан кутяпман. Бу қушчаларнинг бир юз ўттиз сак-кизинчи хилини ҳосил қилишга умид боғлаб юрибман, балки янги насл каминанинг номи билан аталар.— Мана, ўша «келин-куёвлар»,— деди олим икки ўрдакни кўрсатиб.— Мана бу эса гулиқаҳқаҳ ғоз (*anas aegifrons*) буниси — ҳуштакбоз ўрдак (*anaz rufiila*, Бюффандан). Ҳуштакбоз ўрдакни урчитсаммикин, оққуш ўрдакними ё ялпоқтумшуюқними,— деб узоқ иккиландим. Қаранг, манови семиз, қўнғир-қорамтириялопотумшуқ (*anas clypeata*) ёвузни яхшилаб қаранг, ноз-карашмали кўкимтириялопотумшуқ (*camalakran*) бўйнини кўринг. Лекин, ҳуштакбоз ўрдакнинг попушаги бор эди, шуниси маъқул деган бир қарорга келдим. Энди бизга фақат қора тожли ўрдак етишмай турипти. Жаноб табииётшуносларимиз тумшуғи қийшиқ тувалоқни ўрдакнинг кераксиз такори дейишияпти; менга қолса... (у шундай деб, шўх кўз қисиб қўйди, бу ишора олимнинг камтарлигидан ва қайсарлиги, мағрурлиги, мамнунлигидан далолат берарди).— ...Мен бошқача фикрдаман,— деб илова қилди у.— Кўриб турибсизки, тақсир биз бу ерда вақтни беҳуда ўтказаётганимиз йўқ. Мен шу кунларда ўрдак ўзи алоҳида бир тур эканлиги тўғрисида монография ёзяпман... Хуллас, шунаقا гаплар... Дарвоҷе, бизга қандай хизматлари бор?

Бюффон кўчасидаги чиройли иморатга етгуналарича, Рафаэль жаноб Лаврилга сағри терини текшириш учун бериб улгурди.

— Бу нарса менга таниш,— деди олим тилсимни лупага тутиб кўрар экан.— Бу нарса қандайдир кутичага қопқоқ бўлган. Сағри жуда қадимги! Ҳозир ғилофсозлар тигрин ишлатишади. Тигрин, эҳтимол, билсангиз керак, Қизил денгизда учрайдиган *raia sephen* балифининг терисидан қилинади.

— Лекин, марҳамат қилиб мана бу нималигини айтиб беромайсизми?

— Бу бошқа бир нарса,— жавоб берди олим.— Океан билан ер, балиқ билан тўрт оёқли ҳайвон ўртасида қанчалик фарқ бўлса тигрин билан сағри ўртасида яш шунчалик фарқ бор. Лекин балиқ териси ер устидаги ҳайвонларникоидан пишиқ бўлади. Бу эса,— деди у тилсимни кўрсатиб,— ўзингиз

билсангиз керак, зоологиянинг энг қизиқарли маҳсулларидан бири.

- Масалан? — шошиб сўради Рафаэль.
- Бу эшак териси,— креслога ястаниб ўтириб олди олим.
- Биламан эшак териси эканлигини,— деди йигит.
- Эрёнда эшакнинг жуда ноёб тури бор,— гапида давом этди табииётшунос,— уни қадимгилар *eius asinus* хачир, татарлар қулон дейишади. Паллас ўша ҳайвонларни текшириб, фанга маълум қилди. Илгари бу ҳайвонни узоқ вақт хаёлий, ўйлаб чиқарилган деб ҳисоблашарди. Бу ҳайвон, билсангиз керак, Муқаддас китобдаям тилга олинган, Мусо ўша ҳайвонни ўз тенглари билан қовушувини маън этиб қўйган экан. Аммо, ҳачирни бир замонлар бузуқлик қуроли қилиб олишганида тағин ҳам машҳур бўлиб кетди. Қадимги пайғамбарлар бу ҳақда кўп гаплар айтишган. Эҳтимол, биларсиз, Паллас *Acta Acad Petropolitanae* китобининг иккинчи жилдидаги айтишича, форслар ва нўйайлар ҳозиргача бу ҳайвонлар билан бўладиган ғалати алоқаларни буйрак касалга ҳам қўймичдаги асаб касалига энг яхши даво деб билишар экан. Биз шўрлик парижликлар эшакни тасаввур ҳам қилолмаймиз. Музейимизда йўқ у. Нақадар ноёб ҳайвон! — сўзида давом этди олим. — Бу сирли ҳайвоннинг кўзларида ёруғликни акс эттирувчи парда бор, шунинг учун Шарқ одамлари уни сеҳри бор дейишади: териси энг яхши отларимизнинг терисиданам юпқароқ, силлиқроқ; очсариқ ёки тўқ сариқ йўл-йўл тусда бўлади, худди зебрага ўҳшайди. Юнги шойи-дек майнин, силагандаги ялтирайди. Кўзи ўткирликда одамни кўзидан қолишмайди. Хачир биздаги хонаки эшаклардан каттароқ ҳам дадилроқ бўлади. Энг йиртқич ҳайвонлар хужум қилиб қолсаям яқинига келтирмай, олдидан келса тишлаб, орқасидан келса тепади. Чопқиригига келсак, қушдай учади. Энг яхши арабий ва форсий тулпорларам унга етолмайди. Эҳтимол, биларсиз, биз ҳозир таъзиясини ўтказаётган заҳматкаш олим Нибурнинг отаси аниқлашича, ҳачир соатига етти жуғрофий миля* чопа олади. Ҳурликни севадиган бу мағрур ҳайвон бизнинг айниган эшакларимизга сира ўҳшамайди. Ҳачир чаққон, ҳаракатчан, ақлли ва айёр, чиройли ва шўх бўлади. Шарқ ҳайвонот оламининг подшоси у! Турк ва форс хурофчилари ҳачирнинг қаердан келиб чиққанигаям сирли тус беришган. Тибетлик ва татар ривоятчилари бу тант ҳайвонларнинг жасоратлари ҳақида ҳикоя қилишганда Сулаймон пайғамбарнинг ҳам номини тилга олишади. Ҳачирни тутиб қўлга ўргатиш учун кўп заҳмат чекиши керак. Уларни тогда тутиб бўлмайди, жуда қийин: у оҳудай сакрайди, қушдай учади. Учар отлар, бизнинг Пегас тўғрисидаги ривоятлар шубҳасиз, Шарқ мамлакатларида, чўпон-

* Миля — 1852 метр.

лар орасида тарқалган. Форсда ургочи наслини қизғиши рангга бўяшади. Эҳтимол, бизда кўп ишлатиладиган «Қизил эшакдай қайсар» деган матал шундан келиб чиққандир.

Бир замонлар Францияда табиёт фанига эътибор берилмаган вақтларда кимdir ана шу аломат ҳайвонни олиб келган бўлса керак. У асоратни унчалик кўтаролмайди. Эҳтимол, матал шу сабабдан тўқилгандир. Сиз кўрсатаётган мана бу тери ана шу хачирнинг териси. Унинг номини турлича изоҳлашади. Бирорлар Шагри турк сўзи дейишади, бошқалар Шагра шаҳар бўлиб, бояги аломат ҳайвонларнинг суюк, терилари шу шаҳарда кимёвий қайта ишланади, деб ўйлашади. Паллас бундай тери қандай ишланишини яхши тавсифлаган. Худди шундай ишлаш туфайли терида бизни ҳайратга соладиган донадорлик пайдо бўлади. Мартеланс бир хатида ёзган эдики, Шагри — дарёнинг номи экан...

— Шарҳларингиз учун ташаккўр: борди-ю бенедиктчилар ҳалигача яшаб келганларида эди, буларнинг ҳаммасидан аббат Кальмага ўхшаган бирорта одам ажойиб шарҳлар ёзган бўларди, бироқ мен ҳозир диққатингизни шунга жалб этиш шарафиға мұяссарманки, ушбу бир парча терининг ҳажми даставвал... манови географик ҳарита билан тенг эди— деди Рафаэль, очиқ ётган атласга ишора қилиб,— лекин уч ойда у сезиларли даражада қисқарди...

— Тўғри,— жавоб берди олим,— тушунаман. Жонли мавжудотларнинг қолдиқлари атмосфера шароити таъсирида табиий емирилишга учрайдилар. Ҳатто металлар сезиларли даражада кенгаяди ва қисилади, инженерлар илгаридан темир белбоғлар билан сиқилган катта тошлар оралиқлари очилиб қолганликларини ҳам кузатишган. Фан бекиёс кенг, инсон ҳаёти эса жуда қисқадир. Шунинг учун биз табиатнинг барча ҳодисаларини биламиз деб даъво қилолмаймиз.

— Саволим учун олдиндан узр сўрайман,— ҳафсаласи пир бўлиб давом этди Рафаэль.— Бу терининг зоология умумий қонунларига бўйинсуниши ва кенгая олишига ишончингиз комилми?

— Албатта-да!.. Об-бо ҳароми-ей!— минғирлади жаноб Лавриль туморни торқиляб кенгайтиrolмай.— Дарвоқе, жаноб олийлари,— қўшиб қўйди у,— машҳур механика профессори Планшет ҳузурига боринг,— балки у терига таъсир ўтказиш, юмшатиш ва чўзиш иложини топар.

— Яшанг, бир умр миннатдор бўламан.

Рафаэль табиатшунос олим, дилкаш Лавриль билан таъзим қилиб хайр-хўшлашиб, уни кабинетида, шиша идишлару гербариylар қуршовида қолдириб, Планшетникига юкурди. Энди, ушбу ташрифдан сўнг, ҳали ўзи англаб етмай, фанларнинг асосини таснифлашни билиб олди. Санчо Панса Дон Кихотга эчкилар воқеасини завқ билан сўзлаган — ҳайвонларни санаб, уларни бирма-бир рақамлаштирган эди.

Содда Лавриль ҳам Санчо Пансани эслатарди. Бир оёғи гўрга бориб қолган олим номаълум мақсадларда олам океанларига сочиб юборилган беҳисоб ҳайвонот тўдаларининг кичик бир қисменингина биларди, холос.

Рафаэль мамнун эди.

— Энди эшагимни нўхталаб оламан! — деди у ҳаяжонланниб.

Ундан олдин Стерн: «Узоқ умр кўрай десанг — эшакни авайла!» деганди. Аммо ўзиям жуда қайсар махлуқ-да!

Планшет новча, қотма — бетиним ҳаёлотга муккасидан кетган, ҳаракат дея аталадиган тубсиз жарликка доимо тикиладиган ҳақиқий шоир эди. Майда одамлар бу олий тафаккур эгаларини тушуниб бўлмайдиган, дабдаба ва ҳашаматга бефарқ қарайдиган, уззукун ўчиб қолган сигарасини сўриб, меҳмонхонага ҳам тугмаларини палапартиш қадаб киравчи олимларни аҳмоқ санашиди. Шундай кун келадики, улар бўш фазони узоқ ўлчаб ёки Аа-Сд остига иксларни қалашибириб ташлаб, бирор табиий қонунни таҳлил қиладилар ва қайси бир жўн моддани парчалайдилар; ҳадемай кўрибсизки, содда тузилиши билан бизни ҳам ҳаяжонга соладиган янги машина ёки қандайдир арава томошасига оломон йиғилиб турипти. Қамтар олим мўхлисларига кулимсирайди: «Мен нима ясабман! Ҳеч нарсамас. Инсон кучни кашф этолмайди, уни йўналтиради, холос, фан табиатга тақлиддан иборат», дейди.

Рафаэль кирганида механик қоққан қозиқдек қаққайиб туар, дорда осилиб қотган гавда узилиб тикка тушиб қолган, деб ўйлаш мумкин эди. Планшет қуёш соати циферблати бўйлаб думаладётган гулдор тош соққани кузатар, унинг тўхташини кутарди. Олим шўрлик на орден, на пенсия олмасди, чунки у ўз молини одамларга кўз-кўз қилолмасди. У кашфиётлар посбонлигига турганлигидан баҳтиёр эди ва на шон-шуҳратни, на олий базмларни, на ўзини ўйларди; у фан билан ва фан учун яшар эди.

— Фирт жумбоқ! — деди ўзича ғудраниб. — Келинг! — деди у Рафаэлни кўриб. — Хизматларига тайёрман. Онажонингиз саломатликлари қандай?.. — Рафиқамга учрай қолинг.

«Ахир мен ҳам шундай яшай олардим», — деб бир ўртанди Рафаэль. Йигит олимга тилсимни кўрсатаркан, унга қандай таъсир қилиш мумкинлигини сўраб, Планшетнинг хаёлини бўлди.

— Балки соддалигимдан куларсиз, — деди маркиз гапининг ниҳоясида, — бироқ, сиздан ҳеч нарсани яширмайман. Менимча, бу тери шундай қаршилик кўрсатиш кучига эгаки, буни ҳеч нарса енга олмайди.

— Зодагонлар фанни ўйинчоқ деб қарайдилар, — мулоҳаза бошлади Пленшет, — уларнинг бари биз билан сұхбатда худди астроном Лаланднинг мўхлисига ўхшайди. Ўша олиф-

га мухлис өй тутимиб аслига қайтганидан сўнг бир гурух хонимларни бошлаб келиб: «Марҳамат қилиб, бошқатдан бошланг» деган экан. Сизга қандай ҳаракат ҳосил қилиб берай? Механиканинг мақсади — ҳаракат қонунларини тадбиқ этиш ёки уларнинг кучини йўқотишдир. Ҳаракатнинг ўзига келсак; бемалол заифлигимни тан олиб айтаманки, биз уни аниқлашга ожизмиз. Ана шундай ўзимизни чеклаб оламиз-да, қаттиқ ва суюқ жисмларнинг ҳаракатини идора қиливчи қандайдир доимий ҳодисаларни кузатамиз. Бундай ҳодисаларнинг асосий сабабини топгач, жисмларнинг ўрнини алмаштира оламиз, маълум суръатдаги ҳаракат меъерини айта оламиз, уларни бўлакларга бўламизми ёки кукунларга айлантирамизми, шунга қараб, уларни отишими, бўлакларга ёки чексиз заррачаларга ажратишими мумкин: уларни қайришимиз, айлантиришимиз, шаклини ўзgartиршимиз, қисишимиз, кенгайтиришимиз, чўзишимиз мумкин. Фанимиз фақат далилга сұянади. Манови соққани кўряпсизми? — давом этди Планшет,— у мана бу тошнинг устида турипти. Энди эса, у ёқда. Физикавий жиҳатдан шундоққина табиий, аммо онг идрок этолмайдиган бу ҳаракатни нима деб атаймиз? Ҳаракатми, ҳаракатлантириши ёки ўрин алмаштириши? Ушбу қуруқ сўзлар ортида ҳеч бир нарса йўқ-ку, ахир? Ном қўйиш — вазифа ҳал бўлди дегани эмас-ку? Ҳолбуки бутун фан ўзи шунаقا. Бизнинг машиналар ҳаракатдан фойдаланади ёки уни тўхтата олади, бу — бор гап. Мана шу арзимас мўъжизани моддаларга нисбатан тадбиқ этсан, бутун Парижни портлатиб юборади. Биз суръатни куч эвазига ва кучни суръат эвазига ошира оламиз. Куч ва суръат нима легани? Фанимиз ҳаракатни ясай олмаганидек, бунинг жавобини ҳам бера олмайди. Ҳаракат қанақа бўлишидан қатъий назар, катта энергиядир, инсон эса энергияни йўқдан яратади. Энергия ҳаракатга ўхшайди, у ўзида энергия мөҳиятини мужассамлаштиради. Ҳамма нарса ҳаракатда. Фикр ҳаракатда. Табиат ҳаракатга асосланган. Улим ҳам бизга унчалик маълум бўлмаган ҳаракатдир. Агар тангри абадий бўлса, ишонинг, у ҳам доимий ҳаракатдадир. Балки, ҳудо ҳаракатнинг ўзи бўлиб чиқар? Ана шунинг учун ҳам ҳаракат тангри таоло каби тушунтириб бўлмайдиган, оллонинг ўзидай теран, ўзидай чек-чегарасиз, эгаллаб бўлмайдиган ва сезиб бўлмайдиган хилқатдир. Ҳаракатнинг ўзини кўрмай туриб, оқибатини сезамиз. Ҳаракатни инкор этиш худони тан олмагандай гап. Ҳаракат қаерда бору, қаерда йўқ? У қаердан келиб чиқади? Унинг бошланиши қаерда? Охири қаерда? У атрофимизни қуршайди, бизга таъсир қиласи ва билдирамай кетиб қолади. У далил сингари аниқ, мавҳумот сингари қоронғидир; у ҳам оқибат ҳам сабаб — ҳар иккаласидир. Унгаям макон керак. Маконнинг ўзи нима? Макон ҳаракатдагина ўзлигини кўрсатади: ҳаркатсиз макон қуруқ сўздир.

Бу муаммо бўшлиқ сингари, оламнинг яралиши каби чигалдир; чексизлик ва ҳаракат инсон фикрини довдиратиб қўяди, одам фақатгина бир нарсани — ҳаракатни ѡеч қачон тушуна олмаслигини тан олиши мумкин. Кетма-кет йўналган икки соққадан ҳар бирининг орқасида макон бор. Инсон онги учун у Паскаль қулаб тушган тубсиз жарга ўхшайди. Сиз номаълум кучга бўйсундиришни истаган номаълум жисмга таъсир этиш учун олдин шу жисмни ўрганишимиз керак; у табиий хоссаларига кўра куч таъсирида ё синади ёки унга қаршилик қўрсатади; агар жисм бўлинниб кетса, демак мақсадга етмаган бўламиз. Агар уни қисмоқчи бўлсангиз — унинг барча зарраларига бир хил ҳаракат билан таъсири этиш керакки, уларнинг ораларидағи бўшлиқ бирдай озайсин. Бордию, чўзмоқчи бўлсангиз — унинг ҳар бир молекуласига бирдай марказдан қочма ҳаракат билан ёндошишимиз лозим, чунки бу қонунга қатъий риоя қилмасак, изчиллик бузилади. Ҳаракатнинг беҳисоб усуслари ва чексиз комбинациялари бор. Сизга қанақа ҳаракат керак ўзи?

— Менга шундай босим керакки, ушбу терини чексиз чўза олсин... — тоқати-тоқ бўлиб деди Рафаэль.

— Ҳар бир жисмнинг ўзига ярашада чегараси бўлади, шунинг учун уни чексиз даражада чўзиш мумкин эмас,— эътироз билдириди математик,— бироқ жисм эзилганида шубҳасиз қалинлиги камайиб юзаси кенгаяди. Ундан ортиқ эзишга жисмнинг моддалари етмай қолади.

— Моддаси етгунча эзсангиз,— миллионлар сизники бўлади!— қичқирди Рафаэль.

— Шу иш учун бунчалик катта пул олиш инсофдан эмас,— голландларга хос хотиржамлик билан деди профессор,— ҳатто худосиниям пашшадай мажақлайдиган машина тўғрисида икки оғиз гапириб бераман. У кишини этиги ва шпори билан, галстуги, шляпаси, олтини ва бошқа қиммат баҳо нарсалари билан мажақлаб, бир варақ қоғозга айлантириб қўяди...

— Қандай даҳшатли машина!

— Хитойлар болаларни сувга фарқ қилиш ўрнига уларни худди шундай мажақлашлари керак эди,— давом этди олим авлодларга нисбатан хунук гапираётганини ўйлаб ўтирамай.

Уз фикрига буткул берилиб кетган Планшет таги тешик бўш гул тувакни олди-да, қуёш соатининг плитасига қўйиб, лой келтириш учун боққа чиқди. Рафаэль энагаси сирли эртак айтиб бераётган гўдакдек ҳайратда эди. Олим қайтиб кириб, лойни плита устига қўйди-да, чўнтағидан боғбонлик пичоғини чиқариб, қарағайнинг иккита шохчасини кесиб олди, худди уйда ёлғиз ўзи юргандек ҳуштак чалиб, уларнинг пўстини шила бошлади.

— Мана, машинанинг асосий қисмлари,— деди у.

Лойдан қилинган тирсак ёрдамида ҳалиги найчаларнинг

онрини гул тувакнинг остига — тешигига тўғрилаб маҳкамади. Ясалган нарса худди тамаки чекиладиган катта трубкани эслатарди. Сўнгра Планшет плита устидаги лойни эзғи-лаб уни дастали курак шаклига келтирди; гул тувакни унинг кенг жойига қўйиб, қарағай найчасини курак дастасига ўхшаган жойига маҳкамлади. Кейин найданинг учига бир сиқим лой суртиб, айнан шундай найдани шу ерга тиккасига суқиб қўйиб, яна бир тирсак ёрдамида уни ётиқ найдана билан улади; энди ҳавоми ёки суюқликми, ўйлаб ўтирумай ясалган шу машинада ҳаракатланиб, тик найдадан оралиқдаги каналга югуриб, бўш гул тувакка тушиши мумкин эди.

— Бу аппарат учун,— мурожаат этди Рафаэлга у кириш нутқи бошлаган академик сингари жиддий,— буюк Паскаль қаршисида таъзим қилишимиз шарт. Унинг шундай иззат-хурматга ҳаққи борлиги исботланган.

— Тушунолмадим...

Олим жилмайди. У мевали дараҳтдан (аптекачи чумоли-ларга қарши ишлатиш учун юборган) елимсимон дори со-линган идишни ечиб олди-да, остини қиндириди ва уни ворон-кага айлантириб, уни гул тувакка ўхшаш катта идишга маҳ-камланган ётиқ найдага тиккасига уланган қарағай найдасига тиқиб қўйди; сўнгра катта идиш билан тик найдани кўма-диган даражада сув қўйди...

Рафаэль эса сарпи терисини ўйларди.

— Сув, ҳали ҳам сиқилмайдиган жисм ҳисобланади, тақ-сир, сиз ана шу асосий фикрни эсдан чиқарманг,— огоҳлантириди механик,— тўғри, у сиқилди, лекин шу даражада кам-ки, сувнинг сиқилишини биз нолга teng деб ҳисоблайверамиз. Гул тувак деворларигача лиммо-лим сув сатҳини кўряни-сизми?

— Кўряпман.

— Ана шундай, тасаввур қилингки, бу сатҳ мен суюқлик қўйган қарағай найдасининг перпендикуляр кесмасидан минг баравар баланд. Қаранг, воронкани оляпман.

— Хўш?

— Мана, тақсир, найда тешиги орқали яна бир миқдор сув юбориб, ушбу масса ҳажмини бир оз оширсам, суюқлик ўрин алмаштиришга мажбур бўлиб, гул туваги шаклидаги идишда юқорига кўтарила бошлайди. Бу ҳол ҳар иккала қисмда суюқлик сатҳининг бирдай бўлишигача давом этади.

— Тушунарли!— завқланди Рафаэль.

— Аммо,— давом этди олим,— фарқ шундаки, тик найдага қўйилган ингичка сув оқимини бир фунт оғирликда деб фараз қислак, унинг босими шубҳасиз суюқликнинг бутун массасига таъсир этади, буни гул тувакдаги ҳар бир томчи сув ҳис этади. Шундай қилиб, минглаб, сув устунлари ҳар бирига тик найда бўйлаб шунча куч таъсир этгандек юқорига ўрлайди ва бу ерда...— Планшет гул тувагига ишора қил-

ди,— устдан берилган кучга нисбатан минг баравар кучлі энергия ҳосил бўлади.

Олим бармоғи билан лойга тиккасига суқилган дарахт найчасига ишора қилди.

— Жуда оддий,— деди Рафаэль.

Планшет табассум қилди.

— Бошқача қилиб айтганда,— математикларга хос изчилимантиқ билан давом этди ў,— катта идишдаги сув тўкилис кетмаслиги учун унинг сатҳидан сувнинг ҳар бир заррасига тик найчадан келаётган кучга қарши тура оладиган босим керак, агар бизнинг сув устунимиз бўйи бир фут бўлса, катта идишдаги минглаб сув устунларининг бўйи унчалик бўлмайди. Энди эса,— Планшет қарагай найчани чертиб қўйиб деди,— манови аппаратчани муайян қаттиқликдаги ва ўлчовдаги метал найлар билан алмаштирамиз ва катта идишдаги суюқлик устини силжийдиган металл қопқоқ билан маҳкам ёпамиз, унга параллель равишда муайян қаттиқликдаги қўзғолмас қопқа ўрнатамиз. Шундай қилиб, тик найорқали тинимсиз сув қўйиш имкониятига эга бўламиз. Икки қаттиқ қопқоқ орасида сиқилган жисм бир томондан берилган улкан куч натижасида борган сари эзила бошлайди. Найга тинимсиз сув юбориш ва суюқ моддага энергия узатиш — механика учун жўнгина иш. Бунинг учун икки поршень ва бир неча клапан кифоя. Тушунарлими, азизим,— сўради у Валантенни қўлтиқлаб олиб,— икки чексиз босим орасига қўйилган жисм эзилмай қоладими?

— Қойил! Шуни «Қишлоқдаги мактублар»ни ёзган одам ихтиро қилганми? — шодланди Рафаэль.

— Худди ўзи. Механикада бундан оддийроқ, бундан ажойиброқ нарса йўқ. Буғ машиналариям худди шу принципда ишлайди, фақат тескари йўналишда. Буғ машиналари сувнинг кенгайишига асосланган. Лекин сув муайян чегарагача кенгаяди холос. Сувнинг қаршилиги эса, маълум маънода салбий куч бўлиб, чексиз даражада катта бўлади.

— Агар шу тери кенгайса,— деди Рафаэль,— Блез Паскалга жуда баланд ҳайкал ўрнатаман, механиканинг энг муҳим муаммоларини ҳал қилганлар учун ҳар ўн йилда бериладиган юз минг франкли мукофот тайинлайман, амма-холаларингизнинг қизларига сеп қиласман, ниҳоят ақлдан озган ва ғариб, бечора математиклар учун худойихона очиб бераман.

— Жуда яхши бўларди,— мамнун жилмайди Планшет.— Эртага сиз билан Шпигхальтерниги борамиз,— давом этди у доимо олимлар муҳитида ўсган одамга хос хотиржамлик билан.— Шпигхальтер аломат механик. Яқинда у менинг лойиҳам бўйича такомиллашган бир машина ясади, ана ўша машина ёрдамида ёш бола минг боғ пиччани шляпасига жойлай олади.

- Эртагача хайр!
— Хўп, хайр!
— Ана механикаю мана механика! — хайратланди Рафаэль. — Энг ажойиб фан шу. Лавриль ўз қулонлари, таснифлари, ўрдакларию ва хиллари, банкалардаги майиб-машриқлари билан фақат хаскашликка яраши мумкин.
- Эртаси куни Рафаэль вақтичоғ бўлиб Планшетниги келди ва иккаласи биргалашиб Саломатлик кўчасига йўл олиши. Кўчанинг номиёқ Рафаэлнинг кўнглини тоғдек кўтарганди. Кўп ўтмай йигит Шпигхальтернинг маҳобатли устахонасида — олов пуркаб, ғувуллаб турган ўчоқлар орасида юради. Бу ер чирсиллаб, учқунлар ёғинини сасратаётган ўт, уюм-уюм мих, тоғ-тоғ бўлиб ётган поршену парраклар, темир тўсинлар, дастаклар, эговлар, гайкалару дарё-дарё чўян, уйилган ёғоч, пўлат клапаңлару тунукалар макони эди. Темир қириндилари томоқни кириб кетарди. Темир чанг бўлиб ҳавода «сузиб» юрад, одамларнинг уст-бошини қоплар, иси бутун устахонани тутиб кетган эди. Темирнинг бир режага солинган ўз ҳаёти бор эди — у эрир, юрад, ўйлар, одамларнинг хоҳиши билан минг шаклга кириб, ҳаммасига кўнишиб кетаверарди. Босқонларнинг тинмай гувуллаши, болға-тўқмоқларнинг дам сайин кучаяётган тақир-туқури, чийиллаётган дастгоҳлар исканжасида ғижирлаётган темирларнинг шовқини остида Рафаэль кенг, тоза ва баҳаво бўлмага ўтди. Бу ерда у кечагина Планшет сўзлаб берган улкан пресс-босманинг икир-чикиригача бир-бир кўздан кечирди. Босманинг йўғон-йўғон чўян тахталарию темир устунларини, уларни бир-бирига жисплаб турган бақувват тагликни кўриб, хайратдан ёқасини ушлади.
- Агар сиз етти марта ушбу дастани чаққон бурасан-тиз, — деди Шпигхальтер ялтироқ темирдан қилинган пишингга ишора қиласкан, — бу пўлат тахта чил-чил бўлиб, обёкларингизни илма-тешик қилворади.
- Худо сақласин! — деб қичқирди Рафаэль. Планшет ўз қўли билан сағри терини бу қудратли босманинг икки тахтаси орасига қўйди ва илмий дунёқарашдан ҳосил бўлмиш ишонч билан лишанг дастасини чаққон буради.
- Ҳой, тез ётинглар, бўлмаса нобуд қилади! — қичқирди тўсатдан Шпигхальтер ва биринчи бўлиб ўзини ерга отди.
- Устахонада қулоқни тешиб юборгудек бир шовуллаш эпнитилди. Дастгоҳ ичидаги сув-чўянни ўпириб, селдек отилиб чиқдио одамларнинг бахтига, бутун зарбаси билан эски ўчоқقا урилиб, уни қулатди-да, чархпалак қилиб, бамисли қуон уйни ўз домига тортиб учирив кетгандай, уни майиштириб ташлади.
- Ана холос! — деди совуқонлик билан Планшет. Сағрига жин ҳам урмабди! Жаноб Шпигхальтер, чўяннинг дарзи бормиди дейман ёки асосий қувур ишдан чиққанмикин?

— Йўқ, йўқ, асло! Чўянимни беш қўлимдай биламан. Бу нарсангизни йўқотинг, тақсир, уни афсуни бор.— Немис жонҳолатда оғир болғага ёпишиб, терини сандон устига улоқтириди-да, ғазабдан қайнаб, бор кучи билан тилсимни шундай урдики, ўзиям бундай зарба устахонасида биринчи марта бўлса, ажаб эмас.

— Болғанинг изи ҳам қолмади!— деб юборди Планшет, қайеар сағри терини силаб кўраркан. Ҳар томондан ишчилар югуриб келишди. Ҳалфа терини олиб, тошқўмир лахча бўлиб ёнаётган ўчоқ ичига ташлади. Ҳамма ўт олдида ярим доира ҳосил қилиб, улкан босқонларнинг таъсирини кутишарди. Рафаэль, Шпигхальтер ҳамда профессор дами ичига тушган, уст-бошлари қоп-қора бўлиб, одамларнинг ўртасида туришарди.

Рафаэль йифилганларнинг ўйлтираб турган кўзларига, қурум босган афт-анголларига, яғири чиқиб, ялтираб турган қора уст-бошларига, жун босган кўкракларига боқиб, немис балладаларида тасвирланган хаёлий тун оламига кўчди. Ҳалфа терини ўн минутча ўчоқда тутиб, оташкурак билан тортиб олди.

— Менга беринг,— деди Рафаэль.

Ҳалфа ҳазиллашиб терини Рафаэлга узатди. Рафаэль парвойини бузмай терини олди-да, уни ғижимлаб кўрди. Қимдир даҳшат ичидаги додлаб юборди. Ишчилар тумтарақай бўлиб қочишди. Бир зумда бўшаб қолган устахонада ёлғиз Валантен ва Планшет қолишиди.

— Ҳақиқатан, бу ишга шайтон аралашган!— қичқириди Рафаэль умидсизлик билан.— Наҳотки, оламда ҳеч бир одам жонимга оро кириб, умримга ҳатто бир кун қўшиб беролмаса!

— Айб менда, муҳтараам жаноб,— жавоб берди математик олим,— аввал бу ғалати терини қизиган темирни ёйиб, тунука ишлаб чиқарадиган оғир дастгоҳларда синааб кўриш керак эди. Негаям сизга бу қурғур босмани таклиф қила қолдим-а?

— Мен ўзим шуни сўрадим-ку,—эътиroz билдириди Рафаэль.

Олим ўн икки суд маслаҳатчиси оқлаган айбдордай енгил нафас олди. Аммо яна ғалати тери муаммосига қизиқсиниб, бир оз ўйланиб турди-да:

— Бу нотаниш моддани реактивлар таъсирида синааб кўриш керак,— деди.— Юринг-чи, Жафениига борайлик, балки кимё механикадан устун келар.

Валантен машҳур кимё олими Жафени уйига кетиб қолмасдан олдин ўз лабораториясида учратиш ниятида отга қамчи босди.

— Салом, қадрдон дўстим,— деди Планшет креслода ўти-

риб, қандайдир қўйқани текшираётган Жафега мурожаат қилиб,— Кимёнинг ахволи қалай?

— Қимё инқизозга юз тутди. Ҳеч бир янгилик йўқ.— Ҳа, айтгандай, Академия салицин борлигига тан берди, бироқ салицин, аспарагин, воқалин, дигиталин — шуям кашфиёт бўлдию...

— Янги моддалар кашф қилишга қурбингиз етмай, янги номлар кашф этиш йўлига ўтиб олибсиз шекилли,— луқ ма ташлади Рафаэль.

— Гапингиз рост, йигитча!

— Менга қара,— деди профессор Планшет кимёгарга,— мана шу модданинг таркибини билиб бер-чи. Ундан биронта элемент ажратсанг, мен ҳозирданоқ унга, «Шайтонин» деган ном бераман, чунки уни қисиб кенгайтирмоқчи бўлиб, гидравлик босмани ишдан чиқардик.

— Қани, қани!— қичқирди хурсанд бўлиб кимёгар.

— Балки бу янги, жўн модда бўлиб чиқар.

— Бу бори-йўғи эшак терисининг бир парчаси,— деди Рафаэль.

— Ҳай, ҳай, тақсир!— аччиқланди кимёгар.

— Ҳазиллашаётганим йўқ,— эътиroz билдириди маркиз унга сағри терини узатиб.

Барон Жафе турли-туман тузлар, ишқорлар, газларни татиб кўришга ўрганганди тилини терига теккизаб, бир-икки ялаб кўргач:

— Таъми йўқ-ку! Қани, уни фтор кислотаси билан сийлаб кўрамиз,— деди.

Терига фтор кислотаси қўйиб кўришиди. Ҳар қандай жонзотнинг тўқимасини бир зумда сарасини саракка, пучагини пучакка ажратиб ташлайдиган бу модда терига тариқча таъсири қилмади.

— Бу сағри тери эмас!— хитоб қилди кимёгар.— Хўш, бу сирли нарсани минерал, деб фараз қилиб, қитиқ патига тегиб кўрайлик-чи, яъни баланд ҳароратга чидамли металл эритадиган идишимга солиб кўрамиз. Ичиди қизил поташ ҳам тайёр эди.

Жафе чиқиб кетди-ю, дарҳол қайтиб хонага кирди.

— Бу аломат нарсанинг бир парчасини олишга ижозат беринг,— деди у Рафаэлга.— Фаройиб нарса экан...

— Бир парчасини?— қичқириб юборди Рафаэль.— Қилдеккинасини ҳам бермасман. Ҳай, ана ўзингиз олақолинг,— илова қилди у ҳазил товушдà, истехzo билан.

Олим терини тилиб кўрмоқчи бўлиб, устарани синдириб қўйди, уни кучли электр токи билан бўлакламоқчи бўлди, вольт олови билан куйдириб кўрди — қўйинг-чи, илмнинг барча чақмоқлари бу даҳшатли тилсум олдида ожиз бўлиб чиқди. Кечки соат етти эди. Планшет, Жафе ҳамда Рафаэль сўнгги тажрибанинг натижасини кутиб, вақт қандай ўтганини

сезишмасди. Сағри тери бир талай хлорли азот билан тўқ-нашувда ҳам ғолиб чиқди.

— Энди нима қилдим? — деб хитоб қилди Рафаэль.— Бу худонинг иродаси. Куним битиби.

У иккала олимни ҳайратда қолдириб, чиқиб кетди. Улар таассуротларини ўртоқлашолмай, узоқ сукут сақлаб ўтиришиди; ниҳоят, Планшет тилга кирди:

— Бу воқеа тўғрисида Академияда оғиз очиб ўтирмайлик, йўқса, ҳамкасларимиз бизни аҳмоққа чиқаришади.

Иккала олим гўрдан чиқсан, аммо арши аълода тангрини кўрмаган бандаларга ўхшар эдилар.

— Илм ожиз! Кислота сувчалик таъсир қилмади! Қизил поташнинг шармандаси чиқди! Вольт оловиям, чақмоқ ҳам ўйинчоқ бўп қолди!

— Гидравлик босма нондай ушалиб кетди-я,— илова қилди Планшет.

— Мен шайтонга ишонаман,— бир лаҳзали сукутдан сўнг гап қотди Жафе.

— Мен худога ишонаман,— жавоб қилди Планшет.

Ҳар бири ўз эътиқодига содиқ қолди. Планшет механика учун коинот бир машинаки, уни ишли бошқариш керак; деган фикрда, Жафе эса химия учун борлиқ ҳамма нарсани бузгувчи шайтоннинг иншооти, олам эса ҳаракатчан бир газдир, деб ҳисоблар эди.

— Биз бу далилни инкор этолмаймиз,— сўзида давом этди кимёгар.

— Эҳ, бизларни овутиш учун назарияпараст жаноблар мубҳам бир аксиома ўйлаб чиқишиган: «далилдай аҳмоқона» дейишади улар.

— Аммо эсдан чиқарма — сенинг аксиоманг ҳам бир далил-ку! — деб қолди кимёгар.

Улар кулиб юборишида ва ҳеч нарса бўлмагандай бемалол тушлик қилишга ўтиришиди: бундай одамлар учун мўъжиза табиатнинг қизиқ бир ҳодисаси эди, холос.

Валантен уйига қайтиб келди; ичига чироқ ёқса, ёришмасди. Энди у ҳамма нарсадан умидини узди: хаёли чархпак бўлиб айланар, чувалиб, тутқич бермасдан ҳар томонга қочарди: бу кайфият одатда иложсиз қолган одамда бўлади.

У Шпигхалътернинг дастгоҳида бирон-бир кўз илғамас қусур бор, деган гумон билан ўзини овутса ҳам механика ва оловнинг ожизлигига сира ҳайрон бўлмасди. Аммо терининг майнилйги (қўлига олганда Рафаэль дарров пайқаганди) ва одамзотнинг тасарруфида бўлган барча емирувчи кимёвий воситаларга чидамлилиги йигитни даҳшатга соларди. Инкор қилиб бўлмайдиган бу нарсадан боши чир айланарди.

«Ақлимдан озибман,— ўйларди у,— эрталабдан бери оғзимга увоқ ҳам олмадиму шунга қарамай на туз тотгим, на сув ичгим келади, юрак-бағрим ёниб кетяпти.»

У сағри терини ўз жойига осди, сўнг тилсимиңнинг тархини қизил сиёҳ билан белгилаб, креслога чўкди.

— Соат саккиз бўлибди-я!— хитоб қилди. Кун ҳам тушдай ўтиб кетди.

У кресло суюнчиғига тирсагини тираб олди-да, кафтига бошини қўйиб, оғир хаёлларга чўмиб, анчагача ўтириб қолди. Одатда бундай ўйларнинг сирини ўлимга маҳкум одамлар ўзлари билан гўрга олиб кетишади.

— Эвоҳ, Полина, шўрлик қизалоқ,— деб хитоб қилди у.— Шундай тубсиз жарликлар борки, муҳаббатнинг қанотлари қанчалик бақувват бўлмасин, уларнинг устидан олиб ўтолмайди.

Шу чоғ кимнингдир оғир хўрсинишини эшитиб қолди ва фақат ошиқ-маъшуқларгагина хос ажойиб зийраклик билан хўрсинаётган одам Полина эканлигини тушунди.

«О, мана ҳукм ҳам тайёр!— ўйлади Рафаэль.— Агар Полина ҳақиқатан шу ерда бўлса, мен унинг қучоғида жон беришга розиман».

Шўх-шодон кулги эшитилди. Рафаэль қаравот томон ўгирилди-да, шаффор чодир орқасида Полинанинг чехрасиши кўрди: У, бировга ҳийласини ўтказган ёш боладек мамнун ва беғубор кулар, сумбул соchlари елкаларига ёйилган эди. Шу чоғ у бир даста атиргул орасидагиベンгал гулига ўхшаб кетарди.

— Ионафанни ўзимга оғдириб олдим,— деди Полина.— Хотининг бўлиб туриб, бу кароватга ҳаққим йўқми? Аччиқланма, жоним, сенинг хонангда ухлаб, тўсатдан олдинингда пайдо бўлмоқчидим. Мен тентакни кечиргин, хўпми?

Оқ муслин либосда гулдек очилган Полина мушукдек тўшакдан сакраб чиқди-да, Рафаэлнинг тиззаларига жойлашиб олди.

— Қандай тубсизлик ҳақида гапираётган эдинг, жопим?— сўради жувон ташвишли бир қиёфада.

— Улим ҳақида-да.

— Мени куйдирма,— деди жувон.— Бир хил ўйлар борки, биз бечора жувонларнинг ақлимиз етмайди, бунаقا ўйлар бизни адойи тамом қиласди-я. Бу гап муҳаббатнинг кучиданми ёки журъатсизлигимизданми — аниқ билмайман. Йўқ, ўлимдан сира чўчмайман,— кулиб давом этди у.— Охирги бўсаларингдан баҳра олиб, эртага тонгдаёқ сен билан бирга дунёдан кўз юмиш — мен учун баҳт. Шу кунлар ичida бир аср яшагандекман. Агар бир соат, бир кеча тотуелик ва меҳр-муҳаббатга лиммо-лим ҳаёт жомини сипқорган эканмиз, беш кунлик дунёда оз-кўп яшшимизнинг нима аҳамияти бор?

— Гапинг рост, худоям шуни раво кўрганга ўхшайди. Кел, бир ўпай-да, кейин ўлаверамиз,— деди Рафаэль.

— Ўлсак ўлаверамиз,— кулиб жавоб берди Полина.

Эрталабки соат тўққизлар эди: дераза панжарасидан тушганлар ноз уйқуда ётган хонада чўғдек ёниб турган гиламлару шойи билан қопланган жиҳозлар кўзга аниқ ташланарди. У ер-бу ерда зарҳал буюмлар йилтиради. Мана, қўёш нури муҳаббат ўйинларидан уялиб, аста ерга сирғалиб тушган момиқдай кўрпани ёритди.

Баланд тошойнада осиглиқ турган Полинанинг кўйлаги шарпага ўхшарди. Қошиқдек туфличалари тўшакдан анча нарига иргитилган. Булбул келиб дераза токчасига ўтириди: унинг чаҳаҳи-ю, учиб кетаётганида қанотининг «пирр» этган товуши Рафаэлни уйғотиб юборди.

— Модомики, ўлишим муқаррар экан,— деди у, тушда хаёлига келган фикрни ниҳоясига етказиб,— демак, танамда — руҳим билан жонланган мана шу суяқ билан гўштдан иборат машинада амча-мунча қусурлар бор экан. Врачлар ўлим қутқусини яхши сезишади, соғманми, касалманми, айтиб беришлари мумкин.

Полина Рафаэлнинг бошини бир қўли билан қучоқлага-нича маст уйқуда ётарди. Жувон уйқусида ҳам севги изҳор қилаётгандай эди. Чақалоқ сингари чалқанча тушиб ётган Полина, гўё билинар-билинмас бир маромда нафас олаётган ярим очиқ нафис лабларини унга чўзган кўйи ҳамон ундан нигоҳини узмайдек туюларди. Майда, садафдек оппоқ тишлари узра табассум порлаб турган дудоқлари бамисоли чўрдай товланарди. Шу тобда Полинанинг юзи эҳтиросли мулоқот пайтидагидек оппоқ оқариб, ниҳоятда тиниқлашиб кетганди. Ширин уйқуда жуда чиройли бир ҳолатда ётган оққўнгил севгилиси чақалоқ сингари foят масъум кўринарди; ҳаттоқи энг самимий аёллар ҳам кундузи юракларини аллақандай ғам-кадарга чўлғовчи баъзи дунёвий шарт-шароитлар асири бўлиб қоладилар, аммо уйқуда улар қайтадан болаликдаги каби табиий туйгулар оламига қайтадилар. Хатти-ҳаракатларида ҳеч қандай эришлик сезилмайдиган, ҳамма нарсага беғараз боқадиган, табиатнинг дилбар бир хилқати бўлмиш Полина ҳар жиҳатдан баркамол эди. Ён томондан унинг юзи майн шойи парқу устида янада жозибалироқ кўринарди, уни қандайдир саркаш кўрсатиб турган паришон соchlари кўйлагининг бурмалари билан битта бўлиб ётарди. Полина ноз уйқуда эди, узун-узун киприклари ўткир ёғуддан нигоҳини ҳимоя қилиб тургандек, ёхуд эҳтироснинг киши борлигини чулғаб олувчи ўткинчи лаҳзаларини узайтиришга ёрдам берадигандек қўйи тушганди; унинг коқилига ўралиб ва фландр тўрлари остидан кўриниб турган пуштиранг, бежирим қулоғи рассомни, шоирни, чолни ақлдан оздирини, телбани эса эҳтимолки, ҳушига қайтариши ҳеч гап эмасди. Ишонмасангиз, севгилингиз сизга қандай майн чирмашиб ухлашини ва тушида жилмайшини, дунёдаги

ҳамма нарсани эсидан чиқарыб, уйқу ичида фақат сизни хоҳлашини, сўнгги бўсалар ҳақида унсиз сўйлаб турган дудоқлари билан сиз томон қандай интилиб турганини бир кўринг. Сиздан кўнгли тўқ ҳолда яримяланғоч, аммо вужудига муҳаббат пардаси ёпилган ҳамда ғижимланган тўшак ичида ҳам ҳаё-ибосини сақлаган аёлни тасаввур қилинг. Унинг ерда сочилиб ётган кийимларига, кеча сизни деб шунча сабр-сизлик билан суғуриб ташлаган ипак пайпоқларига, сизга нисбатан чексиз ишончидан дарак берувчи ечиғлиқ боғичига бир қур назар солинг. Ахир шуларнинг ҳаммаси жаннатни эслатмайдими? Ахир бу боғич бутун бир достон эмасми? Боғич билан шунча йил қўриқлаб келинган бебаҳо бойлик энди сизники, у жисмингизнинг бир қисмига айланган. Ҳаяжонланган Рафаэль муҳаббат ва хотираларга лиммо-лим, ёғдуларигача шаҳват акс этиб турган хонага бир сидра кўз югутириб чиқди-да, ҳали вужуди пок ва бокира, айни чоқда, ҳам ишқ оловида ёниб турган, энг муҳими, жисму жони билан бевосита унинг ўзиники бўлган мана шу аёлга яна қараб қолди. Рафаэль абадий яшашни истарди. Унинг нигоҳи тушиши билан, худди қуёш нури ургандек, Полина кўзини очди.

— Хайрли тонг,— деди Полина табассум билан.— Жуда чиройли бўп кетибсан, босқинчи!— ҳазиллашди у.

Муҳаббату навқиронлик, фира-шира ёфду ва сукунатдан пайдо бўлган жозибадорлик ила нафас олаётган бу икки ёш жаниат ҳурларига ўхшарди. Мурғакликда одам масъум ва бегубор бўлгани сингари, келин-куёвликнинг биринчи кунлари ҳам бетакрор ва сеҳрли бўлади. Эвоҳ, севгининг бу баҳорий нашъу намолари, ўсмирлик палламиздаги табассумлар сингари, бир куни барҳам топади, сирли, ишқий ўйларимиз тинчлик беравермаганда эса, сабр косамизни лиммо-лим тўлдириш, ёки ўзининг муаттар бўйлари билан кўнглимизни кўтариш учун хотирамизда маҳкам ўрнашиб қолади.

— Нега уйғондинг?— деб сўради Рафаэль.— Ухлаётганингни шундай ҳузур билан томоша қилаётувдимки, кўз ёшимни тиёлмадим.

— Мен ҳам,— жавоб берди Полина,— кечаси ухлаётганингда менам сенга қараб йиғлаган эдим, лекин кўзларимдан оққан севинч ёшлари эмасди. Мёнга қара, Рафаэль, қулоқ сол! Ухлаганда оғир-оғир нафас оласан, кўкрагингда бир нималар бўлаётганга ўхшайди, қўрқиб кетаман. Худди силдан адойи тамом бўлган отам сингари калта-калта, қуруқ йўталасан. Мен бу касалингни ўпкангдан келаётган бир хил шовқиндан билдим. Кейин эса, иситманг чиқди, бунга ишончим комил — қўлинг нам ва иссиқ эди... Азизим... Сен ҳали ёшсан,— давом этди Полина титраб,— сен ҳали соғайиб кетишинг мумкин, борди-ю, мусибат бўлиб... Иўқ-иўқ,— деди у бирдан севиниб,— ҳеч қандай мусибат бўлмайди: врачларнинг айтишича, бу касаллик юқумли эмиш.— У иккала қўли

билин Рафаэлни құчоқлади ва оромижон бўса билан ғиппа нафасини бўғди.— Қаригунча яшашни истамайман,— деди у.— Иккаламиз ҳам ёш ўламиз ва қўлимизда гулдасталар билан арши аълога учиб кетамиз.

— Тўрт мучали соғ одамгина шундай орзулар билан ўзи-ни овутади,— деди Рафаэль ёрининг соchlарини ўпар экан.

Бироқ шу топда худди тобутдан чиқаётгандек қаттиқ ва йўғон йўтули эшитилди, одатда бундай йўтал қўрқинчли бў-либ, беморнинг юзидан қонини қочиради ва безгак тутиб, қора терга ботиради. Унинг асаблари чунон таранглашган-дикни, бор гавдаси қаттиқ-қаттиқ силкинади, орқа мияси оғриб, қон томирларидан қўроғшин оққандай вазминлашади. Ранги бўздай оқарган Рафаэль изтироб ичидага оҳиста парқу-га ўзини ташлади,— у гўё бутунлай мадори қуригандай шал-пайиб қолган эди. Даҳшатдан тош қотган Полина катта-кат-та очилган кўзларини унга тиккан эди.

— Ўзимизни уринтириб қўймайлик, жонгинам,— ниҳоят тилга кирди у кўнглидаги даҳшатли сезгини Рафаэлдан яши-ришга ҳаракат қилиб. Полина юзини қўллари билан берки-тиб олди, кўз олдида ажалнинг совуқ башараси турарди. Рафаэлнинг афти кўкариб кўзлари ботиб кетган эди. Ҳозир афти илмий мақсад учун гўрдан ковланиб олинган бош сүяк-ка ўхшар эди. Полинанинг эсига кечадан Валантен оғзидан чи-киб кетган гап келди.

«Ҳа, ҳатто севги ҳам ўтолмайдиган тубсиз жарликлар бор. Аммо қисмат шу экан, ўзимни шу жарликда дафн этаман»,— деб ўйлади жувон.

Шу ноҳуш ҳодисадан уч-тўрт кун ўтгач, март тонгларининг бирида Рафаэль ўз ётоқхонасида тўрт врач қуршовида ўтиради. Врачлар уни дераза ёнидаги креслога, нурга яқинроқ ўтказиб, навбатма-навбат томирини кўриб, батаф-сил текшириб, саволларга тутишарди.

Бемор ўз касали ҳақида врачларнинг қандай хаёлда экан-лигини билишга интилар, уларнинг ҳар бир хатти-ҳара-катларини, пешоналарида пайдо бўлган ҳар бир бурушиқни синчковлик билан кузатарди. Бу консилиум — машварат унинг сўнгги умиди эди. Олий суд ҳукм чиқариши керак — ё ҳаёт инъом этади, ё ўлимга маҳкум қиласи. Одамзот тўпла-ган бор тажриба-ю, илмнинг охирги сўзини эшитиш ниятида Валантен ҳозирига замон тиб илмнинг буюк алломаларини ҳузурига чорлади. Бойлиги-ю, оқсуяклиги шарофати билан рўпарасида лаббай, деб тибиёт соҳасидаги уч йўналиш вакиллари ҳозири нозир бўлиши.

Докторларнинг учтаси, спиритуализм, таҳлил ва ҳаётга эрмак деб қаровчи эклектизмнинг ўзаро курашини мужас-самлантирган шахслар тиббиётнинг бутун фалсафасини бу ерга дастак қилиб олиб келган эдилар.

Тўртинчи врач эса Орас Бъяншон, чуқур илм эгаси, ке-

лајаги порлоқ, ҳозир ҳам кўзга кўринган врачларнинг энг забардасти, серғайрат ёшларнинг оқил ва камтарин вакили эди.

Бу ёшлар Париж университети игна билан қудуқ қазигандек қилиб терган бор хазинани қўлга киритиб, бир неча аср ичидаги йиғилган материалларни тартибга келтирас, балки, ниҳоят тиббиёт қалъасини тиклашар?

Маркиз ва Растињакнинг дўсти бўлмиш бу одам мана бир неча кундан бери Рафаэлни даволаб юрганди, энди эса, уч профессорнинг саволига жавоб беришда беморга ёрдам қилас, вақти-вақти билан уларнинг Эътиборини сил касали аломатларига ўхаш белгиларга тортишга ҳаракат қиласарди.

— Балки ўзизга жуда эрк бериб, тараллабедод ҳаёт ке-чиргандирсиз-а? Ёки сира ўзингизни аямасдан ақлий меҳнат билан шуғуллангандирсиз? — сўради Рафаэлдан донги кетган докторлардан бири. Бу одамнинг кенг пешонаси, рапидадек юзи, зуваласи пишиқ, йўғон гавдаси қолган икки рақибидан анча қўли баланд эканлигидан дарак бериб тургандай эди.

— Уч йил бошимни кўтармай катта бир асар ёздим, балки, кези келиб, унга кўзингиз тушар, кейин эса кайф-сафога берилиб, ўзимни адойи тамом қилмоқчи бўлдим.

Буюк табиб «Ўзим ҳам билган эдим», дегандек бош ираг қўйди. Бу ўша органик мактабнинг бошлиғи, бизнинг Қабанислар ва Бишаларнинг издоши, машҳур Бриссе эди. Органик мактаб вакиллари воқеъликка тўғри муносабатда бўлиб, материалистик фикр юритар эдилар. Улар ҳар бир одамга ҳамиша муайян ва ўзининг шахсий тузилиши қонунларига мутлақо тобе бир хилқат деб қарап эдилар; шу боисдан нормал ҳолатда бўлган соғлиқнинг сабаблари билан бир қаторда у ёки бу тарзда юз берган ўлимнинг сабаблари уларга доим беш қўлдай маълум бўлиб туради.

Жавобни эшишиб, Бриссе дераза рахига суюнганча сукут сақлаб, диққат билан Рафаэлни кузатаётган ўрта бўйли, нақш олмадай юзлари билан чақноқ кўзлари қадимий сатирларни эсга солувчи кишига хомуш қаради. Фоят хушчақчақ ва диндор бу одам доктор Камеристус бўлиб, виталистлар раҳбари, Ван-Ҳелмонт мавҳум таълимотининг учиға чиққан ҳимоячиси эди. Бу таълимот инсон ҳаётини жарроҳ тигини масхара қилувчи, жарроҳлик илмига панд берувчи, тиббий дори-дармонлардан, риёзат масалаларидан, киши жисмини илмий равишда тадқиқот этишларидан юз ўгириб, интилишларимизни ерга урувчи, ақлга сигмас муъжиза, олий ибтидо, деб биларди. Гўё ҳаёт қандайдир илоҳий қонунга бўйсунувчи ва ўқтин-ўқтин киши жисмидаги алланга олиб, охироқибатда тез ўлимга маҳкум, айни пайтда эса, яшаш қобилиятига эга бўлган организмда ўчиб қолувчи кўзга кўрнимас

бир олов эди. Учинчи докторнинг лабларида истеъзоли кулиги пирпиради. Бу одам доктор Могреди, ўтирик ақл соҳиби, аммо ўлгунча заҳар ва асқиябоз одам эди. У беморларни даволашда фақат скальпель — жарроҳ тифининг кучига таянар, Бриссенинг фикрига қўшилиб, соппа-соғлом одам тўсатдан ўлиб қолишига ишонар, шунинг билан бирга Қамеристуснинг одам ўлимдан кейин ҳам яшайди деган фикриниям қувватларди. У ҳар бир назариянинг маълум фазилатлари бор деб тан олса ҳам, биронтаенига тарафдор бўлмас, медицина системаларидан энг афзали — фактларгагина таяниб, ҳеч бир системасиз ишлашни ўзига шиор қилиб олганди. Медицинанинг Панурги, зийракликинг султони, буюк тадқиқотчи ва учига чиққан асқиябоз, барча, ҳатто энг қалтис тажрибаларни жон-жон деб ўтказадиган бу одам шу вақт сағри терини кўздан кечирмоқда эди.

— Истакларингиз билан терининг буришиб, торайиши орасидаги мутаносибликни ўз кўзим билан кузатишни жуда орзу қиласдим,— деди у маркизга.

— Сабаб?— деб юборди Бриссе.

— Сабаб?— такрорлади Қамеристус.

— Э, ҳа, демак фикрингиз бир экан-да!— луқма ташлади Могреди.

— Ҳа, бу тери буришиб, торайишининг сабаби жуда осон,— деди Бриссе.

— Чунки у ғайритабиий тери,— деди Қамеристус.

— Дарҳақиқат,— яна тилга кирди Могреди, юзига ёлғондакам жиддий тус бериб Рафаэлга сағри терини қайтараркан,— бу нарсани шарҳлаб бериш қийин бўлса-да, аслида табиий бир ҳолат: олам яралгандан бери тери борган сари буришиб, медицинани ҳам, гўзал аёлларни ҳам мушкул ахволга солиб қўяди.

Валантен уч докторни зимдан кузатаркан, биронтасида ўзига нисбатан заррача ҳамдардлигу раҳм-шафқат кўрмасди. Учаласи ҳам пинагини бузмай, беморнинг жавобларини тинглар, совуқёнлик билан аъзойи баданини текшириб, уни саволга тутишарди.

Уларнинг такаллуфи замিрида ашаддий эътиборсизлик ётарди. Бениҳоя ишончданми ёхуд парионликданми, ишқилиб, жуда кам гапиришарди. Баъзан Рафаэль буларнинг хаёли бошқа ердами, деб шубҳаланиб қоларди. Бъяншон дарднинг ҳар қандай оғир аломатларига уларнинг эътиборини жалб қилмасин, фақатгина Бриссе онда-сонда оғзининг бир чети билан «яҳши», «хўш», деб қўярди. Қамеристус чуқур хаёлларга ғарқ эди. Могреди икки савдоининг бутун хатти-ҳаракатларини назардан қочирмасдан, астойдил ўрганётган драматургга ўхшарди. Ораснинг юзидан беморнинг дард тортаётганидан қаттиқ изтироб чекаётгани, ҳамдардлиги билиниб турарди.

У яқиндагина врач бўлганди, шу боис ҳали беморларнинг азобига танаси бошқа дард билмас зайдида бепарво қарай олмас, ўлим тўшагида ётган касалнинг олдида тўнкадай беҳис туролмасди. У ҳали ғалаба учун қулай фурсатни ихтиёр қилиб, ҳужумга ўтаётган, ўлаётганларнинг хириллашига парво қилмайдиган саркардага ўхшаёлмас, ҳамдардлик кўз ёшларини тийиб ололмас эди. Докторлар ярим соатча, агар таъбир жоиз бўлса, тўй либосини тикиришга келган куёв болани тикувчи ўлчаб-бичгандай, касалликни ҳамда беморни ўлчаб-бичиши, шу аснода у-бу нарсалар ҳатто, ҳатто сўнгги ахборотлар ҳақида гаплашиб олиши. Ниҳоят, маслаҳатлашиб, диагноз кўйиш мақсадида Рафаэлнинг кабинетига ўтмоқчи бўлишди.

— Мен ҳам маслаҳатингларга кирсам бўладими? — сўради Рафаэль.

Бриссе ҳамда Могреди бунга тиши-тирнофи билан қарши бўлишди, беморнинг такрор-такрор илтимосларига қарамай, унинг ҳузурида муҳокама ўtkазишдан бош тортишди. Рафаэль одатга бўйсунишдан бошқа иложи қолмай, аста даҳлизга чиқиб олишга қарор қилди, зеро у ердан уч оғайнни профессорнинг медицина мунозарасини бемалол эшилса бўларди.

— Муҳтарам жаноблар, ўз мулоҳазамни қисқача қилиб айтиб ўтишга ижозат берсангиз, — деди Бриссе. — Сизларга гапимни ўtkазмоқчи эмасман, ҳамда эътироzlарингизни эшишиб ўтирмайман ҳам, чунки биринчидан: бу мулоҳазам муқаррар ва ниҳоятда муҳим. Мен даволаётган бир беморим худди мана шу касалга ўхшайди. Иккинчидан: мени шифоҳонада интизор бўлиб кутишяпти. Ўша ерда қатнашишим жуда зарур бўлгани учун биринчи бўлиб сўз олишга мажбурман. Бизни ҳозир қизиқтираётган шахс ақлий меҳнат билан шуғулланиб, анча ўзини уринтириб қўйган... Орас, бемор нима иш қиларди? — сўради у ёш ҳамкасбидан.

— Ирода назарияси устида ишлаган.

— Бай-бай-бай, ҳадди, ҳудуди йўқ мавзу экан! Такрорлайман, у ақлий меҳнатга зўр берган, ҳаёти тартибдан чиқиб кетган, бунинг устига қувватни оширувчи дориларни кўп ичаверганидан дармони қуриб қолган, ҳаддан ташқари ишлайвериб, мияси билан аъзойи баданини ишдан чиқарган. Қўриниб турган ҳамда текшириш жараённida аён бўлган бир қатор аломатлар шуни кўрсатадики, жаноблар, ошқозон таомон ишдан чиққан; нафас олиш, овқатни ҳазм қилиш, қон айланиш каби жараёнларни идора қилувчи асосий лимпатик асаб толалари яллиғланган, курсоқ пардаси ниҳоятда юпқалашган, қорин таранг бўлиб турибди. Жигари шишганига эътибор бергандирсиз? Ниҳоят, беморни даволаётган жаноб Орас Бъяншон овқат ҳазм қилиши жуда қийин бўлади,

деди. Гапнинг пўскалласини айтганда, ошқозоннинг ўзи йўқ, чунки одам адо бўлган. Ақл-фаросат қобилияти йўқолган, сабаби, еган овқатини ҳазм қилолмай қолган. Иссик жоннинг муҳим аъзоси бўлмиш қурсоқ ўз хусусиятларини тинмай йўқотаётгани туфайли, бутун аъзоларни ишдан чиқарган. Қорин бўшлиғининг асаб тўқималари орқали касаллик мияга урган, мия ҳам яллиғлана бошлаган, бу аъзонинг таъсиричанлиги шундан. Унда мономания пайдо бўлган, ваҳима-чи бўлиб қолган. Тасаввурида сагри тери ҳақиқатан қисқараётгандек туолади, ҳолбуки, бу терининг ҳажми ҳозир кўриб турганимиздек, сира ўзгармаган. Лекин тери қисқараётибдими, йўқми, бундан қатъи назар, бемор учун бунинг заррача аҳамияти йўқ. Тезроқ беморнинг қорнига зулук қўйинг, одамнинг энг зарур мана шу аъзосини тиниқтиринг. Беморнинг ҳаётини тартибга солинг, қарабсизки, мономания касали ўтади-кетади. Вассалом. Муолижани бутун икир-чикиригача доктор Бъяншоннинг ўзи тайнлаши керак. Балки дард оғирлашгандир, балки нафас йўллари ҳам яллиғлангандир, аммо энг аввал ошқозону ичакларни даволаш минг марта зарурроқ деб ҳисоблайман. Оғир назарий ишлар устидаги зўр бериб ишлаш ҳамда кучли эҳтиросларга берилиш та-надаги ҳаёт механизмларини дабдала қилган: аммо ҳали дарднинг олдини олиб, bemorni oёққа turfazisiz mumkin. Шундай қилиб, дўстимизни қутқариш сизнинг қўлингизда,— гапига хулоса ясади у Бъяншонга мурожаат қилиб.

— Ҳамкасбимиз оқибатни сабаб деб тушуняпти,— деди Камеристус.— Ҳа, у ғоят аниқ кузатган ўзгаришлар ҳақиқатан ҳам беморда бор, аммо бамисли ойна синганда ҳар томонга дарз кўтгандек, бу дарз ошқозондан мияга эмас, аксинча, миядан ошқозонга борган. Ойнани синдириш учун зарба керак эди, ким берди шу зарбани? Биз бир нарса дея оламизми? Ахир bemorni яхшилаб кузатиб келганимидик? У кўрган-кечирган ҳамма нарсадан хабаримиз борми? Жаноблар, унинг асосий асаб толаси — Van-Хелмонт археяси жароҳатланган, жони ўқ илдизидан шикаст топган. Йлоҳий учқун бамисоли куч узатувчи механизм ролини ўйнайдиган ва иродани, хусусан, мана шу ҳаёт фанини вужудга келтирадиган воситачи — онг, организмнинг кундалик фаолиятини ҳамда айрим аъзоларнинг функциясини идора этишдан тўхтаб қолган,— менинг қадрдон олим ҳамкасабам тўғри таъкидлаган барча чалкашликлар худди шундан бошланади. Касаллик қорин усти атрофидан бошланиб, мияга томон эмас, аксинча, миядан бошланиб, қорин усти атрофига томон силжиган. Йўқ,— деди у кўкрагига муштлаб, йўқ — мен одамга айланаб қолган ошқозон эмасман. Йўқ, бу ҳали та-мом бўлди, деган гап эмас. Ошқозоним соппа-сор бўлса, қолган ҳамма нарса иккинчи даражалидир, деб ҳукм чиқаришга мен журъат қилолмайман... Биз,— деди у хиёл мулойим

оҳангда,— турли субъектив фиқрлар келтириб чиқарувчи кучли тиббий ҳодисаларни ягона жисмоний сабаб қилиб кўрсатишга ҳамда уларга бир хилдаги давбланиш курси тавсия этишга заррача ҳаққимиз йўқ. Одамларнинг мижози ҳар хил бўлади. Ҳар биримиз бошқа-бошқа нарсалардан таъсиранадиган, бошқа-бошқа нарсалардан озиқланадиган, бошқача дори-дармонларни кўтарадиган ва бизга мутлақо аён бўлмаган қонунлар таъсирида ўз юмушларини ўзича адо этадиган аъзоларимизга эгамиз. Интиҳосиз ваҳдати вужуднинг ҳар бир заррасига олий зот айрим-айрим вазифалар юклаган, ана шу зарралар вужудимиизга руҳ ато қиласди. Ҳар бир руҳ эса ҳар кишида турлича зуҳр этади. Руҳ одамни интиҳоли вужудга айлантиради. Аммо интиҳоли вужуд қандайдир нуқтада интиҳосизлик, чексизликка сабаб бўлади. Шунинг учун биз ҳар бир вужудни айрим кўриб чиқмоғимиз, миридан-сиригача ўрганишимиз, қандай яшайдиганини, қудрати нимада эканини билишимиз лозим. Ивиган момиқнинг юмшоқлиги билан жилвир тошнинг қаттиқлиги ўртасида оламолам сир-синоат бор. Ҳудди шу нарса инсонга ҳам таалуқлидир. Пешонасига узоқ умр кўриш ёзилган баъзи одамларнинг вужуди юмшоқ бўлсаям, мушаклари темирдан қаттиқ. Одамни шундай яратган табиатнинг қанча-қанча хатолари бор экан? Табиат бундай одамларни бўшашибди, тинкамадорини қуритиб даволайди. Сизларнинг фикрингизча, одам куч-қуввати, асаблари ҳамиша заифлашиб туради. Хуллас, мен бунаقا беморларни руҳий дунёсига таъсири этиш, ички оламини чуқур ўрганиш йўли билан даволаш тарафдориман. Қасаллик сабабларини инсон танасидан эмас, руҳий дунёсидан қидириш даркор! Табиб — илҳомкор, пурқудрат хилқатдир. Ҳудо пайғамбарга минг йиллар қаърини кўриш, шоирга борлиқни қайтадан идрок этиш, мутрибга эса номаълум оламнинг мусиқий оҳангларини топиш салоҳиятини баҳш этган!... Ҳудди шунга ўхшаб, қодир эгам табибгаям ҳаёт-мамот турларининг қаърига назар солиш салоҳиятини ато қилган.

— Қачон кўрмасанг, ўзининг ҳокими мутлоқ подшопарастларча диний тиббиётини ўртага суқади-я!— деб ғудранди Бриссе.

— Жаноблар,— шошилиб Бриссенинг гапини бўлди Могреди,— бемор масаласига қайтайлик...

«Демак, шу экан-да, илмнинг каромати,— маъюс ўйлади Рафаэль.— Менинг шифо топишим тасбеҳу зулуклар, Дююитреннинг пичноғио, Гогенлоэ тўранинг дуоларига қараб қолган экан-да. Даилил билан сўз, модда билан руҳ бир ёқдаю, Могредининг гумонлари бир ёқда. Ожиз одамзоднинг «Ҳа» ёки «Йўқ» сўзлари ҳар ерда мени қувлаб юрибди. Ҳамиша Рабленинг Каримари-Каримарасига йўлиқасан. Руҳий касалга дуч бўлсанг — каримари! Тананг оғриса — каримара.

Ўласанми-қоласанми — буни билишмайди. Планшет ҳар ҳолда ростгўйроқ. «Билмадим»— деди-қўйди.

Шу чоғ Валантен доктор Могредининг овозини эшилди.

— Бемор — мономаими? Нима қипти — деб хитоб қилиди у.— Аммо унинг йилига икки юз минг ливр даромади бор. Бундай мономанлар камдан-кам учрайди, шу боис биз унга маслаҳатимизни аямаслигимиз керак. Қурсоғи миясига таъсир қилдими, мияси қурсогигами, буни балки bemор ўлганида аниқлармиз. Шундай қилиб, хулоса чиқарайлек. Рафаэль касал — бу кундай аён. У муолажага муҳтож. Асабини тинчлатиш ҳамда ошқозону ичакларини даволаш учун қорнига зулук қўйялик, шундан сўнг шифобахш сувли жойларга юборайлек — демак бир йўла икки йўлдан кетамиз. Модомики, ўпка касали бўлса, биз уни даволай олмаймиз. Шу сабабдан...

Рафаэль шошилиб бориб, ўз жойига ўтирди. Бир оздан кейин тўрт шифокор кабинетдан чиқиб келишди. Сўз Орасга берилди.

— Докторлар бир қарорга келиб, дарҳол қоринга зулук қўйишни зарур топиши. Шунингдек, вақтни бой бермай тана ва руҳни шифолашни бошлишни тавсия этиши. Биринчидан, жисмингиздаги яллиғланиш жараёнига чек қўйиш мақсадида парҳезда бўласиз (шу ерга келганда Бриссе маъқуллаб, бош иргади). Бундан ташқари, руҳингизни кўтариш мақсадида гигиеник режим сақлайсиз. Яна биз яқдиллик билан шифобахш сувлар бор жойларга боришингизни тавсия қиласиз. Масалан, Эксга, Савойяга ёки хоҳласангиз Мон-Дор, ёки Овернга. Савойянинг ҳавоси ва табиати Қапталага қараганда анча ҳузурбахшроқ, аммо яна таъбингиз. (Бу гал Камеристус ўз розилигини изҳор этди.)— Докторлар,— давом этди Бъяншон,— нафас олиш аъзоларингизда арзимаган ўзгаришларни сезишиб, менинг олдинги маслаҳатларимни тўғри топиши. Шифокорлар, сизни тезда тузалиб кетади, деган фикрда; бу эса мен берган барча дориларни тўғри алмаштириб истеъмол қилишингизга боғлиқ... Шу...

— Шу сабабдан қизингиз тилдан қолган,— кулиб, гапни илиб кетди Рафаэль Орас билан кабинетига кириб, бу фойдасиз машварат учун пул тўлар экан.

— Жуда саботли-да, булар,— деди унга ёш шифокор.— Камеристус сезади, Бриссе ўрганади, Могреди шубҳаланади. Ахир одамнинг руҳи ҳам, жисми ҳам, ақли ҳам бор-ку, шундай эмасми? Мана шу асосий сабаблардан бирортаси мижозимизда устунроқ бўлади. Одамнинг мижози бари бир одамзот илмига таъсир қиласи. Ишонсанг, Рафаэль — биз шифоламаймиз, фақат bemорга мадад берамиз. Бриссе ҳамда Камеристус йўллари орасида яна кутиш йўли ҳам бор, аммо бу системани муваффақиятли қўллаш учун bemорни ўйил кузатиш керак. Қолган барча илмлар негизидаги каби

медицина негизида ҳам инкор ётади. Хуллас, эс-хушингни йигиб ол. Савойяга бориб кўр; энг яхиси, табиатга ишон, тўғрисиям шу.

Шундан сўнг бир ой ўтди. Ажойиб ёз оқшомларидан бирида Экснинг шифобаҳаш сувида дам олаётганларнинг баъзилари сайдан кейин оромгоҳда тўпланиши. Рафаэль одамларга орқасини ўирганича, деразанинг олдида узоқ ўтириб қолди. У паришонхотирликка берилган эди: бундай пайтда турфа ўй-хаёллар бостириб келаверади, лекин улар бирон қатъий фикрга айланмасдан, худди шаффоф, рангиз булутлардай тарқаб кетаверади. Бундай пайтда одам сокин маъюсликка чўмади. Кўнгил гўё ўйқудагидай тин олади. Валантен бу дилхуш туйғулардан маст бўлиб, ҳеч қандай дардни сезмаётгани, айниқса, ниҳоят сағри терисини таҳдид солишдан тўхташга мажбур этганидан кўнгли ёришиб, илиқ оқшом сукунатидан завқланиб, соф ва муаттар тоғ ҳавосини тўйиб симиради. Чўққиларда шафақнинг қип-қизил шуълалари сўниб, салқин туша бошлаганида у деразани ёпиб қўйгани ўрнидан турди.

— Илтимос, ёпманг,— деди унга қараб кексароқ бир хоним.— Биз бўғилиб кетяпмиз.

Қандайдир ғазаб аралаш айтилган бу жумла Рафаэлнинг қулоғига ўқдай санчилди. Одатда ўзимизга дўст деб билгимиз келган айрим кишиларнинг оғзидан баъзан шундай сўзлар чиқиб кетадики, бундан ҳайриҳоҳ туйғуларимиз озор топади, инсон худбинлигининг ҳадсизлигини сезамиз. Рафаэль кампирга худди дипломатларнидай совуқ назар билан бошдан-оёқ қаради-да, лакейни чақирди. Лакей ёнига келгач, қуруққина қилиб:

— Деразани очинг!— деди.

У шундай дейиши билан залдагиларнинг қиёфаларида ҳайратланиш аломатлари пайдо бўлди. Гўё Рафаэль ҳаддан ташқари қўпол бир ҳаракат қилгандай одамлар унга томон маънодор қаравшганча, ўзаро шивирлаша бошлашди. Ёшларга хос тортинчоқликдан ҳали батамом халос бўлмаган бу йигит уялиб кетди, лекин у шу зумнинг ўзидаёқ довдирашни йигиштириб, ўзини ўнглаб олди. Фалати воқеанинг содир бўлишида ўзининг қанчалик айбдор эканлигини ўйлашга тиришди. Шунда ҳамма нарса унинг миясида бирданига равшанлашиб, ўтган кунлар хотиридан бирин-кетин ўта бошлади. Атрофидаги одамларнинг капалагини учириб юбораётган сабаблар гўё мурданинг кўк томирлари сингари намоён бўла борди, одатда мутахассислар озгина дори юбориш билан бундай кўк томирларнинг майд-чўйда шахобчаларигача потратиб билиб олишади. Рафаэль бир дақиқалик мана шу можародәқ ўзининг кимлигини пайқади, у ҳаётининг ҳар куни-ю, миясида кечган ҳар бир ўй-хаёлигача эътиборидан ўтказди. У ҳайратомуз маъюслиги ва паришонлиги билан

бу беғам жамоанинг ичида ажралиб қолаётгани, ҳадеб ўз тақдир ҳақида ўй суратгани, доим машъум дарди билан бандлигини, энг оддий сұхбатлардан ҳам, одамлардан ҳам жирканиб, юз ўтираётганини хаёлидан кечириди. У бошқалар билан вақтингчалик таниш-билиш орттиришдан қочаётган эди. Бундай сайёхлар одатда кейинчалик учрашиб қолиш әхтимолидан холи бұлғанлари учунми, ўзаро жуда тез эл бўлиб кетаверишиди. У ҳамма нарсага бутунлай бепарво эди, қисқаси, у тұлқынларнинг меҳрли эркаланиши-ю, шовқинларини асло сезмайдиган гаройиб қояга ўхшарди. У гайритабий бир фаросат билан атрофидагиларнинг дилида ҳозир не кечаетгандыгын үқиб турарди. Рафаэль қандил нуридан сарғиши боши ва заҳил юзи ёришиб турган чолни кўриб, қайсири бир куни уни қартадан ютгани, лекин яна ўйнашга таклиф этмаганини эслади. Чолнинг нариёғида кўхликкина бир аёл турар эди, Рафаэль у аёлнинг нозу карашмаларини бежавоб қолдирганди. Ҳар ким қандайдир бир гина-кудуратни унга айб қилиб тақар, гарчи бундай қараганда у гина-кудуратлар уччалик оғир бўлмаса-да, лекин кишиларнинг шахсиятларига оғир ботгани дилларига ўтириб қолган эди. У ким билан жиндай муносабатда бўлмасин, беихтиёр ана шу кимсаларнинг қитиқ патига теккан эди. Рафаэль меҳмоңга чорлаган, отларини мингдан одамлар унинг бадавлатлигини кўриб, ғаши келарди. Бу одамларнинг ношукурлигидан ранжиган йигит уларни ҳақоратланишдан халос этмоқчи бўлганида эса улар: «Валантен ўзини биздан юқори қўяди»,— дейишиб, уни оқсуякликда айблашди. У атрофидагиларнинг кўнглига назар солиб, уларнинг пинҳоний ниятларидан воқиғ бўларкан, бу жамоа қаршисида, сирти ялтироқ назокат қаршисида даҳшатта тушди. Рафаэлнинг бойлиги ва ҳаддан ташқари зукко эканлиги учун бу бандалар ҳасад қилишар, уни кўргани кўзлари йўқ эди. Йигитнинг сукут сақлаши бу ҳангаматалаб инсонларнинг умидларини пучга чиқарар, унинг камтаринлиги майдар, ивирсиган одамларнинг назаридан тақаббурлик бўлиб кўринар эди. Йигит уларга нисбатан қанчалик маҳфий, оғир жиноят қилиб қўйганлигини англади: у жамият қоидаларини тан олмасдан яшар эди. Уларнинг бешафқат истибододига итоат этмайдиган Рафаэль бу кишилар билан пачакилашиб ўтиришни лозим топмади. Йигитнинг эркин, мағрур муомаласи учун ўч олишга қасд қилганлар Валантенга ўзларининг қудратини кўрсатиб қўйиши, унга нисбатан ўзига хос сургун эълон қилиш, йигитга қўзлари учиб турмаганини билдириб қўйиш ниятида ўз-ўзидан иттифоқ бўлиб олишди. Жамиятнинг бу тахлит қиёфаси олдинига Рафаэлнинг қалбida таассуф туйғусини уйғотди. Аммо у ўткир фаросати билан бу одамларнинг мъянавий дунёсини ўраб турган ниқобни чилпарчин қилиб, унда нима-зоҳирлигини очиб ташлаганида ўз-ўзидан чўчиб тушди ва

жошқа ҳеч нарсани кўрмаслик умидида кўзларини юмди. Ҳалиқатнинг бу мудҳиш кўриниши тағин шу заҳотиёқ парда шира яширинди; йигит ҳар қандай ҳокимлигу устунлик билан оғлиқ даҳшатли ёлғизликда қолиб кетди. Шу дақиқада қатниқ йўтали тутиб қолди. Биронтаси икки оғиз хайриҳоҳ сўз лўтиши эп кўрмади. Жилла бўлмаса, бирор одатда бундай олий зотлар тўпланган жойда шу хил вазиятда айтиладиган қандайдир бир бепарво ёки тузсизроқ бир нарса деб бўлсада, ҳамдардлик билдиришни лозим топмади, аксинча қулоғига адоват овозлари ва газабли шивир-шивиirlар эшитилди. Одамлар ҳеч бўлмаса юзакироқ бирон муомала қилишни ҳам ўйлашмади, эҳтимол, улар бу хил муносабатларининг чин эмаслигини Рафаэль барি бир биллиб қолади, деб ўйланлари учун ҳам шундай қилишганди.

— Унинг касали юқумли.

— Мудир уни залга киритмаслиги керак эди.

— Нафисаларини айтганда, маданиятли одамлар даврасида бундай йўталиш асло мумкин эмас!

— Бундай дардга йўлиққан экан, сув бўйига келиб нима қиласарди...

— Бу ерда ортиқ қолишнинг иложи йўқ энди.

Бундай ўринсиз адоватдан қутулиш ниятида Рафаэль ўрнидан турди-да, зал бўйлаб юра бошлади. Йигит ҳеч бўлмаса бирон кишидан паноҳ топиш умидида ёлғиз ўтирган бир ёш хонимнинг олдига борди ва унинг билан ширин суҳбат қургани энди оғиз жуфтлаганида, жувон юзини ўгириб олди-да, ўзини гўё раққосаларни тамоша қилаётган қилиб кўрсатди. Рафаэль шу бир оқшомнинг ўзида тилсимининг борйўғини исроф қилиб кўймадиммикан, деб хавотирда эди. Ниҳоят у ҳеч кимса билан суҳбат қуришин истамай, ҳатто бунга ботинмай, залдан бильярдхонага қочиб ўтди. Бильярдхонада ҳам ҳеч ким унга оғиз очмади, ҳеч ким ҳам таъзим қилмади, ҳеч ким жилмайб боқинши ҳам раво кўрмади. Рафаэль азалдан теран мушоҳадалар юргизиш қобилиятига эга бўлганидан, у қандай қилиб ҳаммада ўзига нисбатан нафрат ўйготаётганининг ҳақиқий ва бирдан-бир сабабини фаҳмлади. Бу тор доира, эҳтимол, ўзи ҳам билмагани ҳолда, киборлар жамиятини бошқариб турувчи олий қонунга бўйсуниб юш кўрарди. Жамиятда ҳукм сурган шафқатсиз ахлоқ Рафаэль учун беш панжасидай маълум эди. Йигит ўзининг ўтмишига назар соларкан, ана ўша шафқатсиз ахлоқнинг энг мукаммал кўринишини Феодорада топди. Илгарилари бадавлат бевадан ўзининг юрак изтиробларига малҳам топа олмагани сингари, ҳозир ҳам атрофидаги кимсалардан бетоблигига ҳамдардлик кутиши анқонинг тухумини топишдай гап эди. Соппа-сог киши ўзининг баданидан ўлим даракчиси бўлмиш дардни қандай ҳайдаса, киборлар жамияти ҳам ўзининг орасидан баҳтсиз кимсаларни шундай суриб чиқаришади.

Жамият дарду ғамлардан ҳазар қилади, улардан маразда қўрқандай қўрқади.

Мабодо жамият ё ғам-кулфатни, ё иллатни танлаши за рур бўлиб қолса, сўзсиз у иллатни танлайди, чунки илла ҳам киборлар учун дабдабага ўхшаган бир нарса. Жамия ҳар қандай бахтсиз одамни камситишини, ҳажв-масхара қулишни қойиллатади. Жамият таҳтдан улоқтирилган қирол нинг юзига магзава чаплашга уста. Чунки қирол ҳам би вақтлар фуқарога шуни раво кўрган эди. Бу табақа қадимг ёш римлик жононлар сингари маҳв бўлган гладиаторларг шафқат қилмайди; олтину ҳақорат, хўрлаш мазкур жамия ҳаётининг замиридир... Ожизларга ўлим!— дунёдаги барч халқларнинг олий табақаларига мансуб одамларнинг шиори ана шундай, чунки ҳамма ерда бадавлат кишиларнинг мар табаси улуг; тўқлиқда туғилиб киборлик билан танглайи тик ланғанларнинг қалбида ана шу шиор умрбод муҳрланиб қолади. Мактабда ўқиётган болаларга бир қаранг. Шунда ҳар шингизда жамиятнинг кичрайтирилган ҳолдаги қиёфаси намоён бўлади, айниқса, болаларга хос соддадиллик ва са мимиийлик сабабли янада ҳақиқийроқдир: бу ерда сиз шак шубҳасиз камбағал — ғарибларни, қайғу ва изтироб бандала рини учратасиз, бошқалар уларга нисбатан ё ҳазар қилинга, ё ҳамдардликка ўхшамаган аллақандай ғалати муомала да бўлишади. Инжил эса бу бандаларга жаннат ваъда қилади. Жондор махлуқлар зинаси бўйлаб сал пастроқ тушингчи. Агар биронта қушча уясида касалланиб қолса, .бошқалари унга чанг солишиб, юлқилашиб, чўқилаб ташлашади ва охири ўлдиришади. Худбинликнинг ана шу қонунига со диқ бўлган жамият ўзининг кўтаринки кайфиятини бузишга журъат қилиб, унинг ҳузур-ҳаловатини бузганларга жазо беришда ҳеч нарсадан тоймайди. Кимки жисмоний ёки маънавий дардга мубтало бўлса, кимки камбағал ва ночор бўлса, у киши барча ҳуқуқлардан маҳрум этилган бир бандадир ва у банда фақат ўз саҳросида ўз ёғига ўзи қоврилишга маҳкумдир! Қай тарафга боқмасин, уни ҳамма ёқдан совуқ зимиистон қамраб олади — совуқ қарашлар, совуқ муомалалар, юракни ёрадиган сўзлар ва муз қотган юраклар унга азоб беради. У банда мабодо тасалли топадиган жойда ҳам озор топмаса, бу унинг баҳти! Ўлим тўшагида ётганлар, ўз маконларнингизда унут бўлиб қолаверинглар. Қари-қартанглар, ўзларингизнинг совуқ уйларингизда жунжикканча ёлғиз ўтираверинглар! Сепсиз қари қизлар, тошқотганча ўтираверинглар ёки ўз ҳужраларингизда иссиқдан бўғилиб ётаверинглар, ҳеч кимнинг кўзи сизларга учиб тургани йўқ. Агар жамият бирон-бир бахтсизга душманлик кўзи билан қаралмаяптими, демак ўша бахтсиздан унга фойда бор. Демак, у бечоранинг қонини сўриб олиш, жиловлаб эгарлаш ва ўлганинг устига чиқиб тепгандай ҳузур қилиб миниб олишни хоҳ-

лайди. Жиззаки канизаклар, чеҳраларингизни очинг, оли-
миммат ойимчаларингизнинг тирриқ таъбларига итоаткорона
хамдам бўлинг, унинг кучукчаларини авайлаб кўтариб олиб,
улар билан ади-бади қилганча ойимчаларингизни овутинг,
унинг тилакларини кўз қараашларидан уқиб олишга урининг-
да, тилингизни тийинг! Эй, сен ливрея киймаган хизматкор-
лар қироли, шарманда нонхўр, ғурурингни уйингда қолдириб
дел-да, бурнингни кўтараверма, ҳоқонинг овқатини ҳазм қи-
ларкан, сен ҳам тинмасдан кавшан, унинг кўз ёшлари билан
йигла, унинг қаҳқаҳаси билан кул, у тўқиган асиялар-
ни мақта, тагига сув қўймоқчи бўлсанг тишингни тишингга
босиб, унинг хонавайрон бўлишини кут. Киборлар жамияти
бахтсиз одамнинг иззатини шу тариқа жойига қўяди: у то-
тен пастни ё ўлдиради, ё ҳайдаб чиқаради; таҳқирилади ё
қатл этади.

Бу фикрлар Рафаэлнинг қалбида худди шоирона илҳом
гайтидагидек шиддат билан туфён урди. У атрофига назар
солди ва одатда жамият бахтсиз бандаларни ўзининг ораси-
дан сиқиб чиқариш учун уфурадиган совуқликни пайқади,
бундай совуқлик декабрнинг баданга игна саншиб ўтувчи из-
тирин шамолидан ҳам баттар қалбларни жунжиктиради.
Йигит қўлларини чалиштириб, деворга суюнди, у ғам-алам
устида ўрганарди. У бунақанг муҳдиш одатлар жамиятга
иуқул шодлик келтиравермаслиги ҳақида бош қотиради.
Шодлик қаёқда! Ҳузур-ҳаловатсиз эрмаклар, кўнгилхушлик-
сиз байрамлар, завқу шавқсиз жазавага тушишларми? Бош-
қача айтганда, ўроқда бурқаб ётган ўтиналар ёки оловнинг
учқуниниям кўрмай сўниб қолган кулми? Рафаэль бошини
кўтариб, ёлғиз қолганини, ўйнаётганларнинг тарқаб кетга-
нини кўрди.

«Мободо, зўрлигимни кўрсатганимда, уларга йўталим
ҳам ёқимли туюларди!»— ўйлади у.

Йигит шундай деб ўйларкан, ўз-ўзига нафратлар ёғдири-
ди-да, шу кўйи хаёллар оламига ғарқ бўлди.

Эртаси куни курортнинг табиби уни кўргани келди ва
хушмуомалалик билан саломатлигини суриштириди. Табиби-
нинг майдай ёқимли сўзларини тингларкан, Рафаэль ниҳоят-
да тўлқинланиб кетди. Йигитга доктор мулоийм ва меҳрибон
кўринди, унинг малларанг париги толалари инсонга бўлган
муҳаббат билан товланиб, фрагининг андазасию, чалвори-
нинг бурмаларигача, худди руҳоний—квакерларникидай учи
танқайган бошмоқларидан, ҳатто паригининг толимидан бук-
ирроқ елкаларига қуйилиб турган уласигача, ҳамма-ҳамма-
сидан табибининг очиқфөълиги, ҳақиқий христианларча меҳ-
рибонлиги сезилиб турарди. У беморлар билан қартаю ҳар
хил ўйинларгаям· (гарчи бунда сира мағлуб бўлмаса-да) ки-
ришиб кетаверадиган, бошқалар учун жонини жабборга бе-
радиган қишидай бўлиб туюлди.

— Жаноб маркиз,— деди у суҳбатининг ниҳоясида,—энди хурсанд қилишим мумкин. Сизнинг жуссаю баданингизнинг барча хусусиятлари эндиликда менга яхши маълум, энди ҳеч иккиланмасдан парижлик ўткир қобилиятили врачлар касалингизнинг табиатини аниқлашда бирмунча хатога йўл қўйганлар, дея оламақ. Жаноб маркиз, гарчи бирон баҳтсиз воқеа сабаб бўлмаса, сиз ҳали *Мафусайл* ёши қадар умр кўрасиз. Упкаларингиз тетикликда худди темирчининг босқопидай бир гап, ошқозонингиз эса түяқушнинг ошқозонидан кам эмас. Аммо-лекин, агар сиз тағин ҳам тоғ иқлимида яшашни давом эттираверсангиз, тез орада зах чуқурга тушиб қолишингиз ҳеч гапмас. Сиз гапирмасимдан тушуниб оласиз, жаноб маркиз. Инсоннинг нафас олиши худди оловнинг ёнишига ўхшаган бир гап эканлигини кимё тасдиқ этган, ёниш кучи эса ёнувчи модданинг қанчалик қуюқлашуви ёки суюқлашувига боғлиқ бўлади, ёнувчи модда ўз навбатида ҳар бир кимсада алоҳида тўпланиб боради. Сизда ундей моддалар тўлиб-тошиб ётиби: сиз, агар таъбир жоиз бўлса, бениҳоя кислородланган кишиси, чунки худо сизга улуғ ишларни амалга ошириш учун жўшқин организм ато этган. Заиф мижоз одамларнинг ҳаёт кечиришларини таъминилаб турадиган тоза ва соғ ҳаводан нафас олиш билан сиз шундай ҳам шиддат-ла кечаетган ёниш жараёнини янада тезлатасиз. Ҳолбуки, сиз учун энг яхши жой — водийлар ва ундаги оғилхоналарнинг димиқкан ҳавоси. Ҳа, тафаккур ишидан ҳолдан тойган киши учун шифо берадиган ҳавони Германиянинг қалин яйловларида, Баден-Баденда, Теплицада топса бўлади. Агар Англия сизни чўчитмаса, туманли иқлими ичингиздаги ҳовурни босиши мумкин. Бироқ Ўрта ерденгизи сатҳидан минг фут баландликда жойлашган бу курортимиз — сиз учун ҳалокатнинг худди ўзи. Менинг фикрим шундай,— деди у атайлаб ўзини жиддий кўрсатишига уриниб,— уни сизга айтяпману, лекин аслида бу гаплар бизнинг манфаатларимизга тўғри келмайди, чунки сиз дабдурустдан кетмоққа чоғланиб, бизни хафа қилиб қўйишингиз мумкин.

Сўзамол табиб шу сўнгги сўзларни айтмаганида, унинг соҳта меҳрибонлигига Рафаэль, эҳтимол ишонган ҳам бўлариди. Бироқ у синчков йигит бўлгани сабабли врачнинг гап оҳангига, бу жумлани айтаётган пайтдаги имо-ишораларию кўзининг ўйнаб туришига қараб, бу одам ҳалиги беғам касаллар тўпининг топширигини бажараётганини англаб олди. Шундай қилиб, қувноқ башарали бекорчилар, зериқаётган кишилар, санқиган инглизлар, ўйнашларининг этагини тутиб, эрларидан қочиб келган олифта хонимлар, бедармон, ожиз ва умри тугаб бораётган ночор бир беморни курортдан ҳайдаб юборишнинг бундай усулини ўйлаб тошишган, гўёки унинг ҳар кунги таъқибларидан шу йўл билан

кутулиб олишмоқчи бўлишган. Рафаэль бу ҳийла туфайли оз-моз эрмак учун имконият туғилиб қолганини кўриб, уларнинг чақиригини қабул этди.

— Тағин бу ердан жўнаб қолиб, сизни хафа қилиб қўй-маслик учун берган маслаҳатингиздан фойдаланиб, шу ерда яшашни давом эттираверишга ҳаракат қиласман,— деди у докторга.— Эртагаёқ иморат қуришни бошлаб юбораман ва шубҳасиз у ерда сиз айтган ҳаво бўлади.

Рафаэлнинг лабларини буриб юборган бу аччиқ кинояни тўғри тушунган доктор у-бу деб ўтиришни маъқул кўрмай, яхшиликча таъзим қилиб қўя қолди.

Бурже кўли — тоғдаги лаби учган улкан бир косага ўхшайди, Ўтра ер денгизи сатҳидан етти юз-саккиз юз фут баландликда жойлашган бу «косадаги» сувнинг ҳар бир томчиси шу қадар зилолки, бу қадар шаффоғ сувни ер юзининг бошқа бирон жойидан асло топиб бўлмаса керак. Мушук Тиши чўққисидан қараган кишига кўл худди кимнингдир чўнтағидан тушиб қолган ферузадай бўлиб туюлади. Бу мўъжизавий сув омборининг кенглиги тўққиз милу чуқурулиги баъзи жойларда ҳатто беш юз футгача етади. Қайиққа ўтириб, бу сокин сувнинг нақ ўртасида, ложувард осмон остида пайдо бўлиб қолсангиз, фақат эшқакларнинг ғижиралишини эшитиб, йироқлардан ёлғиз парқу булутлар оғушидаги тоғларни кўриб, қорда ярқираб ётган француз Моръенасини томоша қиласиз. Гоҳо майин қирққулоқлар ёки пастаккина бутазорлар билан қопланган харсангтош қоялар, гоҳо шўхчан тепаликлар ёнида сузганча бир томондан дабдабали табиат, бошқа томондан — саҳро (худди бойнинг тўйида камбағалнинг ҳозир бўлганидай) манзарасини кузатиб борсангиз, қанчалик ҳамоҳанглигу, қанчалик зиддиятлар гувоҳи бўласиз. У ерда ҳамма нарса кўпдай ва шу билан бирга ҳаммасиям камдай! Тоғларда кўриш ва кўришишнинг ўзига хос алоҳида шарт-шароитлари бўлади; юз футли қарағай худди қамишдай, кенг водийлар торгина сўқмоқ сингари кўриниши мумкин. Бу кўл шундай бир манзилки, у ерда кишининг юраги ҳақиқатан ҳам сел бўлиб кетиши ҳеч гап эмас. Бу ерда тафаккур кўнгил билан уйғуналашади. Сиз бошқа ҳеч қаерда шу ердагидай сув билан осмон, тоғлар билан замин ўртасидаги ажойиб ҳамоҳангликни учратади олмайсиз. Бу ерда барча ҳаётий муносабатларга шифо бахш этувчи малҳамни топиш мумкин. Бу макон изтироблар сирини пинҳон тутади, қайfu юкини енгиллаштиради, ғам-андуҳдан озод қилади ҳамда ишқ-муҳаббатга шундай бир алоҳида аҳамият ва эътибор бағишлийдики, натижада севги келтирадиган завқ теран ва соғ бўлади, бўса эса, илоҳий тус олади. Лекин бу кўл аввало — хотиротлар кўлидир; у кишини хотирлашга ундаиди, инсон хотираларини кўл юзидаиди

мавжлантиради, бу мавжлар ҳамма нарсани ўзида акс эттира оладиган кўзгулардир. Фақат мана шу жозибадор табиат қўйнидагина Рафаэль ўз фамини унутар, атрофга бепарво боқиб хаёл сурар, тилак балосидан халос юрарди. Доктор келиб кетганидан сўнг у айланиб келгани жўнади ва қайиқчига хилват, кўркам тепаликнинг тумшуғи ёнида тўхташни буюрди, тепаликнинг нариги ёнбағрида Сент-Инносан қишлоғи жойлашган эди. Шу дўнгликка чиққан киши Бюже тоғини, тоғ этагида оқаётган Рона дарёсини, кўлнинг тубини ҳам кафтдагидай кўриб турарди. Лекин Рафаэль бу ердан қарама-қарши тарафдаги соҳилни, ҳазин От-Комб аббатлиги, ундаги қояларнинг жарликлари аро хожларини тугатган хожилармисол манзил топган Сардиния қиролларининг оромгоҳини томоша қилишни айниқса ёқтиради. Бирданига эшқакларнинг роҳиблар куйи мисол бир маромдаги жўровоз фичирлаши табиат сукунатини бузди. Ҳали ҳам ўз ўйлари билан банд Рафаэль кўлнинг одатда кимсасиз бўладиган бу жойида яна кимнингдир сайд қилиб юрганидан ҳайроп бўлиб, қайиқдаги кишиларга назар ташлади ва у кеманинг қўйруғида ўтирган, у куни ўзи билан қаттиқ гаплашган кампирни кўрди. Қайиқ Рафаэлнинг тўғрисига келганида ёлғиз ўша хонимнинг оқсочигини Валантенга таъзим қилиб қўйди. Нуфузли оиласдан чиққан бу камбағал қизни йигит худди биринчи марта кўриб тургандай эди. Кема дўнгликнинг нариёғига ўтиб кетди ва бирпастдан сўнг Рафаэль хонимларниям энди унуганди, худди шу зум ёнгинасида кўйлакнинг шилдираши-ю, енгил қадам товушини эшилди. Йигит ўгирилиб, ҳалиги хизматчини кўрди; қизнинг тортинибигина турганига қараб, Рафаэль унинг ўзига нимадир демоқчилигини англади-да, яқин борди. Ўттиз олти ёшлар чамасидаги баланд бўйли ва ориқ, жозибасиз ва совуққина бу қиз барча қариқизлар сингари журъатсиз, уқувсиз ва оғир қадам босишига кўзларининг чақнаши мутаносиб эмаслигидан хиёл уялиб турар эди. Ҳали ёшлик ўтини исроф қилиб ултурмаган қариқиз ўзининг ажойиб фазилатлари ва камолати хусусида юқори фикрда эканлигини кўрсатиб қўймоқчидай мағрур қараб турарди. Шу билан бирга унинг ҳаракатлари аёл қалбининг жами назокатига сабру тоқат ила амал қилиб яшаган кўпгина хотинларники сингари, роҳибаларникисимон эҳтиёткор эди.

— Ҳаётингиз хавф остида, курзалга яна бориб юрманг! — қиз Рафаэлга шундай дедиу, гўё бу билан у номусига шак келтириб қўйгандай чўчиб, дарҳол ўзини орқага ташлади.

— Хоним, сиз бу ерга келиш билан нақадар меҳрибонлик кўрсатдингиз, шунинг учун илтимос қиласман, тушунтириброқ гапирсангиз: нима гап ўзи? — жилмайди йигит.

— Вой, арзимаган сабаб бўлса, графиняни норози қилишга

журъат этармидим, ахир бирдамас-бирда у сизни огоҳлантирганимни билиб қолиши мумкин-ку...

— Буни унга ким ҳам айтарди? — сўради Рафаэль.

— Тўғри айтасиз,— деди унга қариқиз, кўзларини офтобга чиқиб қолган бойқушдай пириллатиб.— Лекин ўз ҳаққингизда ғам енг,— қўшиб қўйди қиз,— сизни бу ердан ҳайдашни ўйлаётган йигитлар сизни дуэлга чақириб отишишга мажбур қиласиз, деган фикрга келишиди.

Ироқдан кекса хонимнинг чақириги эшитилди.

— Хоним, сиздан ғоят миннатдорман...— гап бошлиди маркиз.

Бироқ йигитнинг ҳомийси тогининг аллақаеридан яна чиyllаб келаётган хўжасининг товушини эшитиб, жўнаб қолган эди.

«Шўрлик қиз! Бахтсизлар доим бир-бирларини тушунадилар ва қўллаб-қувватлайдилар»,— ўйлади Рафаэль ва дарахт тагига чўқди.

Қандай?— деган сўроқ, шубҳасиз, ҳар қанақа фаннинг калити ҳисобланади; буюк қашфиётларнинг кўпчилиги «Қандай қилиб?»— деган савол туфайли очилган. Кундалик турмуш борасида, эҳтимол, ҳар қадамда ҳадеб «Нима учун? саволига жавоб излайверишдан ҳам ҳаёт тажрибаси келиб чиқса керак. Лекин, яна шунисиям борки, киши ҳамма нарсани олдиндан кўра билса, кўпгина хом ҳаёллар пучга чиқади. Худди шунингдек, Валантен ҳам ҳеч қандай фалсафий мақсадни хаёлига келтирмаган ҳолда қариқизнинг холис гапи ҳақида учи-кети йўқ ҳаёлларга чўмди, оғир ғам юки елкасига ўрнашиб олди.

«Оқсоқ қизнинг менга ишқи тушиб қолиши ҳам эҳтимолдан холи эмас,— ўйлади у,— ахир эндиғина йигирма етти ёшдаман, унвоним бор, йиллик даромадим икки юз минг ливрдан кам эмас! Аммо-лекин, унинг қутуришда мушукларни бир чўқиша қочирадиган соҳибасининг қизни ёнгинамдан қайиққа солиб ўтишини ғалати ҳол деса бўлади. Иккала хоним Савойяга худди сугурлардай уйқуни ургани келишган бўлса, доим тонг отган-отмаганигини сўрагани пешиндагина тумшуқларини кўрпадан чиқарадиган бўлишса-ю, бугун нима бўлиб, тонг-саҳарлаб ўринларидан туриб, ногоҳ учрашувдан кўнгил очгани менинг изимдан қувиб юришибди?»

Кўп ўтмай қирқ ёшлик лақма қариқиз Рафаэлнинг назаридаги маккор ва мижғов жамиятнинг яна бир вакили, тубан муғамбирлик, даққилиқ, айёрлик намунаси, хотинлару роҳибаларда учрайдиган, димоқ-фироқ, ҳойу-ҳавас намунаси бўлиб кўринди. Дуэль ҳақидаги хабар шунчаки ўйлаб топилган гапмикин, ёки уни қўрқитмоқчи бўлишдимикин. Бу сурбет, хирапашшалардай майда жонзотлар йигитнинг иззатига тегишиди-ю, оқибатда унинг фурурини қўзғаб синчковли-

гани уйғотиб қўйишди. Аҳмоқ бўлиб қолишини ва қўрқоқ деган ном ортиришни истамаган йигит, афтидан бу ҳангамадан кўнглини очиш учунми, шу куни оқшом тушиши биланоқ курзалга равона бўлди. У катта залдаги камининг мармар деворига суюнганича турар, жанжал чиқишига ҳеч қандай баҳона туғдирмасликка уринар эди. Лекин у одамларни диққат билан кузатаркан, ўзининг ниҳоятда сергаклиги билан маълум маънода жамиятнинг ғашига тегаётган эди. Йигит рақиблари биринчи бўлиб олдига келишларини хотиржам кутарди. Одатда ўз кучига ишонадиган додларгина ҳадеб ангиллайвермасдан, ўзларини вазмин тутишади. Рафаэль оқшом сўнггида курзалга кирадиган эшикдан бильярдхонанинг эшигигача бориб-келиб ўйин залида айланиб юрар, баъзи-баъзида қарта ўйнаётган ёш йигитлар давраси томонга қараб қўярди. Бир оздан кейин йигитлардан бири унинг номини тилга олди. Гарчи улар шивирлаб гаплашаётган бўлишса-да, Рафаэль ўзининг қандайдир баҳсга баҳона бўлганини англаб олди. Ниҳоят, қаттиқроқ айтилган бир неча жумла унинг қулоғига чалинди:

— Сен-а?

— Ҳа, мен!

— Қўлингдан келмайди?

— Гаров боғлашим мумкин.

— Ҳе-е, қайтиб бўпти.

Баҳс нима тўғрисида кетаётганини билишга жуда қизиқаётган Валантен уларнинг сұхбатига қулоқ солганча бир жойда тўхтаганида бильярдхонадан новча ва елкадор, хушсурат бир йигит чиқиб келди, унинг кўзлари қандайдир моддий қудратига бино қўйган одамларники каби чақчайган ва сурбетларча ўйнаб турарди.

— Муҳтарам жаноб,— деди у bemalol Рафаэлга қараб,— менга жанобларига бир нарсани айтиб қўйишни топшириди, у нарсанинг нима эканлигига, менимча, унчалик фаҳмлари етмаётганга ўхшайди: сизнинг афтингизу бутун турқи тароватингиз бу ердагиларнинг ҳеч бирисига, шу жумладан, каминага ҳам ёқмаяпти... Сиз ҳар ҳолда умумнинг фаровонлиги йўлида ўзингизни қурбон қила олиш дарражасида тарбия тонган зот бўлсангиз керак, шунинг учун курзалда қайтиб қорангизни кўрсатмаслигинизни ўтинаман.

— Муҳтарам жаноб, Империя замонларида кўпгина гарнizonларда шу тахлитда ҳазиллашиб юришарди, ҳозир эса бу хил гаплар аҳмоқликни билдиради,— совуққина жавоб берди Рафаэль.

— Мен ҳазиллашашётганим йўқ,— эътиroz билдириди йигит.— Яна қайтараман: курзалга кириш сизнинг саломатлигингизга тўғри келмайди. Сизни кидақа дардга чалинган кишига жазира ва дим ҳаво, кучли ёруғлик, кўп одам тўплланган жой кони зарар.

— Тиббиётни қаёқда ўргангансиз? — сўради Рафаэль.

— Муҳтарам зот, бакалавр унвонини Париждаги Лепаж куролхонасида олганман, шамъирбозликнинг қироли Серизье эса менга докторлик унвонини тақдим этган.

— Бўлмасам, энди сизга охиригни унвонни олиш пайти келибди, — чўрт кесди Валантен. — Одобу назокат қоидаларини ўрганиб олсангиз, тузукни йигит бўласиз-қўясиз.

Шу пайт йигитларнинг қайси бири жим, қай бири хаҳолаб кулганча, бильярдхонадан чиқиб келишди. Бошқалар эса қартани йигиштириб қўйишди-да, қулоқларига мойдай ёқаётган жанжални тинглай бошлаши. Ганимларнинг орасида ёлғизланиб қолган Рафаэль иложи борича ўзини осоиишта тутишга ва жилла бўлса-да, ножўя ҳаракат қилмасликка уринди, лекин рақиби унга фавқулодда кескин ва ўткир ҳақорат сўзини айтганида, Валантен вазминлик билан шундай деди:

— Муҳтарам зот, бизнинг даврамизда тарсаки қўйвориш одобдан эмас, аммо-лекин сизнинг тубан хулқингизни лаънатлашга сўз топишим қийин.

— Етар! Бас! Эртага гаплашиб оласизлар, — йигитлар шундай дейишганча рақибларнинг орасига тушишди.

Рафаэлни таҳқирловчига чиқаришди. Баҳсни Бордо қалъаси ёнида, янги тушган йўл ёқасидаги майсазор нишабликда ўтказадиган бўлишди, дуэлдан тирик чиққан кишининг анашу йўл билан Лионга жўнаб қолиши мўлжалланганди. Рафаэль ё тўшакка оёқ узатиши, ё Эксни ташлаб кетиши лозим эди. Жамият тантана қилаётганди. Эрталаб соат еттида Валантеннинг рақиби иккита секундант ва хирург билан биринчи бўлиб учрашув жойига етиб келди.

— Қандай яхши жой экан-а. Обҳавоям нақ дуэлбоп бўлганини қаранг! — деди у шўхчан зангори осмонга, йўл ва қоялар томонга кўз югуртирап экан, — унинг нигоҳларида на яширин шубҳа излари, на ҳасрат алами сезилмасди. — Мабодо унинг елкасига теккизганимда ҳам камида бир ой тўшак тортиб ётишга мажбур бўлади, — давом этди у, — шундаймасми, доктор?

— Лоақал шундай бўлиши бегумон, — жавоб берди хирург. — Фақат сиз ҳадеб у ёғочга осилаверманг, акс ҳолда қўлингиз толиб қолади-да, қуролни яхши ушлай олмайсиз. Рақибингизни ярадор қилиш ўрнига ўлдириб қўймасангиз яхшийди.

Экипажнинг тақир-туқури эшитилди.

— Келаётган: ўша, — дейишди секундантлар. Кўп ўтмай тўртта от қўшилган экипаж кўринди, отларни иккита форейтор бошқарib ўтиришарди.

— Қанақанги зот ўзи бу! — хитоб қилди Рафаэлнинг рақиби. — Почта аравасида келурлар ўлим томон...

Дуэлда, худди қимор ўйинидаги сингари, натижанинг

қандай бўлишидан қатъи назар, бевосита манфаатдор томонларнинг ўй-хаёлига ҳар қандай майдо-чуйдалар ҳам таъсир қиласверади. Шунинг учун йигит извош етиб келиб, йўлда тўхтагунича бирмунча безовталаниб турди. Извошнинг зинасидан даставвал кекса Ионафан қийналиб сакраб тушди-да, Рафаэлнинг чиқишига қарашворди: қария уни ориқ, қалтироқ қўллари билан суюб турар, у гўё маҳбуб маҳбуси ҳақида ташвиш чекканидай йигитга жиндай бўлсада малол етказмаслик учун ҳадеб парвона бўларди. Улар иккаласи катта йўл ёқасидан отишиш жойига қадар етиб келадиган сўқмоқ бўйлаб кетишиди. Бир пайт уларнинг қораси кўринмай қолди-да, бир оз муддат ўтганидан сўнг пайдо бўлишиди, улар секин-аста келишаётганди. Бу гаройиб манзаранинг тўртовлон гувоҳлари малайнинг қўлларига суюнган Рафаэлнинг яқин келиши билан ғоят ҳайратда қолдилар: озғин ва ранг-рўйи сомон бўлиб кетган йигит бошини қуий осилтирганча, худди бод касалига мубтало бўлган кишидай, сукут сақлаганча қадам босарди. Уларга қараб, ҳатто келаётганларнинг иккаласи ҳам чоллар деб ўйлаш мумкин эди: бирори, замон зайли билан, иккинчиси эса, тафаккур юки остида эзилиб тамом бўлишганди. Биринчисининг қордай оппоқ соchlари улуғ ёшидан далолат берса, йигит учун ёшликининг нималиги аллақачон унут бўлган эди.

— Мұҳтарам зот, мен туни билан мижжа қоқмадим,— деди Рафаэль рақибига қараб.

Рафаэлнинг муздай сўзлари ва даҳшатли нигоҳлари жанжаланинг ҳақиқий айборини қалтирашга мажбур қилди, зодагон йигит ич-ичидан қаттиқ ўкиниб, қилмишидан уялиб кетди. Рафаэлнинг ўзини тутиб туришида, товушида ва ҳаракатларида қандайдир бир гайриоддий ҳол зоҳир эди. У жим бўлиб қолди ва ҳеч ким сукунатни бузгани журъат этмади. Ҳавотир ва бетоқатлик авжига минди.

— Ҳали ҳам бўлса, оддийгина қилиб узр айтиш кеч эмас,— яна сўз очди Рафаэль,— кечирим сўрасангиз бўларди, марҳаматли жаноб, акс ҳолда ҳалок бўласиз. Сиз ўзингизнинг эпчилигингизга бино қўйяпсиз, устунилигингизга ишончингиз комиллиги учун ҳам отишиш тўғрисидаги фикрингиздан қайтгингиз йўқ. Аммо-лекин, билиб қўйинг, марҳаматли зот,— олижаноблик юзасидан сизни огоҳлантириб қўймоқдаман, аксинча менинг ошигим олчи бўлади. Қамина ёвуз қудратнинг соҳибилар. Мен шундай бир тилак билдирам бас, сизнинг маҳоратингиз ҳавога учади, бошингиз айланаб, қўлларингиз қалтираганча, юрагингизни титроқ босади, буниси-ку ҳолва, оқибатда ҳалок бўласиз. Мен у қудратимни намойиш этишни хоҳламасдим; зеро бу қудрат оёқларимга болта уради. У сизгагина ўлим келтириб қолмайди. Агар мабодо кечирим сўрашдан бош тортсангиз, гарчи одам ўлдириш сиз учун оддий бир ҳунар эса-да, бу сафар отган ўқ-

ингиз анув селга томон ғойиб бўлади, менинг ўқим эса ҳатто мўлжалга олмасам ҳам, тўппа-тўғри юрагингизга бориб санчилади.

Йигитнинг ҳасратли овози Валантенниг гапини бўлди. Рафаэль гапираркан, даҳшатли даражадаги жиддий ва ниҳоятда ўткир нигоҳларини рақибига қадаб турарди; у қаддими ростлади, унинг юзи худди хавфли телбаники каби бепарво тус олди.

— Марҳамат қилиб, у жим бўлсин,— деди зодагон йигит секундантларидан бирига,— товуши ўтаками ёрворгидай бўляпти!

— Марҳаматли жаноб, етар! Сиз бекорга сўзамоллик қилипсиз!— қичқиришди жарроҳ ва гувоҳлар Рафаэлга қараб.

— Жаноблар, мен бурчимни адо этдим. У зот ҳам кўнглида не борлигини изҳор этсалар чакки бўлмасди.

— Бўлди-е! Бас қилинг!

Рафаэль тек қотганча ғанимидан кўз узмас, рақиби эса гўё илоннинг қаттиқ назари остига тушган қушча мисол илоҳий куч билан ипсиз боғлаб қўйилгандай турарди. Бу ҳалокатли нигоҳга бўйсунишга мажбур бўлган йигит кўзларини олиб қочди-ю, лекин тағин беихтиёр унинг ҳукмига дучор бўлди.

— Менга сув беринглар, чанқаб кетдим...— деди у секундантига.

— Чўчияпсанми?

— Ҳа,— жавоб берди у.— Унинг кўзлари ёниб, мени сехрлаб қўйяпти.

— Е кечирим сўрайсанми?

— Кеч бўлди.

Отишувчилар учун ўн беш қадамлик майдон тайинлашди. Уларнинг ҳар қайсисига иккитадан тўппонча беришиди, баҳснинг шартларига кўра рақиблар секундантлар ишора қилишганидан сўнг хоҳлаган пайтида икки мартадан ўқ узишлари мумкин эди.

— Нима бўлди сенга, Шарль?— қичқирди Рафаэлнинг рақибига секундантлик қилаётган йигит.— Ўқни порох солмасдан жойлаяпсан-ку!

— Тамом бўлдим!— деди у эшитилар-эшитилмас.— Сизлар мени офтобга рўпара қилиб қўйибсизлар...

— Қуёш сизнинг орқа томонингизда,— деди унга Валантен дағаллик билан ва отишга ишора берилганига ҳам, рақибининг уни чинакамига мўлжалга олаётганига ҳам қарамасдан, шошилмасдан тўпончасини ўқлади.

Бу қадар фавқулодда ишонч шунчалик даҳшатли эдики, ҳатто отишма жойига келиб олишган, ҳангаматалаб извошлиарнинг ҳам вужудига қалтироқ тушди. Рафаэль ўзининг қодирлигини намойиш қилганча, эҳтимол, кучини синаб кўрмоқ ниятида Ионафан билан сўзлашиб турар, гарчи рақиби ўқ узаётган бўлса-да, кўзларини малайидан олмас эди.

Шарлнинг ўқи мажнунтолнинг шохчасини синдириганча учиб, сувга бориб тушди, Валантен эса таваккалига отди-да газнимнинг нақ юрагига урди ва зодагон йигитнинг йиқилиб тушганига ҳам эътибор бермай, киссасидан сафири терисини олди-да, бир одамнинг ҳаёти қанчага тушганини билмоқчи бўлди. Тилсим эман япроқчасидай бўлиб, бужмайиб қолганди.

— Ҳой, извошлилар, бунча ивирсиб қолдинглар? — деб Рафаэль йўлга тушди.

Шу куни кечқуруноқ у Францияга етиб келди ва Оверн йўли билан Мон-Дордаги шифобахш сувлар томон жўнаб кетди. Йўл бўйи унда кутилмаган бир фикр пайдо бўлди, одатда бундай ўйлар офтобнинг қалин булутлари орасидан ўтиб, қоронги водий ёритган шуъалари янглиғ баззи-базза иде дилга оралаб туришади. Бераҳм донишмандлиқнинг ғамгин аломатлари! Бу хил хаёллар содир бўлиб ўтган воқеаларни қайтадан ойдинлаштиради, хатоларимизни ошкор айлади ва шунда биз қаёндир йўл қўйган хатоларимиз учун ўзимизни афв этишга ноҷор қоламиш. Рафаэль бирданнига бениҳоя қудратга қодир бўлса-да, аммо бу кучдан қандай фойдаланиш ўйлини билишининг имкони йўқлигини ўйлади. Салтанат ҳассаси — болакай учун ўйинчоқдай бир гап, *Ришелье* учун у ойболтанинг ўзидир. Наполеон эса бу ҳассасдан дунёни остин-устин қилиб юбориш ишида дастак сифатида фойдаланиши мумкин. Ҳукмдорлик кишиларни табиатан қандай яралган бўлсалар, айни шу ҳолида қолдираверади, у буюк шахсларгагина қанот баҳш этади. Рафаэлнинг қудрати ҳар нарсага етарди-ю, лекин ҳеч нарсанни амалга ошира олмади.

Мон-Дор шифохонасидаги жамоа ҳам худди Эксдагидай жонзот мурдасининг исини узоқдан сезган ҳайвонлар олисроққа қочгандай, Рафаэлдан ўзларини четга ола бошлашди. Ҳар иккала томон ҳам ўзаро бир-бирига адоват билан боқишаради. Яқинда юз берган ҳодиса йигитнинг кўнглида жамоага нисбатан нафрат ўтини оловлантирганди. Шунинг учун Рафаэль аввало яқин атрофдан ўзи учун хилват бир манзил топиш пайдан бўлди. У беихтиёр табиат қулоғида табиий туйгулар билан далалар қўйнида дилимизга ҳузур баҳш этувчи гиёҳу ўсимликлар оламида бўлишга майл севарди. Валантен жойлашган кунининг эртаси унчалик қийналмасдан Санси чўққисига чиқиб олди-да, у ердан төғ теварагидаги жойларни, номаълум кўлларни, Мон-Дор қишлоқларининг кулбаларини томоша қилди, у ерларнинг хароба ва ёввойи манзаралари эндиликада рассомларимизнинг ҳам мўйқаламларини ўзига тортмоқда. Баъзан қовоғидан қор ёққан бу тоғларнинг ҳазин манзараларига зид равишда жозибадорлиги, гўзаллиги билан кўзни олувчи ажойиб мақонлар ҳам учраб турарди. Қишлоқдан деярли ярим миль

шаридаги Рафаэль ана шундай жой устидан чиқиб қолди. Гү-
дак сингари шўх ва ўйноқи табиат ўзининг энг зўр хазина-
ларини атайлаб яшириб қўйғандай, у одамлардан четроқ
бўлган ана шу кўркам ва дилкаш маконда қўним топмоқга
қарор қилди. Бу ерда дараҳтдаги мева сингари тинч ва та-
биий кун кечириш мумкин эди.

Тўнкариб қўйилган, пастдан юқорига томон кенгая бора-
диган харсанг гардишли шаршара — воронкани ёnlари ало-
мат тилимланиб чиқилган улкан косани кўз олдингизга кел-
тилинг, олдингизда бир текисдаги силлиқ ва равои, гиёҳлар-
сиз мовий текислик ястаниб ётади, унинг кўзгусимон бетида
қуёш нурлари ўйнайди. Нарироқда эса — қояларнинг ўнгир-
лар билан ажралиб турувчи бурмалари тизилиб кетган, қоя-
ларда аста-секин ёмғир сувларининг тўпланиши билан қулай
деб турган, қотиб қолган лава оқимлари бало-қазодай бў-
либ осилиб ётишади, қоялардаги пастак дараҳтларни шамол
силкиб юлқиди. Зимистон ва салқи дараларнинг айрим
жойларида худди кедр дараҳтларида юксак-арғувонлар уч-
райди, чўққиларнинг сарғиш ёнбағирлари ўпирилиб, унгур-
ларга айланған, уларнинг маймунжонлар, гуллар ўсиб, гиё-
ху қўқатларга бурканған қоронги ва чуқур жағлари кўриниб
туряди. Бу «коса»нинг қачонлардир эҳтимол вулқон отилиб
чиққан тубида гавҳардай ялтиллаб ётган шаффоғ сувли қи-
чикроқ кўл бор. Чуқур ҳовузнинг гир атрофидаги мажнун-
тол, тоғ ўти, шўмтол дараҳтлари ҳамда шу паллада қий-
ғос гулга кирган турфа хушбўй ўтларга қопланган тошлоқ
соҳилларда инглизларнинг гулзорига ўхшаган кўм-кўк май-
сазор ястаниб ётарди. Майсазордаги чиройли ва нозиккина
гиёҳлар қояларнинг уйгурларидан сизиб оқадиган жилга-
лардан сув иchar; баланд чўққилардан тинимсиз шамол —
бўрон учириб туширган ўсимликларнинг чириндилири билан
ўғитланар эдилар. Кўйлакнинг бурмаларида гардишли
кўл тахминан уч арпан майдонни ишғол қилганди. Қоялар
сувга шунчалик яқин жойлашганидан ўтлоқнинг кенглиги,
эҳтимол, икки арпандан ошмас, баъзи жойларидан эса сигир
зўрга ўта оларди. Юқорига кўтарила борган сари ўтлоқ сий-
раклашиб кетганди. Тепада хилма-хил шаклдаги қоялар
кўкка бўй чўзган, уларнинг чўққилари булутлар билан қў-
шилиб кетганди. Шип-шийдам, биёбон чўққиларнинг ҳувил-
лаган ёввойи манзаралари водийнинг осойишта гўзалли-
гидан кескин фарқ қилиб турарди: қоягошлар ўпирилиб кет-
гудай таҳлика солар, жимжимадор шаклларда товланар эди.
Қояларнинг бири шу дараҷада роҳибларга ўхшаш бўлгани-
дан ҳатто Капуцин деб ном олганди. Гоҳо офтоб нурлари бу
ўтқир учли тепаларни, қаққайган ҳайбатли тошлоқларни,
баланд тоғ тепасидаги дараларни ҳам ёритиб қолар ва шун-
да қуёш шуълаларининг оқимиға ва ҳавонинг турфа хил тов-
ланишларига итоатгўй маконлар гоҳ тилларанг тусда ярқи-

раб, гоҳ қирмизирангга бўялар, гоҳ пуштиранг, гоҳ кулранг шафаққа айланиб, гоҳо тағин сўниб қолар эди. Хуллас, тоғ чўққиларининг туси вақти-вақти билан кабутарнинг бўйни каби камалакдай турли рангларда товланиб турарди. Баъзан ё тонгда, ё оқшом чоги қуёшнинг ўтқир шуъласи иккита тўлқинсимон харсангтошнинг орасига тушиб, ажойиб кажаванинг тубига қадар етиб борар ва гўё пешиц маҳали ором олгани чўзилган испанларнинг маҳкам беркитилган дарчаси тешигидан тушаётган тилларанг шуъладай кўлнинг бетида жилоланаарди. Қуёш илгари замонларда қайсиидир бир ўзгариш туфайли сувга тўлиб қолган кратернинг нақ тепасига келган дақиқада тошлоқ соҳиллар исий бошлайди, гўё сўнган вулқон тағин оловлангандай, ҳосил бўлган иссиқликдан новдалар ниш уради, ўсимликлар ҳосилга киради, гуллар ял-ял ёнади ва бу хилват гўшанинг мева-чевалари етила боради.

Рафаэль у ерга чиқиб, майсазорда молларнинг ўтлаб юрганини кўрди; у кўл томонга бир оз юргач, қуруқликнинг кенгроқ жойида томи ёрочдан бостирилган, тошдан қурилгақ оддийгина бир ўйни кўрди. Атроф-теварак билан фоят ўйғун бўлган мўъжаз кулбанинг томини тўсинлар, печакгуллар ва бошқа турли ўтлар қоплаган, бу нарса иморатнинг анча кўхналигидан дарак берарди. Ярми увалиб тушган мўридан сизилиб чиқаётган тутун узра қушлар бемалол парвоз этарди. Эшик олдida муаттар пуштиранг гулларга бурканган иккита улкан дукчўп бутаси орасига каттакон ўтириғич қўйилганди. Эркинликда, ўз ҳолича ўсиб ётган ток новдлари, атиргул ва ясминлар том тепасига чамбарак бўлиб осилиб ётганидан ўйнинг деворини деярли кўриб бўлмасди. Ўй эгалари бу тахлит қишлоқ зийнатига эътибор ҳам қилмаганликлари учун ўсимликлар табиий гўзаллигини, бокиралигини сақлаб қолганди. Маймунжон бутасига ёйилган кийимлар офтобда қурирди. Қаноп лосини тутқич асбоб устида мушук чўққайиб ўтирап, титқич остидаги картошка лўчиқлари орасидан янгигина тозаланган мис қозон кўринарди. Рафаэлнинг қўзи ўйнинг орқа томонида (эҳтимол, товуқлар боғчаю полизга кириб кетмасин деб тикланган) тоголча новдаларидан ясалган четанга тушди. Гўё дунёнинг чегараси ана шу ерга келиб тақقا тўхтагандай туюларди. Валантен-нинг қаршисидаги бу ўй қояларнинг шундай биқинига қурилган, бир пайтнинг ўзида ҳам ихтирочиликнинг, ҳам пала-партишиликнинг намунаси бўлиб кўринадиган аломат қуш уяларига жуда ўхшаб кетарди. Бу табиатнинг содда ва ажойиб, ёввойи, аммо нафис бир маскани эди. Зеро, бу «асар» бизнинг ниҳоятда сийкалашган нафосатимиздан минг миллар йироқда равнақ топган ва асло ўзга бир фоянинг акси бўлмай, тасодифан, ўз-ўзидан юзага келганди. Рафаэль у ерга етиб келган пайтда қуёш нурлари ўнг томондан наиза

бўлиб тушиб турарди, ўсимликлар турли рангларда ял-ял снарди. Офтобнинг ана шу, сеҳрли нуридан пайдо бўлган соялар, кулранг, сарғиш, қоялар, турфа тусда ғуж-ғуж бўлиб ўсган кўк, қизил ва оқ гуллар, ёйилиб, ялпайиб ётган ўсимликларнинг поялари ва қўнгироқлари, духобасифат йўсинлар, арчагулнинг қирмизи шингиллари ва, айниқса, қўл мавжиди, харсангтош чўққилар, дараҳтлар, уй ва осмон худди кўзгудагидай акс этиб турган зилол сувнинг сокин мавжиди алоҳида кўзга ташланади. Бу гўзал манзарада қат-қат ялтироқ тошдан тортиб, хиёл соя тушиб турган оқимтирик кўкатзорга қадар ҳамма нарса ярқираб ётарди. Шуларнинг бариси: ялтироқ юнгли олачишор сигир, сув ҳавзасини шокилладай қамраб олган нозик сув ўтлари, ҳавза узра гўнгиллаб учиб юрган мовий ва зумраднанг ҳашаротлар ва силлиқ тошларнинг тўшини малла соч каби ўраб олган дараҳт илдизларининг ниҳоятда уйғунлиги кўзни қувонтиради. Бу хилват маконнинг сувлари, гуллари ва магораларидан уфураётган муаттар илиқ ҳаводан Рафаэлнинг баҳри дили очилиб кетди. Чамаси, шу пайтгача ҳеч бир солиқ ундирувчининг рўйхатига тушмаган бу чакалакзорда ҳукм сурган сукунатни иккита ит вовиллаганча бузиб юборди. Сигирлар водийга кириладиган томонга бошларини ўгиришди. Сўнг ҳўл тумшуқларини Рафаэлга буришида, маъносиз боқишиганча, яна ўт ямлашда давом этишди. Тоғ тепасига нима бўлиб чиқиб олган эчки улоги билан Рафаэлнинг ёнидаги харсангтош майдончага сакраб тушиб, унга савол назарила тикилишганча туриб қолишиди. Итларнинг ҳуришига уйдан дўмбоққина бир болакай чопиб чиқди-да, оғзини очганча лол бўлиб қолди: сўнгра ўрта бўйли, оппоқ сочли қария пайдо бўлди. Буларнинг ҳар иккаласи ҳам атрофдаги манзара, ҳаво, гуллар ва иморат билан айни мос эдилар. Бу ҳаёт малҳамига бой табиат қўйнида сиҳат-саломатлик манбаи тўлиб ётар, қарилик ҳам, болалик ҳам бу ерда ўзгача гўзаллик кашф этарди. Ҳуллас, бу маскандағи турли жонзотларнинг ҳаёти ибтидоий соддаликдан, оддий баҳтдан далолат берарди. Ана шу оддий баҳт қаршисида бизнинг риёкорона фалсафа юритиши мизнинг нақадар сохталиги очилиб қолади ва юрагимиз сунъий завқлардан халос бўла боради. Бу қария Шиетцнинг мардонавор қалами учун ажойиб бир мижоз бўлиб хизмат қилиши мумкин эди: унинг қорайган юзи, эҳтимол, қўл текизизгандаям бир ҳолда тураверадиган дағал ажинлар билан қопланган қирра бурни, худди қари ток баргидай кўкимтири томирлари бўртиб турган ёноқ суюклари, юзидағи кескин чизиқларнинг ҳаммаси, гарчи эндиликда мадордан қолган эсада, илгари бақувват бўлганини билдириб турарди. Чолнинг сийрак оппоқ жун билан қопланган қадоқ қўллари шу кунда ишдан қолган; унингчинакам эркин ва озод инсон каби қаддини рост тутиб туршига қараб, мабодо бу одам Италияга

тушиб қолганида тенгсиз озодликка бўлган муҳаббати туфайли ҳақиқий қароқчининг ўзи бўларди деб ўйлаш мумкин эди. Асиш тоғлик болакайнинг қоп-қора кўзларини ҳатто офтоб ҳам қамаштира олмас, юзлари жигарранг тусли, тимқора соchlари тўзғиб ётарди. У эпчил ва жасур, ҳара катлари ҳам худди қушларникадай енгил эди, унинг жулдурийими орасидан оппоқ, тоза бадани кўриниб турарди. Бола билан чол ёнма-ён туришар, ҳар иккаласининг юзи бирдай ифода касб этар ва уларнинг кўз қарашларидан икковининг ҳам айни бир хил беғам турмуш кечиришларини билиб олса бўларди. Ожизликнинг икки хил кўриниши, яъни битиб, тугаб бораётган қувват билан ҳали ривожланиб улғурмаган куч ўртасида бўладиган алоҳида бир шартга биноан чол болакайнинг шўхликларини ўзлаштирган, кичкинтой эса бувасининг инжиқликларини ўрганиб олганди. Оз-моздан кейин бўсағада ўттиз ёшлар чамасидаги жувон пайдо бўлди. У йўл-йўлакай иш эшиб келарди. Аёл овернлик эди, оппоқтишли, буғдоймағиз, қувноқ ва хушрўй бу хонимнинг чехраси, қадди-қомати, кўйлаги ва соchlарини тараши, диркиллаган кўкраклари унинг асиш овернлик эканлигидан далолат бериб, талафузи, меҳнаткашлиги, кўрслиги, тежамкорлиги ва самимийлиги, хуллас, ана шу фазилатларнинг жами унинг Оверн ўлкасига мансуб эканлигини яққол билдиарди.

Хоним Рафаэлга таъзим қилиб қўйди, шундан сўнг гап бошлашди. Итлар жим бўлишди, чол офтобда курсига чўқди, болакай эса онасига эргашганча номаълум кишидан кўзларини узмай, жимгина суҳбатга қулоқ тутарди.

— Бу ерда яшашдан қўрқмайсизларми, ҳурматли хоним?

— Нимадан ҳам қўрқардик? Аниви эшик тўсилгач, бу ёқ-қа нимаям кира оларди? Йўқ, биз ҳеч нарсадан қўрқмаймиз! Нафсилаамрини айтганда,— деди у маркизни уйнинг энг катта хонасига таклиф қиласкан,— ўғриларнинг кўзи учиб турган нарсанинг ўзи йўқ!

Хоним қўлларини ёйганча ёлғиз зангори, қизил ва яшил бўёқлар билан ишланган: «Ҳурматнинг ўлими», «Тангри қаҳри», «Император гвардиясининг гренадёрлари» суратлари осиб қўйилган деворларга ишора қилди. Хонада бундан ташқари яна ёнғоқ дарахтидан ясалган эски нақшин каравот, бурама оёқли стол, курсилар, ҳамир тогора, шифтга осиғлиқ чўчқа ёғи, туз солинган кувача, печка ва ўчоқнинг токчасига терилган, ганчдан ишланган ҳайкаллар бор эди. Рафаэль уйдан чиқаётib, қояларнинг орасида қўлларига кетмонча ушлаб олган эркакнинг эгилганча уй томонга қизиқсиниб тикилиб турганини кўриб қолди.

— Хўжайин,— деди эёл дехқонларга хос жилмайиб қўяркан.— Уша ерда ишлазяпти.

— Чол отангиз бўладиларми?

— Йўқ, бу киши эримнинг боболари бўлади. Ёши бир юз

шекига кетяпти. Шунга қарамасдан яқинда ўғилчамиз билди Клермонга пиёда бориб келиши! Жуда бақувват кишини, ҳозир энди уйқу овқатни билади. Болакай билан овулди, баъзан кичкингидан тоққа бошлаб кетади, шунда ҳам чом индамай эргашаверади.

Валантен дарҳол ана шу чол ва болакайнинг ёнида қўним топишга, мана шу ҳаводан нафас олиб, улар еган нондани ейишга, уларга ўхшаб ширин уйқуни уришга, ўзининг томирларида ҳам ана шундай қонни гупиртиришга қарор қилди. Умри тугаб бораётган одамнинг тантиқлиги! Мана шу қоянларга чиганоққа ўхшаб ёпишиб олиш, умр косасини бир неча кунгагина бўлса-да, истроф қилмасдан, баданидаги ўзим хуружини тинчитиб туриш йигитнинг яккаю-ягона мақсади, ҳаётдаги энг ноёб орзуси, энг тўғри кун кечириш бўлиб қолган эди. Чинакам худбиниларча бу фикр унинг бор вужудига сингиб кетган ва бутун борлиқ йигит учун фақат шу фикрдагина мавжуд эди. Унга баъзида бу олам ниҳон булгандай, яъни бутун дунё ўзидангина иборатдай туюларди. Бутун олам бемор тўшагининг ёстиқ тарафидан бошланниб, сёёқ учиди адо бўларди. Водий Рафаэль учун ана шундай оромгоҳга айланди.

Ким серташвиш чумолининг ҳаракатларини кузатмаган, ким оқимтир чиганоқли шиллиққуртнинг нафас оладиган ёғиз тешигига чўп тиқиб ўйнамаган? Ким нозиккина чўзапакнинг ажойиб парвозини томоша қилиб, эман яирогининг қирмизи бети худди гота ибодатхонасининг бурма нақшлари каби ёрқин томирларга тўла эканлигини кўриб яйрамаган дейсиз? Ким ёмғир томчилари билан қуёш нурларининг тимқора черепица том устида жимирлашини узоқ-узоқ томоша қилиб, ҳузур топмаган: бир томчи шудринг, гул баргчалари ёки косачасининг ранг-баранг ажойиботларига қараб ўйга голмаган? Ким табиат қўйнида бегаму бекин, лекин кишини қандайдир мушоҳадаларга ундейдиган ширин хаёлларга берилимаган? Бошқача айтганда, ким гоҳи вақтлар гўдакларча эринчоқлик билан (мободо меҳнатни ҳисобга олмаганда) ёзвойиларча ҳаётдан завқланмаган? Рафаэль бир неча кун худди ана шундай: ғаму ташвишларсиз, истагу тилакларсиз ҳаёт кечирди; оқибатда саломатлиги анча яхшиланиб, ўзини ниҳоятда тетик ҳис қила бошлади ва хавотиру ваҳималари унут бўлиб, изтироблари босилиб қолди. У тоғу тошлирга чиқиб оларди-да, қандайдир чўққида чўкка тушганча, йироқ-йироқларни томоша қилиб ўтиради. Йигит худди куни бўйи офтоб нурини эмган гиёҳдай ёки уясига беркиниб олган қуёндай, узун кун шу жойларда юраверарди. Ёхуд, Рафаэль ўсимликлар ҳаёти манзаралари-ю, осмон авзоини ўрганиб, заминдаги, сувдаги ва ҳаводаги барча жонзотларнинг ўсишини кузатар ҳади. У ибтидоий борлиқни мудофаза қилувчи қонуларнинг ҳимоясидан паноҳ топиш мақсадида табиатнинг

ҳақиқий ботиний ҳаётида иштирок этишга, табиатга хос сокин мўмин қобилликни ўзига иложи борича сингдириб олишга ҳаракат қиласарди. Йигит ўзидағи ўзликдан халос бўлишни истар эди. Қадимги замонларда одил суд қаҳрига дучор бўлган жиноятчилар черков ҳимоятидан паноҳ топгандари сингари, Рафаэль ҳам борлиқ деган тангрининг кароматига умид боғлаган эди. У, бу бепоён ва қудратли тараққиётнинг бир таркибий қисмига айланишга сазовор бўлди, об-ҳавонинг барча ўзгаришларига кўнишиб кетди, қояларнинг ҳамма кавакларига кириб чиқди, бутун наботот аҳлининг феълу атворини, сувнинг қандай пайдо бўлиб, қандай оқиш сирларини ўрганди, ҳайвонлар билан ошию тутинди. Хуллас, Рафаэль шу тирик замин билан шу қадар чатишиб кетдики, ҳатто маълум маънода табиатнинг қалбига йўл очиб, унинг сирларидан воқиф бўлди. Рафаэль табиатдаги барча оламларнинг ҳад-худудсиз кўринишларини маълум бир руҳ тараққиётининг турли шакллари, яхлит бир ҳаракатнинг ҳар хил бирикмалари, ҳаду чегара билмаган бир мавжудотнинг буюк нафаси деб билар; бу мавжудот тинимсиз ишлар, фикр юритар, қўзғалар ҳамда камол топарди: йигитнинг ўзи ҳам ана шу буюк ҳаёт билан бирга ҳамоҳанг ўсиши, тинимсиз ҳаракатда бўлишни ва тафаккур юритишни истарди. У худди чиганоққа ўҳшаб, бутун ҳаётини тоғу тош ҳаёти билан уйғунлаштириди, у билан чатишиб кетди. Онгнинг мана шу сирли ойдинлашуви, оромбахш хушсизлик, ҳаёлий соғайиш туфайли бу яшнаб ётган табиат қўйнида Рафаэль дастлабки кунлари яна завқли болалик оламига қайтгандай бўлди. У бутун-бутун тунларни қандайдир бир арзимаган нарсани излашга ҳам сарф қилиб юбораверар, соңсиз ишларни бошлару биронтасини ҳам ниҳоясига еткизмас, кечагина мўлжаллаб қўйган режалари эртаси ҳаёлидан кўтарилиб кетаверарди. Йигит ғам-ташвиш нималигини билмай, ўзини барча дардлардан бутунлай халос бўлгандай баҳтиёр сезарди.

Бир куни у чошгоҳгача ўрнидан турмади: миясини на ўнгига, на тушига ўҳшамаган ажиб бир мудроқ чулғаб олган, назарида бутун борлиқ ҳаёлдай, ҳаёллари эса ҳақиқатдай аниқ-тиниқ кўринарди. Йигит бехосдан, ўзининг ухлаётганиниям, уйғоқлигиниям англамасдан, мудраб ётганида ҳар куни хўжасининг соғлигини суриштиргани келиб юрадиган Ионафан билан уй бекасининг сухбатини — ўзининг саломатлиги тўғрисидаги ҳисоботни эшитиб қолди. Овернлик ойимча, шубҳасиз, Валентенни ҳали ухлаб ётибди, деб ўйлаган ва тоғликларга хос бор овози билан шанғиллаб гапиради.

— Яхши ҳам деб бўлмайди, ёмон ҳам деб,— деди хоним.— Тағин туни билан йўталиб чиқди, ҳатто бирон кориҳол бўлиб қолмасайди, деб ўйладим. Азиз хўжамизнинг ҳа-

деб йўталиб, тупураверганига одам ачиниб кетади. Эрим иккала миз у бечоранинг шунчалик йўталишга кучни қаёқдан олишига ҳайрон қоламиз. Кишининг юрак-юрагини ўртаб юборади. Қандай бало касалга йўлиққан ўзи, у? Иўқ, шўрликка қийин! Ҳар куни эрталаб унинг тўшакда ўлиб ётганини кўрмасайдим, деб дилим вайрон; ранги худди мумдан ишланган тангрининг суратидай саргайиб кетган! Бир-икки марта ўрнидан тураётганида кўзим тушиб қолди, намунча таёқдай ориқ бўлмаса у шўрлик! Тағин, ундан қандайдир ёмон ҳид келадиган бўлиб қолибди. Ўзи буниям сезмайди. Ҳеч нарса билан иши йўқ, худди буқадай бақувват одамга ўхшаб, ҳадеб йўргалагани-йўргалаган. Ўзини жудаям тетик тутиб, беморлигини билдиргиси келмайди! Нафси ламрини айтганда, бечора худди хочга тортилган тангрига ўхшаб, ёруғ дунёда ҳаддан зиёд азият чекиб юборди, олло шояд заҳматини енгил қила қолсайди! Бизга-ку, бари бир, у шўрликка ўлим тилаш хаёлимиздаям йўғ-а! Мабодо, бизга шунчалик, инъом-эҳсон қилмаганларидаям, бари бир, уни ҳозиргидай парвариш қиласверган бўлардик, улардан ҳеч қандай ёмонлик кўрганимиз йўқ. Вой, парвардигор-эй,— гапида давом этди бека,— ўзи фақат мана шу парижликларгина шу хил мараз дардларга чалинади. Қаердаям улар унга мубтало бўларкин-а? Бечора йигитча қайтиб энди одам бўлмаса керак! Бу безгак ўлгур у шўрликни бунчалар эз-филмаса, бунчалар ҳолдан тойдириб, жонини олавермаса, нима бўларкин-а! Бу эса у бечоранинг хаёл кўчасига кирмайди, ўзи сезмайдиям дардининг бедаволигини.. Бунга асло кўз ёши қилиш керак эмас, жаноби Ионафан! У дарду балоларидан халос бўлган куни: худога шукур!— дейиш керак, шунинг билан вассалом. Ҳўжангизнинг саломатлиги учун черковга тўққиз танга инъом этсангиз бўлармиди. Садақа радди бало бўлиб баъзи касалларининг тузалиб кетганини ўз кўзим билан кўрганман. Ҳатто ўзим ҳам шундай ажойиб бир одамни, қўзичоқдай мўмин-қобил бир инсонни саломатлигиги асраб қолиш умидида шам ёқишим мумкин...

Рафаэлнинг овози шу қадар бўғилиб қолган эдики, бақиришга мадори етмай, бу даҳшатли ҳангамани тинглаб ётаверишга мажбур бўлди. Лекин бари бир у ниҳоятда ғаши келганидан, ўрнидан туриб, бўсафага чиқди.

— Э, қари тўнка!— қичқириди у Ионафанга.— Сен мени бутунлай гўрга тиқмоқчимисан?

Арвоҳ пайдо бўлди, деб ўйлаган хотин қочиб қолди.

— Иккинчи марта менинг аҳволимни сўраб-суриштирганингни эшифтмай,— давом этди Рафаэль.

— Хўп бўлади, марҳаматли маркиз,— жавоб қилди қари хизматкор кўзларини артганча.

— Бундан кейин буйруғимиз бу ерга ҳадеб лақиллаб келавермасанг, янаям дуруст бўларди.

Ионафан эшик томон йўналди, лекин кетиши олдидан хўжасига яна бир бор садоқат ва ҳамдардлик ҳислари тўла нигоҳ ташлаб олди, Рафаэль хизматкорнинг бу қарашидан ўзининг аҳволига ўлим ҳукми ўқилганини сезди. Энди йигитга ҳамма нарса очиқ-ойдин бўлган, батамом дили вайрон эди. У бўсафага чўкка тушиб, қўлларини кўкрагига чалиштирганча, бошини қуи осилтирди. Ўтакаси ёрилаёзган Ионафан унга яқинлашиди:

— Ҳўжам...

— Йўқол ҳамманг, йўқолларинг! — бақирди бемор.

Рафаэль эртаси эрталаб чўққига чиқди-да, ҳамма ёғини йўсин қоплаган горда ўтириб олди, у ердан курорт қишлоғидан бу ергача келувчи сўқмоқ барала кўриниб турарди. Йигитнинг кўзи пастда тағин овернлик аёл билан гаплашаётган Ионафанга тушди. Рафаэлнинг ниҳоятда нозик бўлиб кетган фаросати хонимнинг бош чайқashi, умидсизлик ишоралари, соддадил аянчли қиёфаси замираидан не ётганлигини англаб олаётганди. Сукунатаро шамол уларнинг машъум сўзларини етказиб турарди. Даҳшатга тушган йигит энг баланд чўққилар орасига яширинди ва у ерда то кечга қадар қолиб кетди. Йигит бахтга қарши, ўзига нисбатан пайдо бўлган шафқатсиз ҳамдардлик туфайли онгига чирмашган ҳазин ўйларни миясидан ҳайдаб юборишга ожизлик қиласиди. Қўйқисдан овернлик аёлнинг ўзи унинг рўпарасида оқшом ғира-ширасидаги кўланкадай намоён бўлди, тасаввурнинг шоирона ўйини туфайли аёлнинг эгнидаги йўл-йўл оқ гулли қора кўйлак Валантенга оппоқ қовурғалари қовжираган арвоҳ бўлиб туюлди.

— Ҳамма ёққа шудринг тушиб бўлди, азиз афандим, — деди у. — Бу ерда ётиб қолсангиз, бошингизга бало орттирасиз. Уйга қайтадиган вақт бўлди. Нам ҳавода нафас олиш яхши эмас, устига-устак, эрталабдан бери туз тотмагансиз.

— Минг лаънат! — қичқириб юборди йигит. — Мени ўз ҳолимга қўйинг, қари жодугар, бўлмаса, бу ердан кетаман! Ҳар куни саҳарлаб гўримга фишт қалаганингиз ҳам етар энди, жуда бўлмаса, кечиурунлари мени тинч қўйсангиз-чи?

— Фишт қалаяпсан, деяпсизми, афандим? Бир ками шу эди, ўзи!.. Ким экан ўзи у, гўрингизга фишт қалаган? Ҳақ гапни айтсанда, хўжам, мен бувамизнинг умрини тиляяпман оллодан, гўрингизга фишт қалаб нима зарур кепти! Фишт қалаш эмиш! Фишт қалашга улгуррамиз ҳали.

— Бас қилинг! — деди Рафаэль.

— Қўлимга суюниб олинг, афандим!

— Йўқ!

Бошқаларнинг сизга ачиниши, агар ҳақиқатан ҳам ачинарли аҳволда бўлсангиз, сиз учун энг даҳшатли изтиродир. Одамларнинг нафрати куч-қувват беради, ана шу ҳис замираидан ҳаётингизнинг маънисини кўрасиз, нафратга жа-

зобан қасос туйғусида ёнасиз, лекин улар изҳор этаётган ҳамдардлик бизнинг қўл оёқларимизни боғлаб, қувватимизни янада сўриб олади. Бу — мулойим ёвузиликдир, — бу — қалимлик қиёфаси остида зоҳир бўлган нафрат, ёки бўлмаса, таҳқирловчи назокатдир. Рафаэль ўзига нисбатан юз шли чолда — тантанавор, болакайда — қизиқувчан, бекада — кирапашшадай ғашга тегувчи, унинг эрида — фаразли ҳамдардликни кўриб турар, гарчи бу туйғу турли шаклларда ғамоён бўлса-да, у йигитга ёлғиз бўсағада турган ўлимдан дарак берарди.

Шоир борлиқ заминида маъюс ёки шўхчан шеър ёзар экан, ҳунга аввало уни қайси образнинг ҳайратга солгани сабабидир, чунки унинг илҳом оғушидаги қалби бошқа оҳангни инкор этади ва фақат ёрқин, кўзга ярқетиб ташланувчи бўёқларнигина қабул қиласди. Атрофидагиларнинг ҳамдардлигий Рафаэлнинг дилида ҳасрату мусибатдан иборат маъюс куй пайдо қилган эди. Табиат билан яқин бўлишни ният қилган йигит ҳақиқий туйғуларнинг қанчалик ошкор бўлишини астиди ҳаёлига ҳам келтирмаганди. У гоҳида бирор дараҳт тагида ўзининг назарида ёлғиз ўтирганида вужудига елимдай ёпишиб олган ва тинка-мадорини қуритадиган йўтал тутиб қоларкан, бирданига ўтлоқ орасида ёввойилардай бекиниб олган болакайнинг чақнаб турган, оловдай кўзларига нигоҳи тушар, ўзини болаларча қизиқувчанлик билан кузатаётганини сезар эди. Боланинг бу хил қизиқувчанлигига мамнунлик, мазах ҳамда аллақандай кучли, лекин шафқатсиз эътибор ҳам зоҳир эди. Трапичи роҳибларнинг: «Оғайни, ажалинг етди!» — деган ёвуз сўзлари Рафаэль билан бирга яшаётган бу дехқонларнинг нигоҳларидан ёғилиб тургандай эди; у кўпроқ, ошноларининг соддадил сўзлариданми, ё уларнинг сукут сақлашлариданми, нимадан қўрқишини ажратса олмасди, уларнинг бутун борлиги Валантенни ваҳимага соларди. Бир куни эрталаб у атрофида қора кийинган қандайдир одамларнинг айлануб юришганини, зимдан таъқиб этиб кузатишашётганини кўриб қолди. Сўнгра улар ўзларини бу ерга сайр қилгани келган одамлар қилиб кўрсатишшиб, бир неча бемаза саволлар билан мурожаат этишди; йигит уларга қисқагина жавоб қилди. Рафаэль булар курортининг табиби ва руҳонийси эканлайгини сезди. Одамларни эҳтимол Ионафан юборган ёки уй эгалари чақиртирган, ёки бўлмаса, шунчаки яқинлашган ажал дараги стаклаб келган бўлиши мумкинлигини фаҳмлади. У ўзининг дағн этилаётганини ҳаёлига келтириб; руҳонийларнинг тиловатини эшигандай, шамларни аниқ кўраётгандай бўлди. Шунда ўзи учун бутунлай янги бир ҳаёт кашф этган вақтида бу дабдабали табиатнинг барча гўззаликлари энди қора мотам пардаси аро кўринниб кетди. Қачонлардир унга узоқ ҳаёт ваъда қилган нарсаларнинг бариси эндиликда яқин келиб қолган ўлим

ҳақида дарак берарди. Эртаси куни Рафаэль кузатиб қола-ётган уй эгаларининг ҳасрат, надомату ҳамдардликка тўла тилакларини безор бўлгунча тинглаб, Парижга равона бўлди.

У йўлда туни бўйи ухлаб, Бурбонненинг энг хушманзара водийларидан ўтишайтганида уйғонди; обод қишлоқлар ва кўркам манзаралар йигитнинг кўз ўнгидан худди тушидаги дай ғизиллаб ўтар эди. Табиат Рафаэлга шафқатсиз киноя қилаётгандай, бор гўзаллигини намойиш этмоқдайди. Гоҳо чиройли ўлка бўйлаб иланг-биланг оқиб ётган Алье дарёси ярқираб кўзни олар, гоҳо қўнғир қоялар орасидаги дараларда журъатсизгина қисилиб турган қишлоқ ибодатхонаси томларининг найзалари қуёш нурида. ўйнаб қолар, гоҳо бир маромдаги токзорлар тугаб, сойлардаги тегирмонлар пайдс бўлар, гоҳ у ёқда, гоҳ бу ёқда маҳобатли қасрлар, тоғ ён-бағрига қапишган овуллар, атрофида осмон бўйли тераклар ўсиб ётган йўллар чиқиб қолар эди. Ниҳоят, тилларанг қумлоқлар бағрида олмосдай учкун сачратиб турган бепоён Луара кўлининг сатҳи ярқираб кўзга ташланди. Рафаэлнинг дилига васваса солувчи нарсалар атрофда тўлиб ётарди. Худди гўдак боладай ўйноқи, қирчиллаган табиат июнь ойига хос завқу шавқ ва эҳтиросини базўр тийганча, беморнинг сўниб бораётган нигоҳларини фалокатли аснода ўзига тортар эди. Йигит файтун дарчасини бекитди-да, яна уйқуга чўмди. Оқшомга бориб, Кон воҳасидан ўтиб кетишганидан сўнг у шўх мусиқа садоларидан уйғониб кетди ва қаршисида қишлоқ байрами намоён бўлди. Почта бекати майдоннинг шундай ёнгинасида жойлашган эди. Извошчилар отларни алмаштиришгунича, Рафаэль қишлоқ аҳлининг қувноқ ўйинларини, гуллар билан безаниб олишган там-там қизларни, завқланиб ўйнаётган йигитлар ва қиттай-қиттай отиб олишганидан қип-қизариб кетган қари-картангларни томоша қилиб турди. Кичкинтойлар қувнаб ўйнашар, кампирлар шўхчан кулишганча ўзаро гап сотишарди. Ҳаммаёқда шодиёна шовқин авжига минган, кийим-кечаклару қатор столлар ҳам шодликдан безатилгандай эди. Майдон ва ибодатхона ҳам байрам тусида, гўё томлар, деразалар ва эшиклар ҳам ясаниб олишганига ўхшарди. Барча ўлаётган кишилар каби Рафаэлгаям озгинагина шовқин қаттиқ таъсир этар, у қалбининг тўридаги ҳазин туйғуни босишга ожизлик қиласарди. У скрипкаларнинг овозини бўғишини, ўйин-кулгуни тўхтатишни, ҳамма товушларни ўчириш ва бу сурбет байрам аҳлини тарқатиб юборишини иштаб қолди. Рафаэль юраги ўртанганча файтунга ўтирди. Сўнгра у майдонга яна қайрилиб қарапкан, вақтичоғликин худди кимдир ҳуркитиб юборгандай, хотин-қизларнинг қочиб кетишаётганини, ўриндиқларнинг ҳувиллаб қолганини кўрди. Оркестр учун ясалган саҳнада ёлғиз биргина кўр музикачи кларнетда чийилдоқ рақс куйини чалишда давом этарди. Бу раққосларсиз куй нағмаси, аргувон

шарахти остида ёлғиз ўзи турган хунук, соchlари патила-пашла бўлиб кетган чолнинг турқу-таровати гўё Рафаэлнинг шилда учқунланган истакнинг хаёлий тарзда вожиб бўлганига ишора эди. Чинакам ёз ёмғири чеълаклаб қуяр, одатда булутлар электр қувватларига тўлиб кетган дамларда ана шундай ёмғир ерни севалаганча қўққисдан ёғиб беради ва қандай тез бошланган бўлса, худди шундай тез тўхтаб қолади. Буларнинг бариси шу даражада табиий юз бердики, Рафаэль қуюннинг оқимтири булутларни қандай учирив олиб кетаётганига бирров қараб қўйди-да, сагри терисини кўздан кечириб қўйиш•ҳақида ўйлаб ҳам кўрмади. У бурчакка қисилиб ўтириб олгач, извош яна йўлида давом этди.

Эртасига Рафаэль ўзининг хонасида, камин олдида ўтиради. У жунжикиб кетаётганидан ўтинни кўпроқ ёқишини буюрди. Ионафан хатларни олиб кирди. Мактубларнинг ҳаммаси Полинадан эди. Йигит гўё солиқ йиғувчининг оддий хабарномасини олгандай, шошилмасдан конвертни йиртида-да, биринчи хатни суғуриб ўқий бошлади:

«Барি бир жўнабсан-да! Рафаэль, ахир бу қочоқлик-ку. Сени қаерга кетди, деб суриштирсам, ҳеч ким лом-мим деёлмади. Буни ҳатто мен билмагач, бошқа ким ҳам биларди?»

У давомини ўқишини хоҳламасдан, хатларни совуққонлик билан олди-да, ўтга ташлади. Сўнгра маъносиз ва руҳсиз боққанча оловнинг атири сепилган қоғоз бўйлаб ўрмалашини, варақнинг ўт тафтидан товланиб, қожиришини, кейин бужмайиб, майдамайда бўлиб кетаётганини кузатиб ўтириди. Чала ёнган парчалар кул устида буралиб ётар, уларда гоҳо жумланинг бошланишиний, гоҳо айрим сўзларни, гоҳо давоми куйиб ултурган қандайдир фикрларни ўқиб олиш мумкин эди. Рафаэль беихтиёравиша ҳижжалашга берилиб кетди.

«Рафаэль... эшигинг олдида ўтирганча... кутдим... Инжиқлигинг... итоатдаман... Рақибалар... мен — сирайм!.. сенинг Полинанг... севаверади... Демак, энди сен Полинани унумтоқчисан?.. Мабодо, мендан халос бўлмоқчи бўлсанг, бундай йўқолиб кетмас эдинг... Бир умрлик муҳаббат... Ўлим...»

Бу сўзлардан йигитнинг виждони ўртаниб кетди-да, оташкуракни олиб, мактубнинг охирги парчасини ўтдан тортиб олди.

«...Мен қайғурдим, Рафаэль,— ёзар эди қиз,— аммо зорланмадим! Сен ҳижрон йўлни танлаш билан шубҳасиз, мени қандайдир бир хатардан асрароқчи бўлгансан. Балки қаҷондир сен мени ўлдиришинг мумкин, лекин менга озор етказмайсан, чунки ниҳоятда олижаноб одамсан. Ортиқ бундай қочоқлик қилмагин. Эсингда бўлсан: мен ҳеч қандай азобу уқубатлардан чўчмайман, фақат сен ёнимда бўлсанг бас. Сен менга етказмоқчи бўлган озор — бу озор эмас, ахир қалбим сенга изҳор қилганимдан ҳам зиёда севигига

тўлиб турибди. Мен ҳамма нарсага бардош бераман; фақат сендан олисда қолиб, ҳижронда кўз ёши тўкмасам, фақат сенинг... борлигингни билсан бас...»

Рафаэль чала куйган мактуб парчаларини камин устиг қўйди, кейин уларни яна олов қаърига ирғитди. Бу бир парча ваарақ унинг қалбида тошган ўтли муҳаббатнинг ва эндиликдаги машъум қисматнинг жонли гувоҳи эди.

— Жаноб Бъяншонни чақириб келгин,— деди у Иона фанга.

Орас келганида Рафаэль кўрпага кириб олган эди.

— Дўстим, ҳамиша ҳудроқ ҳолатда ётиш учун озгин афъюн қўшиб ичиладиган дори тайёрлаб бера олмайсанми? Мен у дорини ҳамма вақт ичайин, бироқ зарар қилмайдиган бўлсин.

— Бундан осон иш борми,— деди ёш врач, лекин ҳар куни тамадди қилгани бир неча соатга ўрнингдан туришингга тўғри келади.

— Бир неча соатга, дейсанми,— унинг гапини бўлди Рафаэль.— Йўқ, ҳечам, бир соатдан ортиқقا туришга мажолим йўқ.

— Мақсадинг нима ўзи?— сўради Бъяншон.

— Ухлаш ҳам, бари бир, яшашнинг бир тури-ку, ахир!— жавоб қилди бемор. Табиб рецепт ёзар экан, у Ионафанга йўл-йўриқ берди:

— Қоровулларга ҳеч кимни, ҳатто Полина де Вичнау хонимни ҳам қабул қиласлигимни айтиб қўй,

Кари хизматкор табибини эшиккача кузатиб қўяркан, ундан сўради:

— Орас афандим, умид қилиб бўлармикин-а, ўзи?

— Эҳтимол ҳали узоқ яшаши ҳам мумкин, балки шу бугун кечқуруноқ адо бўлар. Унинг яшаши ва-қазо қилишига бирдай имкони бор. Аниқ бирон нарса дейишим қийин,— жавоб берди табиб ва бошини сарак-сарак қилиб қўйди.— Йўлини топиб, уни бир оз овутиш керак.

— Овутиш, дейсиз! Сиз унинг қандайлигини билмайсиз, афандим. Бир сафар у одам ҳам ўлдирди-ю, лекин заррача сесканмади.. Ҳеч нарсадан кўнгли тўлмайди.

Бир неча кун мобайннида Рафаэль сунъий уйқудан бошкўттармади. У моддий кучи билан номоддий руҳимизга таъсир этувчи дори ёрдамида тиниқ тасаввурини сақлаган ҳолда баъзи танбал ҳайвонлар ҳолига тушиб қолди, бу ахволда караҳт бўлиб қолган ҳайвонлар худди сўлигани ўсимликларга ўхшайди ва улар бирон енгил-елпи ўлжани деб ўрнидан қўзғалишга ҳам эринишади. Йигит хонага ҳатто ёруғлик туширишни ҳам ман қилиб қўйди; энди қуёй нурлари уни ортиқ безовта қиласди. У кечқурун соат саккизларда базўр ўрнидан туриб, ўзи сезиб-сезмай қорнини тўйдиарди-да, тағин ўринга чўзиларди. Ҳаётнинг совуқ ва ғира-шира дақиқа-

лари унинг учун турлича шакл-шамойилсиз қиёфалар, лаҳ-залар, оқ-қора манзараларни кўриш билан ўтиб кетарди. Валантен сукунатга гарқ бўлган, ҳаёти ҳаракату тафаккурдан батамом бегона эди. Бир куни кечқурун у одатдагидан кечроқ уйғонди, лекин таом келтирилмаган эди. У Ионафанни чақирди.

— Бошинг оққан томонга жўнашинг мумкин,— деди у чолга.— Мен сени бадавлат қилдим, пири бадавлат бўлдинг, аммо-лекин менинг ҳаётим билан ўйнашма, бунга асло йўл кўймайман... Ахир итдай очман, ярамас! Овқат қани? Нега миқ этмайсан?

Ионафанинг чехрасида мулойим табассум жилваланди. Қари хизматкор ҳайҳотдай улкан хоналар ичра қўлидаги шамни милтиратганча тағин паришон бўлиб қолган хўжасини йўлак бўйлаб бошлаб кетди. Улар залнинг остонасига стишгаҳ, малай қўққисдан эшикни очиб юборди. Ёруғликдан Рафаэлнинг кўзлари қамашиб, кутилмаган тамошадан ҳангманг бўлиб қолди. Шамларга тўла қандиллардан хона чарогон бўлиб кетган, ҳаммаёқقا маркизнинг гулхонасида етиширилган ранг-баранг гуллар териб қўйилган, тиллаю кумуш, садафу мармар идиш-товоқлар ярақлаётган стол усти ажойиб бўй таратиб, иштаҳани қитиқловчи шоҳона овқатларга лиқ тўлиб кетган эди. Столининг атрофида Рафаэлнинг ошна-оғайнилари йиғилишган, йигитларнинг ёнидан гул-гул очилган дилбар хонимлар жой олишган, соchlарига гуллар қадалган, нигоҳлари оловдай ёнувчи, оппоқ елкалари ва ярим очиқ сийналарини кўз-кўз қилиб ўтирган, ниҳоятда башанг кийинган бу хонимларнинг ҳаммаси ҳам ўзига яраша гўзал ва кўрганларнинг кўзини олар дарајада жозибадор эдилар. Бирисининг бадани ирландларницидай нимча остида тирсиллаб турар, бошқасининг андалузча юбкаси ошиқларнинг нигоҳини ўйнатарди. Манави ярим ялангоч жонон ишқ-муҳаббат мъబудаси Дианамисол ясанган бўлса, анави қалби ишқ ўти-ла тўлиб-тошган бошқа бириси де Лавальер хоним каби оддий кийимда эди. Меҳмонларнинг бариси сармаст эдилар. Ҳаммаларнинг нигоҳларидан қувонч, ишқ-муҳаббат ва ҳузур-ҳаловат ёғилиб турарди. Эшикда мўрдаларницидай сўнік юзли Рафаэль пайдо бўлиши билан бу қуттилмаган байрамнинг ўткир чироқлари каби тантанавор олқиши овозлари янгради. Бу овозлар, хушбўй ҳидлар, ёғду, гўзал хонимларнинг чехраси йигитга таъсир қилиб, унинг қалбida яшаш иштиёқини уйғотгандай бўлди. Фалати хаёлларнинг ниҳояси каби қўшни меҳмонхонадан ажойиб мусика садолари янграб, бу завқли шодиёнани босиб кетди. Рафаэль нозик бир аёл қўлчаларининг силаётганини сезиб қолди; бу Акилина эди; бу дилбар ҳатто уни ўзининг сутдай оппоқ қўллари-ла оғушига тортмоққа ҳам тайёр эди. Шунда бу манзара фира-шира тушларида кечадиган хаёлий сиймо-

тўлиб турибди. Мен ҳамма нарсага бардош бераман, фақат сендан олисда қолиб, ҳижронда кўз ёши тўкмасам, фақат сенинг... борлигингни билсан бас...»

Рафаэль чала куйга мактуб парчаларини камин устига қўйди, кейин уларни яна олов қаърига ирғитди. Бу бир парча варақ унинг қалбида тошган ўтли муҳаббатнинг ва эндиликдаги машъум қисматнинг жонли гувоҳи эди.

— Жаиоб Бъяншонни чақириб келгин,— деди у Ионафанга.

Орас келганида Рафаэль кўрпага кириб олган эди.

— Дўстим, ҳамиша мудроқ ҳолатда ётиш учун озгина афъюн қўшиб ичиладиган дори тайёрлаб бера олмайсанми? Мен у дорини ҳамма вақт ичайин, бироқ зарар қилмайдиган бўлсин.

— Бундан осон иш борми,— деди ёш врач, лекин ҳар куни тамадди қилгани бир неча соатга ўрнингдан туришингга тўғри келади.

— Бир неча соатга, дейсанми,— унинг гапини бўлди Рафаэль.— Йўқ, ҳечам, бир соатдан ортиқقا туришга мажолим йўқ.

— Мақсадинг нима ўзи?— сўради Бъяншон.

— Ухлаш ҳам, бари бир, яашанинг бир тури-ку, ахир!— жавоб қилди бемор. Табиб рецепт ёзар экан, у Ионафанга йўл-йўриқ берди:

— Коровулларга ҳеч кимни, ҳатто Полина де Вичнау хонимни ҳам қабул қилмаслигимни айтиб қўй,

— Қари хизматкор табибини эшиккача кузатиб қўяркан, ундан сўради:

— Орас афандим, умид қилиб бўлармикин-а, ўзи?

— Эҳтимол ҳали узоқ яشاши ҳам мумкин, балки шу бугун кечқуруноқ адо бўлар. Унинг яшаши ва-қазо қилишига бирдай имкони бор. Аниқ бирон нарса дейишими қийин,— жавоб берди табиб ва бошини сарак-сарак қилиб қўйди.— Йўлини топиб, уни бир оз овутиш керак.

— Овутиш, дейсиз! Сиз унинг қандайлигини билмайсиз, афандим. Бир сафар у одам ҳам ўлдирди-ю, лекин зэррача сескаммади!.. Ҳеч нарсадан кўнгли тўлмайди.

Бир неча кун мобайнида Рафаэль сунъий уйқудан бошкўтармади. У моддий кучи билан номоддий руҳимизга таъсир этувчи дори ёрдамида тиниқ тасаввурини сақлаган ҳолда баъзи танбал ҳайвонлар ҳолига тушиб қолди, бу ахволда карахт бўлиб қолган ҳайвонлар худди сўлигани ўсимликларга ўхшайди ва улар бирон енгил-елпи ўлжани деб ўрнидан қўзғалишга ҳам эринишади. Йингит хонага ҳатто ёруғлик туширишни ҳам ман қилиб қўйди; энди қуёш нурлари уни ортиқ безовта қилмасди. У кечқурун соат саккизларда базур ўрнидан туриб, ўзи сезиб-сезмай қорнини тўйдирарди-да, тағин ўринга чўзиларди. Ҳаётнинг совуқ ва фира-шира дақиқа-

лари унинг учун турлича шакл-шамойилсиз қиёфалар, -лаҳ-
залар, оқ-қора манзараларни кўриш билан ўтиб кетарди.
Валантен сукунатга гарқ бўлган, ҳаёти ҳаракату тафаккур-
дан батамом бегона эди. Бир куни кечқурун у одатдагидан
кечроқ уйғонди, лекин таом көлтирилмаган эди. У Ионафан-
ни чақириди.

— Бошинг оққан томонга жўнашинг мумкин,— деди у
чолга.— Мен сени бадавлат қилдим, пири бадавлат бўлдинг,
аммо-лекин менинг ҳаётим билан ўйнашма, бунга асло йўл
қўймайман... Ахир итдай очман, ярамас! Овқат қани? Нега
миқ этмайсан?

Ионафанинг чеҳрасида мулойим табассум жилваланди.
Қари хизматкор ҳайҳотдай улкан хоналар ичра қўлидаги
шамни милтиратганча тағин парисон бўлиб қолган хўжаси-
ни иўлак бўйлаб бошлаб кетди. Улар залнинг остонасига
етишгач, малай қўққисдан эшикни очиб юборди. Ёруғликдан
Рафаэлнинг кўзлари қамашиб, кутилмаган тамошадан ҳанг-
манг бўлиб қолди. Шамларга тўла қандиллардан хона ча-
ропон бўлиб кетган, ҳаммаёққа марказининг гулхонасида
етиширилган ранг-баранг гуллар териб қўйилган, тиллаю
кумуш, садафу мармар идиш-товоқлар ярақлаётган стол
усти ажойиб бўй таратиб, иштаҳани қитиқловчи шоҳона ов-
қатларга лиқ тўлиб кетган эди. Столнинг атрофида Рафаэл-
нинг ошна-օғайнилари йиғилишган, йигитларнинг ёнидан
гул-гул очилган дилбар хонимлар жой олишган, соchlарига
гуллар қадалган, нигоҳлари оловдай ёнувчи, оппоқ елкалари
ва ярим очиқ сийналарини кўз-кўз қилиб ўтирган, ниҳоятда
башанг кийинган бу хонимларнинг ҳаммаси ҳам ўзига яра-
ша гўзал ва кўрганларнинг кўзини олар даражада жозиба-
дор эдилар. Бирисининг бадани ирландларницидай нимча ос-
тида тирсиллаб турар, бошқасининг андалузча юбкаси ошиқ-
ларнинг нигоҳини ўйнатарди. Манави ярим яланғоч жонон
ишқ-муҳаббат маъбудаси Дианамисол ясанган бўлса, анави
қалби ишқ ўти-ла тўлиб-тошган бошқа бириси де Лавальер
хоним каби оддий кийимда эди. Меҳмонларнинг бариси сар-
маст эдилар. Ҳаммаларнинг нигоҳларидан қувонч, ишқ-му-
ҳаббат ва ҳузур-ҳаловат ёғилиб турарди. Эшикда мўрдалар-
ницидай сўник юзли Рафаэль пайдо бўлиши билан бу ку-
тилмаган байрамнинг ўткир чироқлари каби тантанавор ол-
қиши овозлари янгради. Бу овозлар, хушбўй ҳидлар, ёғду,
гўзал хонимларнинг чеҳраси йигитга таъсир қилиб, унинг
қалбida яшаш иштиёқини уйғотгандай бўлди. Ғалати хаёл-
ларнинг ниҳояси каби қўшни меҳмонхонадан ажойиб мусиқа
садолари янграб, бу завқли шодиёнани босиб кетди. Ра-
фаэль нозик бир аёл қўлчаларининг силаётганини сезиб қол-
ди; бу Ақилина эди; бу дилбар ҳатто уни ўзининг сутдай оп-
поқ қўллари-ла оғушига тортмоққа ҳам тайёр эди. Шунда
бу манзара ғира-шира тушларида кечадиган хаёлий сиймо-

лар әмаслиги лоп этиб йигитнинг миясига урди-да, у ёввойи-ларча чинқириб юбориб, эшикни тарақлатиб ёлиб қўйди ва марҳаматли қари хизматкорининг афтига тарсаки торт-ворди.

— Ифлос! Мендан тезроқ қутулмоқчи бўлибсан-да — ба-қирди у.

Сўнгра йигит ҳозиргина қандай хавф-хатарга учраганини ўйлаб, дар-дар қалтираганча, базур ётогига этиб олди-да, ўйқу дорисидан янада кўпроқ ичиб, ўрнига кирди.

«...Нима бало бўлди!— ўзига келгач ўйга толди Иона-фан.— Ахир жаноб Бъяншон албатта овутиш керак деган-ди-ку».

Тун яримлаб қолганди. Бу дам уйқудаги Рафаэлнинг чеҳраси гул-гул очилиб кетган, инсон табиатидаги мўъжизалардан бири содир бўлмоқдайди. Оппоқ юзларининг қип-қизариб кетган яноқлари кўзга ташланарди. Одатда бундай ҳолат табибларни лолу ҳайрон қолдиради. Унинг қизларни-кидай нозик пешанасида буюклик акс этарди. Йигитнинг худди онасининг бағрида ухлаб ётган гўдакнидай тинч ва осойишта қиёфасидан ҳаёт уфуриб турарди. У соғлом ва қаттиқ уйқуда ётар, қирмизи лабларидан бир текисда тоза нафас чиқар, хаёлида аллақандай ажойиб ҳаёт кечираётгандай жилмайиб ётарди. Эҳтимол, у ўзини юз ёшга етган қария ҳолида, унга узоқ ёш тилаётган набиралари даврасида кўраётгандир. Балки тушида ўзининг бутоқлар соясидаги оддий курсида офтобда тобланиб ўтирганини, нурли олислардаги орзули маконини тоғлар тепасидан пайғамбармисол томоша қилаётганини кўраётгандир!..

— Хайрият-э!

Кимнингдир кумушдай жаранглаган овози унинг тушла-ридаги туманли қиёфаларни тарқатиб юборди. Рафаэль чи-роқ ёруғида ёнида Полинасининг ўтирганини кўрди; қиз ҳижронли ва ғамли кунларда янада очилиб кетган эди. Ра-фаэлни қизнинг узун қоп-қора зулфлари ичидаги гулгунлашиб кетган, сув нилуфарининг гулбарги каби оппоқ чеҳраси ҳайратга солди. Қизнинг кўз ёшлари икки чаккасидан йилтиллаб оқар, гўё у салгина қимирласа, ёшлар пастга думалаб кетадигандай эди. Бошдан-оёқ оппоқ кийинган, бошини қуий ғосилтириб, тўшакка енгилгина қўниб ўтирган Полина кўк-дан пайдо бўлган парига, шундай «пух» деса учиб, кўздан ўқолиб кетадиган руҳга ўхшар эди.

— Оҳ, мен аразларимни унутдим!— хитоб қилди қиз Ра-фаэль кўзини очгач.— Сенга фақат бир нарсани айтишим мумкин — мен сеникиман! Ҳа, юрагим ишқу муҳаббатга тў-либ кетган. Фариштам, сен ҳеч қачон ҳозиргидай жозибадор бўлмаган эдинг! Кўзларинг чарақлаб турибди... Лекин ҳам-масини тушуниб тирибман, ҳаммасини! Сен менсиз соғай-моқчи бўлдинг, мендан чўчидинг... Иложим қанча...

— Кет, кет! Мени холи қолдир! — ниҳоят бўғилиб, овоз чиқарди Рафаэль.— Илтимос, кетгин! Агар шу ерда қоладиган бўлсанг, мен ҳалок бўламан. Сен менинг ўлишимни истайсанми?

— Ўлишингни? — саволга савол билан жавоб қилди аёл.— Ҳали сен мёnsиз ўлсанми? Ўлиш-а? Ахир, ҳали жуда ҳам ёшсан-ку! Ўлим? Ахир, мен сени севаман-ку! Ўлим! — яна бир марта дил-дилидан тақорлари у ва беихтиёр йигитнинг қўлларига ёпишиб олди.— Қўлларинг совуқ! — деди у.— Ёки менга шундай туюляптими?

Рафаэль ёстиғи остидан товут ўтининг баргидай ингичка бўлиб қолган сағри терисининг парчасини суғуриб олди ва уни қўрсатиб, хитоб қилди:

— Полинам, ажойиб ҳаётимнинг ажойиб ғунчаси, бир-бировимиз билан видолашиш фурсати етди!

— Видолашиш? — қайтарди Полина ҳайрат ичида.

— Ҳа. Мана, менинг тилакларимни бажо келтирадиган ва умримнинг қай тарзда қисқариб бораётганини қўрсатиб турадиган туморим. Мана, менга яна қанча яшаш насиб этишини кўр. Менга яна бир мартагина боқсанг, кейин оламдан ўтсам ҳам майли.

Полина Валантенни ақлдан озибди, деб ўйлади. У туморни қўлига олди ва чироққа яқинлаштируди. Рафаэлга ва туморга тушиб турган жимиirlаган ёруғликда маҳбубининг цехрасини ва сеҳрли тери қолдигини жиддий диққат билан кўздан кечирди. Оташин муҳаббат ва даҳшат ўтида қоврилаётган Полинанинг нақадар сулувлигини кўрган Рафаэль ўзини тутиб туролмади: нозик эркалашлар, завқу шавқ туғёни ҳақидаги хотиралар йигитнинг мудроқ қалбida қайта жонланди ва ўқоқдаги кул босган чўғнинг ўт олгани каби, гурлаб ёниб кетди.

— Полина, берироқ кел! .. Полина!

Қизнинг кўксидан даҳшатли қичқириқ отилиб чиқди, кўзлари олайиб, изтироб-ла чимирилган қошлиари қўрқувдан пирпираб кетди. Рафаэлнинг нигоҳларида бир пайтлар қизга қанчалар ғурур баҳш этадиган шиддатли тилак акс этарди. Лекин Рафаэлнинг нигоҳларидаги ўт қанчалик оловлана боргани сари сағри терисининг қийқими ҳам қизнинг кафтини қитиқлаб, шунчалик бужмайиб борарди! Полина қўши хонага ўқдай отилиб чиқиб олди-да, эшикни ёпди.

— Полина! Полина! — қичқиради жон бераётган йигит келин орқасидан чопганча.— Мен сени севаман, жонимдан яхши кўраман, сен билан бўлишни истайман! .. Сенинг қуҷингда ўлишни хоҳлайман! Эшикни очмасанг лаънат дейман!

Йигит ҳаётининг энг сўнгги тўлқини — ғайритабии куч билан эшикни синдириб ташлади ва маҳбубасининг дивандада ярим яланғоч чангак бўлиб ётганини кўрди. Қўраганинг тил-

ка-пора қилгани роса уринган Полина ўзини тезроқ ўлдирмоқ учун охири рўмоли билан ўзини бўғишга ўтган эди.

— Мен ўлсам, у тирик қолади! — дерди Полина бўйнига ўралган рўмолни қиснига қаттиқ уринаркан.

Аёл соchlари тўзғигаи, елкалари очилиб, кўйлагининг тугмалари бўшаб кетганди. Ёноқлари ял-ял ёниб, зор-зор йифлаганча изтироб ва аламдан илондай тўлғаниб, ўлим билан олишаётган аёлнинг шиддати шавқ ўтидан маст Рафаэлни қутуртириб юборди ва йигит йиртқич қуш каби ўзини қизга томон отиб, рўмолни пора-пора қилди-да, севгилисини қаттиқ бағрига босди.

Ўлим билан юзма-юз келган Рафаэль бутун қувватини сўриб олаётган тилагини изҳор қилмоқ учун сўз қидирди-ю, лекин унинг нафаси қайтиб, кўксидан бўғиқ хириллаш эши-тилди, холос, Ниҳоят, биронта ортиқча сўз айтишга мадори қолмаган йигит тишини Полинанинг сийнасига ботирди. Қулоғига чалинган бақириқлардан қўрқиб кетган Ионафан ҳозир бўлди ва уйнинг бурчагида йигитни маҳкам қучоқлаб турган аёлни мурдадан тортиб олишига уринди.

— Сизга нима керак? — дод солди аёл. — У меники, уни мен ҳалок қилдим, ахир мен худди шундай бўлишини айтмаганимидим!

ХОТИМА

— Полинанинг тақдиринима бўлди?

— Полинанингми? Мана, эшитинг. Сиз ҳеч қачон осойишта қиши оқшомнида оила билан ўчиқ олдида ўтирганча оловнинг эман тарашани қандай ямлаётганини томоша қилиб, муҳаббат ёки ёшлиқ ҳақидаги хотираларга берилганмисиз? Ёнаётган ёғочда шахмат тахтасининг қизил катаклари ҳосил бўлади, берироқда эса, тараша баҳмалдай товланади, олов сатҳида кўкиш шуълалар чопқиллашиб ўйнашиб, сакрашади. Бир пайт номаълум рассом пайдо бўлади-да, у шу ёлқиннинг бўёқларидан фойдаланиб, сўз билан ифодалаш қишини бўлган санъаткорлик-ла қирмизи ва бинафшаранг шуълалар қўйнида қандайдир илоҳий гўзаликка, мислсиз назокатга бой аёл қиёфасини чиза бошлайди. Бу бир дақиқа ичиди содир бўладиган, кейин асло тақрорланмайдиган манзарадир: аёлнинг соchlари шамолда ўйнаб, чеҳрасида завқу шавқ барқ уради: гёй олов ичра оловдай! У жилмайиб, табассум ҳадя қилади-да, пинҳон бўлади. Алвидо, алангада ёниб очилган, эй гул! Алвидо, камолига етмаган ҳодиса, сенга мангулик насиб этмади, сен ҳаддан зиёд эрта, ё ҳаддан зиёд кеч келганинг учун гўзал олмос бўлиб чарақлай олмадинг!

— Полина-чи, унга нима бўлди?

— Ҳали ҳеч нарсани тушунмадингизми? Унда мен яна қайтадан бошлайман. Ўзларингизни сал четроқ олинглар, четроқ! Мана у орзулар гултожи бўлмиш аёл, бўса каби бир зумлик лаззат, яшиндай оловли ҳаёт, чақмоқдай ўтга соловчи бир паризод, бор вужуди руҳият, бор вужуди муҳаббатга йўғрилган! У қандайдир бир алангали вужудга айланган, ёки унинг ишқида ёнган аланга бир зумга руҳланиб қолган! Унинг чеҳраси айни малакларникӣдай пок ва иболи. У ҳақиқатан ҳам фариштадай гулгун ёнади. Сиз унинг қанотлари ҳавода шалдирашини эшитмаянсизми? У ёнингизга келиб кушдан-да енгилроқ қўнади ва хавотирли нигоҳлари фикру ёдингизни тамоман асир қилади. Унинг тинч, лекин қудратли нафаси сеҳрли куч билан дудоқларингизни ўзига тортиб туради, У кетишга шайданаркан, сизни ўз ортидан эргаштиради, шунда сиз қанот пайдо қилгандай ҳис этасиз ўзингизни. Сиз ҳеч бўлмаганда бирон марта ҳаяжондан қалтираган қўлларингизни сутдай оппоқ бу вужудга тегизишни, унинг тилларанг соchlарини силашни, порлаб турган кўзларидан бўсалар олишни орзу қиласиз. Сизни туман маст қилиб қўяди, сеҳрли мусиқа хаёлингизни ўғирлайди. Бутун вужудингиз титраб-қалтирайди, бор-йўғингиз — улуғ бир тилакка, улкан бир изтиробга айланниб қоласиз. О, кулиб боқмаган баҳт! Лабларингиз у аёлнинг дудоқларига ёпишади, лекин сиз даҳшатли оғриқдан сесканиб кетасиз! Оҳ! Бошингизни каравотнинг четига уриб олган бўласиз, тўқ қизил ёғочни, совуқ зарҳални, бронзани ёки ҳис маъбудани ўпаётган бўласиз.

— Полина-чи, Полина қани?

— Ҳалиям етарлимасми? Бўлмасам, тингланг. Ажойиб тонглардан бирида Тур шаҳридан чиқиб кетаётган «Анжер» кемасида бир йигит чиройли хоним билан қўл ушлашиб турарди. Улар Луаранинг кенг сатҳи узра худди сув ва қуёш фарзанди сингари ёки бўлмаса, булутлар ва ҳавонинг гаройиботи сингари туман орасида қўққисдан пайдо бўлган оппоқ шарпани томоша қилиб туришарди. Бу енгил шарпа ҳавода гоҳ малак бўлиб, гоҳ пари бўлиб жилваланарди. Одатда сиз излаётган сўз хаёлда ана шундай кезиб, яшириниб юради-ю, лекин уни топиб бўлмайди. Шарпа ороллар ўртасида кўчиб юради, у баланд терак новдаларининг орқасига беркиниб, имлаб қўяди, кейин аёлнинг сурати каттариб боради ва шунда унинг атрофи ярақлаб кетади, эҳтимол, бу — аёл чеҳраси теварагида қуёш шуъласи ҳосил қилаётган гардиш изларидир. Шарпа кичик қишлоқлар, водийлар устида парвоз этади, гўё у кеманинг Юссе қалъаси ёнидан ўтишига йўл қўймайдигандай бўлиб туюлади. Бу манзарага қараб, балки у Антуан де ла Саль тасвирлаган хонимнинг арвоҳидир, у ўз мамлакатини замон истилосидан ҳимоя этмоқчи бўлаётгандир, деб ўйлади одам гоҳида.

— Майли, хўп англадим, бу Полина бўлса керак, Феодора-чи, у қаёқда?

— О! Феодорами! У билан сиз ҳали учрашиб қоласиз... Кеча у Итальянлар театрида бўлган, бугун Операга боради, уни ҳаммаёқдан топасиз. Агар таъбир жоиз бўлса, Феодора — жамиятнинг ўзи!

Париж, 1830—1831 йиллар

ИЗОҲЛАР

САГРИ ТЕРИ ТИЛСИМИ

Романинг биринчи нашри Парижда 1831 йилнинг август ойида муаллифнинг кириш сўзи билан икки китобда босилиб чиққан. Бальзак «Сагри тери»дан айрим парчаларни вақтли матбуот саҳифаларида эълон қилган. 1830 йиллинг декабрида «Қарикатура» журналида қиморхона саҳнаси (романинг бошланиши) «Сўнгги наполеондор» номи билан чоп этилди. Бальзак ҳаётлигига «Сагри тери» етти марта нашр этилган. «Ревю де Дё Монд» журналининг 1831 йил май сонида «Базм» («Сагри тери»нинг биринчи қисмидан, Тайфер уйидаги зиёфат) парчаси босилди. «Ревю де Пари» газетасининг 1831 йил 27 май сонида романдан «Шонринг ўз жонига қасди» парчаси эълон қилинди.

Автор «Сагри тери» романини 1845 йилда «Инсоният комедияси» («Фалсафий этюдлар») биринчи нашрининг XIV томига киритди.

Бальзак кўнглида «Сагри тери»ни ёзиш нияти аста-секин пайдо бўлган. Асарни ёзиш нияти қандай туғилганлигини ёзувчининг кундалик дафтарларидан билса бўлади. Дафтардаги илк ёзувлар: «Ҳаёт тимсоли бўлган терини кашф этиш». Иккинчи ёзув, «Фалсафий эртаклар учун. Биринчидан, сагри тери. Инсон ҳаётининг тоза ва оддий ифодаси, чунки у ҳаёт, чунки у механизм. Инсон ҳаёти машинасининг аниқ формуласи. Хуллас, якка вужуд тасвирланади, лекин ҳаётий қилиб; мавҳум эмас». Сўнг Бальзак асарнинг фалсафий заминини қўйидагича ифодалайди: «Бу асар (фалсафий эртак) ҳозирги асримиз, ҳаётимиз, худбинлигимизнинг формуласи бўлиб қолади».

Бальзак асарига ўзига хос тасвирий эпиграфни илова қилган. Бу эпиграф XVIII аср ёзувчиси Л. Стернинг «Трестрам Шенди, жентельменнинг ҳаёти ва мулоҳазалари» романидан олинган. Стерн романи қаҳрамонларидан бири, кандал Грим хассасининг уни билан худди шундай бўлқинсимон

(фақат тикка) шаклни чизади. Бу билан у инсон ҳаёти ҳақидаги мулоҳазасини билдиради.

«Сағри тери» ҳақида «Карикатура» журналида Александр Б. имзоси билан босилган биринчи тақризда эпиграф бундай талқин этилади: «Романда инсон ҳаёти илондай эгри-бугри, тұлқишли, иланг-билинг чизиқдан иборат драма-га қиес қилинади, зотан, унинг эгриликларидан қочмаслик керак; асарнинг қойилмақом эпиграфи шуни англатади».

Жанр жиҳатидан «Сағри тери» Бальзакнинг фалсафий романларыга киради. Ёзувчининг фалсафий романлари, қиссалари ва ҳикоялари түркуми шу асар билан бошланади. Бальзак замондоши бўлган танқидчи Ф. Щаль ҳаққоний кўрсатишича, адаб «Сағри тери»да «янги давр фантастикаси»ни кашф этган. Чиндан ҳам Бальзак асарда ёш шоир тақдирини кўрсатиш орқали буржуа воқелигининг ақлга мувофиқ эмаслигини, эҳтиросларнинг ғаройиблиги ва шафқатсизлигини, кундалик турмуш пўчоғи остидаги даҳшатни, фожеани очиб кўрсатади.

«Сағри тери»да Бальзак буржуа жамиятидаги асосий зиддиятларни очишга интилади: ў, меҳнатнинг таги роҳат эмаслигини кўрсатишга интилади. Бир ёқда гарип, қашшоқ турмуш, қондирилмаган истаклар; бошқа ёқда инсон шахсиятини вайрон қилувчи айш-ишрат, шахват кетидан қувиши.

Сағри тери романда шахснинг манманларча тилак-истакларини қондириш йўлида ҳалокатга учрашининг тимсоли бўлиб кўринади. «Тилак — бизни кўйдиради, имкон эса — хароб қиласди» дейди Рафаэлга кекса антикварь. Тилак, эҳтирослардан ўзини тишиш ҳам, айш-ишратга муккадан кетиш ҳам одам учун ҳалокатлидир.

Буюк асарлар яратиб, Парижни забт этишни орзу қилган камбағал шоирнинг ҳаёт йўлини тасвирлар экан, Бальзак муайян даражада ўзининг ёшлиқ йилларини эслайди. Асарда ёзувчининг Ледигъер кўчасидаги болаҳонада — ҳужрада кечирган очин-тўқин турмушки, дадил ижодий режалари, меҳнати ўз аксини топган.

«Сағри тери» асарида тилга олинган кўпгина мұаммолар ва мавзулар Бальзакнинг кейинги романларида янада ривожлантирилди. Чунончи, адаб «Ўшалмаган орзулар», «Куртизанкаларнинг дабдабасию ғариблиги» романларида шоир тақдирни мавзууга мурожаат қиласди. Киборлар жамиятининг вакили, меҳнат қилмай, айш-ишратда яшаш фалсафасини тарғиб қилувчи Растињяк дўсти Рафаэлнинг тақдирига катта таъсир кўрсатади. Кейинчалик, Растињяк «Инсоният комедияси»нинг асосий қаҳрамонларидан бирига айланади; «Горио ота» романнда, «Ўзи билмас масхарабозлар» ҳикоясида, «Куртизанкаларнинг дабдабасию ғариблиги» романнада ва бошқа бир қатор асарларида ҳаракат қиласди. Сағри тери»да, айш-ишрат саҳнасида «Инсоният комедияси»нинг

асосий қаҳрамонларидан яна бири «Олтинларга чўмилувчи қотил» банкир Тайфер пайдо бўлади. («Қизил мусофирихона», «Горио ота» асарларини қаранг.).

Бальзак «Сафри тери»да қўллаган бадиий усуллар: му болага, бўёқларни қуюқлаштириш, образин кескинлаштириш йўли билан катта умумлашмалар чиқариш унинг индивидуаллаш санъати билан, ёрқин ҳаётий деталларни тасвирилаш маҳорати билан бириниб кетиши адабининг кейиниги асарларида асосий ижодий метод сифатида янада тўлақонли ривожини топди.

Асар ўзбекчада «Сафри тери тилсими» деб олиниди.

Савари, Феликс — француз астрономи ва математиги, Бальзакнинг дўсти.

Гуассакоалько — Мексикадаги дарё; унинг соҳилида сургунга юборилганларнинг колониялари жойлашган эди.

Дарсе, Жан — француз химиги (1725—1801) у хайрсада идораларида енгил овқат маҳсулоти сифатида фойдаланиш мақсадида суюқдан елим олиш усулини ўйлаб топган.

Трант-э-карант (ўттиз ва қирқ) — шу номли қарта ўйинида ютуқли холлар сони.

Савояр (савойялик) — жанубий Франциянинг департаментларидан бири. Савойядан чиққан шахс; саёқ созандабола.

Калибан — Шекспирнинг «Бўрон» драмасидаги ярим одам — ярим махлуқ; «замин руҳи» сифатидаги хаёлий персонаж.

Сезострис — эрамиздан аввалги XIII асрда яшаб ўтган мисрлик фирмъян Рамзес II назарда тутилган.

Писарро, Франсиско (1475—1541) — Перуни истило этган у босиб олган жойларида кўз кўрмага, қулоқ эшиитмаган шафқатсизликларни амалга оширган. *Руши* — анатомиячи голланд олими.

Лара — Байроннинг шу номли поэмаси қаҳрамони.

Вотива қалқонлари — қадимги римликлар душман устидан қозонилган галаба шарафига қасрлар деворига илиб қўядиган қалқонлар.

Кадм — қадимги грекларнинг Фива шаҳрига асос солган афсонавий шахс; афсонага қараганда, бу шаҳарнинг илк аҳолиси Кадм яксон этган аждарнинг тишларидан ўсиб чиқкан.

Курул курсиси — Римнинг олий бошлиқлари: консуллар, преторлар ва бошқаларнинг ўз вазифаларини бажариш чоғида ўтиришган амал курсилари.

...француз даҳрийларининг пири... — Бальзак, диндор жаҳолатпастлар ва хурофотчи руҳонийлар билан тинмай курашган француз ёзувчиси, файласуф — маърифатпарвари Вольтерни (1694—1778) шундай атаган.

Гей-Люссак, Жозеф — Луи (1778—1850) — француз физиги ва химиги, у кашф қилган қонунлар шу фанларнинг тараққийиси, материалистик дунёқарашнинг равнақ топиши учун катта аҳамият касб этган.

Араго, Доминик-Франсуа (1786—1853) — астрономия, оптика, электр магнитланиши, метеорология ва бошқа соҳаларда улкан кашфиётлар очган француз физиги, астрономи ва сиёсий арбоби.

...**Мен регентнинг бадаҳлоқ саройини кўрдим.** — Людовик XV нинг балоғатга етмаган йилларида (1715 йилдан 1722 йилгача) регентлик қилган Орлеанлик Филиппнинг саройи кўзда тутилган.

Сведенборг, Эммануэль (1688—1772) — қатор диний-мистик асарлар яратган швейцариялик адаби.

Леонарда — француз ёзувчisi Лесажнинг (1668—1747) «Жиль Блаз» романидаги ошпаз қиз персонажи.

...**бюджет...** Сен-Жермен тарафлардан Шоссе — д'Антенга кўчиб ўтди.— Яъни, бюджетни энди киборлар эмас, буржуазия бошқаради (Сен-Жермен атрофи — Париждаги оқсусяклиар истиқомат қиласидиган маҳалла; Шоссе — д'Антен эса асосан йирик буржуазия вакиллари яшаган кўча).

Фуқаро қирол — француз буржуа доиралари томонидан қирол Луи — Филиппга берилган лақаб, қирол ана шу доираларнинг гумаштаси эди.

Криспин — эски итальян комедиялари, Реньяр (1655—1709) ва Лесаж комедияларидаги олчоқ муттаҳам малай тоифаси.

«**Қизил қароқчи**» — американлик адаби Ф. Купернинг 1828 йилда эълон қилинган романи.

Ботани-Бэй (Ботаника кўрфази) — Австралиядаги кўрфаз, инглиз ҳукумати 1787 йилда унинг соҳилларида сургун қилингандар колониясига асос солди.

Мэтр Алькофрибас — Алькофрибас Назье — XVI асрда яшаган француз сатирик ёзувчisi Франсуа Рабле номининг ҳарф ўйини, у «Гаргантюа ва Пантагрюэль» романida ўзини шундай атайди.

...**суҳбат вазиятини азот билан тўйдериш...** — яъни, суҳбат тарзини суст ва зерикарли қилиб юбориш (химик элементнинг номи бўлмиш грекча «азот» сўзи «жонсиз» демакдир).

...**Людовик XVIII нинг ёлғони: бирлашиш ва гиналарни унутиш.** — Людовик XVIII подшоҳликка ўтиргач, эълон қилган шиор (бутун француз миллатининг бирлашуви ва ички низоларнинг унутилиши) аслида ёлғон бўлиб чиқди, яъни Реставрация — Тикланишнинг илк кунлариданоқ Бурбонларнинг рақиблари шафқатсиз қувғинга дучор бўлишди.

Боссюэ, Жак-Бенинь (1627—1704) — Француз рухоний, қатор тарихий ва диний-илоҳий асарларнинг муаллифи.

Балланшли — француз публицисти, файласуф — мистиги Балланшнинг (1776—1847) маслакдоши, Балланш тараққиёт

пўлини христианларча диний-мистик идеалларининг амалга оширилишида деб бўлган.

Карлчи — 1830 йилги инқилоб иштожасида таҳтдан туширилган француз қироли Карл X ишинг мухлиси.

Лафайет, Мари Жозеф-Поль (1757—1834) — Америка халқининг озодлик уруши қатнашчиси сифатида донг таратган француз сиёсий арбоби. 1789 йилда Бон штатларга сайланган, лекин кейинчалик, халқ оммаларининг активлигидан чўшиб, аксилиңқиlobий доиралар билан яқинлашган ва 1791 йилнинг 17 июлида халқ намойишни ўққа тутиш ишига раҳбарлик қилган. 1830 йилда Лун-Филиппининг таҳтда тиклашиига ёрдам берган.

«Богемия қироли ва унинг етти қасри тарихи» — XIX асрнинг биринчи ярмида яшаб ўтган француз романтик адаби Шарль Нодъенинг асари.

...Ревю де Дё-Монд»ни тасвирларкан...—«Ревю де Дё Монд» журналининг муҳаррири Бюлоз филайкўз бўлган.

Биша, Франсуа (1771—1802) — франциз олими, физиолог — врач.

Оссиан — шотландларнинг афсонавий қўшиқчиси, шоир Макферсон 1765 йилда ўзининг эпик достон ва қўшиқлар тўпламини унинг номидан нашр этган.

Карраччи, Аннибал (1560—1609) — итальян рассоми.

«Қутқарилган Венеция» — инглиз драматурги Томас Отвейнинг (1651—1685) фожеаси.

Ларошеллик жасур йигитлар — Ла-Рошелда хизмат қилган Бори, Губен, Помъе ва Рау деган тўртта сержант, улар 1822 йилда қўшинлардаги республикачилар фитнасининг қатнашчилари сифатида қаттл этилган.

Мильтоннинг пандемониуми — инглиз шоири Мильтоннинг (1608—1674) «Йўқотилган жаннат» поэмасидаги иблислар — ёвуз руҳларнинг макони.

Пиррон — қадимги грек гумончи файласуфи (эрэмиздан олдинги 360—270 йиллар).

Буриданнинг эшаги. — XIV асрда яшаган француз ақида-параст олими Буридан иродада эркинлиги ёлғонлигининг исботи сифатида эшакни бир хил иккита пичан гарами ўртасига қўйилса, албатта очликдан ўлиши, яъни ҳар иккала уюм ҳам уни ўзига бирдай тортиши ҳақида ганирган. Бу образ қатъиятсиз ва мужмал кишиларни ифодалаш учун хизмат қилади.

Дамъен, Робер-Франсуа. — Людовик XV га қарши уюштирган сунқасди учун 1757 йилда тўрт пора қилинган. Кўрганларнинг айтишига қараганда, у қатл пайтида жаллодлар то қўл ва обёқларининг пайларини қирқиб ташлашмагунича тўртта отни тутиб турган.

Виллель — XIX асрнинг 20-йилларида Францияда министрлар мажлисининг раиси, ултъратоялистларнинг гумащаси бўлган.

Марселина — Фигаронинг онаси, Бомаршенинг «Фигаронинг уйланиши» комедиясидаги персонаж.

Санъатлар кўприги — пиёдалар учун мўлжалланган кўпrik, ундан ўтиш учун бир судан ҳақ тўланган.

«Қўрғошин камералар» — Венециядаги дожлар саройининг томи остидаги турма камералари, маҳбусларнинг иссиқдан азоб чекишилари учун камераларнинг деворлари қўрғошиндан ясалган бўлган.

...**Диогенга ўхшаб...** — яъни, қадимги грек файласуфи Диогенга (эрэмиздан олдинги 404—323 йиллар атрофи) ўхшаб ҳаёт кечирмоқ. Ривоятларга қараганда, Диоген бу дунёning барча неъматларидан юз ўгириб, хумда яшаган ва тирикчилик ўtkазиш учун керакли нарсалардангина фойдаланган.

Ариэль — Шекспирнинг «Бўрон» драмасидаги хаёлий персонаж, ҳаво руҳи.

Сен-Дени — Париж ёнидаги Сен-Дени шаҳрида Наполеон I томонидан таъсис этилган Фахрий легион ордени кавалерларининг қизлари таълим оладиган ўкув юрти.

Янги Пигмалион. — Пигмалион — қадимги грек афсоналаридаги ўзи яратган гўзал Галатея ҳайкалини севиб қолган ҳайкалтарош, худолар унинг илтижоларига жавобан ҳайкалга жон ато қилганлар.

Лозен — Людовик XIV нинг саройига яқин шахс, ҳар хил саргузаштлари билан донг таратган оқсуяк фосиқ.

...шундай галстуклар тақсан эдики, уларни кўрганда бутун Кроатияликлар ҳасаддан тош қотишарди... Сўз ўйини: французча крават (галстук) сўзи — кроат (хорватлик) сўзи, дан келиб чиқсан деб ҳисобланади. Хорватлар армиясида башанг галстуклар тақиш удум эди, шундай галстуклар тақиш Францияда модага айлануб кетди.

Лекомб мактублари — XVIII асрда овоза бўлган жиноят процессининг қаҳрамони Мария Лекомбнинг ишқий мактублари.

...«Кларисса Гарлоу»ни ўқиркан, Ловеласнинг ўқиришларига ҳамдард бўлади — «Кларисса Гарлоу» — инглиз адаби Ричардсоннинг (1689—1761) романи, Ловелас — шу роман персонажи, Клариссанинг ошиғи;

Арсиноя ва Араминта саҳналари — Арсиноя — Мольернинг «Мизантроп» комедияси персонажи, мунофиқ танноз типи. Араминта — инглиз драматурги В. Конгривнинг (1670—1729) «Қари бўйдоқ» комедияси персонажи.

Марварид шодаси воқеаси — Қиролича Мария — Антуанеттанинг марварид шодаси сотиб олгани ҳақида овоза бўлган можаро назарда тутилмоқда. Бу ишга кўплаб йирик француз давлат арбоблари, зодагонлар, руҳонийлар вакиллари ва бошқалар қўшилган.

Жан-Поль — атоқли немис ёзувчиси Иогани Пауль Фрид-

рих Рихтернинг (1763—1825) тахаллуси, унинг ижодида сентиментал идиллия ўткир сатира билан чатишиб кетган. Рихтер немис романтикларининг ижодига сезиларли таъсир кўрсатган.

Герцог Кларенс — инглиз қироли Эдуард IV нинг (XV аср) укаси; у ўлим жазосига ҳукм қилинган. Айтишларига қараганда, унга қатл усулини танлаш ҳаққи берилган ва у вино тўла бочкада чўқтиришларини сўраган.

...Херакл косаси... бу жаҳонни Искандардан озод қилди. — Айтишларича, Македониялик Искандар зиёфатда катта косада май ичиб ҳалок бўлган.

Евсевий Сальверт — француз ёзувчisi, файласуф ва сиёсий арбоби, 1823 йилда ёзилган «Одамларнинг, халқларнинг номи ва жуғрофий атамалар ҳақидағи фалсафий ва тарихий тажриба» китобининг муаллифи.

Баремона ахлоқ. — Берtrand Барем (XVII аср) ҳисобчилик бўйича маълумотнома тузган. Мазкур ўринда «баремона» сўзи майда — ҳисобкаш маъносида қўлланилган.

Ролен Шарль (1661—1741) — француз тарихчиси ва педагоги.

...қаршилик ҳаракатдан устун келди... — Иккита француз буржуза партияси: мўътадил ислоҳотлар ўтказишта ундовчи «ҳаракат партияси» ва ўзининг гумаштаси бўлмиш Луи Филипп юритаётган сиёсатни тўла маъқулловчи консерватив «қаршилик партияси» ўргасида 1830 йилдан кейин кечган кураш назарда тутилмоқда.

Андувлетлик аббатисса хоним — инглиз ёзувчisi Л. Стернинг «Тристрам Шенди» романи қаҳрамони аббатисса ҳақорат сўзларини айттаётганида «гуноҳнинг кам бўлиши» учун у сўзларни чала қилиб айттар экан.

...Вестоллинг хаёлий образлари... — Вестолл Ричард (1765—1836) Мильтон ва Шекспир асарларига суратлар чизган инглиз рассоми.

...император Николайнинг насрини афзал билмоқ... — Польшадаги 1830 йилги қўзғолон бостирилгач, Николай I нинг полякларга қаратса ҳақириғи назарда тутилмоқда.

Орас Бъяншон — табиб, Бальзакнинг «Инсоният комедияси»га кирган кўплаб асарларнинг қаҳрамони.

«Мана, нима учун қизингиз тилдан қолди!» — Мольернинг «Сохта табиб» комедиясидан олинган жумла.

Н. Муравьевева

Пале-Рояль — Париждаги қасрлар ансамбли — регистони, сиёсий минбар.

Руссо, Жан Жак — буюк француз маърифатчisi, «Юлия ёки Янги Элоиза», «Дил изҳори» асарлари муаллифи (1712—1778).

Тантал — қадимги Лидия подшоси. Юнон афсоналарига кўра, абадий азобга маҳкум этилган. Бўйнигача сувда турса ҳам ташналиги қонмаган, боши узра мевалар осилиб турса ҳам очликдан азобланган.

Россини, Жоакино — итальян бастакори, «Севилья сарта-роши» операсининг муаллифи (1792—1868).

Тюильри — француз қиролларининг қасри, Конвент мажлислари шу ерда ўтган.

Лувр — Француз қиролларининг саройи, дунёдаги энг йирик санъат музейларидан бири.

Биби Марям ибодатхонаси — Париждаги энг катта ёдгорлик, улуғвор меъморлик санъати намунаси, В. Гюго романни шу ибодатхонага бағищланган.

Приап — ҳосилдорлик ва севги тангриси Дионис, Вакхининг бошқача номи.

Тибул — Рим шоири, ишқий элегиялар автори (м. ав. 50—19 йиллар).

Юлия — Рим императори Октавиан Августнинг қизи, ишқпарат малика.

Ренессанс — Уйғониш даври: Шарқда IX—XVI асрлар, Фарбда XIV—XVII асрлар.

Бенвенуто Челлини — италиялик ҳайкалтарош, заргар, ўзининг ажойиб ҳаёти ҳақида хотиралар китоби ёзган (1508—1571).

Тенирс — фламанд рассоми. Деҳқонлар ва шаҳарлик ларнинг майший ҳаёти манзараларини тасвирлаган (1610—1690).

Сальватор Роза — итальян мусаввири, пейзаж устаси (1615—1673).

Жан Гужон — француз ҳайкалтароши, Луврни безаган (1510—1568).

Пуссен, Никола — буюк франциз мусаввири, Римда ижод қилган, қаҳрамонлик пейзажи устаси (1594—1665).

Микеланжело, Буонаротти — рассом, ҳайкалтарош, физик, меъмор, шоир, Италия Уйғониш даври мутафаккири (1475—1564).

Клод Лоррен — француз пейзажчи мусаввири, «Европанинг ўғирланиши», «Ганг», «Оқшом» асарлари муаллифи (1600—1682).

Герард Доу — рассом, голланд мусаввири (1613—1675).

Рембрандт, Харменс Ван-Рейн — буюк голланд рассоми (1606—1669).

Мурильо, Бартоломе — атоқли испан рассоми, «Бола билан кучук», «Кўча болалари асарлари машҳур (1617—1682).

Веласкес — рассом, Мурильо замондоши, улуғвор манзаралар устаси.

Байрон — буюк инглиз романтик шоири, лорд-хукумат

аъзоси. Грек халқининг миллий озодлик курашида ҳалок бўлган (1788—1824).

Рафаэль, Санти — Италия Уйғониш даврининг буюк мусаввири — (1482—1520).

Кореджо, Антонио — Рафаэль замондоши, мусаввир, Парма ибодатхонаси гумбазларини безаган.

Коринна — милоддан аввалги V асрда яшаб, ижод қилган юнон шоираси, Плутарх ёзишича, улуф шоир Пиндарнинг устоди. Овидий «Севги шеърлари»ни Кориннага бағишилган.

Кювье — буюк француз анатом-палеонтологи (1769—1832).

Фауст, Брокен — Табиатнинг сирли ҳодисаси — Брокен тоғидаги улкан соялар Фаустни ҳам қизиқтирган.

Декарт, Рене — буюк француз олимси, файласуф, физик, математик, шоир. (1596—1650).

Мирабо, Талейран, Питт, Меттерних — XIX асрда Европа тақдирига катта таъсир кўрсатган давлат арбоблари.

Лукулл, Луций — Рим лашкарбошиси, Митридат VI Евпатор армиясини енгиги, Кичик Осиёни забт этган (106—56).

Сатурналия — қадимги Римда ҳосил тангриси Сатурн шарафига ўтказилган байрамлар.

Картезиҷи — Декарт (Де-Картези) маслақдошлари.

Каватина — операда лирик оҳангдаги якка ашула.

Камбасарсе, Жан Жак — француз давлат арбоби, 9 термидор тўнтаришидан кейин Конвент раиси бўлган (1753—1824).

Гаргантюа — Франсуа Рабле романи қаҳрамони, катта иштаҳаси билан машҳур.

Сулла, Луций Корнелий — Рим лашкарбошиси ва сиёсий арбоби, аввал консул, сўнг диктатор (м. ав. 138—78).

Людовик Ҳун тўртинчи — француз қироли, 1643—1715 йилларда ҳукм сурган, у «Давлат — мен» деган экан.

Ришелье, Арман Жан — француз давлат арбоби, кардинал, Людовик XIII нинг министри (1585—1642).

Робеспьер, Максимилиан — инқилобий якобичилар диктатураси бошлиғи, атоқли француз давлат арбоби (1758—1794).

«Иликни суғурувчи мутафаккир» — Суқрот ҳаким на зарда тутилади.

Рабле, Франсуа — буюк француз сатирик ёзувчиси, машҳур «Гаргантюа ва Пантагрюэль» романи автори (1494—1553).

Монтэнъ, Мишель — француз Уйғониш даври мутафаккири, «Тажрибалар» асари муаллифи (1533—1592).

Макбет — Шекспир трагедияси қаҳрамони; аввал садоқатли, мард жангчи, сўнг ёвузлик билан подшоликка интилади. Макбет хоним ҳам уни ёвузликка ундейди.

Сибаритлар — қадимги юонон ўлкаси — Сибарисда яшаган бадавлат, эрка-тантық одамлар.

Мефистофель — Шайтон, Иблис, Оlam сирларини билишга интилган Фауст билан ҳамиша баҳслашиб, ҳаракатга чақиради, ёвуз ишларга ундейди.

М. Маҳмудов.

На узбекском языке

Оноре де Бальзак

ГОВСЕК
ШАГРЕНЕВАЯ КОЖА

Редактор М. Турсунов

Рассом В. Плетухин

Расмлар редактори А. Бобров

Техн. редактор Э. Сайдов

Корректор М. Абдусаломова

ИБ № 1012

Босмахонага берилди 27.03.1980 й. Босишга руҳсат этилди 28.01.1981 й.
Формати 60×90 $\frac{1}{16}$. Босмахона қоғози № 2. Адабий гарнитура. Юқори босма. Шартли босма л. 18,5. Нашр. л. 19,54. Тиражи 600000. Заказ № 3007.
Баҳоси 1 с. 50 т.

Гафур Фулом номидаги Адабиёт ва санъат нашриёти, 700129, Тошкент,
Навоий кӯчаси, 30.

Ўзбекистон ССР Нашриётлар, полиграфия ва китоб савдоси ишлари
Давлат комитетининг Тошкент «Матбуот» полиграфия ишлаб чиқариш
бирлашмаси. Тошкент, «Правда Востока» кӯчаси, 26.

*Редактор Ҳ. Эргашев
Рассен Ш. Булгаков
Расмилар редактори Э. Валиев
Тех. редактор Л. Ильина
Корректор М. Абдушукурова*

*Босмахонага берилди 15/II 1968 й. Босишига
руҳсат этилди 24/V 1968 й. Формати 84×108/32-
9,62. Шартли босма л. 9,66. Нашр л.
бадний алабиёт намриёти. Тошкент, Навоний
кӯчаси, 30. Шартнома*

*Узбекистон ~~Министрлар~~ Матбуот
Давлат комитетининг З-босмахонасида
хизозла босида.*